

9/7
1901
Ս. ՍԱՊԱՀ-ԳԻՒԼԵԱՆ

**ԲԱՌԵՐԻ ԵՒ ԵԶՐԵՐԻ
ԲԱՑԱՏՐՈՒԹԻՒՆՆԵՐ**



Պ Ո Ս Թ Ո Ն

1927

Հրատ. Ս. Գ. Հնչակեան Կուսակցութեան Ամերիկայի և
Կեդր. Վարիչ Մարմնի

ՄԱՏԵՆԱՇԱՐ «ԵՐԻՏԱՍԱՐԴ ՀԱՅԱՍՏԱՆ»Ի, ԹԻԻ 30

4/47.925)
U-20

2573

1856

ապ

6944

~~277~~

ԲԱՌԵՐԻ ԵՒ ԵԶՐԵՐԻ ԲԱՑԱՏՐՈՒԹԻՒՆՆԵՐ

Գ ր ե ց

Ս. ՍԱՊԱՀ-ԳԻՒԼԵԱՆ



ՊՈՍԹՈՆ

1927

Հոկտեմբերեան Յեղափոխութիւնից յետոյ՝ ընդհանուր Սօցիալիստական եւ Մարքսիստական գրականութեան մէջ՝ իրար հակասող շփոթութիւններ ծագեցան Սօցիալիստո-Մարքսիստական տեքստիլայօգիտի նկատմամբ:

Այն բաներն ու եզրերը, որոնք Հոկտեմբերեան Յեղափոխութիւնից առաջ, գրեթէ միատեսակ ըմբռնումով էին գործածուում, յետոյ սկսեցին ահագին տարբերութիւններով հասկացուիլ. եւ այսպիսով, երեք-չորս տարի, մեծ շփոթութիւն ստեղծուեց:

Այդ շփոթութեան գոհ ուզեցին անել Սօցիալ Դեմօկրատ Հնչակեան Կուսակցութիւնը. եւ նրա շուրջը ստեղծել զանազան քիւրիմացութիւններ՝ գաղափարական տեսակէտից:

Սակայն մենք չը դադրեցինք շարունակ պնդելու եւ հաստատելու, որ իսկական մարքսիստներ ենք մենք եւ բաների ու եզրերի նկատմամբ՝ երբէք չեղած չենք մարքսիստական առումից:

Մեր հակառակորդների մի մասը չի դադարեց բռնուովին զինաբափ լինելուց. նրանց այնորժեռի էր Ս. Գ. Հնչակեան Կուսակցութիւնը պարուրած պահել այդ շրջափոթ մթնոլորտի մէջ. բէեւ, հակառակորդ մեծամասնականները, իրենց Պատգամաւորական ժողովին, — ըստ Գ. Շահվերդեանի ասութեան — առաջարկ էին բերել՝ նեցուկ եւ սատար հանդիսանալ Սօց. Դեմ. Հնչ. Կուսակցութեան, մանաւանդ արտասահմանում: Բայց, պատգամաւորների մի մասը, որոնք մեր մշտական հակառակորդներն են եղած, այն հարաստիացումն էին տուած ժողովին, որ իրենք ստույգ տեղեկութիւն ունին, որ արդէն, Ս. Գ. Հնչակեանները պատրաստուում են, ամբողջապէս, անուրելու մեծամասնական Կուսակցութեան մէջ:

Այդ թիրիմացութիւնները՝ մեր կուսակցութեան նը-
կատմամբ՝ դեռ կան:

Թէեւ վստահ եմք, որ սպազան եետգիտէ ցոյց պի-
տի տայ՝ մեր կուսակցութեան գուտ եւ անխառն մարք-
սիստական լինելը:

Կամուռնիզմը կ'իրականանայ, երբ Սօցիալիզմի տի-
րապետութեան առաջին շրջանին մէջ՝ իւրաքանչիւր աշ-
խատաւոր կըստանայ իր աշխատանքի համեմատ վարձ:

Լեւինը Մարքսի գաղափարը չընդունեց. եւ ա-
ռաջին օրից իսկ՝ դրեց. «Եւրաքանչիւր աշխատաւորի իր
կարիքին համեմատ վարձ» սկզբունքը:

Մենք համակարծիք գտնուեցինք Լեւինի հետ՝ միայն
այս կէտի մէջ. թէ չէ՝ դասակարգային կոչիւր եւ պրօ-
լետարական դիկտատուրան մեր պաշտպանած սկզբունք-
ներն են եղել, անընդհատաբար, մեր գոյութեան տարի-
ների ընթացքում:

Իսկ Սօվիէդական կարգերը՝ մենք ամենայն անվե-
րապահութեամբ ընդունեցինք ու նրա պաշտպանը հան-
դիսացանք մինչեւ այսօր եւ այսուհետեւ էլ պիտի շարու-
նակենք:

Մեր կուսակցութեան շուրջ եզոզ թիրիմացութիւն-
ները փարստելու համար է՝ որ 43-րդ Պատգմ. Ժողովի
համաձայն, Ամերիկայի Շրջանի վարիչ Մարմինը լոյս է
ընծայում սոյն գրեղնքը:

Վստահ եմ, որ իմ սիրելի ընկերները՝ առանց սայ-
քաբումբի եւ դեղեւումբի, կառչած կը մնան իրենց կուսակ-
ցութիւնից, որ պատմական այնքան մեծ դեր է կատարել
եւ դեռ կատարելիք էլ ունի:

Մ. Աւագան — Օրհնութիւն

1927, Հոկտ. 23

Իւնիքն-Սիբի



ԸՆԿ. Ս. ՍԱՊԱՀ-ԳԻԻԼԵԱՆ
(1903-ԻՆ)

Ա. ՄԱՍ

ԲԱՆԻՒԻ ԵՒ ԵԶՆԵՐԻ ԲԱՑԱՏՈՒԹԻՒՆԵՐ

Ա. ՄԱՍ

ԲԱՆԻՒԻ ԵՒ ԵԶՆԵՐԻ ԲԱՑԱՏՈՒԹԻՒՆԵՐ

ՆԵՐԱԾՈՒԹԻՒՆ

Շատ անգամ խնդիրներ, վէճեր, բանակոխներ են տեղի ունենում՝ բառերի եւ եզրերի նախապէս ճշտուած չը լինելուն համար:

Երբ Ֆրանսիացի տաղանդաւոր վիպասան՝ Էմիլ Զօլան հիմնադրեց ռէպլիկմը եւ ռէպլիստական դպրոցը. — այդ ժամանակ կատաղի պայքար սկսեցին իր դէմ: Բանափէճը շարունակուեց, գրեթէ, երկու տարի: Երկու տարի անցնելուց յետոյ՝ երբ վիճողները յուզեցան, հարց ծագեց թէ՛ «նախ նշտենք բառերն ու եզրերը եւ նրանց սահմանադրումները»: Եւ արդարեւ, «բառերն ու եզրերը, սահմանադրումները» ճշտելուց յետոյ միայն, ինչպէս ասում է յայտնի քննադատ Բրունտիտերը, ընդգիմախօսներից շատերը տեսան, որ իրենք էլ համակարծիք էին Զօլային:

Նոյն երեւոյթը տեղի է ունեցել դիտութեան ա՛յլ ճիւղերի, մանաւանդ փիլիսոփայութեան պատմութեան մէջ:

Մեր մէջ բառերն ու եզրերը գործ են անում առանց նախապէս ճշտուելու. ամէն մէկը իր տեսակի հասկացողութիւն ու սահմանադրում է բերում, կամ, կարծում է, թէ միւսն էլ իր նման է հասկանում, ուստի, յաճախ, յառաջանում են թիւրիմացութիւններ, աւելորդ հակառակախօսութիւններ, որ տրուած հարցը աւելի խճողում է, քան թէ պարզաբանում:

Մեթոտը, որ պիտի ընդունենք բառերի եւ եզրերի ճշտման համար — պիտի լինի պատմականը: Պատմական մեթոտով՝ խնդրին քայլ առ քայլ մօտենալով, աստիճանական զարգացման եւ հասկացողութիւնների ուղին բրնելով է, որ պիտի կարողանանք որոշեալ եզրակացութիւնների յանդիլ եւ մեր յառաջադրած ճշտումները կատարել:

Ուստի յառաջ եթեմք առ քայլ առ քայլ:

ՍՕՑԻԱԼԻԶՄ

Սօցիալիզմ (Սօսիալիզմ) բառը ծագում է լատինական socialis — ընկերային (socius — ընկեր) բառից :

Գերմանացիները լատիներէն Ե գիրը հնչում են ց-ով, իսկ Ֆրանսացիները նոյն Ե գիրը հնչում են ս-ով :

Գերմանական հնչիւնով հայացուածը արտաբերում է Սօցիալիզմ . իսկ Ֆրանսիականին հետեւելով Սօսիալիզմ :

Գերման հնչիւնին են հետեւել Ռուսները, ինչպէս եւ Սլաւոնական միւս լեզուները :

Ընդհակառակը՝ Ֆրանսիականին են հետեւում բոլոր այն լեզուները, որոնք լատինական ծագում ունին (Իսպանիա, Պորտուգալիա, Իտալիա, Ռումանիա, Եւայլն) :

Անգլո-Սաքսոնները լատինական Ե գիրը հնչում են շ-ով : Ուստի Սօշլիզմ է նրանց արտասանածը :

Եթէ մենք մեր հին՝ գրաբարեան տառադարձութեան հետեւէինք — սլտի հնչէինք Սօկիալիզմ : Որովհետեւ լատինական Ե գիրը մեր գրաբարի մէջ փոխանցուել է կ-ով : Օրինակ՝ Cilicia հնչում ենք Կիլիկիա, Sicilia — Սիկիլիա, Tacitus — Տակիտոս, Carthagene — Կարթագինէ, Saracine — Սարակինոս Եւայլն, Եւայլն :

Բայց որովհետեւ մեր Արեւելեան նորագոյն գրականութեան մէջ մտել է գերմանական եւ ռուսական հնչիւնը, ուստի այդ մասի մէջ, անխտիք, գործ է ածուում Սօցիալիզմ . իսկ Արեւմտահայ գրականութեան մէջ, Ֆրանսիականին հետեւելով՝ Սօսիալիզմ :

Մեր կուսակցական գրականութիւնը միշտ էլ գործ է ածել Սօցիալիզմ : Մենք մեզի հետեւողական սլտի մընանք :

Ուրեմն Սօցիալիզմ բառի ծագումը գալիս է լատինական ընկերային, ընկեր բառից :

ՍՕՑԻԱԼԻԶՄԻ ՊԱՏՄԱԿԱՆԸ

Սօցիալիզմ բառը առաջին անգամ գործ է ածուել Անգլիացի Ռօբերտ Օվէնի վարդապետութիւնների մասին : Անգլիական Մանչէստր քաղաքի՝ պատուելի Ժ . Հ . Ռօբերկի (Roebuck) եւ Ռօբերտ Օվէնի միջեւ ծագած բանակոտի ժամանակ՝ առաջին անգամն է, որ Սօցիալիզմ բառը գործ է ածուել, ինչպէս ասում է Անգլիական Հանրագիտարանը :

Ֆրանսիացի Պիեռ Լըռուէն այդ բառը, առաջին անգամ, գործ է ածել Ֆրանսիայում՝ 1838-ին :

Ռէյբոն սրանցից յետոյ է բառը ընդհանրացրել՝ իր յայտնի «Նորագոյն Սօցիալիստներ» (Socialistes Modernes) գրուածքով :

Այդ ժամանակները Սօցիալիզմ բառով էին արտայայտում «Հարստութեան արդար եւ լաւագոյն բաշխման զազափարը», ինչպէս եւ «Արտադրութեան կատարուելը կեդրոնական իշխանութեան կողմից» : Բայց մեր խօսքը, հիմա, սահմանաւորումի մասին չէ, թէ ի՞նչ է Սօցիալիզմ . այլ տալիս ենք միայն պատմականը :

Հայերէն լեզուի մէջ՝ Սօցիալիզմ (Սօսիալիզմ) բառի փոխարէն, յաճախ, գործ են ածուում ընկերվարութիւն, ընկերվարականութիւն բառերը, որ սխալ է թէ զազափարի եւ թէ մտքի տեսակէտից : Բառի կազմութիւնն էլ խառնուրդ է լատինականին եւ յունականին հետեւելով :

Մեր Արեւելեան գրականութեան մէջ գրող-գործիչները — ինչ ճիւղի էլ որ պատկանին — մի տեսակ ընդհանուր հիւանդութիւն, ընդհանուր սովորութիւն ունին եւրոպական կամ ռուսական ծագում ունեցող բառերը նոյնութեամբ փոխանցել՝ թխել-դնել Հայ լեզուի մէջ, առանց ուշադրութիւն դարձնելու, որ այդ բառի իսկականը շատ վաղուց արդէն կայ մեր լեզուի մէջ : Մոլութիւնը

ախտեղ է հասել, որ փոխանակ արդէն եղած հայերէն բառերը գործածելու, նրանք թխում-դնում են օտար բառերը անփոփոխ, երբեմն անհասկանալի լինելու աստիճան տարօրինակ հնչիւններով և տառադարձութիւններով: Արեւելեան գրականութեան մէջ այդ ցաւով բնուողները առաջնորդուած են երբեմն տգիտութիւնից, երբեմն էլ սնապարծութիւնից: Այդպիսիները կարծում են, որ իրենց գրուածքի մէջ աջ ու ձախ օտար բառեր գործածելով է՛լ աւելի հեղինակութիւն ձեռք կը բերեն, որպէս շատ բան գիտցողներ՝ հասարակ ընթերցողներին առաջ: Մեր Արեւելքիները այդ ընդհանուր մարմաջը ունին, թէև քառութիւններ կան՝ բարեբախտաբար:

Մեր Արեւմտեան գրականութեան մէջ գործող-գրիչները ճիշտ հակադիրն են Արեւելքիներին: Սրանք ձրգտում են ամէն նոր բառ հայացնել, ինչ գնով կը լինի թող լինի. փոյթ է թէ միտք չունենայ, եւրոպական նոր բառի ճշգրիտ միտքը չարտայայտուի — չէ՛, ինչ լինի, միտքն առնելով լինի: «Ազգային լեզուի խաթարում», «Ազգային լեզուի արժանապատուութեան դէմ» է նկատուած, երբ եւրոպական մի նոր բառ մտցուած է լեզուի մէջ. թէև այլպէս էլ անկարելի լինէր անել: Ուստի ամէն բառ հայացնել, ինչորոյ առարկայ եղող նոր բառի միտքը ազնասելով, պաշտօնելով, — նպատակն է հայացում: Այդ տեսակ միտք, իմաստ չունեցող բառեր լինեն են մասնաւորապէս մեր Արեւմտահայ գրականութեան մէջ: Երբեմն բառեր են թխում, որոնց միտքը անկարելի է լինում հասկանալ, մինչև որ իսկական — եւրոպականը չը գտնեն: — Սա էլ մի ուրիշ հիւանդութիւն, մի այլ տեսակի սնապարծութիւն: Մանաւանդ որ սրանք խօսում են «ապագա-գային լեզուի մաքրութեան, դոման, արժանապատուութեան» տեսակէտից:

Մինչդեռ մեր նախնիքը, բոլոր դարերում, մասնաւորապէս Հինդերորդում, բնառ այդպիսի նեղմտութեամբ

չեն առաջնորդուել նոր բառերի և ասացուածների նկատմամբ՝ երբ հարկ է տեսնուել փոխանցելու հայերէնի մէջ:

Յունական, Լատինական և այլն ծագում ունեցող հարիւրաւոր բառեր ունինք (մասնաւորապէս փիլիսոփայական, պատմական, աշխարհագրական, իրաւագիտական) մեր լեզուի մէջ, որոնք այսօր համարուած են «ազգային», «հարագատ», և ոչ թէ խորթ, օտար:

Այս մոլութիւն-հիւանդութիւնն էլ կատարուել է Սօցիալիզմի (սօսիալիզմ) բառի հայացման նկատմամբ:

Ընկերավարութիւն, ընկերավարականութիւն բառը կազմուած է, լատինական ընկեր, և յունական կրատի — cratia (վարիչ, վարող, պետ) բառերին հետեւելով:

Օրինակ ունինք Democratie բառը, որ գալիս է Demos — ժողովուրդ և cratia (վարող, պետ) բառերից. և Democratie մեր մէջ թարգմանուել-անցել է ժողովրդապետութիւն, ժողովրդավարութիւն բառերով:

Ուրեմն լատինական ընկեր և յունական կրատիա բառերը քով քովի բերել բարդելով՝ ստեղծուել է ընկերավարութիւն, ընկերավարականութիւն, որ տառացի իմաստով կը նշանակէ ընկեր ընկերոջ վարող, ընկեր ընկերոջ պետ ... որպէս թէ: «Ընկերավարական» սխտեմի մէջ՝ ընկեր ընկերոջն է վարողը, ընկերը ընկերոջ պետն է:

Սա իսկական մի արտասուցութիւն է գաղափարի և մտքի, սահմանաւորումի տեսակէտից:

Ուստի գաղափարի, սկզբունքի դէմ կատարեալ մեղանշում, խառնափնդորութիւն ստեղծել է՝ ընկերավարութիւն, ընկերավարականութիւն բառերը գործածելով:

Գաղափարի, մտքի սկզբունքների տեսակէտից՝ անհրաժեշտ է և հրամայական գործածել արդէն ընդհանրացած, միջոգապայանցած Սօցիալիզմ (Սօսիալիզմ) բառը:

Սօցիալիզմի պատմականը թերի կը լինէր, Լիբէ մենք յառաջ երթայինք, ուրիշ բառերի և եզրերի բացատրու-

քեանք գրադուէինք, առանց նախապէս այն շատ այլոց եւ իրականապէս նշանակութիւն ունեցող հարցին մօտենալու թէ ո՞վ, ովքե՞ր, ո՞ր կուսակցութիւններն են եղած, որ հայ իրականութեան մէջ առաջին անգամ քարոզել են Սօցիալիզմը ընդհանրապէս, Մարքսիզմը՝ մասնաւորապէս:

Արդ հարցը հետաքրքիր է իր առարկայնութեամբը, եւ առանձին նշանակութիւն ունի Հայ նորագոյն մտքի, Հայ նորագոյն մշակոյթի, Հայ նորագոյն պատմութեան եւ գրականութեան տեսակէտից:

Մնդրին չպիտի մօտենալ անձնական, կուսակցական հակումներով եւ միտումներով, այլ առարկայօրէն. առարկան է, որ պիտի բացատրուի, մեկնաբանուի պատմականօրէն: Այստեղ էլ պատմական մեքոտն է, որ կը խօսի, դայ պատասխան տայ եւ հարցը լուծուի. եմքակայնութիւնը (subjectivite') այստեղ գործ չպիտի ունենայ, որպէս զի հարցը չխրճըծուի, փոխանակ լուսարանելու, միութեան եւ անստուգութեան ոլորտներէ մէջ չը մնայ՝ որպէս մի առեղծուած ապագայ՝ եկող սերնդի համար:

Ութսունական թուականներէ մեր երիտասարդութեան մի մասը դեռ ողջ է. շատերը ասպարէզից իջած՝ հանգըստեան բոլիներ են վայելում, որպէս ծերացածներ՝ գործօն կեանքի համար անուժակարողներ. բայց եթէ ոչ շատերը, գէթ շատերից մի մասը դեռ կայ, որոնք գրական-հասարակական, քաղաքական կեանք են վարում, դեռ իրենց թարմութիւնը չեն կորցրել, իրենց ոյժերի եւ կարողութեան սահմանների մէջ գործում են: Կեանքի հոսանքը կանգնեցնել չի կարելի. առօրեայ կեանքը, հըրատապ խնդիրները, բոլիքի պահանջները այդ սերունդի մնացորդներին ստիպում են կլանուիլ, զբաղուիլ բացառապէս այն հարցերով, որ բոլիքն իրենց առաջը դրել է. բազմազբազ վիճակը նրանց թոյլ չի տալիս պատմական

խնդիրներով շատ պարապելու, — բայց, այնուամենայնիւ, այդ վտերաբանները պէտք է որ մի կարգ պատմական խնդիրների վերադառնան, իրենց բազմազբազ վիճակից բոլիներ պիտի տրամադրեն, անդրադառնալու համար յետ՝ դէպի այն օրերը, որ օրերից ծագում են առնում մի կարգ խնդիրների սկզբնաւորութիւնը, մեկնակէտերը:

Եթէ այդ, Ութսունական, սերնդի մնացորդներն էլ աչքերը փակեն, յաջորդները, եթէ ո՛չ անկարելի, գէթ շատ զժուարութեամբ պիտի կարողանան լուծուելիք մի կարգ հարցերի միջից դուրս գալ, որոնցից մէկն է Սօցիալիզմի, Մարքսիզմի գաղափարաբանութեան մուտքը Հայոց մէջ:

Լաւ կը լինի, որ Ութսունական թուականների երիտասարդութիւնը, նրանք՝ որոնք մեր նորագոյն պատմութեան, նորագոյն մտածմունքի (pensée) մէջ դեր են խաղացել՝ աւելի կամ պակաս չափով, — լաւ կը լինի, որ այդպիսիները, նախ քան իրենց մահկանացուն կնքելը, հասարակական ժառանգութիւն դարձնեն իրենց յիշատակները, յուշագրները եւ դրանց հետ միասին ցոյց տան այն ազդիւրները եւ տարրերը, որոնք կոչուած պիտի լինին վերաառուգելու իրենց ասած խօսածները, իրենց դրած-թողածները:

Ուրիշ ազգերի գրականութեան մէջ այդպիսի ատաղձներ լինն են, մեր մէջն է պակասը, — ահա՛ այդ պակասը պէտք է լրացնել:

Ու սրա համար էլ հարցը դնում ենք այսպէս. —

— Ո՞վ, ովքե՞ր, ո՞ր կուսակցութիւնն է, որ առաջին անգամ Հայ մտածմունքի, Հայ գրականութեան, Հայ հասարակագիտութեան, Հայ նորագոյն՝ քաղաքական, տընտեսական, ընկերային պատմութեան բաժինը, ազգակներն է արել այն գաղափարները թէ՛ մարդկային ընկերութեան — հետեւաբար ազգերի — պատմութիւնը ո՛չ այլ ինչ է, եթէ ոչ դասակարգային կոուի պատմութիւն:

փոքր ու մեծ շարժումները տնտեսական պահանջներից են եկել: Եղել է, կայ երկու դասակարգ՝ տիրող և տիրուող. տիրող դասակարգը իր ձեռքին մէջն է առել արտադրութեան, հարստութեան, հաղորդակցութեան, փոխանակութեան բոլոր միջոցները և իր տիրապետողի պետութեան միջոցով՝ տիրուող դասակարգին հարկադրել է ենթարկուել իր դասակարգային շահերից բխած օրէնքներին, վարչաձևերին, կարգ ու կանոնին, բարոյագիտութեանը, կրօնին և սովորութիւններին: Տիրուող դասակարգը իր սեպհական կազմակերպութեամբ է, որ յեղափոխութեան միջոցով իր վրայ ծանրացած տիրողի ամէն տեսակի լուծելը պիտի խորտակի, հաստատի տիրապետողի, շահագործուողի — պրօլետարիատի — գերիշխանութիւնը, ջնջի ընկերութեան միջից դասակարգերը և արտադրութեան, փոխանակութեան բոլոր միջոցները ընկերականացնի, յառաջացնի, իրականացնի Սօցիալիստական ընկերութիւն, որպէս նախագուռը կոմմունիստական ընկերութեան:

Ներկայ, ժամանակակից ընկերութեան մէջ երկու դասակարգեր կան՝ բուրժուա-կապիտալիստական, որ արտադրութեան բոլոր միջոցների տէրն է և Աշխատանքի ներկայացուցիչ պրօլետարիատը, որ թէեւ ինքն է իսկական արտադրողը, բայց արտադրութեան գործիքներից զրկուած է և շահագործուած է ամենարիտ կեդրով՝ սովամահութեան մէջ տապալակելով: Ո՞վ պիտի գայ ներկայ ընկերութեան մէջ տիրող հակասութիւնները վերացրնելու, այդ հակասութիւնները լուծելու: Էնգէլսի խօսքով — «Պրօլետարիատը իր ձեռքը պիտի առնի, պիտի խի ժողովրդական իշխանութիւնը, և այդ միջոցով՝ արտադրութեան միջոցները ձեռափոխի, ընկերականացնի և բուրժուազիայի ձեռքից հանելով՝ ժողովրդական սեպհականութիւն դարձնի: Այդ գործողութեամբ՝ պրօլետարիատը ազատագրուած է արտադրութեան միջոցները՝ իր

7858
1000
1000
2543
277

կապիտալիստական բնոյթից, և նրանց տալիս է ընկերային բնոյթ՝ լիակատար ազատագրութեամբ ինքն իրեն համար գործելու: Դրանից յետոյ միայն՝ հնարաւորութիւն կը լինի կանխորոշ մի յատակադժով ընկերային արտադրութիւն կատարել: Դրանից յետոյ՝ այլևս ժամանակավրէպ (անախօծնիզմ) կը դառնայ դասակարգերի գոյութիւնը ընկերութեան մէջ: Երբ ներկայ (կապիտալիստական) ընկերութեան միջից արտադրութեան անիշխանական ձևը կը չքանայ, ինքնին այլևս Պետութիւնը կը մեռնի: Վերջապէս մարդը կը դառնայ իր սեպհական ընկերային կազմակերպութեան տէրը, կը դառնայ Բնութեան տէրը և իր սեպհական ազատ տէրը:

«Տիեզերական ազատագրութեան այս գործողութիւնը կատարելը, իրականացնելը՝ նորագոյն պրօլետարիատի պատմական միտքն է: Որպէս զի լիակատարապէս հասկանայ պատմական պայմանները և իր գործունէութեան իսկական բնոյթը, որպէս զի ճշուած պրօլետար դասակարգին լիակատար գիտակցութիւն հաղորդուի գոյութիւն ունեցող պայմաններին և իր կատարելիք գործի դադարալիսային նշանակութեան մասին, — զա պրօլետարական շարժման տեսական արտայայտութեան գործն է, որ է՝ Գիտական Սօցիալիզմը»:

Ո՞վ, ովքե՞ր, ո՞ր կուսակցութիւններն են այս գաղափարները հայ կեանքի, Հայ Պրօլետարիատի, հայ մտածմունքի շրջանակի մէջ մտցնողները, նրանց կեանք տուողները՝ մեր իրականութեան մէջ:

Հայ կեանքը հոգը տալիս էր. հարկաւոր էր այդ կեանքը արտայայտել Գիտական Սօցիալիզմի տեսութիւնից առաջնորդուելով, մտածմունքի նոր եղանակ, բացատրութիւնների նոր մեթոտներ կիրարկելով — ո՞վ, ովքե՞ր եղան այդ ազդակը, այդ ազդակները:

Ո՞չ տիրող ազգ պիտի լինի, ո՞չ էլ տիրուող, — բոլոր ազգերը համահասար իրաւունքներ պիտի ունենան, ազ-



գալին անհատականութիւնը — որպէս պատմա-անհատական՝ գոյացութիւն — անձեռնմխելի պիտի լինի: Ինքնորոշման իրաւունքը թէ՛ մեծ եւ թէ՛ փոքր ազգերի համար անձեռնմխելի իրաւունք պիտի ճանչցուի, — ո՛չ մի բռնաբարում, ո՛չ մի ճնշում, տիրապետութեան ո՛չ մի ձեւ: Սօցիալիստ դաշնակցութեան կազմութեամբ, — Մարքսիստական Կոմմունիզմի ընդհանուր տիեզերական հիմունքներով:

Գիտական Սօցիալիզմի, Մարքսիզմի, ի մի բան, առաջին առհասարակը, առաջին քարոզողը, նրանց համար առաջին պայքարողը՝ անհատարար թէ՛ հաւաքաբար՝ ո՞վ, ովքե՞ր, ո՞ր կուսակցութիւններն են եղել մեր՝ Հայ իրականութեան մէջ:

Խնդիրը, ինչպէս ասացինք, պատմական նշանակութիւն ունի: Այստեղ կուսակցական կրքերը չէ, որ պիտի բորբոքուին, ո՛չ էլ քմածին, երեւակայական ենթադրութիւններով պիտի առաջնորդուիլ, ուղղղ-չուղղղի խօսք մի՞ կողմ. իմ ու քննութիւնը չպիտի լինի, այլ պիտի խօսի աւարկան ինքը, պատմական մեթոտը, սառը դատողութիւնը՝ անհերքելի տուիքներով առաջնորդուելով:

Եւ այս ուղղութեամբ որքան շատ խօսուի, որքան շատ գրուի, որքան շատ վիճարանութիւններ լինին, — այնքան աւելի լաւ: Թող ամէն ոք իր գիտացածը հրապարակ դնի՝ ինչքի լուսարանութեան եւ որոշեալ եզրակացութեան յանգելու համար:

«Հայաստանի Կոմմունիստ Կուսակցութեան» անդամները մասնաւոր հետաքրքրութիւն են ցոյց տալիս դրուած այդ հարցերի նկատմամբ, մասնաւոր վերջերս:

Առնենք, ուրեմն, հարցը, պատմականապէս:

Այստեղ, որպէս նախապայման, մենք մի կողմ ենք թողնում Արեւմտահայ դրականութեան մէջ գործիչ-գրիչները. միշտ այն նկատումով, որ նրանք, սօցիալիզմի տեսակէտից, ո՛չինչ չեն բերել. միայն այդ չէ՝ մեր նորա-

գոյն մտածմունքի մէջ նրանք եւ ո՛չ մի մասնակցութիւն ունին. առ առաւելն եղած են հետեւադասիան, յաճախ էլ անգիտակից, կոյրղկուրայն հետեւողական, չապիկինի ամէն ըստէ փոխելու բնոյթազոյժ՝ նայելով տեղին եւ ժամանակին: Արեւմտեան մեր դրականութեան մէջ հասցիւ ալօս կերպով արձագանգուել, տեղ է գտել 40-50-ական թուականների եւրոպական դէմօկրատական գաղափարները, ո՛չ աւելին. իսկ դրանք էլ ո՛չ մի ազդեցութիւն են գործել Հայ զանգուածի, գործաւորութեան, գիւղացիութեան վրայ. դրանք լոկ դրական տեսութիւններ են եղած՝ կղզիացած ձեւով մի որոշեալ քաղքենի ընթերցողների համար: Հայ նորագոյն կեանքի մէջ նրանք այլք չեն կազմած, հոսանքներ չեն յառաջացրել: Այդքան միայն:

Մօտենանք Արեւելահայ դրականութեան. նորագոյն մտածմունքը, հասարակագիտութիւնը, շարժման տարբերը, գործօնները այնտեղից են դալիս: Պատմութիւնը այդ ուղին, այդ թեւն է տալիս՝ խնդիրներին մօտենալու համար:

Ո՞վ է եղել Սօցիալիզմի, Մարքսիզմի մասին, առաջին անգամ, խօսք անողը մեր մէջ: Ծագումը, սկզբնաւորութիւնը ո՞րտեղից է դալիս:

Առ այժմ մի կողմ ենք թողնում Սօցիալ Գէմօկրատ Հնչակեան դրականութիւնը եւ նրա մէջ խօսող-գրիչները:

Գիմում ենք դուրսերը:

Եթէ չենք սխալուում՝ Ալ. Մարտունին (Միսանիկեան) առաջին փորձը արեց այդ ուղղութեամբ, չենք յիշում գրքոյկով թէ՞ յօդուածով: Բայց դրեց, հարցը արժարձեց:

Եւ ի՞նչ ասաւ.

Այն՝ որ մեր բանաստեղծ Միքայէլ Նալբանդեանը եւ գել է Սօցիալիստ, Սօցիալիստական գաղափարներ է տաբածել, առաջին անգամ: Գրողը ի՞նչ հիմունքներ, ի՞նչ տուիքներ էր ունեցել — քննութեան էր առել Միքայէլ

Նալրանդեանի «ԵՐԿՐԱԳՈՐԾՈՒԹԻՒՆ» անունով գրքոյկը, որ մեր գրականութեան մէջ մեծ դեր է խաղացել եւ երիտասարդութեան վրայ զօրեղացէս ազդել, ու այդտեղից վերլուծումներ կատարելով՝ յանգել էր այն եզրակացութեան, որ հայ սօցիալիզմին նախահայրը եղել է Նալրանդեանը:

Ժամանակին, թէեւ շատ անցողակի կերպով, գիտել տրուած է եւ քննադատութեամբ հաստատուել, որ Միքայէլ Նալրանդեանը ո՛չ Սօցիալիստ է եղած, ո՛չ էլ, մանաւանդ, Մարքսիստ: Նա՛ ո՛վ շատ ու քիչ տեղեկութիւն ունի անտեսագիտութեան պատմութիւնից, գիտէ որ Միքայէլ Նալրանդեանի ասած-խօսածները, նրա ԵՐԿՐԱԳՈՐԾՈՒԹԻՒՆԸ շատ համառօտակի՛ քաղուածոյ արտայայտութիւններն են ՖիզիօկրԱՏԻՉՄԻ: — Ազգերի կեանքի բարգաւաճումը, նրանց նիւթական հարստութիւնը պիտի գայ երկրագործութիւնից, երկրագործութիւնն է հարստութեանց միակ աղբիւրը. ուստի նրան է, որ պետութիւնը եւ հասարակական բարգաւաճման ձգտողները՝ ոյժ եւ խնամք պիտի տան: Ֆրանսացի դօկտօր Քենէի (Quesnay) երկրագործական աղիւսակները այնքան պարզ, մեկին, որոչ են, որ այդ մասին կասկած անդամ չեն թողում. նրա ազդեցութիւնը շատ մեծ է եղել ընդհանուր Եւրոպայի եւ Ռուսաստանի վրայ: Նալրանդեանը ֆիզիօկրատիզմի քարոզող ներկայացուցիչն է եղել մեր մէջ, ուրիշ ոչինչ: Ի՞նչպէս, ինչո՞վ կարող էր հայ ազգը զարգանալ, բարգաւաճիլ, բարօր կեանք եւ կացութիւն ունենալ — երկրագործութեամբ: Ահա Նալրանդեանի թէզը եւ դրած թէզի պատասխանն է, որ տալիս է իր «Երկրագործութիւն» անունով գրքոյկի մէջ:

Պատմութիւնը, Սօցիալիզմի գաղափարը խեղաթիւրել, աղճատել, աղաւաղել, բռնագրօսիկութեան ենթարկել է, դիտումնաւոր կերպով այս ու այն կողմ երթալ է, երբ ասում է, որ Ֆիզիօկրատիզմի տարածող-գաղափար

բարան Նալրանդեանը եղել է Սօցիալիստ: Այդպիսի բան չկայ: Դօկտօր Քենէի աղիւսակները եւ Նալրանդեանի խօսքերը դէմ զիմաց դնելով՝ երկուսի նոյնութիւնը մի անգամից արտացոլանում է եւ ամէն կասկած փարատում — Ո՛չ: «Մեր Հայրենիք»-ի երգիչը չէ՛ եղած եւ չէ՛ Սօցիալիզմի առաջին ուսուցիչը:

Ալ Մարտունին սխալ հողի վրայ կեցաւ, իր փորձը անհետեւանք մնաց, իր կարծիքն ու ենթադրութիւնը տեղ չը գտաւ: Եթէ դեռ իր առաջուան կարծիքի վրան է, պէտք է որ Նալրանդեանի դրածները ու, եթէ ոչ ինչպէսիւր-Մարքսի, գէթ սովորական բարենորոգչական սօցիալիստների գաղափարները դէմ զիմաց դրնի եւ այնպէս եզրակացութիւն դուրս բերի. իր փորձը եղած է կատարեալ բռնագրօսիկութիւն եւ իրբեւ բռնագրօսիկ փորձ էլ կը մնայ մեր նորագոյն մտածմունքի պատմութեան մէջ: — Այս այսպէս:

Ո՞վ է եղել Սօցիալիզմի, Մարքսիզմի առաջին ներկայացուցիչը մեր կեանքի մէջ. — այդ հարցով զբաղուել է նաեւ Դաւիթ Անանուներ, որ մի շատ նեղ շրջանակի մէջ, «պատմագիր» անունն էլ է իր վրայ առել, առանց ասելու թէ ո՞ր երկարաշունչ պատմական-ուսումնասիրական գրուածքների համար: Նախկին Սօցիալ Դէմօկրատ Հնչակեան այդ անձը բարձրագոյն կրթութիւն անգամ չունենալով, օտար լեզու չգիտնալով միասին՝ Հայերէնի մէջ անգամ աւելի քան բոբիկ է: Պատմագիր լինելու համար՝ պատմութիւն գրելու մեթոտների հետ ծանօթ պիտի լինել: Տնավարի մեր այդ «պատմագիրը» ուղում է ազացուցանել, որ Սօցիալիզմը, Մարքսիզմը հայ կեանքի մէջ առաջին քարոզողը Սօցիալ Դէմօկրատ Հնչակեան Կուսակցութիւնը չի եղել. եւ իր այդ թէզը պաշտպանելու համար՝ հրատարակութեան է տալիս մեր հասարակ ընկերների այս ու այնտեղից հաւաքած այն նամակները, որոնցմով Կովկասի մէջ գործող մեր ընկերներն ու մաս-

նաճիւղերը իրարու յորդորում, փաստում են որ Հայկական Դատը (Տաճկահայ) պիտի պաշտպանել: — Այդ մեթոտով եթէ ընթանանք, վեր առնենք Կոմմունիստ-Բոլշեւիկները այդ ժամանակուայ հասարակ դործաւոր ընկերների փոխադարձ նամակագրութիւնները — դժուար չի լինիլ ապացուցանել, որ նրանք ամէն ինչ են բացի կոմմունիստ-բոլշեւիկներից:

Նախկին Սօցիալ Դէմօկրատ Հնչակեան, ապա շապիկը փոխող Հայ Սօցիալ Դէմօկրատ «պատմագիր» Դաւիթ Անանունը կուսակցափոխութիւն է կատարել, իր «նեղ» հորիզոնը ընդարձակել է, Հայ Սօցիալ Դէմօկրատ դառնալով, «խեղճ» Բաշխի Իշխանեանին հետեւելով, որի ինչ լինելը կեանքը եկաւ՝ ցոյց տուեց: Տաճկահայ Դատը չը պաշտպանելը հոմանիշ նկատել զուտ Մարքսիստականութեան, — դա թուլամիտների հասկացողութիւն էր, որ ժամանակին արտայայտուեցաւ, և ջարջախուեցաւ (1904-1907): Մի կուսակցութեան Սօցիալիստական, Մարքսիստական չը լինելը կը փաստուի իր Մրազրով, իր զրիչ-զաղափարարանների գրուածքներով: Եթէ այդ մեթոտով ընթանար խեղճուկ «պատմագիր» Դաւիթ Անանունը եւ փաստեր մէջտեղ բերէր, մէջբերումներ կատարէր, — դա շատ հասկանալի կը լինէր: «Պատմագիրը» այդ մեթոտից խուսափել է, նախապէս գիտնալով, որ ինչ ժայռերի պիտի զիպէր իր թեթեւ գլուխը: Այդ էլ այդպէս:

Ո՞վ է եղել «Հայ Կոմմունիստների, Հայ Մարքսիստների պատմական նախորդը», հարց է դնում Ա. Պուժարեանը Մարտակոչի 8-րդ (264) թուի մէջ:

Թէեւ յօդուած-ուսումնասիրութիւնը դեռ վերջացած չէ, բայց իր այդ յօդուածի մէջ եղածները մեզ իրաւունք են տալիս նրանցով զբաղուելու՝ մեր դրած հարցի լուսարանութեան տեսակէտից:

«Ըստ ամենայն իրաւունքի, ասում է Ա. Պուժարեան իր այդ յօդուածի մէջ, Հայ Կոմմունիստների, Հայ Մարք-

սիստների պատմական նախորդն է եղել «Հայ Բանուորական Յեղափոխական Ասօցիացիան» որի «հին դուարդիան գնալու վրայ» է, եւ ինքը այդ մասին պատմական տեղեկութիւններ է ուզում տալ «նոր սերունդը պատմականօրէն կրթելու» համար:

Յօդուածագրի բառերից պիտի դատենք իրեն:

«Հայ Բանուորական Յեղափոխական Ասօցիացիան», որ, Ա. Պուժարեանի փաստագրութեամբ «ըստ ամենայն իրաւունքի՝ Հայ Կոմմունիստների, Հայ Մարքսիստների պատմական նախորդն» է եղել, ե՞րբ է ասպարէզ մտել եւ իր «Կոմմունիստական», «Մարքսիստական» գաղափարաբանութիւնը տարածել:

«Երեսուն տարի առաջ, 1893 թուի Յունիսի 10—23-ի Թիֆլիզում»:

Ուրեմն, պատմականօրէն, «Հայ Կոմմունիստների, Հայ Մարքսիստների նախորդը» երեւացել է 1893-ին:

Ի՞նչ է եղել, ի՞նչ անուն է կրել «Հայ Կոմմունիստների, Հայ Մարքսիստների նախորդը», — ԱՆԿԱՍ ՀԱՅԱՍՏԱՆ, ասում է Ա. Պուժարեան: Եւ «Անկախ Հայաստան» «լոյս է տեսել» որպէս «փոքրիկ անլեզալ թերթիկ»:

Ի՞նչ ծրագրով, ի՞նչ գաղափարաբանութեամբ է առաջնորդուել «Հայ Բանուորական Յեղափոխութեան Ասօցիացիայի» օրդան «Ազատ Հայաստան»ը: — ՀԱՅԱՍՏԱՆ ԴԱՏԱՎ: Բայց մէջ բերենք հեղինակի սեպհական խօսքերը ամբողջապէս՝ խնդիրը ամեն անկիւնից լուսարանելու համար:

Փակագծի մէջ ասենք, որ Ա. Պուժարեանը երբեմն «Անկախ Հայաստան» անունն է տալիս իրենց օրգանին, երբեմն էլ «Ազատ Հայաստան». բայց դա մեզ չի խանգարում, ինչ անուն կ'ուզի՝ թող լինի. հարցը իրողութիւնն է:

Ա. Խումարեանը գրում է. — «Ազատ Հայաստան»ը իր վրայ ուշագրութիւն դարձրեց նրանով, որ նա սուղ էջերում (սովորական դրքի դիրքով չորս երես) առաջին անգամ անլեզալ ապարանի մուրը գրոշմեց հայ բանուորի, հայ պրօլետարիատի անունն ու Հայկական Հարցը կապեց աշխատաւորութեան հարցի հետ ու խօսեց Սօցիալիզմից»:

«Ի հարկէ «Հայ Բանուորական Յեղափոխական Ասօցիացիայի» հասկացած Սօցիալիզմը շատ հեռու էր Մարքսի Գիտական Սօցիալիզմից, ի հարկէ «Հայ Բանուորական Յեղափոխական Ասօցիացիայի» քարոզած «Ազատ Հայաստանը» նման չէր մեր ներկայ ազատ Հայաստանին. ի հա՛րկէ այդ Ասօցիացիայի հասկացած բանուորութիւնը, բանուորական դատը շատ հեռու էր մեր այժմեան հասկացողութիւնից (այն էլ ասենք թէ ո՞րտեղ էր այն ժամանակ Հայ բանուորութիւն), բայց ի՞նչ կ'ասէք, երբ մի փոքր խումբ հայ պատանիներ, սօցիալիզմի մասին համարեա՛ թէ ո՛չ մի դիրք (հայերէն չկար, իսկ ուսսերէն համարեա՛ թէ չգիտէինք) չկարդացած, շատ աղօտ գաղափար ունենալով համաշխարհային բանուորական շարժումից ու գասակարգային կուռից, եկել յանգել էինք ինտուրիտի կերպով բանուորութեան անկախ կազմակերպութեան անհրաժեշտութեան Հայ իրականութեան մէջ, նրա իրր առանձին ոյժի մասնակցութեան անհրաժեշտութեանը «ՀԱՅԿԱԿԱՆ ԴԱՏԻՆ»:

Յօդուածագիր Ա. Խումարեանը նկարագրում է թէ ինչպէ՛ս՝ «Անցեալ դարի 80-ական թուականների վերջերը Կովկասի հայութիւնը սպրում էր շտենտուած ջրաձգական օրեր: Գիւլիզարի առեւանդման դէպքը մի շտենտուած շարժում առաջ բերեց հայութեան մէջ... Տեղական հայ ինտելիգենցիան քաղաքական սթափման նշույլներ է ցոյց տալիս, Կուկուսեանի խմբի արշաւանքը, Գոլշեանի նահատակութիւնը ու մի քանի այլ եղակի դէպ-

քեր հայութեան բոլոր խաւերի ուշադրութեան նիւթն էր դարձրել»:

«Ահա այդ ազգային դիտակցութեան արթնացման օրերին, Եւրոպա նստած մի խումբ հայ մտաւորականներ հարցը քննում ու լուծում էին զանազան ձևերով ու այլ եւ այլ կերպով»:

Ափսո՛ս, որ յօդուածագիրը որոշ կերպով չի մասնանշջում թէ՛ «Եւրոպա նստած մի խումբ հայ մտաւորականները» որո՞նք էին եւ ի՞նչ ձևերով «հարցը (հայկական) քննում, լուծում»:

Ուսումնասիրողը մեզ տեղեկութիւն է տալիս թէ սվքեր են եղել եւ իր եւ իր ընկերների վրայ ազդողները:

Ու, ի միջի այլոց, ասում է, Մարքս-ի խմբագիր Արասխանեանը «Մեր մէջ մի միտք յղացրեց — կապուել Հնչակի հետ, ու տուեց ինձ նազարբէգեանի հասցէն: Այդ հասցէով ես նամակ գրեցի նազարբէգեանին, որից եւ շուտով ստացայ թէ Հնչակներ եւ թէ մի խրախուսական նամակ»:

Պատմելուց յետոյ թէ ինչպէս Ստեփան վարժապետը նաքոզնայեայ վօլիաի գաղափարներն է քարոզել իրենց, այդ բոլորից յետոյ ու «այդ ազդեցութեան տակ մեր խմբակը ձեւակերպուում է ու ստանում «Հայ Բանուոր Յեղափոխական Ասօցիացիա» անունը որի լոյս ընծայած օրգան Ազատ Հայաստանի մի համարը, հիմա, գտնուում է «Հայաստանի Յեղափոխութեան Թանգարանում»:

Հարցը պարզուած է:

Շատ թոռցիկ կերպով դիտենք.

«Հայ Բանուորական Յեղափոխութեան Ասօցիացիան, որ ըստ ամենայն իրաւունքի՝ Հայ Կոմմունիստների, Հայ Մարքսիստների պատմական նախորդն է» — էր օրգան Անկախ Հայաստանը լոյս է ընծայել 1893-ին: Բովանդակութիւնը, միտքը, տակտիկան թողնենք:

Իսկ Սօցիալ Դէմօկրատ Հնչակեան Կուսակցութեան

կեդրոնական օրգան «ՀՆՁԱԿ»-ը լոյս է տեսել 1887-ին . ուրեմն դեռ 6 տարի առաջ «ըստ ամենայն իրաւունքի՝ Հայ Կոմմունիստների, Հայ Մարքսիստների պատմական նախորդ»ից :

Մենք հրապարակապէս ասում ենք, մարտակոչ ենք ուղղում մեր բոլոր գաղափարական հակառակորդներին .

Ա. — Յոյց տան մի յօդուած , մի դիր մեր գրականութեան մէջ , ուր նախ քան «ՀՆՁԱԿ»ի հրատարակութիւնը որոշ կերպով խօսուած , գրուած լինէր Սօցիալիզմի եւ Մարքսիզմի մասին :

Մեր թէզն է , որ չկայ , որ մեր հակառակորդները աւանդատի մէջ պիտի յածին , մինչեւ որ գան՝ հասնեն շրջալսին եւ նրա մէջ երեւացող գրիչ-գործիչներին :

Բ. — Ո՛վ կ'ուզէ , թող հրամմէ եւ քննական վերլուծութեամբ ցոյց տայ , որ Սօցիալ Դէմօկրատ Հնչակեան Կուսակցութեան թէ՛ առաջին , թէ՛ երկրորդ եւ թէ՛ յատուկ Տաճկաստանի համար դժուած ԾՐԱԳՐԵՐԸ չեն եղել զուտ Մարքսիստական , Գիտական-Սօցիալիստական :

Ու սրանով ժայռը մնում է ժայռ , իրականութիւնը իրականութիւն , որ չի թոյլ տալ փաստերը , իրողութիւնները խեղաթիւրելով , աղաւաղումների ենթարկելով՝ պատմութեան , իրականութեան հակառակ եղրակացութիւնների յանդիւլ : — Ո՛ւ :

Փաստն է , իրողութեան եւ իրականութեան պատմութեան տուիքների վրայ հաստատուած թէզն է , որ Սօցիալ Դէմօկրատ Հնչակեան Կուսակցութիւնը , նրա գործիչ-գրիչներն են , որ «Հայ Կոմմունիստների, Հայ Մարքսիստների» պատմական նախահայրերը , նախորդներն են եղել , եւ են ու կը մնան :

Հակա-թէզերը թող մէջտեղ գան , եւ մենք խնդիրը է՛լ աւելի հանդամանօրէն կը մանրամասնենք :

Ուրեմն , Սօցիալիզմի պատմականին գալով՝ հաստատում , պնդում , ասում ենք , որպէս արմատական ճշմար-

տութիւն , որ Գիտական Սօցիալիզմի , Մարքսիստական Կոմմունիզմի գաղափարարանութիւնն ու տեսութիւնը , առաջին անգամ , Հայ մտածմունքի , նորագոյն Հայ գրականութեան , նորագոյն Հայ պատմութեան բաժինն ու ազդակն է դարձրել՝ Սօցիալ Դէմօկրատ Հնչակեան Կուսակցութիւնը . — դարադլուխը այնանղից , եւ միայն այնտեղից է սկսուած :

Այդ մասին հերիք :

Այդ մասին պիտի անգրադառնանք երրորդ Միջազգայինի , Կոմինտերնի եւ մեր Կուսակցութեան միջեւ կատարուած յարաբերութիւնների մասին խօսելիս :

ԲԱՌԵՐԻ Եւ ԵԶՐԵՐԻ ԲԱՅԱՏՐՈՒԹԻՒՆՆԵՐԸ շարունակելով՝ անցնենք Սօցիալ Դէմօկրատ , Սօցիալ Դէմօկրատիա բառերին :

Գ.

ՍՕՑԻԱԼ ԴԷՄՕԿՐԱՏ : ՍՕՑԻԱԼ ԴԷՄՕԿՐԱՏԻԱ

«Դուք ձեզ անուանում էք սօցիալիստներ . ի՞նչ է սօցիալիզմը» , — հարցրեց Ֆրանսիացի գատաւորներից մէկը՝ դատի քաջուած , մեղադրական աթոռի վրայ նստած Պրուզոնից , որի գրած-խօսածները սօցիալիզմ անուանով էր որակուած ժողովրդական բոլոր խաւերի կողմից :

— «Սօցիալիստ է նա , ով ձգտում է ընկերային կեանքի բարւոխման , լաւագումացման : Սօցիալիզմը նպատակ ունի ախրող ներկայ թշուառութեանց վերջ տալ եւ է՛լ աւելի լաւ բարւոխ ընկերային կեանք ստեղծել» , պատասխանեց Պրուզոնը :

— «Եթէ այդպէս է , ապա մենք բոլորս էլ սօցիալիստներ ենք , որովհետեւ խելքը գլխին ո՛չ մի բանիմաց մարդ կայ , որ ընկերային բարւոխման չը ձգտի» , — յարեց գատաւորը՝ արդարացման վճիռ արձակելով :

Այսպէս, Մարքսի եւ Էնգէլսի ԳԻՏԱԿԱՆ ՍՕՑԻԱԼԻԶ-ՄԸ բիւրեղացած, որոշ դժերով երեւան դալուց առաջ, նախամարքսիստական այն ամէն հոսանքները, որոնք աւելի կամ պակաս դժգոհ էին Բուրժուա-Կապիտալիստական ըէժիմից, տնտեսական եւ բնկերային տիրող սարք ու կարգից, գոյութիւն ունեցող հաստատութիւններից. նրանք՝ որոնք ցանկանում էին հարստութեան (richesse) արտադրութեան եւ բաշխման մէջ էլ աւելի արդարութիւն տեսնել, քան կար, — դրանք բոլորը, անխտիր, որակւում էին սօցիալիստ բառով եւ իրենց արտայայտած ընդհանուր գաղափարարանութիւնն էլ յատկանիշւում էր սօցիալիզմով:

Հետեւաբար, Անգլիայի մէջ Օվենիստները, Չարտիստները սօցիալիստներ էին նկատւում. իսկ նրանց քարոզածներն էլ՝ սօցիալիզմ:

Փրապիայի մէջ՝ Ֆուրիերիստները, Սէն-Սիմոնիստները, նոյն իսկ Պրուգոնիստները, եւայլն, սօցիալիստ անուններով էին յորջորջւում, — Ֆուրիերիզմն էլ, Սէն-Սիմոնիզմն էլ, Պրուգոնիզմն էլ՝ սօցիալիստական:

Գերմանիայի մէջն էլ սօցիալիստներ, սօցիալիզմ կար, ինչպէս եւ եւրոպական միւս երկիրներում:

Այստեղ չենք բացատրում թէ դրանցից իւրաքանչիւրի քարոզածը, պաշտպանած տեսութիւններն ի՞նչ էին, ի՞նչով էին տարբերւում իրարուց եւ ի՞նչով զանազանւում Գիտական-Սօցիալիզմից՝ Մարքսիզմից: Ասում, մասնաՆիշում ենք Սօցիալիզմի պատմութիւնից միայն ա՛յն էջը, որ մինչեւ Մարքսն ու Էնգէլսը՝ մտքի եւ սահմանաւորումի ընդհանուր խառնափնդորութիւն կար Սօցիալիստ եւ սօցիալիզմ բառերի նկատմամբ: Կային ամէն զոյնի, երբեմն իրարու հակասող եւ ջրող սօցիալիստներ եւ սօցիալիզմներ. չը կար գաղափարի նոյնութիւն բոլորի համար:

Վելհէլմ Ուեթլինգն էլ, Բելլիայի մէջ, քարոզում էր կոմունիզմ. ունէր իր կոմունիստական խումբը: Նա

գործ էր անում կոմունիստ, կոմունիզմ բառերը եւ ոչ թէ սօցիալիստ, սօցիալիզմ: Բայց Վելհէլմ Ուեթլինգի կոմունիզմը կէս-միջնադարեան, կէս-նահապետական, կէս՝ անհատի ցանկութիւնից ծնած, մի տեսակ ուսույլի-բաղան կոմունիզմ էր, որ գիտական ոչ ի՛նչ ունէր իր մէջ: Սրանց գիմումի վրայ էր որ Մարքսը խմբադրեց դարազուս կազմող՝ ԿՈՄՄՈՒՆԻՍՏԱԿԱՆ ՄԱՆԻՖԵՍՏԸ: Երեւեցաւ Գիտական Սօցիալիզմը, Մարքսիստական Կոմ-ժունիզմը՝ իր գիտական հիմունքներով, եւ մնաց արձան:

Մարքսը եւ Էնգէլսը ցոյց էին տուել, որ այդ բոլոր նախահոսանքների ասած-խօսածները, պաշտպանած գաղափարարանութիւնների մէջ գիտական ո՛չ մի հիմք կար. ուստի նրանց անուանել էին ուսույլիստ-սօցիալիստներ, իրենց գաղափարներն էլ՝ ուսույլիստական սօցիալիզմ: Ու իրենք պահեցին Կոմժունիզմ, Կոմժունիստ բառերը. երբեմն էլ Գիտական Սօցիալիզմ, Գիտական Սօցիալիստներ: Թէեւ Էնգէլսը յաճախ գործածեց Սօցիալիզմ բառը, առանց գիտականը մօտը դնելու, անչուշտ այն մտքով, որ դա զօրութեամբ հասկանալի էր:

Բայց հարցը դրանով չը վերջացաւ. հինը գործածու-թիւնից չընկաւ: Սօցիալիզմ, Սօցիալիստ բառերը դարձեալ բառամթերքի մէջ մնացին. եւ նոյն իսկ Մարքսի-Էնգէլսի Գիտական-Սօցիալիզմն էլ շատ անգամ սովորա-կան սօցիալիզմի առումով գործածուեցան շատերի կողմէից:

Ուրիշ խառնափնդորութիւն:
Յառաջ եկաւ «ԱՌԱՋԻՆ ՄԻՋԱԶԳԱՅԻՆԸ» (1863), Կարլ Մարքսի հիմնած: Այդ «ՄԻՋԱԶԳԱՅԻՆԸ» ունեցաւ էր ներքին ցնցումները թէ՛ գաղափարի եւ թէ՛ տակտի-կայի տեսակէտից: Մարքս-Էնգէլսն էլ գործ էին անում կոմունիստ, կոմունիզմ, սօցիալիստ, սօցիալիզմ բա-ռերը, — Բակունինն էլ: Բայց Բակունու քարոզած Կոմ-ժունիզմը, Սօցիալիզմը շատ հեռու էր իսկական (Մարքս-էան) Կոմժունիզմից, իսկական (Գիտական) Սօցիալիզմից:

Սառնափնդորութիւնը, նոյն բառերի տարբեր առումներով գործածուիլը ընդլայնուեցաւ, երկրէ երկիր անցաւ՝ մասնաւորապէս այն ժամանակից, երբ Բակունինը՝ արտաքրուելուց յետոյ՝ կազմեց «Տիեզերական Դաշնակցութիւնը», (Alliance Universell) :

Բակունու քարոզած Սօցիալիզմը, Կոմմունիզմը անիշխանութիւնն (անարխիզմ) էր, որ արամագծօրէն հակադիր էր Մարքսեան Կոմմունիստական, Սօցիալիստական (Գիտական) հասկացողութեան :

Կոմմունիզմ բառը սոսկալի կերպով վարկարեկուեց՝ երբ Իսպանիայի, Պորտուգալիայի, Իտալիայի, Ֆրանսիայի մէջ Բակունինը եւ իւրայինները շարժում յառաջացրին :

Ու, այսպիսով, խառնափնդորութեան, վարկարեկման տեսակէտից Կոմմունիզմ բառն էլ ենթարկուեց նախամարքսիստական սօցիալիզմի ճակատագրին :

Բակունիստները իրենց վրայ առան, իրենց բառամթերքի իրաւունքը դարձրին Կոմմունիզմ, Կոմմունիստ բառերը, որ հոմանիշ էին անիշխանականութեան : Կոմմունիստ կը նշանակէր Բակունիստ : Կոմմունիզմ՝ կը նշանակէր անիշխանականութիւն : Միջավայրը այդպէս ճանչցաւ, այդպէս որակեց, այդպէս հասկացաւ :

1869-ին, Գերմանիայի էյզենախ քաղաքի մէջ տեղի ունեցաւ Գերման բոլոր տեսակի սօցիալիստների եւ կոմմունիստների (Մարքսիստներ) Համագումարը : Վիճաբանութիւնները եզան աղմկալից : Հարկաւոր էր նոր տուն ընդունիլ՝ բոլոր զունաւորումներին իր մէջ պարտրկելու՝ մի անունով ճանչցուելու, զործելու համար : Վիճաբանութիւններին ընթացք եւ շեշտ տուողը Լիբկնեխտն (հայրը) էր :

Ի՞նչ անուն պիտի կրի Պրօլետար-գործաւոր-դասակարգի յատուկ կուսակցութիւնը. — որչուեց, ընդունուեց՝ ՍՕՑԻԱԼ ԴԷՄՕԿՐԱՏ :

Ի՞նչ անուն տալ ընկերային դալիք այն դրութեան, երբ Կապիտալիզմը կը տապալուի, դասակարգերը կը ջնջուին, հարստութեան (richesse) արտադրութեան, փոխանակութեան, վարկային եւ հաղորդակցութեանց բոլոր միջոցները կ'ընկերակախան. — ՍՕՑԻԱԼԻՍՏԱԿԱՆ ԴԷՄՕԿՐԱՏԻԱ :

Ու այսպէս, գործածութեան մտան, փոխանակ Սօցիալիստի, Սօցիալիզմի, Կոմմունիստի, Կոմմունիզմի՝ ՍՕՑԻԱԼ ԴԷՄՕԿՐԱՏ, ՍՕՑԻԱԼ ԴԷՄՕԿՐԱՏԻԱ եզրերը :

Լիբկնեխտը այդ մասին երկար բացատրութիւններ ունի տուած՝ իր դրքերի մէջ, որոնց մէկի անունն է՝ «ԵՐԿՈՒ ԱՇՆԱՐ ՀԸ» :

Նրանից յետոյ՝ կայացաւ Գօթայի Համագումարը. — Լասսալեանները միացան :

Եկան Մարքսի եւ էնզէլիի քննադատութիւնները, ապացուցեցին որ ընդունուած, բուէարկուած բանաձեւերը, մանաւանդ տակտիկական մասը, շատ թերի էին, սրիւ, եւ չէին ամենայնիւ համապատասխանում Գիտական-Սօցիալիզմին :

Սօցիալ Դէմօկրատ, Սօցիալ Դէմօկրատիա եզրերը գործածութեան մտան, հակառակ քննադատութիւններին. Գերմանիայից անցան ուրիշ երկիրներ էլ :

Ուրեմն Սօցիալիզմը պատմութեան մէջ, Սօցիալ Դէմօկրատ, Սօցիալ Դէմօկրատիա եզրերը գալիս են 1869-ի էյզենախի Համագումարից :

1889-ին կազմակերպուեց, յառաջ եկաւ, Պարիզի մէջ, ԵՐԿՐՈՐԴ ՄԻՋԱԶԳԱՅԻՆԸ :

Սօցիալ Դէմօկրատ, Սօցիալ Դէմօկրատիա եզրերը պաշտօնական արձանագրութեան մէջ մտան :

Գերմանականին հետեւեցին Ռուս Սօցիալիստները, Սկանդինաւեանները, Հոլանդականները, Անգլիականները, Ամերիկայի Միացեալ Նահազներինը, Զուիցերիա-կանները, Եւայլն Եւայլն. մեծամաս երկրներում կիրառութեան մտան Սօցիալ Դէմօկրատ, Սօցիալ Դէմօկրատ

տիա բաները: Պրոլետարական Կուսակցութիւնները այդ անունով եւ յորջորջումով իրենց կազմակերպութիւնները յառաջացրին:

Ֆրանսիայում, միայն, երբեք այդ եզրերը չը գործածուեցին — այնտեղ մնաց միշտ Սօցիալիզմ, Սօցիալիստ եզրերը:

Ժիւլ Գէզը Մարքսիստականութիւնը, Մարքսիստական հասկացողութեամբ Կոմմունիզմը որակեց ՀԱԻԱԿԱԿԱՆՈՒԹԻՒՆ (collectivisme) նորաստեղծ բառով: Կոլլեկտիվիստ, Կոլլեկտիվիզմ բառերն էլ քաղաքացիութեան իրաւունք ստացան, գործածուել սկսան:

Վերջ՝ մինչեւ 1876ը, — ինչպէս դիտել է նաեւ Լեւինը իր այն յօդուածի մէջ թէ ինչո՞ւ իրենք ՍՕՅԻԱԼ ԴէՄՕԿՐԱՏ անունն փոխարէն ընդունում են Կոմմունիստ անունը, — գործածուող Սօցիալ Դէմօկրատիա եզրը ամենայն յատկութեամբ չի արտայայտել Մարքսիզմը եւ Մարքսիստական Կոմմունիզմը: Բայց 1876-ից՝ մանաւանդ էրֆուրդի ծրագրից յետոյ՝ Սօցիալ Դէմօկրատիա եւ Մարքսիզմ եւ Մարքսիստական Կոմմունիզմ դարձան համազօր արտայայտութիւններ՝ շատ շատերի համար:

Այդ մասին այլեւս հակաճառութիւններ չեղան, զրեթէ:

Ինգլիսն էլ, «Կապիտալ»ի յառաջաբաններից մէկի մէջ, այդ բանը ընդունել է:

Անցնենք մեր կեանքին:

«ՀնՁԱԿ»ը եղել է պաշտօնական օրգան՝ ՀնՁԱԿԵԱՆ ԿՈՒՍԱԿՑՈՒԹԵԱՆ:

Հնչակեանութիւն եւ Մարքսիզմ, Մարքսիստական Կոմմունիզմ հոմանիշ է նկատուել: Ծրագրերի մէջ գործ է ածուել ԿՈՄՄՈՒՆԻՉՄ եւ ԳԻՏԱԿԱՆ ՍՕՅԻԱԼԻՉՄ եզրը:

Գործ է ածուել նաեւ Սօցիալ Դէմօկրատիա բառը, հոմանիշ Մարքսիզմի — տե՛ս Լասալի «Սահմանադրութեան էութեան» թարգմանութեան նախաբանը:

1903-ի Ամստերդամի Միջազգային Սօցիալիստ Համագնումարին — ուր Պլեխանովն էր մեր ներկայացուցիչը — գործ է ածուել Սօցիալ Դէմօկրատ՝ յեղափոխական անունը, յեղափոխականը տակտիկական մասը արտայայտելու համար:

Հինգերորդ Ընդհանուր Պատգամաւորական Ժողովից յետոյ՝ (1905)՝ Կեդրոնական Վարչութիւնը (Սարգս-Պիւլեան, Մուրատ, Աչըզպաչեան) հրահանգեց Կոլկատի եւ Ռուսաստանի մասնաճիւղերին իրենց կուսակցական պաշտօնական թղթերի վրայ դնել Սօցիալ Դէմօկրատ Հնչակեան անունը: Այդպէս էլ եղաւ: Մասնաւորապէս Բազուի եւ Աստրախանի մասնաճիւղերը այդ անունը գործածեցին. թէ եւ շատ մասնաճիւղեր էլ շարունակեցին պահել միայն Հնչակեան անունը:

Վեցերորդ Ընդհանուր Պատգամաւորական Ժողովին (1909) որոշուեց՝ Կուսակցութեան պաշտօնական անունը անել Սօցիալ Դէմօկրատ Հնչակեան Կուսակցութիւն անունը, որը դրուեց Կեդրոնական օրգան «Հնչակ»ի ճակատին: Այդ ժամանակից գործածութիւնը ընդհանրացաւ մեր բոլոր շրջանների եւ մասնաճիւղերի մէջ:

Սօցիալ Դէմօկրատ Հնչակեան Կուսակցութիւն, ուրբեմն, հոմանիշ է Մարքսիզմ, Գիտական Սօցիալիզմ, Մարքսիստական Կոմմունիզմ եզրերին:

Եւ այստեղ էլ դալիս են մեր քննադատները:

Կարգով կը խօսենք:

Առնենք Սօցիալ Դէմօկրատ Հնչակեան Կուսակցութիւնը եւ երրորդ Միջազգայինը:

**ՍՕՑԻԱԼ ԴԷՄՕԿՐԱՏ ՆՆԶԱԿԵԱՆ
ԿՈՒՍԱԿՑՈՒԹԻՒՆԸ
ԵՒ ԵՐՐՈՐԴ (ԿՈՄՄՈՒՆԻՍՏ) ՄԻՋԱԶԳԱՅԻՆԸ**

Կուսակցական բաժնի մէջ ղետեղում ենք այն հասկացողութիւնն ու «բանաձեւը», որ Երբորդ (Կոմմունիստ) Միջազգայինը, առաջին անգամ, ներկայացրել է մեր Կուսակցութեան նկատմամբ:

Բանազնացութիւնները ղեռ շարունակում են, վերջացած չեն:

Նախքան ուղղակի խնդրին անցնելը՝ ասենք.— այն օրից, երբ տարբեր երկրների մէջ յառաջ եկան Մարքսիստական տեսութիւնները վրայ հիմնուած Կուսակցութիւններ (Սօցիալիստ, Կոլեկտիվիստ), մեր Կուսակցութիւնը, դրեթէ շատերին ժամանակակից է, այնպէս որ ծագման եւ կազմաւորական տեսակէտից մենք նորեկներ չենք, այլ այն հիմ կոնգրին պատկանողներ, որոնք Գիտական Սօցիալիզմին կեանք տուեցին, գործնականացնելուն աշխատեցին ու դրա համար էլ չը նախատեսուած շատ դժուարութիւններից անցան, կեանքի տաքն ու պաղը կտրելով, փչրելով:

Մարքսիստական բնոյթ կրող ամէն Կուսակցութիւն, աւելի կամ պակաս, աւելի ուղիղ եւ թերի, ջանացել է իր սեպիական միջավայրը արտացոլացնել՝ բերել, դնել Գիտական Սօցիալիզմի հողի, Մարքսիստական փիլիսոփայութեան սահմանների մէջ:

Գերմանացի Մարքսիստը իր միջավայրը, իր քաղաքական, տնտեսական, ընկերային պայմաններն է աչքի առաջ ունեցել, իր երկրում տիրող, գոյութիւն ունեցող պետական եւ այլ հաստատութիւններն է ի մտի առել.— Ռուսականը, Ֆրանսիականը, Անգլիականը, Իտալականը, Լեհականը, Հրէականը... իրենը: Միջավայրերի նոյնութիւն չի եղել, ո՛չ էլ զարգացման: Ամէն երկրի զար-

գացման տարբերութիւններից, սուեալ պայմաններից էլ յառաջացել է Կուսակցութեանց տակտիկական տարբերութիւնները: Այդ պատճառով էլ՝ երբեմն, նոյն իսկ ըսկզբունքային խտրութիւններ են կատարուել: Մարքսիստական փիլիսոփայութեան կիրարկելը տարբեր բացատրութիւններ է ունեցել ո՛չ միայն երկրէ երկիր, այլ եւ միեւնոյն երկրի մէջ: Այսպէս՝ Ռուսաստանի, Գերմանիայի, Իտալիայի, Ֆրանսիայի... մէջ մի քանի կուսակցութիւններ են եղել, թէեւ բոլորն էլ պնդել են, որ իրենք Մարքսիստական տեսութիւններով առաջնորդուող, գործողներ են եղած:

Սօցիալ Դէմօկրատ Հնչակեան Կուսակցութիւնը ընդգրքրկելով Մարքսիզմը՝ նա հետեւորդ չի եղել, չի նմանուել այս ու այն երկրին, ո՛չ էլ արտադրութիւններ արել. նա ինչ որ երեւան է դրել, զա ծնել, կազմակերպել, յառաջացրել է իր, այսպէս ասած, կուսակցական իմացականութիւնից, իր կուսակցական մտածմունքից: Նա մութացածոյ ոչի՛նչ չի ունեցել: Եւ չէնց դրա համար էլ՝ Սօցիալ Դէմօկրատ Հնչակեան Կուսակցութիւնը ունեցել է իր որոշ անհատականութիւնը, իր ինքնուրոյնութիւնը Մարքսիստական Կուսակցութիւնների շարքերի մէջ:

Որովհետեւ Սօցիալ Դէմօկրատ Հնչակեան Կուսակցութիւնը արտացոլացրել է հայ միջավայրը, հայ կեանքը, հայ միջավայրի, հայ կեանքի թարգմանն ու արտացոլացնողն է եղել, նրա մարտական ոյժն է հանդիսացել՝ Մարքսիստական գաղափարարանութեամբ առաջնորդուելով: Որո՞նք են եղած ա՛յն քաղաքական, տնտեսական, ընկերային, պետական մասնայատուկ պայմանները, որոնց մէջ գտնուել են հայ զիւղացին, հայ գործաւորը, հայ աշխատաւորը. որոնք եղած են պետական այն հաստատութիւնները, որոնք որոշ նպատակ են ունեցել հայ ժողովուրդը սպաննել, բնաջնջել, ցանկացել են նրա պատմական հաստատականութիւնը խլել, թոյլ չեն տուել, խոչընդոտ են հանդիսացել նրա զարգացմանն ու յառաջդի-

մութեանը, արգելք են եղած նրան՝ քաղաքական, տնտեսական լիակատար ազատագրութիւն ունենալու, ջանացել են նրան բռնել, պահել ռայնայի եւ կնուտի (մարակի) գաղափարաբանութեան ոլորտի մէջ, — Սօցիալ Դէմօկրատ Հնչակեան Կուսակցութիւնը այդ միջավայրի ծրնունդը, այդ ի՛սկ միջավայրի արտայայտիչը, թարգմանն է եղել. նա այդ հին միջավայրը փշրող. նորը՝ Սօցիալիստականը, Աշխատանքի Իշխանութիւնը բերող՝ մարտական յեղափոխական ոյժն է հանդիսացել, Մարքսիստական հիմունքներով մօտենալով ներկայացած բոլոր ինդիւրներին՝ ինչ որ Հայաստանին, հայ իրականութեան է վերաբերում:

Ուղի՞ղ էր հասկացել, ուղի՞ղ էր թարգմանել, արտայայտել Սօցիալ Դէմօկրատ Հնչակեան Կուսակցութիւնը հայ իրականութիւնը:

Այստեղ դալիս է հարցականի հետ ե՛ւ բացատրականը:

Ի՞նչ դիրք, ի՞նչ ընթացք, ի՞նչ տակտիկա պիտի բռնէր Մարքսիստական փրկիստփայտութեամբ ղեկավարուող մի կուսակցութիւն 80-ական թուականներին: Ուրիշ խօսքով՝ նա, որ իրեն Սօցիալիստ-Մարքսիստ էր համարում, նա ի՞նչ պիտի անէր, ի՞նչ տեսակ գործի եւ գործունէութեան պիտի անցնէր 80-ական թուականներին, երբ պատմութիւնը, միջավայրը, կեանքը պահանջներ էր դրել:

Երկու դիրք, երկու ճանապարհ, երկու ընթացք ունէր Գիտական Սօցիալիստը: — Նա կամ «Բէտո աղջիկ» պիտի հանդիսանար, բաւականաչափ փթիթոցով, հանդիսատեսի դեր ստանձնէր, «թոյլ տալ անել, թոյլ տալ անցնել» (laisser faire, laisser passer) քաղաքականութիւն պիտի ունենար կեանքի հրամայական պահանջների հանդէպ, անտարբեր մնար, թողնէր որ միջավայրի մուք ոյժերը, պատմական յափշտակիչները իրենց ծրագրած սեւեպատակներին հասնէին եւ կամ կուտի, պայքարի պիտի բռնուէր, մարտնչողի պատմական դերի մէջ մտնէր:

Երկու ճանապարհ կար. — կա՛մ անտարբերութիւն կամ ներգործունէութիւն:

Անուշտ, շատերը եղան, այդ բողեին, կատարել «եսաւէրներ». նրանք անտարբեր մնացին, աչքերը փակեցին, խիղճերնին ծալեցին, կեանք ծծել, կեանք վայելել ուզեցին՝ աճնատուր լինելով ետախրական պճուճ ձրդատմաների: Իրենց համար ուրիշ այլ աշխարհ չկար, քան իրենց ես-ը: Այո՛, եղան այդպիսի շատ «Բէտո աղջիկ» երիտասարդներ: Նրանց հողը չէր, որ հարիւր հազարաւոր նայ դիւղացիներ տարադրում, յափշտակութիւնների էին ենթարկում, սպաննում, խողխողում էին. — ողջակիցում էր պատմական մի ժողովուրդ. — իրենց հողը չէր, բաւական է որ իրենք տախիլ բոյն ունէին:

Կամ այդ դիրքը պէտք էր ունենալ՝ պատմական այդ բողեին, եւ կամ պէտք էր երկրորդ ուղին, երկրորդ ընթացքը բռնել, — այն է պայքարողի, կուուողի, յեղափոխականի դիրքի մէջ մտնել:

Եթէ այս երկրորդն է, որ պիտի բնարէր, ապա նա, Մարքսիստը, Գիտական Սօցիալիստը, ուրիշ ա՛յլ ճար ու ճամբայ, ուրիշ ա՛յլ սկզբունքներ, ուրիշ ա՛յլ տակտիկա չէր կարող ունենալ, եթէ ոչ այն՝ ինչ որ ունեցաւ Սօցիալ Դէմօկրատ Հնչակեան Կուսակցութիւնը:

Գիտական Սօցիալիզմի հանդէպ մենք եւ ո՛չ մի շեղում ենք կատարել թէ սկզբունքային, թէ կազմակերպչական եւ թէ տակտիկական տեսակէտից: Սա մեր թէզն է եղած եւ մեր թէզն էլ է՝ մեր բոլոր անճարակ քննադատ-իծքողների առաջ: Եւ, մի քիչ յետոյ, պիտի տեսնենք, որ ՏՏ տարի անցնելուց յետոյ, նոյն իսկ կազմակերպչական տեսակէտից, «երրորդ (Կոմմունիստ) Միջազգային» իր «բանաձեւով», դալիս է ամենայնիւ մեզ արդարացներու եւ Սօցիալ Դէմօկրատ Հնչակեան Կուսակցութեան Գաղմական անգծելի ԺԱՅՌ լինելու հանգամանքը նորից ընդգծելու:

Անաթէ ինչ պայմաններից է բղխել, կազմաւորուել է մեր Կուսակցութեան անհատականութիւնը, ինքնուրոյնութիւնը:

Ունեցել ենք մեզ գէժ փոքր ուղեղների խճրճանքներ, բայց փաստացի քննադատութիւններ, դիտութեան (Գիտական Սօցիալիզմի) լոյսով առաջնորդուող հակաճառողներ՝ ո՛չ: Հենք ունեցել: դրանց դեռ սպասում ենք:

Եղած ենք Երկրորդ Միջազգայինի անդամ: նրա Համազուգումների մէջ մի քանի անգամ ունեցել ենք մեր յատուկ ներկայացուցիչները: Որքան որ քաղաքական հանդամանքները եւ մեր առաջ կեցած բազմադիմի այրող խնդիրները թոյլ չը տուեցին, որ վերջին Համազուգումներին էլ ներկայանանք, — այնուամենայնիւ Երկրորդ Միջազգայինը — մինչեւ 1914ը — ճանաչել է մեր Կուսակցութիւնը որպէս Մարքսիստական գաղափարաբանութեամբ առաջնորդուող, գործող մի Կուսակցութիւն: Եւ այդ այնքան, փակագծի մէջ ասելով, որ Լ. Յ. Գաշակցութիւնը Երկրորդ Միջազգայինի մէջ մտաւ՝ մեր ունեցած ազդեցութիւնն ու անցեալը շահագործելով, ինչպէս որ, ժամանակին, այդ իրողութիւնը մանրամասնօրէն ի վեր հանեց Բաշխի Իշխանեանը:

Մենք վայելել ենք, մեզ հետ ենք ունեցել Երկրորդ Միջազգայինի Համազուգումների յարգանքն ու գնահատութիւնները, որպէս Մարքսիստներ, Գիտական Սօցիալիստներ:

Միայն մի իրողութիւն վերլիւնէք:

Երբ Պլեխանովը դեռ իր փառքի գաղաթնակէտին էր, ո՛չ միայն Լենինի ուսուցիչն էր համարւում — ինչպէս իր կենսագիր Ջինովեն է մտանանչել — այլ ամբողջ Ռուս Սօցիալ Դէմօկրատիայի Մարքսիստական տեսարան «հայրն» էր նկատւում ու վայելում էր շատ բարձր, երբեմն նոյն իսկ անվիճելի հեղինակութիւն ամբողջ Սօցիալ Դէմօկրատական եւ Սօցիալիստական աշխարհում, — նա մեր Կուսակցութեան ներկայացուցիչ-պատգամաւորը ե-

գաւ 1903-ի Ամստերդամի Միջազգային Սօցիալիստական Համագումարին:

Անցան տարիներ. շատ եղելութիւններ կատարուեցան. չա՛տ դէպքեր, անցքեր կկան՝ գնացին:

Հիմա ի՞նչ է առում, ի՞նչպէս է գնահատում մեր Կուսակցութիւնը Մարքսիստական հողի վրայ կանգնած Երրորդ (Կոմմունիստ) Միջազգայինը, որ հանդիսանում է, մի տեսակ արիտպագոսը, բարձրագոյնին խորհուրդը՝ Գիտական Սօցիալիզմի:

Կարգանք նախադասութիւն առ նախադասութիւն, դրակ առ պրակ եւ վերլուծմամբ յառաջ երթանք:

Կոմմունիստ Միջազգայինը առում է. —

— «Հայկական Սօցիալ Դէմօկրատ Հնչակեան Կուսակցութիւնը, լինելով Ռուսաստանի Սօցիալ Դէմօկրատիայի հնազոյն յեղափոխական գնդերից մէկը, իր գոյութեան ամբողջ ընթացքում գործել է Ռուսաստանի Սօցիալ Դէմօկրատ Բանուորական Կուսակցութիւնից առանձնացած, ժամանակին իր շարքերում ընդունած լինելով միջազգայնական տարրեր՝ Ռուսաստանում եւ ի մասնաւորի Հայաստանում:»

Երկու ձեռքով ստորագրում, ընդգծում ենք ամբողջ հաստատմբ: Պատմական վաւերականութիւն, ստուգութիւն կայ: Նախադասութիւնները չեն շարուել յանկարծ, ո՛չ էլ մտքերը անուած պատահականօրէն: Դէպքեր, իրողութիւններ, ուսումնասիրութեան են ենթարկուել, Գրաւորային, սկզբունքային եւ տակտիկական քննութիւններ, վերլուծումներ են կատարուել եւ յետոյ եզրակացութիւնները դրուել:

Հէնց այդտեղ, այդ հաստատմի մէջ է բովանդակուած Սօցիալ Դէմօկրատ Հնչակեան Կուսակցութեան կենսականութիւնը:

Այդ եւ յաջորդ պարբերութիւնների մէջ են ամփոփուած այն հիմունքները, որոնք պատմական բացարձակ անկրօնելիութիւն, բացարձակ հրամայականութիւն են

դարձնում Սօցիալ Դէմօկրատ Հնչակեան Կուսակցութեան ամբողջութեան պահպանուիլը, նրա շարունակութիւնը, միջազգային ընդհանուր պրօլետարական շահի եւ յաղթանակի տեսակէտից:

Այո՛, անցեալ տարի (1923), նախկին Սօցիալ Դէմօկրատ Մեծամասնականները (Բոլշեւիկները) — հիմա Կոմմունիստներ — հանդիսատես տօնեցին իրենց Կուսակցութեան 25-ամեակը: 5 տարի Կոմմունիստ անունով արձանագրուելով պատմութեան էջերում, իսկ 20 տարի՝ Սօցիալ Դէմօկրատ:

Այդ ասել է, որ այսօրուայ Կոմմունիստները (Ռուսական, եւայլն) իսկ երէկուան Սօցիալ Դէմօկրատ Մեծամասնականները (Բոլշեւիկները) իրենց երկունքի եւ ծննդեան թուականը տանում հասցնում են մինչեւ 1898ը:

Համեմատի՛ր:

Սօցիալ Դէմօկրատ Հնչակեան Կուսակցութեան ըսկըզմաւորութեան թուականը բարձրանում, զնում, հասնում է մինչեւ 1887-ը:

Ասել է թէ՛ Սօցիալ Դէմօկրատ Հնչակեան Կուսակցութիւնը ծնուել է 11 տարի առաջ՝ այսօրուայ Ռուսաստանի Կոմմունիստ եւ երէկուայ Սօցիալ Դէմօկրատ Մեծամասնական Կուսակցութիւնից:

Ընչու է. պատմութիւնը տալիս է իր վաւերականութիւնը: Մենք, ուրեմն, ամենայն իրաւամբ, եղած ենք «ՀՆԱԳՈՅՆ»ներից մէկը:

Արդեօ՞ք Սօցիալ Դէմօկրատ Հնչակեան Կուսակցութիւնն էլ եղած է՝ Եւրոպայի «պաշտօնական Սօցիալ Դէմօկրատ Կուսակցութիւնների» նման՝ «լիացած», «պլըտոքրուած», «դաւախանոց», «օրինակակ» Մարքսիզմով եւ ոչ թէ՛ ՅԵՂԱՓՈՒՍԱԿԱՆ Մարքսիզմով առաջնորդուող Սօցիալ Դէմօկրատ մի կուսակցութիւն:

— Ո՛չ եւ ո՛չ:

Երբորդ (Կոմմունիստ) Միջազգայինի խօսքը, այդ մասին, շատ պարզ, շատ օրոշ, յստակ, մեկին է: —

«Հայկական Սօցիալ Դէմօկրատ Հնչակեան Կուսակցութիւնը, լինելով Ռուսաստանի Սօցիալ Դէմօկրատիայի Շագոյն ՅԵՂԱՓՈՒՍԱԿԱՆ գնդերից մէկը...»:

Պարզ չէ՞. խնդիրը վճռուած չէ՞:

Մինչեւ Կոմմունիստական Կուսակցութիւն (1917-18) անունը իրենց վրայ առնելը՝ Սօցիալ Դէմօկրատ Մեծամասնականները (Բոլշեւիկները) «լիացած», «պլտոքր», «պաշտօնական», «բարենորոգչական», «օրինակա՞ն», Մարքսիստներ էին եղած. — ո՛չ: Նրանք առաջ էլ (1898-1917) նոյնն էին եղած, ինչ որ ե՛ն հիմայ: Լենինը նոյն Լենինն էր առաջ էլ, յետոյ էլ: Սօցիալ Դէմօկրատ անունը կրելիս էլ նա նոյն Լենինն էր, ինչ որ Կոմմունիստ: Խնդիրը անունը փոխելուն մէջ չէ, այլ էութեան, փիլիսոփայութեան:

Հետեւաբար բութ սլաքներ են արձակուում մեր Կուսակցութեան, երբ ասում է թէ՛ մեր Կուսակցութիւնն էլ, Սօցիալ Դէմօկրատ անունը կրելով, եղել է դեղին, «պաշտօնական Սօցիալ Դէմօկրատներից» մէկը:

Մենք եղել ենք յեղափոխական Մարքսիստներ, զուտ Գիտական Սօցիալիստներ՝ առաջին օրից: Եւ մեր սկզբնաւորութեան օրից մինչեւ 1923-ի մեր զործունէութիւնը, մեր գաղափարաբանութիւնը վերլուծման ենթարկելուց յետոյ է, որ Երբորդ Միջազգայինը հասնում է պատմութեան այդ ճշմարտութեանը:

Ու նորից ամենայն իրաւամբ եւ հպարտութեամբ կրկնում, պնդում ենք թէ՛ Սօցիալ Դէմօկրատ Հնչակեան Կուսակցութիւն, — կը նշանակի յեղափոխական Մարքսիզմ, Գիտական Սօցիալիզմ, Մարքսեան Կոմմունիզմ:

Շարունակենք ընթեռնուլ Կոմմունիստ Միջազգայինի «բանաձեւի» առաջին հատուածը: Այդտեղ ասում է, որ Սօցիալ Դէմօկրատ Հնչակեան Կուսակցութիւնը «Իր գոթութեան ամբողջ ընթացքում՝ զործել է Ռուսաստանի Սօցիալ Դէմօկրատ Բանուորական Կուսակցութիւնից ԱՌԱՋԱՅԱՄՈՒՄ»:

Որպէս նախկըր (pre'mice) ստենք խնդիրը էլ աւելի թանձրացեալ կերպով պարզարանուած լինելու համար, որ տերրիտորիալ (երկրային) մտքով առնուած «Ռուսաստանի Սօցիալ Դէմօկրատիա» կամ «Ռուսաստանի Սօցիալ Դէմօկրատ Բանուորական Կուսակցութիւն» ո՛չ մի ժամանակ չի եղել, գոյութիւն չի ունեցել. չի եղել Սօցիալ Դէմօկրատ անունով այնպիսի մի կուսակցութիւն, որ Յարերի կայսրութեան մէջ գտնուող բոլոր սօցիալ դէմօկրատական տարրերն ու կուսակցութիւնները իր մէջ ամփոփէր եւ մի ամբողջութիւն ներկայացնէր:

«Ռուսաստանի Սօցիալ Դէմօկրատ Բանուորական Կուսակցութիւնը» իր ծննդեան օրից՝ մինչեւ «Մենշեւիկեան» եւ «Բոլշեւիկեան» թեւերի յառաջացումը, եւ այնուհետեւ էլ, ո՛չ մի ժամանակ իր մէջ չի պարփակել ամբողջ Ռուսաստանի Սօցիալ Դէմօկրատիան: Ամբողջ Ռուսաստանի Մէկ ՀԱՏ Սօցիալ Դէմօկրատ Կուսակցութիւն չի եղել:

Ընդհակառակը՝ Ռուսաստանի մէջ, փոխանակ մէկի, Մի ՔԱՆԻ հաս Սօցիալ Դէմօկրատ կամ Սօցիալ Դէմօկրատ Բանուորական Կուսակցութիւններ են եղել:

Ֆինլանդիան, Էստոնիան, Լատուիան, Լիտուանիան, Լեհաստանը, Իւրաքանչիւրը ունեցել է իր, այսպէս ասած, մասնակի, ազդային տերրիտորիալ Սօցիալ Դէմօկրատ Կուսակցութիւնը, որ «առանձնացած» է եղել եւ, գրեթէ, առնչութիւն, կապ չի ունեցել, կազմակերպչական տեսակէտից, որպէս ամբողջութեան մի մասնիկը, բուն Ռուսաստանի Սօցիալ Դէմօկրատ Բանուորական Կուսակցութեան հետ: Այնպէս որ, միաձոյլ, մի ամբողջականութիւն կազմող Սօցիալ Դէմօկրատ այնպիսի կուսակցութիւն չի եղել, սկզբից մինչեւ վերջ, որ իր մասնաճիւղային ցանցերով պատած լինէր Յարերի կայսրութեան բոլոր երկրամասերը եւ իր մէջ առած լինէր Սօցիալ Դէմօկրատական-Գործաւորական եւ այլ բոլոր տարրերը: Սօցիալ Դէմօկրատական միաւերութիւն (unite') չի եղել,

այլ եղել են Սօցիալ Դէմօկրատ ստանձին, անջատ միութիւններ, որոնցից իւրաքանչիւրի գործունէութիւնը, գրեթէ անբաժանելի, աւելի է ունեցել իր մասնակի տերրիտորիալ սահմանների մէջ, թէեւ գրանք մասերը կազմած լինէին Յարերի կայսրութեանը:

Այս իրականութիւնը մէջակող պիտի գրուի, որպէս զի էլ աւելի պարզ եւ հասկանալի լինի Սօցիալ Դէմօկրատ Հնչակեան Կուսակցութեան «առանձնացած» լինելու հանգամանքը: Եւ իսուքն այն է, որ մինակ մեր Կուսակցութիւնը «առանձնացած» չի եղել, այլ մեզ նման շատ ուրիշ Սօցիալ Դէմօկրատ Կուսակցութիւններ էլ:

Բայց ի՞նչպէս վեր առնել, ի՞նչպէս հասկանալ «առանձնացած» եզրը պատմականօրէն: Սա ո՛չ պակաս նըշանակութիւն ունի խնդրի լուսարանութեան համար:

«Առանձնացած» բառը վեր է առնուած անհատականութեան, ինքնուրոյնութեան մտքով. — այսինքն՝ Սօցիալ Դէմօկրատ Հնչակեան Կուսակցութիւնը ունեցել, պահել է իր առանձին կուսակցական անհատականութիւնը, ինքնուրոյնութիւնը, առանց երբ եւէ ժամանակ ձուլուած, միախառնուած լինելու ուրիշ որ եւ է այլ Կուսակցութեան հետ: — Եւ զա պատմական ճշմարտութիւն է, որ ամենայնիւ ընդզօում եւ ստորագրում ենք:

Բայց «առանձնացած» բառով չը պիտի հասկանալ լիակատար մեկուսացում, կղզիացում, անտարրերութիւն, անհաղորդութիւն գէպի Համա-Պրօլետարական ընդհանուր գործը: «Առանձնացում» չի եղել, երբ հարց է եկել հիւնը բանդելու եւ նորը բերելու գործին մէջ:

Եւ արդարեւ, պատմական դէպքերը, իրողութիւնները, այնտեղ անանց վկայ են պալու հաստատելու, որ Համա-Պրօլետարական ո՛չ մի շարժում, ո՛չ մի արժէքաւոր քննում չի եղել, որ Սօցիալ Դէմօկրատ Հնչակեան Կուսակցութիւնը իր անմիջական եւ ուղղակի մասնակցութիւնը բերած չը լինէր՝ նոյն խոկ բուն Ռուսաստանում: Երբ համապետական շարժանիչով սօցիալիստական, գոր-

ճաւորական-քաղաքական կամ անտեսական — որ եւէ զործ է կատարուել, շարժում է տեղի ունեցել, մեր կուսակցութիւնը ասպարէզ է նետուել, ուր որ Մասնաճիւղեր ենք ունեցել:

Սեւ Ծովի հիւսիսային եւ արեւելեան երկրամասերի մէջ տեղի ունեցող բոլոր շարժումները մէջ՝ մեր Մասնաճիւղերը գործօն դեր են խաղացել միշտ:

Անդրկովկասի ճարտարագործական գլխաւոր քաղաքներում Սօցիալիստական շարժումները մեր Մասնաճիւղերը եւ ընկերներն են սկսել: Գործաւորական յատուկ կազմակերպութիւնները սաղմերը Թիֆլիզի (Էնֆիւճեան Ծըխախոտի Գործարանում, Էւայլն), Բաթումի, Բաբուի մէջ մեր ընկերներն են յառաջացրել: Ո՛չ մի գործադուլ, շարժում — քաղաքական, անտեսական — չի եղել, որ առանց մերոնց եղած լինէր:

Ռուս Սօցիալ Դէմօկրատները՝ Մենշևիկները, Բօլշևիկները շատ յետոյ են եկել. նրանց զաւուրց առաջ գործը — սօցիալիստականը — արդէն սկսուել էր:

Արդէն մասնանիչեցինք մեր գերը 1904—1906-ի սօցիալիստական շարժումների մասին բերած մեր գործօն աջակցութիւնը: Հիմայ մասնանիչենք մի ուրիշ երկուսը:

Երկու ամսից աւելի տեւեց Մելովի (1907) գործարանների գործադուլը: Ո՛չ մի կուսակցութիւն կարողացաւ որ եւ է եզրակացութեան յանգեցնել Յարական խըստութիւնները պատճառով: Սօցիալ Դէմօկրատ Հնչակեան կուսակցութեան մէկ խօսքը բաւական եղաւ, որ Թիֆլիզից յատուկ պատուիրակութիւն երթար եւ ամէն ինչ կարգադրէր՝ ի բաւականութիւն գործադուլաւորների:

Մասնանիչենք ե՛ւ մի ուրիշը:

Անցեալ տարի (1923) Վրաստանի կոմմունիստ կուսակցութիւնը իրենց նախորդների գործունէութիւնը պանծացնելու եւ նոր սերնդին վերջիչեցնելու նպատակով, — ինչ որ գովելի է եւ անհրաժեշտ պէտք է՝ պատմական ե-

ղելութիւնները միշտ պատկերացնելու եւ յիշատակելու — ժանրամասն պատմականը տուեցին բոլոր թերթերի մէջ, նա՛յն իսկ «ՄԱՐՏԱԿՈՉ»-ի եւ «ՆՈՐ ՀՐԴԱՅԻՆ ՀԱՅԱՍՏԱՆ»-ի, Դուչէթի նշանակալից «Էֆսպրօպրիացիայի» (բունդարաման): Այո՛, այդ «Էֆսպրօպրիացիան» հերոսաւա՛թի, հոյակապ մի գործ էր: Արքունական դանձարանը կազմատուեցաւ՝ ամենաճարպիկ կերպով: Հետեւանքը եղաւ, որ Յարերի դանձարանը մի քիչ նիհարցաւ, իսկ յեղափոխականներին՝ սրարարացաւ եւ գործը, կազմակերպական եւ այլ տեսակէտով, է՛լ աւելի ծաւալ առաւ:

Բայց բուն Վրաստանի՝ Դուչէթի այդ «Էֆսպրօպրիացիան» չէր կատարուած առանց Սօցիալ Դէմօկրատ Հընչակեան կուսակցութեան մասնակցութեանը: Բօլշևիկները եւ մերոնք ձեռնարկը միասին էին յղացած, կազմակերպած եւ գործադրած՝ ամենայն յաջողութեամբ: Այդ իսկ «Էֆսպրօպրիացիայից» 200,000 ռուբլի մեղ բաժին եղաւ: Յղացող, գործադրող Սօցիալ Դէմօկրատ Հնչակեանները զեռ ողջ են եւ թէ՛ այն ժամանակուայ կովկասի Գործադիր Յանձնախումբի մեր անդամները:

Շարքը չենք ուղեր երկարացնել, ո՛չ էլ մեր կուսակցութեան ընդհանուր գործերը պատմել: — Դա իր ժամակին եւ առանձին:

Մրանով կզրակացնում ենք, ոչ Սօցիալ Դէմօկրատ Հնչակեան կուսակցութիւնը, որքան որ եղել է ինքնուրոյն, իր կուսակցական անհատականութիւնը պահող «առանձնացած» մի կուսակցութիւն, բայց նա միշտ եւ ամէն ժամանակ ուղղակի աջակցել է իրնի տապալման եւ նորի տեղում ընդհանուր գործին: Նա «առանձնացած» թէ՛ եւ, բայց միշտ էլ ազգակ է եղած սօցիալիստական, հասարակութեամբ կանոնադրող գործին:

Ահա թէ ո՛ւր հասցրեց մեզ կոմմունիստ Միջազգայնի առաջին հատուածի մէջ ընկած «առանձնացած» կողմը:

Հատուածի այն կտորը թէ՛ Սօցիալ Դէմօկրատ Հըն-
չակեան Կուսակցութիւնը «Ժամանակին իր շարքերում
ընդունած լինելով ՄԻՋԱՉԳԱՅՆԱԿԱՆ տարրեր Ռուսաս-
տանում եւ ի մասնաւորի Հայաստանում» — այդտեղ «ՄԻ-
ՋԱՉԳԱՅՆԱԿԱՆ» բառը պէտք է հասկանալ ԱՉԳԱՄԻՋ-
ԵԱՆ հասկացողութեամբ: Ռուսերէն բնագրի թարգմա-
նութիւնը ճիշտ բառով գրուած է: Դրանով Կոմմունիստ
Միջազգայինը ասում է, որ մենք մեր Մասնաճիւղերը եւ
շարքերը կազմել ենք հայ պրօլետարներից եւ ո՛չ ուրիշ
ազգից:

Իրողութիւն է, որ մեր Կուսակցական դուռը միշտ
բաց է եղել որ եւ է ազգի պրօլետարիատի եւ Աշխատան-
քի ներկայացուցչի առաջ, բայց պատմական իրողու-
թիւնն է, նաեւ, որ այդ կողմից շատ մեծ յաջողութիւն
չենք գտել, թէեւ փորձել, աշխատել ենք, — օտարները
եղած են հատուկտոր:

Ուրեմն, պատմական իրողութիւնը մնում է իրողու-
թիւն որ Սօցիալ Դէմօկրատ Հնչակեան Կուսակցութիւնը
իր կազմակերպչական տարրերը ծծել, առել է գլխաւո-
րապէս, եթէ չասենք բացառապէս, հայ իրականութիւ-
նից, հայ գործօն ոյժերից:

«Երրորդ (Կոմմունիստ) Միջազգայինը», իր առաջին
հատուածի մէջ, Սօցիալ Դէմօկրատ Հնչակեան Կուսակ-
ցութիւնը, կազմակերպչական տեսակետից, նմանցնում է
«ԲՈՒՆԴԻՆ»: Նմանութիւնը մասնակի է եւ ո՛չ թէ ամ-
բողջական:

Հրէական «ԲՈՒՆԴԻՆ» («Միութիւն»), կազմակերպ-
չական մեթոտ էր ընտրել ամբողջ Ռուսաստանի մէջ գրա-
նրուող Հրեայ Սօցիալիստական, պրօլետարական, գործա-
ւորական տարրերին միայն առանձին՝ ՄԻ Հրէական Կազ-
մակերպութեան մէջ առնել եւ նրանց ղեկավարութիւնը
ստանձնել: Եւ «ԲՈՒՆԴԻՆ»ի ղեկավարները, ժամանակին,
իրենց այդ քայլը, մեթոտը արդարացնում էին Հրեայ
պրօլետարների, Հրեայ գիւղական գանգուածների այն

ժամայատուկ պայմաններովը, որի մէջ նրանք դանուս
էին Յաղբի օրով: Հրեայ պրօլետարները, Հրեայ գիւ-
ղացիները, ցաք ու ցրիւ, քաղաքական, քաղաքացիական,
ժշակութային է՛լ աւելի վատթար պայմաններ ունէին,
քան, օրինակ, ասում էին, Ռուսները: Հրեաները թէ՛
պաշտպանուելու եւ թէ՛ ժշակութա-գաստիարակչութեան
պէտքն ունէին, եւ այդ կարող էին նրանք ստանալ՝ միայն
բուն Հրէական մի կազմակերպչութեան, մարտական Կու-
սակցութեան միջոցով, եւ հրէական լեզուով: «ԲՈՒՆ-
ԴԻՆ» կղաւ ուժեղ մի կազմակերպչութիւն, պատմական դեր
կատարեց. ամէն կողմ ճիւղեր ունեցաւ:

Բացի բուն Ռուսաստանի՝ եւ լեհաստանի Հրեայ գոր-
ծաւորներին ու գիւղացիներին կազմակերպչուց. «ԲՈՒՆ-
ԴԻՆ» ձգտեց իր ընդհանուր կազմակերպչութեան մէջ առ-
նել նաեւ Գալիցիայի Հրեայ աշխատաւորներին, որ այն
ժամանակ Աւստրո-Մաճառական Կայսրութեան մասն էր
կազմում, ինչպէս եւ Ռումանիայինը, եւայլն: Բայց,
այդ կողմից, շատ մեծ յաջողութիւն չը գտաւ, եւ իր գոր-
ծունէութեան գլխաւոր առանցքը մնաց բուն Ռուսաս-
տանը:

Դրա համար է, որ ասում ենք թէ՛ նմանութիւնը մեր
եւ «ԲՈՒՆԴԻՆ» միջեւ մասամբ ճիշտ է:

Տարրերութիւնը ա՛յն է, որ Սօցիալ Դէմօկրատ Հըն-
չակեան Կուսակցութեան կազմակերպչական ցանցերը տա-
րածուել, սփռուել են ամբողջ հայ աշխատաւորական ի-
րականութեան վրայ, — Տաճկաստան, Ռուսաստան,
Պարսկաստան, Ռումանիա, Բուլղարիա, Եգիպտոս, Ամե-
րիկա, եւայլն: Մեր Կազմակերպչութիւնը կղած է շա՛տ
աւելի տարածուն, բազմաճիւղ եւ բարդ, — իւրաքանչիւր
ժամի տեղական յատուկ պայմանները աչքի առաջ ունե-
նալով:

Սօցիալ Դէմօկրատ Հնչակեան Կուսակցութիւնը, որ-
պէս Կուսակցութիւն, որպէս անհատ Կազմակերպչութիւն
է՛ սահմանափակուել, ինչպէս «Բունդը», միայն մի երկ-

րով, մի տերրիտորիայով: Նրա գործունէութեան ապարկէզը չա՛տ աւելի ընդարձակ, չա՛տ աւելի ճիւղաւորւած է եղել: Մեր իրականութիւնն էլ իր չա՛տ տեսակի մասնայատուկ պայմաններն է ունեցել:

Միջազգային Սօցիալիստական Կուսակցութիւնները եւ Կազմակերպութիւնների մէջ՝ Սօցիալ Դէմօկրատ Հընչակեան Կուսակցութիւնը արտայայտել, ներկայացրել է ամբողջ հայ աշխատաւորական իրականութիւնը. — «ՀԱՅ-ԿԱԿԱՆ ՊՐՕԼԵՏԱՐԻԱՏԻ ԱԶԳԱՄԻՋԵԱՆ ՄԻԱՅՄԱՆ ԸՄԿԸԶՈՒՆՔԸ», ինչպէս որ «Երբորդ Միջազգայինն» է որակում: Եւ այդպէս ճանաչել են մեզ, մեր երկար պատմութեան ընթացքում, բոլոր ա՛յն Կուսակցութիւններն ու Կազմակերպութիւնները, որոնք Սօցիալիստական Միջազգային Համագումարներին են մասնակցել: Չկայ Սօցիալիստ մի Կուսակցութիւն, որ մեր Կուսակցութիւնը ճանչցած չը լինէր, նրա գործունէութիւնից տեղեկութիւն չուեննար, ո՛ր երկրի մէջ որ լինէր:

Եւ Հայ աշխատաւորական իրականութիւնը, Հայ Աշխատանքի ներկայացուցչութիւնը, ցրուած, կոտորակուած, ամէն երկիր եւ անկիւն ընկած, պատմականօրէն կրել է, եւ դեռ շարունակում է խորապէս կրել, Սօցիալ Դէմօկրատ Հնչակեան Կուսակցութեան գրոշմը: Չը կայ հայ աշխատաւորական ո՛չ մի շրջան, ո՛չ մի երկրամաս, որ իր նորագոյն գործունէութեան պատմութիւնը կապուած չունենայ Սօցիալ Դէմօկրատ Հնչակեան Կուսակցութեան հետ: Այդ տեսակէտից՝ մեր Կուսակցութեան ղեկը եղել է եզակի, է՛լ աւելի բազմածաւալ, ներոյժ, ներգործօն, քան Յունական, «Հեթերիան», քան Իտալական «Կարրօնարին», քան հնագոյն ա՛յլ Կուսակցութիւններ, որոնք՝ գանազան միջավայրերի մէջ ցրուած դրական դեր են խաղացել հիմը քանդելու եւ նորը բերելու պատմական գործին մէջ:

Հետեւապէս շատ պարզ է, եւ այդտեղ տարօրինակ ոչինչ կար, որ 37 սարուայ գոյութիւն ունեցող՝ զուտ

յեղափոխական Մարքսիստական հիմունքներով առաջնորդուող մի Կուսակցութիւն դիմէր «Երբորդ Միջազգայինին» ստելով՝ որ «իբ մուտքը պայմանաւորում է Կուսակցութեան ազգամիջեան միացման ամբողջականութեամբ եւ ինքնավար դրութեան քանաչմամբ»:

Սկզբունքային տեսակէտով՝ եղա՞ծ ենք Մարքսիստական. տակտիկական տեսակէտով՝ եղա՞ծ ենք յեղափոխական. — «Երբորդ Միջազգայինը» այդ մասին դրական պատասխան տուեց:

Բայց, հակառակ դրան, նա մեզ բացասական պատասխան է տալիս, առաջին անգամ: Եւ այդ հասկանալի է: Կազմակերպչական սխտեմ եւ անուան խնդիր կայ: «Երբորդ Միջազգայինի» 21 պայմաններից 17-ը սրու է: Նրա ձեռքերը, կազմակերպչական տեսակէտից, արդէն կապուած են: — Ամէն երկրի մէջ՝ «Երբորդ Միջազգայինը» միայն մի Կոմմունիստական Տերրիտորիալ Կուսակցութիւն կարող է ճանաչել. — ուրեմն կազմակերպչական մեր դրութիւնը մատնանիչելով՝ մեզ առաջարկում է, որպէս Կուսակցութիւն, տարրալուծուիլ, որով եւ մեր իւրաքանչիւր շրջան պիտի մանի այդ տերրիտորիայի մէջ գտնուող Կոմմունիստ Կուսակցութեան մէջ, եւ նրա հետ ձուլուի:

Այդ՝ մենք չենք ընդունում, չպիտի ընդունինք. ուստի բանազնացութիւնները շարունակում են. այլապէս էլ չի կարող լինիլ: Հարկաւոր է է՛լ աւելի լու պարզաբանուիլ, իրողութիւնները եւ իրականութիւնները է՛լ աւելի մօտիկուց ճանաչել, վերաքննել: Դրանք էլ կը լինին:

Որքան որ մեր կողմից դիմում եղաւ. «Երբորդ Միջազգայինի Գործադիր Մարմինը» իր իրաւունքի մէջն էր՝ մեզ իր կանոնադրային պայմանները, արամադրութիւնները մատնանիչելու, եւ միայն այդքան: Իր սահմանից դուրս էր, հէնց առաջին անգամ, մեր Կուսակցական ամբողջականութեան դէմ տարրալուծում առաջարկել: Սօցիալ Դէմօկրատ Հնչակեան Կուսակցութիւնը «Երբորդ

Միջազգայինի» հրահանգով չէր կազմակերպուել, որ նրա հրահանգով էլ լուծուէր, — ո՛չ:

Բայց հէնց այդ, կազմակերպչական սխառմի տեսակէտից, «Ներքորդ Միջազգայինի Գործադիրը» ինքն իրեն հետևողական չի մնում՝ մեզ նկատմամբ «բանաճեւ» արձակած ժամանակին, երբ տարբեր իրականութիւնների ստաջ է տեսնում իրեն:

Մատնանիչէնք. բայց նախ մի փոքր յետ երթալով:

Մեր անճարակ հակառակորդները յաճախ խճրճել, վեր են առել այն հանգամանքը, որ Սօցիալ Դէմօկրատ Հնչակեան Կուսակցութիւնը, իր կազմակերպութեան մէջ, առաջին օրից, չի առել, չի բովանդակել նաե՛ւ սօցիալիստական Թուրք, Քիւրդ, Չէրքէզ, եւայլն, տարբեր՝ Տաճկաստանում, օրինակ: Այլ բաւականացել է միայն Հայի առնելով, Հայ միջավայրից սնունդ քաղելով, եւ ո՛չ թէ բոլոր ցեղերից ու ազգութիւններից: Ուրիշ խօսքով՝ մենք Պետութեան մէջ գտնուող բոլոր տարրերից ընդհանուր կազմակերպութիւններ, մասնաճիւղեր չենք յառաջացրել, այլ միայն Հայ — ինչ որ մեզ տուել է բացառապէս ազգային գոյն (երբեմն էլ արտաոցօրէն ասում են ազգայնական, առանց այդ եզրերի իսկական նշանակութիւնը հասկանալու), հարկադրուելով միւսներին:

Պատմութիւնը, իրողութիւնները իրենց սեպհական շրջանակի եւ կուսանի վրայ դնելու համար՝ ասենք, որպէս բացարձակ ճշմարտութիւն եւ իրականութիւն, որ Սօցիալ Դէմօկրատ Հնչակեան Կուսակցութիւնը, առաջին օրից իսկ, ձգտել, աշխատել է, որ իր կազմակերպութիւնների, մասնաճիւղերի մէջ աննի ուրիշ տարրերից, ուրիշ ցեղերից եւ ազգերից էլ: Բայց եթէ դա մեզ չի յաջողուել, այդ եղել է բոլորովին անկախ մեր ցանկութիւններից: Մեր արդարացումը, այդ տեսակէտով, ցցուն կերպով յստաջ կը գայ, երբ առնենք սրանից 38 տարի առաջ՝ Տաճկաստանի մէջ գոյութիւն ունեցող այլազան տարրերի փոխ-յարարեբութիւնները, նրանց իւրաքան-

չիւրի քաղաքական, տնտեսական, ընկերային հասկացողութիւնները եւ նրանց ամէն մէկի առանձնական դիրքը՝ հանդէպ Սուլթանական պետական մեխանիզմի: Դարեբով ծանրացած պատմական նախապաշարումները, բեւեռուած գաղափարները մի անգամից չի կարելի ջնջել: Մարդկանց ուղեղի եւ զգացմունքների վրայ մի անգամից սպունդ քաշել չի լինիլ: Դարերի նախասիրութիւնները, ստեղծուած բարոյական, մտաւորական գոյավիճակը, ժառանգականութիւնները կը շարունակուին. — քանզեւլու, անհետացնելու, նորը բերել՝ դնելու համար՝ երկար աշխատանքի եւ ժամանակի պէտքը կայ:

Ասում ենք, որ այդ ուղղութեամբ մենք առանձին ջանք եւ աշխատութիւն թափել ենք: Դիմենք պատմութեան: Մեր պաշտօնական օրգանների մէջ գրուածները չեն ջնջուած, անյայտացած. նրանք կան: Կարելի է վեբաստուելու: — Պաշտօնական օրգաններով եւ պրօպագանդիստ-գործիչներ թերանով՝ մենք միշտ եւ շարունակ ասել, կրկնել ենք, առաջին օրից, որ մենք թշնամական, հակա-բարեացակամ որ եւ է գործ ու ձգտում չունինք հանդէպ Թուրք հասարակ ժողովրդի՝ գիւղացու, աշխատաւորի, ինչպէս եւ ա՛յլ ազգերի: Մեր գործը, ասել, պարզել ենք, որ Սուլթանի եւ Սուլթանական պետութեան հետ է. մենք նրա քայքայման, նրա տապալման գործաւորներն ենք: Իսկ ընդհանուր այդ կործանումից նոյնքան պիտի օգտուէր ե՛ւ Թուրք, ու ա՛յլ ազգերի աշխատաւոր տարրերը, որքան եւ հայկականը: Ուստի, առիթ չենք փախցրել, յորդոր ենք կարգացել-քարոզել ենք Թուրք եւ ա՛յլ ազգերի հասարակ աշխատաւոր, գիւղացի տարրերին, որ ո՛չ թէ մեզ արգելք լինին եւ Սուլթանական պետական-պաշտօնէութեան կողմը բռնեն, որ իրենց էլ կեղեքիչ-հարստահարիչն է, ա՛յլ գան, միանան մեզ հետ, մեզ ոյժ տան, ընդհանուր թշնամու՝ Սուլթանների դէմ մաքառելու:

Իրողութիւնը: — Վեր առնենք, իր ժամանակին, համաշխարհային հեաքը բրութիւն յառաջ բերող Փաղատիայի մեր դատաւարութիւնը: Այդ հոշակաւոր դատաւարութեան ընթացքում մեր գործիչ-ընկերների արտասանած ճառերը տպուած հրատարակի վրայ են: Այդ գրքերոյիը Միջագային Սօցիալիստական գրականութեան մէջ մի գոհարիկ կարող է նկատուիլ՝ որպէս մարքսիստական տեսութեամբ առաջնորդուող-գործիչների խօսքեր՝ Սուրբանական դատաւորների առաջ: Այդտեղ ասուած է թէ՛ իրենց գործունէութիւնը ո՛չ թէ Թուրք հասարակ, աշխատաւոր փոխարկի դէմ է ուղղուած, այլ բացառապէս պետական այն ընդհանուր սխտեմի, որից հաւասարապէս ստապում են բոլոր ազգերի աշխատաւորներն ու փոխարկիչները: Այդտեղ Հայ գիւղացին, Հայ աշխատաւորը չի հարկադրուել Թուրք եւ այլ ազգերի իր դատաւարականիցներին: Ընդհակառակը՝ նրանք դրուել են մի գծի վրայ՝ մի երրորդի՝ Պետութեան դէմ:

Եւ մի՞ թէ Մարքսիստական տեսութիւնը այդ չէ:

Փարամազի ճառը մի դլուխ գործոց չէ՞ — Կարգանք. — «Մէկ Արտամեսցի Տաճիկ ինձ պատմել է. «Մեր ծառի տանձը գնահատեցին 20 դուրուշ. իսկ ես ծառը իր վրայի տանձով առաջարկեցի նրանց 10 դուրուշով. որի փոխարէն լաւ ձեծուելուց յետոյ՝ վճարեցի տուրքը»: Արտաշատուե՞լ է այստեղ աշխատաւորը, առանց ցեղի խրտութեան, Փարամազի բերանով:

Պատմելով դատաւորների առաջ շահագործուող, ոսճիկ երես շահանող ոստիկանական կազմի մասին, հոյակապ գործիչը աւելացնում է. — «Այսուամենայնիւ, այս ոստիկանը ապրում է, տուն, ընտանիք է պահում, մինչեւ անգամ հարստութիւն էլ է դիզում: Ո՞ր տեղից, — ի հարկէ գիւղացիներին կողոպտելով... Այո՛, գիւղացուն կողոպտելով, լինի այդ գիւղացին Հայ, Թիւրք, Քիւրդ, Ասորի, Չէրքէզ, նոյն իսկ Մթրբը-Գնչու...»:

Հակա-Սօցիալիստական թէ՞ Սօցիալիստական է:

Շարունակենք. — «Մենք չենք առաջնորդում ազգայնական գէյրաքով: Մենք թիթու ազգայնամոլներ չենք. մենք աննենդ փոզովրդատէրներ ենք... մեր պահանջն է՝ որ Հայաստանի ազգարնակութիւնը, այսինքն՝ Հայ, Քիւրդ, Թիւրք, Արաբ, Լազ, Չէրքէզ, Ասորի, Եզիզի, մինչեւ անգամ Մութրուբ-Գնչուն իր քուէով ընտցի իր կառավարիչը ու կառավարուի իրենց կարգած մարդերով ու օրէնքներով, որը բարօրութեան հասնելու կարճ ճանապարհն է: Մենք պահանջում ենք Հայաստանը՝ իր մէջ ապրող ամբողջ ազգարնակութեան համար»: Այլ Մարքսիստ, համանման պարագաների մէջ, սրանից աւելի պերճախօս կերպով արտաբերե՞լ է իր պայքարի նրգատակը:

Իսկ Փոքր-Հայքի պետական պաշտօնէութեան եւ էջրաֆների երկար տարիներ մզձաւանջը եղող Շմաւոնի ազիսականը Քիւրդերի մէջ՝ շատերին յայտնի է:

«Օսմանեան Սահմանադրութեան երկրորդ վերահաստատութեանը»՝ կիրատոնի եւ Օրդուի ներքնաշխարհում, Քիրմաստի շրջանում, ունէինք հինգ գուտ Թուրք Սօցիալ Դէմօկրատ Հնչակեան գիւղեր, որոնք մեր կազմակերպութեան մէջն էին եւ գործում մեր ծրագրով: Մեր գործիչ Կորիւնը ուղղակի պաշտում էր Թուրք գիւղացիներին: Եւ ամիս անցնելուց յետոյ՝ ամէն ինչ տակն ու վրայ եղաւ, Իտտիհատի գործիչները այցելութեամբը: Յեղաշին նախարարութեանը, կրօնական մոլոխանդութիւնը, դարեւոր ատելութիւնների կոյտերը՝ այդտեղ դեր էին խաղացել. — «Հիները, յաճախ, չլիթայում են նորերին», աւելի քան պատմական ճշմարտութիւն է:

Մեր ջանքերը, ուրիշ շրջանների մէջ, այդ ուղղութեամբ կատարուած, առ այժմս դանց ենք առնում, մի կողմ թողնում: Սա էլ բաւական էր՝ դրուած խնդիրը լուսարանելու համար:

Այդ տեւ է, որ ոչ-հայ աշխատաւորներին մեր կազմակերպութեան մէջ առնելու ձգտում ունեցել ենք եւ այդ

ուղղութեամբ էլ աշխատանք կատարած: Բայց եթէ չենք յաջողել մեր ջանքերի մէջ՝ դա եղել է մեր կամքից անկախ: Պատմական ոյժեր կային, որ անկարող եղանք խորտակել:

Կազմակերպչական նոյն այդ խնդրին ենք գալիս հիմայ:

Անցել է 37 տարի այդ օրից, եւ պատմական ոյժերը, մի տերրիտորիայի վրայ դիզուած ընկերային փոխ-յարարերութիւնները աչքի առաջ ունենալով, «Երրորդ Միջազգայինը», այսօր — Փետր. 5, 1923 — կազմակերպչական տարբէ՞ր մեթոսի, տարբէ՞ր տակտիկայի է հետեւում, ինչ որ մենք ունեցել ենք 37 երկար տարիներ առաջ: Ո՛ւշ: «Երրորդ Միջազգայինն» էլ նոյն մեթոսն է առաջարկում, նո՛յն տակտիկան, կազմակերպչական ինչ որ առաջ միջավայրից եւ պատմութիւնից հաշկազրուել էր ընդունիլ Սօցիալ Դէմօկրատ Հնչակեան Կուսակցութիւնը:

Ահա՛, կարգանք «Երրորդ (Կոմմունիստ) Միջազգայինի» բերած, առաջարկած լուծումը՝ մեր Կուսակցութեան Տաճկաստանի մասնաճիւղերի նկատմամբ:

Աւելում է. — «Հնչակեան Կուսակցութեան Տաճկաստանի կազմակերպութեան վերաբերեալ, Կոմինտերնի Գործադիր Կոմիտէի Նախագահութիւնը անժամանակ է գտնում Տաճկաստանի Կոմմունիստ Կուսակցութեան ձուլումը Հնչակեան Կուսակցութեան հետ»:

«Առաջիկայում, մինչեւ Տաճկաստանի Կոմմունիստ Կուսակցութեան հետ ձուլումը, Հնչակեան Կուսակցութիւնը համարում է Կոմմունիստական Կուսակցութեան համակրող եւ՝ իրբեւ այդպիսին՝ ունենում է իր ներկայացուցիչը Տաճկաստանի Կոմմունիստ Կուսակցութեան Կեդրոնական Վարչութեան մօտ, մասնակցութիւն ունենալով Տաճկաստանի Կոմմունիստ Կուսակցութեան աշխատանքներին մէջ»:

Շատ որոշ է եւ պարզ. — Կազմակերպչական տեսակէտով՝ «Կոմմունիստ Միջազգայինը» դեռ «վաղահաս» է համարում, որ Տաճկաստանի մէջ մէկ հատ Կոմմունիստ Կուսակցութիւն յառաջանայ, մի եւ նոյն տերրիտորիայի վրայ: — Պատմական՝ դէմ դիմաց կանգնած բազմազոյն հակադիր ոյժերը, հիմայ, ուրեմն, այդ անկարելի, անգործադրելի եմ դարձնում: «Ապագայ»ին եմ քողնում:

Եթէ 37 տարի անցնելուց յետոյ՝ «Երրորդ Միջազգայինը» տակաւին «ազգամիջեան» («միջազգային») կազմակերպչական սիստեմից է կառչում՝ «Կոմմունիստական աշխատանք» կատարելու համար, ապա ի՞նչ սակ 37 տարի առաջ. չէ՞ որ այն ժամանակ պայմանները է՛լ աւելի նեղ, աննպաստ էին զատաւորուած: Հետեւապէս՝ Սօցիալ Դէմօկրատ Հնչակեան Կուսակցութիւնը պատմութեան, միջավայրի հրամայականութիւնից չէ՞ր առաջնորդուել՝ «ազգամիջեան» կազմակերպչական սիստեմին յանդիւրով, Սօցիալիստական, մարտական գործ մղելու համար:

Մեր կազմակերպչական «ազգամիջեան» («միջազգային») դրութիւնը ընդունելի չի լինում «Երրորդ Միջազգայինի Գործադիր Կոմիտէին», բայց ինքն էլ նոյն «ազգամիջեան» սիստեմի կազմակերպչութեանն է վերադարձնում մեզ Տաճկաստանի մէջ, ուր սեղ «ազգամիջեան» սիստեմով գնացած լինելն իրեն անընդունելի էր երէկւայ այդ պայմաններով, իսկ նոյնը ընդունելի այսօրուայ նոյն եւ համանման պայմաններով:

Կա՞յ հետեւողականութիւն. կա՞յ բանաւոր պատճառականութիւն: Եթէ այդ չը կայ, — ապա կայ նախապաշարում, նախապատրաստուած տրամադրութիւն, մէկէն աչքի ընկնող միտումնաւորութիւն՝ «Երրորդ Միջազգայինի» ներկայացուցիչ-արտարերոգների մէջ՝ ընդդէմ մեր Կուսակցութեան:

Երբ մեր առաջ դրում էր 17-րդ յօդուածը, պահանջում էր տերրիտորիալ ձուլում — «Երրորդ Միջազգային»

նը» ամբողջական իրողութեանց հետ ծանօթ պիտի լինէր նախ:

«Երբորդ Միջազգայինի» նոյն այդ անհետևողականութիւնը, հակասութիւնը աչքի է բնկնում՝ իր միւս երկիրների համար բերած լուծումների նկատմամբ, որոնց մասին կարգով կը խօսենք:

Եթէ կազմակերպչական սխառմի նկատմամբ բազմաթիւ կար, — «Գործադիր Կոմիտէն» առաջին իսկ բանազնացութեանց պիտի կանգնէր յօդուած 10-րդի վրայ, սինչեւ ոչ խնդիրները է՛լ աւելի լաւ լուծարանուէին:

Եւ վստահ ենք, որ պիտի պարզարանուենք, հասկացողութեան գանք:

Սուելով Կոմմունիստ Միջազգայինի եւ Սօցիալ Դէմօկրատ Հնչակեան Կուսակցութեան միջեւ կատարուած առաջին բանազնացութիւններից դուրս եկած եղրակացութիւնների առթիւ՝ մենք այն կէտին հասանք, որ խնդիրը շատ լաւ կերպով եւ հիմնաւորապէս ուսումնասիրուած, պարզարանուած էր: Խնդրին մենք մօտեցել էինք միջազգային պրօլետարական շահերի եւ Հայ իրականութեան տուրքների տեսակէտից:

Միջազգային պրօլետարական ընդհանուր շահի տեսակէտից՝ պէտք է որ Սօցիալ Դէմօկրատ Հնչակեան Կուսակցութիւնը իր ամբողջական կազմակերպչական գոյութիւնը պահէր: Նրա խնքնութիւնը լիակատարապէս համաձայն էր Հայ իրականութեան տուրքներին: Այնպէս որ, Կոմմունիստական Միջազգայինի Գործադիր Կոմիտէի Նախագահութիւնը հասել էր այնպիսի հապճեպ եղրակացութիւնների, որ իրեն տարել, գրել էր հակասութիւնների մէջ:

Մեր այդ թէզը ամբողջական, Թիւրքիայից յետոյ, Եզիպտոսը վեր առնելով:

Կոմմունիստ Միջազգայինի Չորրորդ Համագումարի մէջ՝ տեղեկարբեր Կատայաման հետեւեալ կերպով է

պարզում Եզիպտոսում տիրող իրերի դրութիւնը՝ Կոմմունիստական տեսակէտից:

«Եզիպտոսը, ստում է Կատայաման, իր ձեռքին ունի Արեւելքի եւ Մայրաքոյն Արեւելքի բանալին: Հետեւաբար Եզիպտական Կոմմունիստական շարժումը շատ կարեւոր է»: — Այդ մասին խօսք, առարկութիւն, դիտողութիւն չկայ. Եզիպտոսը ունի այդ բացառիկ առաւելութիւնը, թէեւ դա ամէն ինչ չէ՝ պատերազմական ներկայ տեխնիկայի եւ հաղորդակցութեանց միջոցների զարգացման տեսակէտից: Թողնենք այդ. շարունակենք լսել գեղուցարբերին:

«Մօտաւորապէս 40 տարի, յարում է Կատայաման, Եզիպտական ժողովուրդը շահագործուեցաւ Անգլիական եւ Ֆրանսիական իմպերիալիստներից (կայսերապաշտաններից): Վերջին պատերազմը փոխել տուեց Եզիպտական ժողովրդի առաջուան դիրքը: Եզիպտական ժողովուրդը ապստամբեց Անգլիական իմպերիալիզմի դէմ: Եզիպտական փոքր բուրժուազիան եւ Եզիպտական կապիտալիստները դո՛ս են Եզիպտոսի անուանական անկախութիւնից. իսկ Կոմմունիստները եւ յեղափոխական գործաւորները բնաւ դո՛ս չեն այդ անուանական անկախութիւնից: Նրանք ուզում են իսկական եւ իրական անկախութիւն. ու այդ կէտի մէջ Կոմիտեները պէտք է նրանց պաշտպանի եւ զօրավիգ հանդիսանայ: Մենք՝ եզիպտական յանձնախումբի անդամներս համաձայն ենք, որ մեր կողմից էլ ոյժ տրուի եւ խրախուսուի Կոմմունիստական այդ շարժումը: Եզիպտոսի մէջ Կոմմունիստական շատ զօրաւոր շարժում գիտի հաստատուի, որպէս զի Արեւելքի եւ Մայրաքոյն Արեւելքի բանալին իր ձեռքին պահի: Հնդկաստանի ապրտամբութեան պարագային, իր աշխարհագրական դիրքի պատճառով, Եզիպտոսը իր ձեռքին կ'ունենայ Հնդկական յեղափոխութեան բանալին եւ այդպիսով նա կարող է շատ մեծ ծառայութիւն մատուցանել այդ յեղափոխութեան՝ պաշարելով Սուէզի ջրանցքը: Հետեւա-

բար մեր ցանկութիւնն է օգնել Եզրիպտական Կոմմունիստական շարժմանը եւ առաջարկում ենք, որ ճանչցուի Եզրիպտական Սօցիալիստ Կուսակցութիւնը»:

Մեր այս նիւթին չի վերաբերում, ուստի չենք փորձում վերլուծել թէ Եզրիպտոսի մէջ ո՞ր տարրերին են ուղում պաշտպան հանդիսանալ Անգղիական իմպերիալիզմին, Եզրիպտոսի «անուանական անկախութեան»ը, եւ որ ո՞նք. ոչ: Մամլուկները այդ աշխարհի մէջ «տիրող շերտերը» շատ են, խնդիրը բարդ է: Մամլուկ կալուածատէր-փաշան ա՛յլ շարժառիթներից է մղում «անկախութեան» համար, Կոմմունիստը՝ ա՛յլ:

Դիտենք նաեւ, — Եզրիպտական Կոմմունիստները, լիակատար իրաւամբ, ձգտում են ձեռք բերել Եզրիպտոսի համար կատարեալ եւ իրական անկախութիւն: Կոմմունիստ Միջազգայինի յանձնախումբի տեղեկարբեր Կատալաման, միւս բոլորի հետ միասին ընդունում, ծափահարում է այդ միտումը, որպէս անձեռնմխելի մի իրաւունք.— Կոմմունիստական շարժումը դրանով, ոչ ՚իւրիմանում է, ո՛չ էլ սկզբունքային խաթարում կրում.— բայց նոյն այդ երեւոյթը երբ տեղի է ունենում Հայ կեանքի մէջ, երբ Հայաստանի Կոմմունիստներն էլ (Սօցիալ Դէմօկրատ Հնչակեան Կուսակցութեան մէջ մարմնացած) ձգտել էին եւ ձգտում են ամբողջական Հայաստանի լիակատար եւ իրական անկախութեանը, — դա Հայ իմաստակների կողմից համարում է ազգայնականութիւն, հակահոմունիստական մի ձգտում:

Շարունակենք, այժմս, կարգալ տեղեկագիրը, — «Եզրիպտական Սօցիալիստ Կուսակցութիւնը նոր է, դեռ երիտասարդ է, տակաւին անփորձ է շատ բաների մէջ, թէեւ Եզրիպտական ընկերները գործում են Կոմիւնտերնի համար՝ Կոմիւնտերնի դժերով. բայց ցանկանում ենք մի քանի պայմաններ դնել՝ նրանց ընդունելութեան համար Կոմիւնտերնի մէջ: Յանձնախումբը, մի քանի նիստերից յետոյ, հետեւեալ եզրակացութեան հասաւ.

«1.— Եզրիպտական Սօցիալիստ Կուսակցութեան պատգամաւորի տեղեկատուութիւնից երեւում է, որ այնտեղ յեղափոխական զորաւոր շարժում կայ՝ Կոմմունիստ Միջազգայինի հասկացողութեամբ:

«2.— Յանձնախումբը ի նկատի ունի, սակայն, որ Եզրիպտական Սօցիալիստ Կուսակցութեան անդամակցութիւնը պիտի յետաձգուի, մինչեւ որ

«Ա.— Այլ կուսակցութիւնը իր միջից արտաքսի ոչ-ցանկալի տարրերը:

Բ.— Կուսակցութիւնը մի համագումար կանչի, որին մասնակցին՝ Եզրիպտոսի Սօցիալիստ Կուսակցութեան հետ միասին՝ բոլոր այն Կոմմունիստ տարրերը, որոնք այժմս գուրս են Եզրիպտական Սօցիալիստ Կուսակցութիւնից եւ ընդունում Երրորդ Միջազգայինի 21 պայմանները:

«Գ.— Կուսակցութիւնը իր անունը փոխի, դնի «Եզրիպտական Կոմմունիստական Կուսակցութիւն»:

«Յ.— Հետեւաբար հրահանգում է Եզրիպտական Սօցիալիստ Կուսակցութեան, ոչ ուշ քան 15 Յունուար 1923, համագումար կանչել, վերեւ բերուած կէտերը իրագործելու համար»:

Եւ 1923, Փետրուարի 5-ին էլ Կոմմունիստ Ինտերնացիօնալի Գործադիր Կոմիտէի Նախագահութեան կողմից Ռ. Վ. Կոնսիներ ստորագրութիւն եւ կնիք է դնում, որ Սօցիալ Դէմօկրատ Հնչակեան Կուսակցութեան Եզրիպտոսի շրջանը լուծուի, իր գոյութիւնը կորցնի, մասնի այն կազմակերպութեան մէջ որտեղից «ո՛չ ցանկալի տարրերը» ո՛չ միայն շարտաքսուեցան, այլ միշտ էլ կան եւ Կոմմունիստական անունը եթէ կայ, բայց իրը, առարկան տակաւին չը կայ:

Համապատասխան եզա՞ւ դա ընդհանուր պրօլետարական շահին: Մինչդեռ 37 տարիից ի վեր մենք Եզրիպտոսի մէջ ունինք զօրաւոր մասնաճիւղեր, որոնք ամենայն եռանդով Մարքսիզմի պրօպագանդիստներն են եղել Կա-

հիբէի, Ազեքսանդրիայի եւ Եգիպտական ա՛յլ քաղաքներէ մէջ: Ծա՛հ կա՞ր առաջարկուած այդ լուծումից:

Վերակրկնում ենք, — խնդիրը լաւ ուսումնասիրուած չէր. վճիռը տրուել է հասպնկով, նա չի համապատասխանում ո՛չ Հայ իրականութեան եւ ո՛չ էլ ընդհանուր պրօլետարիական շահերին Կոմմունիստական միջազգային շարժման զօրեղացմանը ու ծաւալմանը:

Սօցիալ Դէմօկրատ Հնչակեան Կուսակցութիւնը ապրելու լիակատար իրաւունք ունի՝ թէ սկզբունքային, թէ սակտիկական տեսակէտից, իր ամբողջականութիւնը պահելով:

Խնդիրը է՛լ աւելի պարզ կը լինի, երբ վեր առնենք այդ հարցը թէ ինչո՞ւ, ինչի՞ց զրգուած Լենինը Սօցիալ Դէմօկրատ անունը վերցնելով՝ իրենց Կուսակցութեան տուեց Կոմմունիստ անունը: Տեսնենք թէ իր բերած առարկութիւնները ո՛ր աստիճան հարուածում են Սօցիալ Դէմօկրատ Հնչակեան Կուսակցութիւնը սկզբունքային եւ սակտիկական տեսակէտից:

Ե.

ՍՕՅԻԱԼ ԴԷՄՕԿՐԱՏԻԱ ԵՒ ԿՈՄՄՈՒՆԻԶՄ

Սօցիալ Դէմօկրատիա եղբերը, մինչեւ Ռուսական Պրօլետարական Յեղափոխութիւնը, գտնուում էին բարձրակէտի վրայ, ունէին մի առանձին հմայք, համարում էին որպէս աւելի յստակ, գտուած, բիրեղացած արտայայտութիւններ՝ Գիտական Սօցիալիզմի կիրառութիւնից յառաջացած նոր ընկերային զրութեանը եւ կազմաւորութեանը: Մինչեւ այդ թուականը՝ այդ եղբերը, այսպէս ասած, գաղափարային մակընթացութեան մէջ էին գտնուում:

Եկան տեղատուութեան օրերը. երբ այլեւս Սօցիալ Դէմօկրատիա եղբերը, ոմանց կողմից, նկատուեցան «պղտոր», «ո՛չ-մաքուր» արտաբերութիւններ Գիտական

Սօցիալիզմից բղխած նոր ընկերային կարգաւորութեանը. եւ նրանք նախընտրեցին վերակրկնել, նորից կիրառութեան մէջ զննել կոմունիզմ եղբր:

Հարցը, գլխաւորապէս, յառաջացաւ Լենինից:

1918-ի Փետրուարի մէջ՝ Ռուս Բոլշեւիկները (Մեծամասնականները), որ առաջ Ռուս Սօցիալ Դէմօկրատ Բանւորական Կուսակցութեան մի ճիւղն էին՝ ընդունեցին Կոմմունիստ անունը եւ կոչուեցան Ռուսաստանի Կոմմունիստ Կուսակցութիւն:

Այդ առթիւ ամենից առաջ պիտի լսենք Լենինի առարկութիւնները:

Դժբախտաբար՝ մեր ձեռքի տակ չունինք Լենինի զբրուածքների ուսերէն բնագրերը. ուստի հետեւում ենք անգլիերէն թարգմանութիւններին:

Իր խօսքերի հարազատ թարգմանութիւնը տալուց յետոյ է, որ մեր ասելիքները պիտի աւելցնենք, ինչ որ վերաբերւում է մեր Կուսակցութեան զիրքին. այդ մեթոտով պիտի ընթանանք:

Թէ ինչո՞ւ փոխանակ Սօցիալ Դէմօկրատ, Սօցիալ Դէմօկրատիա եղբերի պէտք է դործածել Կոմմունիստ, Կոմմունիզմ եղբերը, — Լենինը տալիս է հետեւեալ պատճառարանութիւնները: Հետեւենք իր ասածներին:

— «Ի՞նչ անուն պիտի տանք մեր Կուսակցութեան: Մարքսի եւ էնղէլսի բառապիտուութիւնը (Տերմինօլօգիա) գործածելով՝ մեր Կուսակցութիւնը պիտի կոչենք Կոմմունիստ Կուսակցութիւն:

«Մենք Մարքսիստներ ենք. մեր քաղաքականութիւնը հիմնուած է ԿՈՄՄՈՒՆԻՍՏԻԱԿԱՆ ՄԱՆԻՖԷՍՏԻ վրայ, որ խեղաթիւրուեցաւ եւ արհամարհուեցաւ «Սօցիալ Դէմօկրատիայի» կողմից, երկու տեսակէտով:

«1. — Որովհետեւ գործաւորները երկիր չունեն, ուստի իմպերիալիստական (կայսերապաշտական) մի պատերազմի ժամանակ՝ «հայրենիքի պաշտպանութիւնը» գաւաճանութիւն է Սօցիալիզմի հանդէպ:

«2.— Մարքսեան տեսութիւնը կառավարութեան մասին ազաւազուեցաւ՝ Երկրորդ Միջազգայինի կողմից :

«Գիտական չէ «Սօցիալ Դէմօկրատիա» եզրը, ինչպէս որ Մարքսը այդ բացատրել է 1875ին եւ էնդէլսն էլ, է՛լ աւելի ժողովրդական ձեւով, 1894—ին : Մարքսութիւնը կարող է Կապիտալիզմից միայն Սօցիալիզմի անցնիլ, — այսինքն՝ արտադրութեան միջոցների հասարակական սեպհականութեանը եւ արտադրոյթի բաշխմանը՝ անհատական աշխատանքի համեմատ : Մեր Կուսակցութիւնը գրանից է՛լ աւելի հեռուն է նայում : Սօցիալիզմը հարկադրուած է, ուշ կամ կանուխ, հասուննալ՝ Կոմմունիզմի վերածուիլ . իսկ Կոմմունիզմի գրօշը կրում է այս վերտառութիւնը, — իւրաքանչիւրից համաձայն իր կարողութեան . իւրաքանչիւրին՝ համաձայն իր կարիքներին :

«Սա առաջին պատճառն է» :

Լենինի վերեւ բերուած այս «Առաջին պատճառի» պատճառով՝ եւ ո՛չ մի հարուած է ստանում Սօցիալ Դէմօկրատ Հնչակեան Կուսակցութիւնը : — Այնպէս որ «Նշմախուր», «Արդուր», «Խաթարում», «Աղաւաղում» բառերը բնաւ չեն կարող մեզ չփոթեցնել եւ մեր Կուսակցութեան հասցէի մէջ սեղ ունենալ : Մեր Մարքսիստական գաղափարաբանութիւնը մնում է գուտ, մախուր, ամայլայլ, եթէ վեր առնենք Հայ միջավայրը, Հայ իրակաւնութիւնը :

Սօցիալիստ Կուսակցութիւնների միջև 1905—ին ծագած տարակազմիքութիւնների եւ փոխադարձ քննադատութիւնների առթիւ՝ ինչ որ ասած էինք ա՛յն ժամանակ, նոյնը յարմար է գալիս սակուր ե՛ւ այսօրուայ խնդիրների մասին :

Ասել էինք, ասում ենք հիմայ էլ — Սօցիալ Դէմօկրատ Հնչակեան Կուսակցութիւնը մի ուրոյն հաստատութիւն է, մի տեսակ պատմա-անհատական դոյացութիւն, որ ունի իր սեպհական գաղափարաբանութիւնը, իր սրտ սկզբունքները եւ տակտիկան : Քննադատութիւնը իրա-

ւանք ունի այդ Կուսակցութիւնը վեր առնել՝ որպէս ամբողջականութիւն եւ վերլուծումի, քննութեան ենթարկել, համեմատութեան՝ գուղախչուի մէջ դնել միւս ազգութիւնների մէջ գանուող համանման Սօցիալ Դէմօկրատ Կուսակցութիւնների եւ զործելակերպի հետ . — դա մի իրաւունք է եւ դատելու ուղիղ մի ձեւ : Բայց սխալ է այն տեսութիւնը, այն մեթօտը, որ քննութեան առնելով Գերման կամ Ռուս Սօցիալ Դէմօկրատները, եւ նրանց գաղափարաբանութեան, զործելակերպի ու զիրքի մէջ մի սխալ կէտ նշմարելիս՝ այդ միեւնոյն սխալը վերագրել կանխամտածմամբ ե՛ւ Սօցիալ Դէմօկրատ Հնչակեան Կուսակցութեան, որ նա էլ այդ միեւնոյն անունն է կրում . . . Սխալ կը լինէր մէկի ասածը անհրաժեշտօրէն վերագրել ե՛ւ միւսին : Հետախուզական միտքը նրանցից իւրաքանչիւրը պիտի կրկնացնի եւ ըստ այնմ իր քննութիւնը կատարի, ամէն մէկին պատասխանատու բռնելով իր մտքերի եւ արարքների համար :

Գժբախտարար մեր հակառակորդները փոխանակ աշխատելու ուղղակի մեզ հակահաւուր . փոխանակ մեր Կուսակցական գաղափարաբանութիւնը անմիջական կերպով քննութեան առնելու . — նրանք մեզ ներկայացրել են ա՛յն ինչ որ իրօք չենք : Եւ այդպէս վարուած են՝ պարզապէս աչքի առաջ ունենալով ուրիշ երկրների Սօցիալ Դէմօկրատ Կուսակցութիւնները եւ կամ նրանց աւելի կամ նրաւոյ հեղինակութիւն վայելող անդամների գրածները :

1914—1916—ի Գերման, Անգղիացի, Աւստրիացի, եւ այլն, Սօցիալ Դէմօկրատների զիրքերը չի կարելի ընդհանրացնել եւ Սօցիալ Դէմօկրատ Հնչակեան Կուսակցութիւնն էլ նրանց մէջ դնել . պատմական ո՛չ մի տուրք, ո՛չ մի եղիւթութիւն կարող է այդպիսի մի դատողութիւն արգար եւ ուղիղ համարել :

Մեր այս ասածները է՛լ աւելի որոշ կը լինեն, մեր պատասխանատուութիւնը է՛լ աւելի կը ճշտուի երբ խնդիրները վեր առնենք կարգով :

Ա.— «Պրօլետարները հայրենիք չունին» . կամ «գործաւորները երկիր չունին» . — Կարլ Մարքսի խօսքերն են դրանք, որի արտայայտիչ, պրօպագանդիստ, պաշտպաններն ինչ մէկն էլ հանդիսացել է մեր Կուսակցութիւնը:

Մարքսի խօսքերին աւելցնելով այն թէ՛ ի՞նչ պիտի լինի գործաւորի կամ պրօլետարի դիրքը հանդէպ «իր երկրի», «իր հայրենիքի» եւ նրա մէջ պարփակուած տիրող բուրժուազիայի թէ՛ խաղաղութեան եւ թէ՛ պատերազմի ժամանակ, — այդ բոլոր հարցերի մասին՝ դեռ 1905-ին՝ դիմում է եղել Սօցիալիստական Աշխարհի է՛ն նշանաւոր դէմքերին — ի թիւս այլոց ե՛ւ Լենինին — ու նրանց կարծիքը ստնուել՝ Պարիզ հրատարակուող «La Vie Socialiste» («Սօցիալիստական Կեանք») անունով ամսաթերթի մէջ: : Հետաքրքրուողը, այդ մասին, կարող է կարգաւ «Սօցիալիզմ եւ Հայրենիք» անունով մեր երկու գրքոյկները: Ուստի, այդ նկատմամբ, աւելորդ ենք համարում այստեղ խօսել:

Այդ խնդիրը մեզ համար այսպէս է ներկայանում .

— Քաղաքական, տնտեսական ամէն իրաւունքներից գուրկ Հայ աշխատաւորը, գիւղացին, արտադրողը, պրօլետարը իրաւունք ունէ՞ր ձգտել՝ յեղափոխութեամբ ձեռք բերելու քաղաքական, տնտեսական, ընկերային լիակատար ազատութիւն՝ իր սեպհական միջավայրի (Հայաստանի) մէջ գործադրելու, իրականացնելու դիտումով, Գիտական Սօցիալիզմից յառաջանայիք իրերի մի դրութիւն: Թէզք այս է . կա՞յ ո՛չ ստող հակա-թէզ: Մեր դիրքը, մեր գործունէութիւնը ա՛յդ հիմունքը, ա՛յդ ուղղութիւնը ու ուղին է ունեցել: Հետեւարար մեր եւ ո՛չ մէկ գիրքով դաւաճանել ենք «Սօցիալիզմի հանդէպ»:

Լենինը եւ իւրայինները իրենց սեպհական միջավայրի մէջն են աշխատել իրականացնել Գիտական Սօցիալիզմը, մենք՝ մեր:

Տարբեր է հարցը թէ՛ ո՛վ ի՞նչքան է կարողացել անել մինչեւ ուր հասել:

Մի ուրիշ հարց էլ, որ պատմարանը պէտք է պարզի: Փաստ է, որ 1914-ի առաջին օրերից, Լենինը իր արասահմանի ընկերներով քարոզեց ընդհանուր պրօլետարական յեղափոխութիւն, — բայց, այդ ժամանակ բուն Թուաստանի մէջ գտնուող իր ընկերներից շատերը ճակատ չը խուժեցի՞ն Յարական բանակների մէջ մտնելով սրպէս հասարակ զինուորներ, սրպէս սպաներ:

Եւ յետոյ, Եթէ Գերման, Անգլիացի... Սօցիալ Դէմօկրատները իրենց սեպհական կառավարութեան դէմ չը գնացին, նրանց հետ գործակցեցին, — Սօցիալ Դէմօկրատ Հնչակեաններն էլ այդպէս արեցին, թէ՞ զէնքի դիմեցին ճիշտ հոգեբանական բողէին: Սօցիալիզմի հանդէպ դաւաճան կը լինէինք եթէ չը շարժուէինք: 1913-ին, վերջին պատերազմին ծագման օրերին, նրա ամբողջ ընթացքում մեր բունած գիրքն ու գործը եղել է աւելի քան Սօցիալիստական:

«Առաջին պատճառի» առաջին մասը մեզ երբէք չի կարող հարուածել թէ՛ գործի եւ թէ՛ անուխ տեսակէտից:

Առններ երկրորդը:

Բ.— «Մարքսի տեսութիւնը կառավարութեան մասին՝ Երկրորդ Միջազգայինի կողմից խեղաթիւրուել է» . — Պատերազմին մասնակցող երկրների Սօցիալ Դէմօկրատ Կուսակցութիւններին հետեւողներից ոմանց կողմից՝ այո՛, խեղաթիւրուեց . բայց ո՛չ բոլորի կողմից անխտրաբար, — ինչպէս որ Լենինը ինքը խոստովանում է իր, այդ առթիւ, միւս գրածների մէջ: Եւ ինչո՞վ են դրանով մեղաւոր միւս՝ պատերազմին չը մասնակցող երկրների Սօցիալ Դէմօկրատները: Ինչով է մեղաւոր այդ մասին մե՞ր Կուսակցութիւնը: — Կառաւարութիւնները տիրող դասակարգի յանձնակատարներն են . — Մարքսի այդ տեսութիւնները մենք միշտ պաշտպանել ենք: Կառավարութիւն տապալելու յեղափոխական մեթոտով մենք կախազաններ ենք տուել դեռ 1917-ից առաջ: Փաստը, իրո-

դուժինը կայ: Ուրեմն «Մարքսի տեսութիւնը կառավարութեան մասին» խաթարողներից էլ չենք եղած: Այդտեղ էլ Սօցիալ Դէմօկրատ Հնչակեան Կուսակցութիւնը պարզ, մաքուր է իր Մարքսիստական սկզբունքների մէջ:

Գ. — Ճիշտ է, Մարքսը 1875-ին քննադատել է Սօցիալ Դէմօկրատ եզրը, մասնաւորապէս Գօթայի Համագումարի առթիւ. նոյնը արել է ե՛ւ ինգէլսը: Արդեօք Լենինը այդ քննադատութիւններին ծանօթ չէ՞ր, երբ մտաւ արդէն կազմուած Ռուս Սօցիալ Դէմօկրատ Բանւորական Կուսակցութեան շարքերի մէջ: Եթէ սկզբնական շրջանին ծանօթ չէր, կամ ծանօթ էր եւ այդ անունը չէր կարող փոխել տալ, ինչո՞ւ բաժանումից յետոյ (Բօլշեւիկեան եւ Մենշեւիկեան թեւեր) ինքը հրատարակեց մի թերթ՝ «Սօցիալ Դէմօկրատ» անունը տալով:

Յայտնի է թէ ինչ պարագաների տակ՝ 1869-ից յառաջացաւ Սօցիալիստական Դէմօկրատիա եզրը, հասկացընելու համար իրերի այն դրութիւնը, որ պիտի յառաջանար Գիտական Սօցիալիզմի կիրառութիւնից: ԷրՖուրտի Մրազրից յետոյ՝ ինգէլսը ինքը այլեւս դադարեց Սօցիալ Դէմօկրատիա եզրերի դէմ խօսելուց: Եւ միւս, դաւիթ, պատճառաբանութիւնների մէջ Լենինը ինքն էլ է այդ խոստովանում:

Իայց այդ բոլորը ինչո՞վ են հարուածում մեր Կուսակցութիւնը:

Շարունակենք եւ է՛լ աւելի փաստեր ունենալուց յետոյ եզրակացութեան կը հասնենք. ուրիշ երկրների Սօցիալ Դէմօկրատ Կուսակցութիւնների համագործակցութիւնը չը կրող Երբորդ Միջազգայինի ներկայացուցիչները ինչո՞ւ այդքան հապճեպ պիտի գտնուէին մեր նկատմամբ:

Թէ ինչու Սօցիալ Դէմօկրատիայի փոխարէն Կոմմունիզմ եզրը պիտի ընդունել, — Լենինը իր պատճառաբանութիւնը շարունակում է այսպէս.

— Իմ երկրորդ պատճառը այս է: «Սօցիալ Դէմօկ-

րատիա» եզրի երկրորդ մասը սխալ է գիտականօրէն: Դէմօկրատիա իշխանութեան մի ձեւ է: Մենք՝ Մարքսիստներս հակառակ ենք ամէն ձեւի իշխանութեան:

«Երկրորդ Միջազգայինի պարագլուխները (1889—1914)՝ Պլէխանով, Կաուցկի եւ իրենց համախոհները ազաւղեցին ու անուանարկեցին Մարքսիզմը: Մարքսիզմի եւ անարխիզմի տարբերութիւնը այն է, որ Կապիտալիզմից դէպի Սօցիալիզմ անցնելու անցողական շրջանի ընթացքում՝ Մարքսիզմը ընդունում է մի տեսակի իշխանութեան անհրաժեշտութիւն. ո՛չ թէ իշխանութեան այն տեսակը, որ ներկայացնում է բուրժուա, դէմօկրատական հասարակապետութիւնը եւ իր պարլամենտական սիստեմը, այլ այն տեսակի իշխանութիւն, որ ներկայացրին 1871-ի Պարիզի Կոմմունը ու 1917-ի Գործաւորների Պատուիրակների Սորհուրդները»:

Պարզաբանութեան համար աւելացնում ենք. — Լենինը ասում է, որ «Դէմօկրատիա» բառի մէջ իշխանութեան դադարի կայ բովանդակուած: Դա ճիշտ է: «Դէմօկրատիա» բառը ծագում է յունարէն «դէմօս» (ժողովուրդ, ռամիկ) եւ «կրատիա» (վարիչ) բառերից: «Դէմօկրատիայի» հայերէն բառացի թարգմանութիւնը տրբուել է «ռամկավարութիւն», «ժողովրդապետութիւն», «ժողովրդավարութիւն» բառերով:

Յունական հին ընկերութեան ժամանակ՝ այսօրուայ մէր աշխատաւոր, բանւոր, գործաւոր դասակարգին պատկանողներին, որոնք իշխող, տիրող դասակարգին բաժնեկից չէին, — կոչում էին «դէմօս»: Երբ «դէմօսը» երկրի կառավարական իշխանութեան ղեկը ձեռքն առաւ, — յառաջ եկաւ դէմօկրատիան — ռամկավարութիւն, ժողովրդավարութիւն, ժողովրդապետութիւն —, այսինքն «դէմօսի» իշխանութիւնը, նրա կառավարութիւնը:

Այդ կերպով կազմուած է «պլուտօկրատիա», (մեծահարուստների, փողատէրերի իշխանութիւն) բառը, եւ այլն:

Գիտական Սօցիալիզմի սկզբունքները երբ կը դորձադրուին ամբողջ աշխարհի մէջ, երբ այսօրուայ բոլոր ազգերի եւ պետութիւնների միջից կը վերանան կապիտալիստական կարգերը, — մարդկային այդ նոր ընկերութիւնը կ'ունենա՞յ որ եւ է իշխանութիւն, հարկաւ ո՛չ նրման այսօրուաններին, — Կարլ Մարքսը ինքը այդ մասին որոշ զիծ, գծազրուութիւն տուած չունի:

Գալիք Սօցիալիստ-Կոմմունիստական ընկերութեան պատկերը առաջին անգամ դժեւ է Աւստրիացի տնտեսագէտ Շաֆլին, թէեւ ինքը ո՛չ սօցիալիստ էր, ո՛չ կոմմունիստ, ո՛չ էլ Մարքսիստ, այլ պարզ տնտեսագէտ, էն էլ Ազատական Դպրոցին պատկանող: Բայց նա գալիք նոր ընկերութեան պատկերը ուրուագծել էր գլխաւորապէս Մարքսեան գաղափարաբանութիւնը իրեն հիմունք առնելով:

Գալիք ընկերութեան գլխաւոր ուրուագիծը տուել է նաեւ Կառլ Կլին, եւ ուրիշ շատ տնտեսագէտներ ու սօցիալիստներ, նոյն իսկ Մարքսիստներ: Բայց ամէնքն էլ նախապէս խոստովանել են, որ իրենց ասածները ո՛չ միայն վերջնական չեն, այլ հակառակ են նոյն իսկ Մարքսեան այն տրամախոհութեան (գիտելիտիկա), որ a priori (կանխամտածմունք) մտածմունք չի ընդունում: Իրողութիւնը, եղելութիւնը պիտի գայ, որ մտածմունքին նիւթ տայ, տրամախոհութեան՝ կարգաւորութիւն, դասաւորութիւն: Ուրեմն Մարքսիստական տրամախոհութեամբ a posteriori (յետագայ) մտածմունքները, տրամախոհութիւններն են, որ արժէք ունին, երբ գալիս է եղելութիւնը, ինքը՝ կեանքը:

Կոմմունիզմի «Այբբենարանը» կազմող յայտնի Բուխարինը իր գրուածքով, Շաֆլինից շատ առաջ չի դնացել:

Ֆրանսիացի Սօցիալիստները եւ Կոլլեկտիվիստները գալիք ընկերութեան մէջ, ասում են, ուրիշ իշխանութիւն չի լինիլ այլ միայն «իրերի վարչակազմութիւն» (administration des choses):

Ուզում ենք ասել, որ գալիք Սօցիալիստական-Կոմմունիստական ընկերութեան օրերում ի՞նչ տեսակի մի իշխանութիւն (հեղինակութիւն) կը լինի, — նրա ամբողջական ձեւաւորութեան մասին հիմնականից որքան քիչ խօսուի, այնքան էլ աւելի գիտական կը լինի:

Տնտեսական այդ հարցը մեզ հետ ո՛չ մի կապ ունի, մանաւանդ այս բոլորին:

Բայց մի եղելութիւն կայ, որ պէտք է մատնանշել:

Լենինը ներկայ է եղել Յիմմերվալդի ժողովին եւ որոշումների տակը ստորագրել:

Արդ, Յիմմերվալդի արձանագրութեանց մէջ կայ հետեւեալ հատուածը. — «Համաշխարհային պատերազմ նորից տեղի ունենալու դէմ՝ միայն մէկ երաշխաւորութիւն կայ այն է՝ Սօցիալ Հասարակապետութեան (Social Republic) հաստատումը»:

«Հասարակապետութեան» մէջ իշխանութեան գաղափարը է՛լ աւելի շեշտուած է:

Այո՛, «Դէմօկրատիա» եզրի մէջ իշխանութեան գաղափար կայ. բայց Լենինը մտքի մի սլացքով «դէմօկրատիա» բառը առնելով եւ իշխանութեան գաղափարը մատնանիշելով՝ թողնում է Սօցիալ բառը. — Դէմօկրատիա, — բայց ի՞նչպիսի դէմօկրատիա, — այնպիսի դէմօկրատիա, որ կը բղխէր Սօցիալիզմի (Մարքսիզմի) կիրառութիւնից. — ինչպէս որ ընդարձակօրէն այդ մասին խօսել է Լիբկնիստ եւ ուրիշներ:

Սրանք այնպիսի տեսական խնդիրներ են, որ շատ քիչ կապ եւ առնչութիւն ունեն մեր այսօրուայ կեանքի հետ: Եւ շեշտում ենք, որ դրանցից եւ ոչ մի հարուած է դալիս մեր Կուսակցութեան: Մենք միշտ կրկնել ենք, որ գալիք ընկերութեան ամբողջական կազմը, պատկերը մենք ընդունում ենք այն, որ բղխում է Գիտական Սօցիալիզմից, Ամբողջական Սօցիալիզմից, Մարքսիզմից եւ է՛լ աւելի պարզ լինելու համար՝ յաճախ դորձ ենք անում

Մարքսեան Կոմմունիզմ եզրերը, որպէս զի մինչեւ ցարդ ներկայացած դիտութեան շրջանակից դուրս չը լինենք:

Շարունակենք լսել Լենինին:

— «Երբորդ պատճառն այս է: Կեանքը եւ Յեղափոխութիւնը արդէն հաստատել են իշխանութեան մի այնպիսի նոր տեսակ (թէեւ այն ձեւով, որ տակաւին թոյլ է եւ սաղմնային), որ բառի իսկական իմաստով իշխանութիւն չի համարուում: Այդ նոր իշխանութեամբ՝ զանգուածներն են, որ գործերն են վարում եւ ո՛չ թէ թէօրիների մէջ զեզերող պարագլուխները:

«Բառի իսկական իմաստով՝ իշխանութիւն կը նշանակի այն զօրութիւնը (ոյժը) որ՝ ազգից անջատ՝ զինուած մարդկանց մի խումբ գործադրում է զանգուածների վրայ: Նոր իշխանութիւնը, որ նորածնելու պրօցեսսի մէջ է, նա, նոյնպէս, իրական իշխանութիւն է, որովհետեւ մենք էլ կարիք ունենք զինուած մարդոց. որոնք անհրաժեշտ են կարգը պահելու. անհրաժեշտ են անողոքբար ջախջախելու հակա-յեղափոխական ամէն գործ, Յարսկան, Բուրժուազական կառավարութեան վերահաստատութեան ամէն ճիգ ու ջանք ի դերեւ հանելու: Բայց մեր նորածին այդ իշխանութիւնը չի իշխանութիւն բառի իսկական իմաստով. Ռուսաստանի զանազան մասերում գտնուող զինուած մարդոց խմբերը նոյնինքն զանգուածներն են, ամբողջ ազգն է, եւ ո՛չ թէ այնպիսի խմբեր, որոնք ազգից վեր են կանգնած եւ նրան կառավարում են. նրանք ազգից բարձր կանգնող խմբեր չեն, գործնականապէս անլարժ արտօնեալ անհատներ չեն:

«Նայենք դէպի առաջ եւ ոչ թէ դէպ յետ: Բուրժուազական սովորական դէմօկրատիայից է՛լ աւելի հեռուն նայենք: Բուրժուազական դէմօկրատիան հարկադրում է իր տիրապետութիւնը կառավարական հնացած, միապետական միջոցներով, ոստիկանութեամբ, բանտով եւ բւերօկրատական պաշտօնատարներով: Նայենք դէպի յտաջ, դէպի նորածին Դէմօկրատիայի գալուատը, որ

արդէն դէմօկրատիա լինելուց զաղարել է, որովհետեւ դէմօկրատիա կը նշանակի ժողովուրդի իշխանութիւն, եւ ազգի զինուած զանգուածները չեն կարող իրենք իրենց վրայ իշխանութիւն գործադրել:

«Դէմօկրատիա բառը չի կարելի գիտականօրէն կիրարկել Կոմմունիստ Կուսակցութեան: 1917-ի Մարտից ի վեր՝ դէմօկրատիա բառը պարզ մի կապանք է, որ չլիցայում է յեղափոխական մի ազգ, արդիւում է նրան հաստատելու իշխանութեան (զօրութեան, ոյժի) մի նոր ձեւ, — այն է Գործաւորների, Զինուորների եւ Գիւղացիների Պատուիրակների Սորհուրդները, որոնք իշխանութեան ամէն ձեւի ջնջման նախադարձայններն են»:

Լենինը այս «պատճառ»ի մէջ գործ է ածում միայն դէմօկրատիա, բուրժուազական դէմօկրատիա եզրերը, հակադրելու նրանից բղխող իշխանութիւնը՝ Կոմմունիստական դալիք, այսպէս ասած, ոչ-իշխանութեան հետ:

Մինչդեռ այդտեղ էլ պիտի աւելացնէր Սօցիալ (Սօցիալիստական) բառը:

Սօցիալիստական Դէմօկրատիա, — ուր չը կան դասակարգեր, չը կայ դասակարգային կռիւ, յաւելեալ արժէքով աշխատանքի շահագործում չը կայ. կապիտալիզմի կեդրոնացում չը կայ. — ուր արտադրութեան, փոխադրութեան, հաղորդակցութեանց եւ այլն, բոլոր միջոցները ընկերակացնել են. — ընկերային այդ զօրութիւն է ներկայացնում Սօցիալ Դէմօկրատիան. արդ, այդտեղ ի՞նչ տեսակի իշխանութիւն պէտք է: Բնականաբար նա ամենայնիւ պիտի տարբերուէր Բուրժուազական Դէմօկրատական դրութիւնից: — Այդ ժամանակ ընկերային իշխանութիւնը, ոյժը, զօրութիւնը, հեղինակութիւնը, վարչականութիւնը ինչ եղանակով պիտի կազապարուի, — Սորհուրդները մի ձեւ են բերում, որի հաստատմանը եւ ամրապնդութեանը մենք ամենայնիւ ստատրում ենք մեր Կուսակցական ոյժով. բայց դա դեռ ընդհանրացած չէ: Երկրորդ Միջազգայինին հետեւողները եւ Անկախ Սօցիալ-

լիսաները մտածում են ուրիշ ձեւերի վրայ, որ դեռ դա-
ւիք է...:

Եւ այս բոլոր լինելիքները իրաւո՞ւնք են տալիս Եր-
րորդ Միջազգային նախագահութեան ներկայացուցչին
գործնական կեանքի հետ ամենօրեայ գործ ունեցող մի
Կուսակցութեան առաջարկել, որ իր անուրբ վախի...
լուծուի... «Պատճառը» համոզեցուցիչ չէ...:

Շարունակենք ուշադրութեամբ հետեւել Լենինի ա-
սածներին.

— «Կայ մի չորրորդ պատճառ, — այն է՝ Սօցիալիզ-
մի միջազգային դրութիւնը: Սօցիալիզմի դրութիւնը,
այսօր, այլեւս այն չէ, ինչ որ է՛ր 1871-ից մինչեւ 1914-ի
ժամանակաշրջանում. երբ Մարքսը եւ Էնգելսը բնդումնե-
ցին՝ որպէս փոխանուն՝ անուղիղ, պատեհապաշտային
«Սօցիալ Դէմօկրատիա» բառը»:

Այստեղ այլեւս մեզ մնում էր հարցը փակել. խըն-
դիրները պարզաբանուած համարելով՝ մեզ հետաքրքրող
բառերի եւ եզրերի նկատմամբ: Բայց շարունակենք՝ է՛լ
աւելի լու լուսարանուելու համար:

Իր «Չորրորդ Պատճառով» Լենինը ինքը վկայում է,
ուրեմն, որ Մարքսը եւ Էնգելսը որոշեալ ժամանակաշրջ-
անում՝ Սօցիալ Դէմօկրատիա եզրերի մասին դիտողու-
թիւններ անելուց յետոյ՝ վերջապէս «բնդումնեցին», որ
Կոմմունիզմի, Կոմմունիստի փոխարէն, որպէս այդ բա-
ռերին հոմանիշ — ինչպէս իրենք էին հասկանում այդ եզ-
րերը — քաղաքացիութեան իրաւունք ունենալին Սօցիալ
Դէմօկրատիա, Սօցիալ Դէմօկրատ բառերը:

Ինչպէս շատ վերեւ գիտեցինք, կային՝ նախնական
Կոմմունիզմ, Եկեղեցական Կոմմունիզմ, Ուսուցիչական
Կոմմունիզմ, Պրուետոնական Կոմմունիզմ, Պղատոնական
Կոմմունիզմ, եւ այլն, եւ այլն: — Հարկաւոր էր չլիթթու-
թիւնից դուրս գալ: Պարզ Սօցիալիզմ բառն էլ, այդ ժա-
մանակները չէր արտայայտում Գիտական Սօցիալիզմի
(Մարքսիզմից) կիրառութիւնից յառաջանալիք ընկերային

դրութիւնը, — ուստի ստեղծուեցան Սօցիալ Դէմօկրա-
տիա, Սօցիալ Դէմօկրատ բառերը:

Մտաւորապէս 55 տարի գործ են անում Սօցիալ
Դէմօկրատ, Սօցիալ Դէմօկրատիա եզրերը: Հարկաւ բա-
ռերը իմաստի փոփոխութիւն կը կրեն ժամանակի ընթաց-
քում: Մաքս Միւլլէրը ցոյց է տուել թէ ինչպէս Փրանս-
սիական պարզամիտ — naïf — բառը 60 կիրառութիւն
ունի: Բառերն էլ կունենան իրենց էփօլիցիան՝ նշանա-
կութեան եւ մտքի արտայայտութեան տեսակէտից: Կոմ-
մունիզմ, Սօցիալ Դէմօկրատիա բառերը չէին, որ լեզուա-
կան այդ օրէնքից դուրս գային: Հարկաւ էյզենախցու
(1869) համար Սօցիալ Դէմօկրատիա եզրերը բոլորովին
այն նշանակութիւնը եւ բովանդակութիւնը չունէին, ինչ
որ ունէին Էրֆուրտցիների եւ մեր ժամանակի Սօցիալ
Դէմօկրատների համար: Եթէ Կոմմունիզմ եզրի գլխաւոր
գծերի առթիւ այսօր կարելի է համաձայնիլ, բայց ո՛չ թէ
մանրամասնութեանց, ո՛չ թէ ամբողջականութեանը. —
Այդ բառն էլ հետզհետէ, ժամանակի ընթացքում, աւելի
կը զտուի, կը բլւրեղանայ՝ մտքի եւ իմաստի տեսակէ-
տից:

«Աշխատաւոր զանգուածները կապուած են իրենց Սօ-
ցիալ Դէմօկրատ Կուսակցութեան հետ. նրանք սիրում են
այդ անունը» — ասում է Լենինը:

Երբ Թուսաստանի Կոմմունիստ Կուսակցութիւնը ի-
րեն 25 տարուայ գոյութիւնն է փաստում, 20 տարի որ-
պէս Սօցիալ Դէմօկրատ, առանց ժխտելու այդ անունը
կրելիս կատարած իր որ եւ է գործունէութիւնը, եւ իր
այսօրուայ Կոմմունիստ անունը շարունակութիւնն է ա-
նում Սօցիալ Դէմօկրատիա իր երբեմնի անուան, — չը
նայելով որ «անուղիղ», «պատեհապաշտական» ածական-
ներն են տրւում, — դա ցոյց է տալիս թէ Սօցիալ Դէմօկ-
րատ Հնչակեանները ո՛ր աստիճան ուժով եւ իրաւունքով
պիտի կառչին իրենց այն անունից, որ 38 տարուայ կեանք

ունի եւ այդ անունով էլ սխառուոր պատմութիւն ու գործունէութիւն :

Երբ Մարքոսը, էնդէլսը ընդունել են, որ Սօցիալ Դէմօկրատիա եւ Կոմմունիզմ գրեթէ միեւնոյն զաղափարների արտայայտութիւններ, համազօր, հոմանիշ բառերն են, ու մենք էլ այդ միեւնոյնը միշտ ասել ենք — ապա պիտի լուեն այն Ջոյիլոսեան ձայները, որոնք տգէտներին յատուկ յամառութեամբ խօսում են իրենց չզիտցածներէ :

Լենինը չի ուզում որ իր Կուսակցութիւնը նոյն այն անունը պահի, ինչ որ ունէին Գերմանացի, Աւստրիացի, Բելգիացի, Իտալացի... իր երբեմնի ընկերները : Քանի որ նրանք Սօցիալ Դէմօկրատ անունն ունին, — ինքը թողնում է այդ անունը, ընդունում է Կոմմունիստ անունը, որպէս զի որ եւ է շփոթութեան տեղի չը մնայ : Նրանք անդամ են Երկրորդ Միջազգայինին. — Լենինը կազմում է Երրորդը, դնում է իր թէկեջը որպէս զի բոլոր տարբերութիւնները ցայտուն կերպով երեւան դան :

Սրա հետ միասին Լենինը ինքը ընդունում է որ զանազան երկրների մէջ գտնուող Սօցիալ Դէմօկրատական շարքերի միջից ճիշտ իր նման մտածող եւ խորհողներ էլ են եղել պատերազմի տեւողութեան ընթացքում՝ թէ առաջ եւ թէ յետոյ :

Ուստի հարցը լիակատարապէս սպառելու եւ ցոյց տալու համար, որ Սօցիալ Դէմօկրատ Հնչակեան Կուսակցութիւնը գիտական-պատմական հողի վրայ է կանգնած եւ ամէն իրաւունք ունի իր անունից կառչելու, — դեռ ժամանակ պիտի տանք՝ լսելու Լենինին :

«Զորքորդ Պատճառի» հարուածից յետոյ՝ մասնաւոր ուշադրութեան արժանի են իր հետեւեալ պատմականը : Կարդանք :

— «Պարիզի Կոմմունի պարտութիւնից յետոյ՝ կազմակերպչական ու լուսարանութեան յամբընթաց գործ միայն կարելի էր կատարել : Ուրիշ ո՛չինչ հնարաւոր էր : Անար-

խիտները այն ժամանակ էլ, ինչպէս որ հիմայ, չարաչար սխառում էին թէ՛ տեսականապէս, թէ՛ անտեսապէս, եւ թէ՛ քաղաքականապէս : Անարխիստները, որոնք աշխարհի գրութիւնը չէին ճանաչում՝ գործունէութեան սխալ վայրկեան ընտրեցին : Իմպերիալիստական շահերը փճացրել էին Անգղիական գործաւորներին : Պարիզի մէջ Կոմմունը պարտուել էր : Գերմանիայի մէջ ազգային բուրժուազական շարժումը յաղթական էր. իսկ աւատապետական Ռուսաստանը տակաւին դարերի քունն էր քնում : Մարքոսը եւ էնդէլսը շատ ճիշտ կերպով չափեցին պատմական այդ բոսկէն. նրանք հասկացան, ճանաչեցին միջազգային գրութիւնը. տեսան որ ընկերային յեղափոխութիւնը ուրիշ ճանապարհ չունէր, եթէ ո՛չ ընթանալ յամբօրէն :

«Հիմայ մենք էլ, մեր կարգին, պիտի հասկանանք, ճանաչենք մեր օրերի մասնայատուկ գրութիւնը եւ մեր պարտականութիւնները :

«Կապիտալիզմի բնական զարգացումը դէպի իմպերիալիզմ զարգանալով՝ համաշխարհային այս իմպերիալիստական պատերազմը յառաջացրեց : Այս պատերազմը բերեց մարդկային ազգը՝ կործանման եզրին հասցրեց, վտանգեց ամբողջ քաղաքակրթութիւնը, փճացրեց եւ անանացրեց միլիոնաւոր մարդկային էակներ : Իրերի այդ գրութիւնից դուրս գալու համար՝ ուրիշ ճանապարհ չը կար, բացի սրբւետարական յեղափոխութիւնից : Եւ, ահա, ճիշտ այն ժամանակին, երբ այդ յեղափոխութիւնը սկսում է, երբ նա առնում է իր առաջին քայլը՝ թոյլ, զողոթնուն, թեքահաւատ, կոսկածոտ, տակաւին մեծ չափով յենուկով Բուրժուազիայի վրայ, — ճիշտ այդ ի՛սկ ժամանակին՝ Սօցիալ Դէմօկրատականները, Սօցիալ Դէմօկրատ Պարլամենտականները, Սօցիալ Դէմօկրատ թերթերը, մի խօսքով՝ բոլոր նրանք, որոնք կարող էին զանդուածները դէպի գործ մղել, — գրանց մեծամաս-

նութիւնը դաւաճանեց Սօցիալիզմին, ծախեց Սօցիալիզմը եւ իր ազգային Բուրժուազիայի կոխը մղեց:

«Այդ պարագլուխները շեղեցրին զանգուածներին, ծաղրեցին, խարեցին նրանց: Մենք էլ օգնած, սրած կը լինենք այդ խարեբայութիւնը, երբ կը պահենք մեր ժանդոտած եւ մաշուած կուսակցական անունը, որ նոյնքան հինցած եւ անպէտքացած է, որքան Երկրորդ Միջազգայինը»:

Բայց անունը մեղաւոր չէ, այլ գործողը: Սօցիալ Դէմօկրատ Հնչակեան կուսակցութիւնը, պարզերես, մաքուր է՝ իր գործերով եւ հասկացողութիւններով:

Դենինի յետադայ հարուածը է՛լ աւելի պարզում է կացութիւնը:

— «Կարող է պատահիլ, որ շատ գործաւորներ հասկանում, ըմբռնում են Սօցիալ Դէմօկրատիայի իրական նշանակութիւնը. բայց մենք ուզում ենք որոշակի ճշտել թէ դա ի՞նչ է նշանակում առարկայօրէն եւ ի՞նչ՝ ենթակայօրէն:

«Ենթակայօրէն՝ այդ գործաւորները Սօցիալ Դէմօկրատներ են, ճշմարիտ պարագլուխներ պրօլետարական զանգուածների: Առարկայօրէն, աշխարհի դրութիւնը այնպէս է, որ մեր կուսակցութեան հին անունը օգնում է սխալեցնելու զանգուածներին եւ յառաջախաղաց ընթացքը կասեցնելուն ծառայում: Ամէն օր, ամէն թերթի մէջ, ամէն պարլամենտական խմբի մէջ, զանգուածները տեսնում են պարագլուխներ, որոնց ձայնը հեռուներն է հասնում, որոնց գործերը հրապարակի վրայ են, որոնք իրենք իրենց անուանում են Սօցիալ Դէմօկրատներ եւ Սօցիալիստներ, բայց եւ որոնք ձեռք են տալիս Սօցիալիզմի դաւաճաններին, Սօցիալիստ հայրենասէրներին, որոնք փորձում են գանձել Սօցիալ Դէմօկրատիայի բաց թողած բոլոր մուրհակները:

«Կա՞յ որ եւ է պատճառ նոր անունների դէմ: Երկրւ կայ, որ մենք կը շփոթուինք, կը խառնուինք Կոմ-

մունիստ Անարխիստների հետ: Եթէ այդ է, ապա ինչո՞ւ չենք երկնչում շփոթուելու, խառնուելու Սօցիալ Ազգայնականների, Սօցիալ Ազատականների, Սօցիալ Հայրենասէրների հետ»:

Իրողութիւն է, որ այսօր շատ երկրների մէջ՝ Անարխիստները, իրենց սեպհական հասկացողութեամբ՝ Կոմմունիստ եւ Կոմմունիզմ եզրերը գործածելով՝ ստուեր են ամում, շփոթութիւն յառաջացնում Մարքսիստական Կոմմունիզմի վրայ: Այդպիսի մի քանի ծանրակշիռ դէպքեր տեղի ունեցան Ռուսաստանի մէջ, որի համար էլ Ռուս. Կոմմունիստական կուսակցութիւնը ստիպուեցաւ հրապարակային յայտարարութիւն անել — օրինակ կանանց համայնացման խնդրի առթիւ — ստեղծուած թիրամացութիւնները փարատելու համար: Բերլինի Անարխիստները իրենց «Կոմմունիստական» դադափարների տարածումով՝ պակաս չեն հարուածում Մարքսիստական Կոմմունիզմին: Այդ շփոթութիւնը ստեղծուած է:

Բայց շարունակենք:

— «Ոմանք ասում են, որ աշխատաւոր զանգուածները սովոր են իրենց Սօցիալ Դէմօկրատ կուսակցութեանը. նրանք սիրում են այդ անունը: Հին անունը պահելու դա միակ պատճառն է. բայց դա հակառակ է Մարքսիզմի ուսուցման, արհամարհում է վաղուան յեղափոխական գործը եւ ամբողջ աշխարհի Սօցիալիզմի առարկայական դրութիւնը, վնասում է միլիոնաւոր այն պրօլետարների գործին, որոնք «նոյնպէս Սօցիալ Դէմօկրատներ են: Այդ պատճառը իրեն հիմունք ունի ծուլամտութիւնը եւ հինը սիրելու մասնաւոր ունակութիւնը: Մենք ուզում ենք աշխարհը ի նորոյ վերածելու, կադապարել. մենք ուզում ենք վերջ տալ համաշխարհային այն պատերազմին որ մղւում է իմպերիալիստների կողմից, պատերազմին՝ որի մէջ մտել են միլիոնաւորներ եւ միլիոնաւոր տոլլարներ էլ փճացել — այդ պատերազմը չի կարող վերջանալ ճշ-

մարիտ Դէմօկրատական ուղիով, առանց պրօլետարտական մեծագոյն յեղափոխութեան»:

«Եւ այստեղ է, որ մենք տատանուում ենք: Այստեղ է, որ մեր մէջքին ենք պահում հին կեղտոտ շապիկը: Ժամանակն է, որ մի կողմ ձգենք մեր կեղտոտ շապիկը եւ մէջքներին վրայ առնենք մի նոր, մաքուր շապիկ»:

Լենինը Լենին էր, թէ «հին շապիկը» (Սօցիալ Դէմօկրատ) վրան ունեցած ժամանակին, թէ «նորը» (Կոմմունիստականը):

Մարքսի, Էնգելսի «հին շապիկները» (Կոմմունիստ, Կոմմունիզմ) չը կեղտոտուեցին, երբ ընդունեցին որ իրենց վարդապետութեան հազցուի մի «նոր շապիկ» (Սօցիալ Դէմօկրատիա, Սօցիալ Դէմօկրատ):

Հարցը հին ու նոր շապիկների մէջ չէ, այլ երկու շապիկների էութեան, հիւսուածքի նոյնութեան:

Բայց Լենինը այդ էլ է ընդունում, ասում, փաստում է, ամենայն անվերապահութեամբ, որ շատերը Սօցիալ Դէմօկրատ անունը կրելով հանդերձ, նոյն մտածմունքները, նոյն մտորումներն ու գործերն հետապնդել, ինչ որ ինքը թէ «հին» եւ թէ «նոր» շապիկ կրած ժամանակին:

Ամբողջ աշխարհի Միջազգային Սօցիալիստների եւ գործաւորների շարժումները՝ համաշխարհային վերջին պատերազմի ընթացքում՝ Լենինը ստորաբաժանել է երեք կարգի:

Փոխանակ կարգով երթալու, տալիս ենք վերջին երրորդ տեսակի Սօցիալիստների յատկանշները եւ կազմակերպութիւնները ու անձերի անունները՝ Լենինի ցանկին համաձայն:

Այս մեթոտով ընթանում ենք, որպէս զի ուղղակի շարունակութիւնը լինի նախընթաց մեր այն ասածներին թէ՛ Լենինը ինքը որոշակի ասել է, որ ամբողջ աշխարհի Սօցիալ Դէմօկրատների մէջ միայն ինքը եւ իր համախոհները չեն եղել, որ այլապէս են մտածել, քան «Սօցիալիստ Հայրենասէրները» եւ «Սօցիալիստ Կեդրոնա-

կանները»․ այլ գտնուել են ուրիշներ էլ, որոնք աշխատել, ջանք են թափել պատերազմը դադարեցնելու կամ ընկերային յեղափոխութիւն յառաջացնելու:

«Երրորդ տեսակի Սօցիալիստները, ասում է Լենին, իրապէս Միջազգայնականներ են եղել, որոնք ճշտօրէն ներկայացրել են, այսպէս կոչուած, «Զախ-Ցիմմերվալդը»: Սրանց բնորոշիչ դիժն այն է, որ բոլորովին երկնօրում, բաժանում են Սօցիալ Հայրենասէրներին եւ Կեդրոնականներին: Սրանք անողորմ պատերազմ են մղել իրենց սեպհական իմպերիալիստական կառավարութեան եւ իրենց սեպհական բուրժուազիայի դէմ: Իրենց նշանաբանն է եղել․․․ Մեր վատթար թշնամին՝ մեր տանը մէջն է․ զրանք են՝ Գերմանիայում, — Կարլ Լիբկնեխտ եւ Օտտօ Խուրիչ, եւայլն»:

«Բրեմենում՝ «Գործաւորների Քաղաքագիտութիւն» թերթի շուրջը համախմբուող Գերմանիայի իրական Միջազգայնականների մի ուրիշ խումբ:

«Ֆրանսիայում՝ Լօուիօ եւ իր բարեկամները: Հանրի Գիլբօ, որ Զուիցերիայում հրատարակում է «Դըմէն» («Վազը») թերթը:

«Անգլիայում՝ բոլոր այն Սօցիալիստները, որոնք համախմբուել էին «Արհեստակցական Միութիւն» անունով Հանդէսի շուրջը, ինչպէս եւ «Բրիտանական Սօցիալիստ Կուսակցութեան» ու «Անկախ Աշխատաւորական Կուսակցութեան շուրջը»: Սկովտիացի ՄըկԼինը, նոյնպէս, բաւականին մեծ թիւ հետեւողներ ունեցաւ, եւ մինչեւ անգամ բանտ դնաց՝ բազմաթիւ Միջազգայնական Սօցիալիստների հետ:

«Միացեալ Նահանգներում՝ «Սօցիալիստ Բանուրական Կուսակցութիւնը» եւ ոմանք էլ պատահապաշտական Սօցիալիստ Կուսակցութիւնից:

«Հոլլանդիայում՝ «Տրիբուն» օրաթերթի շուրջ համախմբուող ոյժերը (Անտօն Պաննեկօկ, Հերման Գօրտիտ, եւայլն, եւայլն):

«Շուէտիայում՝ Լիննհագն, Տուր, Ներման, Կարլստուն, Շարօմ եւ մի ամբողջ խմբակցութիւն երիտասարդները:

«Գանիայում՝ Տրիեր եւ իր բարեկամները:

«Իտալիայում՝ Կոնստանտինօ Լազզարի, Սօցիալիստ Կուսակցութեան քարտուղարը, եւ Սիրքաաին՝ Կեղերոնական օրգան «Աւանտի»ի խմբագիրը:

Լեհաստանում՝ Կարլ Ռադեկ, Գանեցիկ եւ Սօցիալ Դէմօկրատիայի ուրիշ պարագլուխներ, որոնք Կրակ խումբն էին կազմում, — Ռօզա Լիւքսեմբուրգ, Տէչկա եւ ուրիշներ՝ որոնք Սօցիալ Դէմօկրատիայի «գլխաւոր խումբն» էին ներկայացնում:

«Զուիցերիայում՝ «Զախ» կոչուած խումբը, որ 1917-ի փետրուարի 11-ին, Յիւլյրիսում կայացած՝ Սօցիալիստ Կուսակցութեան նիստում մի բանաձեւ առաջարկեց պատերազմի դէմ:

«Աւստրիայում՝ Ֆրիտերիս Ադլերի երիտասարդ բարեկամները իրենց «Կարլ Մարքս Ակումբի» միջոցով»:

Այս է եղել այն ընդհանուր միտումը, որ Լենինը ներկայացնում է այդ «Երրորդ կարգի» Սօցիալիստների առթիւ:

«Անոգոք իմպերիալիստական մի պատերազմի ժամանակ՝ շատ դիւրին չէ իրապէս Միջազգայնական մնալ, յարում է Լենին, բայց այդպէս անողները հազուադիւս են եւ Սօցիալիզմի բոլոր յոյսն էլ այդ տեսակների վրայ է դրուած: Այդպիսիներն են զանգուածների իսկական պարագլուխները եւ ո՛չ թէ նրանց փճացնող — ազականողները»:

Լենինի, առաջին ձեռն տուած տեղեկութիւններից պարզ հետեւում է, որ վերջին պատերազմի ընթացքում ընդհանուր անապատ չի ստեղծուել Միջազգային Սօցիալիստների շարքերում, — այլ եղել են խմբակցութիւններ եւ անհատներ, որոնք փորձել են իրենց Միջազգային Սօցիալիստի պարտականութիւնը կատարել:

Բայց թէ ինչո՞ւ ամէնքը այդ մի եւ նոյն դժի վրայ չը կանգնեցան, — այդ մասին, այս բոլորին, մենք խօսք չունինք ասելիք, դա մեր դրած թէզերի հետ եւ ո՛չ մի առնչութիւն ունի. Միջազգային իւրաքանչիւր հատուածի պատասխանատուները այդ մասին արտայայտուել են՝ սկսած Ֆրանսիացի Հէրվէից, որ պատերազմից առաջ յայտարարում էր թէ՛ «Իր համար նոյնն էր թէ Սէն Գետի հովիտը Գերմանական Բուրժուազիային կը պատկանէր կամ Ֆրանսիականին»: Բայց պատերազմը սկսած՝ չսկսած, ո՛չ միայն յետ կեցաւ իր առաջուան դիրքից, չը յորդորեց Ֆրանսիացի պրօլետար-գիւնուորներին հրացանի դնդակը դարձնել դէպի իրենց սպաները, այլ Ֆրանսիացի գիւնուորներին յորդորեց «գնդակները արձակել կոյտին, փոյթ չէ կոյտը բաղկացած է Գերմանացի պրօլետարներից կամ բուրժուաներից, բաւական է, որ Գերմանացիներ են»:

Մրանից յետոյ, առնենք առաջին եւ երկրորդ Սօցիալիստներին, ըստ Լենինի, մեր դիրքն ու հասկացողութիւնը է՛լ աւելի ճշտել կարենալու համար:

Առաջինը, որ Լենինը Սօցիալիստներին երեք դասերի, կարգերի էր բաժանել: Երրորդ կարգիները տեսանք թէ որո՞նք եւ ինչե՞ր են:

Հիմայ անցնինք միւսներին. Առաջիններին եւ Երկրորդներին:

«1.— Սօցիալ Հայրենասէրներ, այսինքն՝ բաւերով Սօցիալիստներ, իսկ գործքով՝ չովինիստներ, որոնք համաձայնում են իրենց հայրենիքը պաշտպանել իմպերիալիստական պատերազմի եւ, մասնաւորապէս, վերջին պատերազմի ժամանակ: Դրանք մեր թշնամիներն են. որոնք գնացել են Բուրժուազիայի բանակետը: Մրանք իրենց մէջն են առնում ամէն ազգերի Սօցիալիստների պարագլուխների մեծամասնութիւնը, օրինակ՝ Պլեխանով եւ ընկերութիւն՝ Ռուսաստանում, Շարլեման՝ Գերմանիա-

յում, Ռերնուէլ, Գէդ եւ Սմբա՝ Ֆրանսիայում, Բիսսու-
լատի եւ ընկերութիւն՝ Իտալիայում, Հայդաման, Ֆա-
րիաններ եւ Աշխատաւորականներ՝ Անգլիայում, Բրան-
տինգ եւ ընկերութիւն Ծուէդիայում, Տրոլեստրա եւ իր
կուսակցութիւնը՝ Դանիայում, Վիկտոր Բերգեր եւ հայ-
րենեաց ուրիշ պաշտպաններ՝ Ամերիկայում, եւ այլն»:

Սօցիալ Դէմօկրատ Հնչակեանները ոչ «իմպերիալիս-
տական ձգտումներ տածող հայրենիք» են ունեցած, ո՛չ
էլ «իմպերիալիստական պատերազմ» վարած, որ եւ է
«իմպերիալիստական մի նպատակի» համելու համար:
Քանի որ այդպիսի մի իրականութիւն չը կայ, չի եղել,
ուստի «խօսքով Սօցիալիստ, գործքով՝ շովինիստ» որա-
կումները մեր Կուսակցութեան հետ գործ չեն կարող ու-
նենալ: Մենք եղել ենք, մնացել ենք Գիտական Սօցիա-
լիստներ, Մարքսիստներ եւ մտածել, գործել ենք համա-
ձայն Հայ իրականութեան պայմաններին, այն պայման-
ներին՝ որոնց մէջ տապալակել էր Հայ զիւղացին, Հայ գոր-
ծաւորը, Հայ աշխատաւորը, մի իրականութիւն, որ տար-
բերուել է քաղաքական եւ տնտեսական շատ դժերով, Գեր-
ման, Ֆրանսիացի, Անգլիացի, Իտալացի իր դասակար-
գակիցներէն: Ուստի միջապայերի, կեանքի պայման-
ների սուր տարբերութիւններ կային, — մենք, որպէս
զուտ Մարքսիստներ, առանց հետեւողականի որ եւ է
չապիկ առնելու մեր վրայ, մենք պիտի երթայինք, եւ դը-
նացինք էլ, մեր սեպհական ուշքով, մեր սեպհական մը-
տածմունքներով: Ո՞վ կարող է յանդգնիլ ասելու, որ
մեր արածը շիտակ չի եղել, եթէ նա ճշմարիտ Սօցիալիստ
է. կամ պէտք էր շարժուել, գործել, կամ պէտք էր լսել,
ակնատես լինել.— շարժուելու եւ գործելու ուղին ըն-
դունող Մարքսիստ Կուսակցութիւնը ճիշտ այն ընթացքը
եւ վարքադիժը պիտի ունենար՝ այս պատերազմից առաջ,
նրա ընթացքում եւ յետոյ՝ ինչ որ ունեցաւ Սօցիալ Դէ-
մօկրատ Հնչակեան Կուսակցութիւնը:

Հիմայ տանք երկրորդի պատկերը:

«2.— Երկրորդ խումբը, ասում է Լենին, կարելի է
կոչել Կեդրոն. սա տատանում, երեւում է Սօցիալ Հայ-
րենասիրութեան եւ իրական Միջազգայնութեան միջեւ:
Սրանք ամէն սրբութիւններով երզում են, որ իրենք
Մարքսիստներ են, Միջազգայնականներ են, կողմնակից-
ներ են խաղաղութեան, կողմնակիցներ են ճնշում գործ
զնելու կառավարութեան վրայ, որ իրենց ամէն տեսա-
կի պահանջներ են ներկայացնում՝ ցոյց տալու համար
այդի ցանկութիւնը խաղաղութեան համար. որ իրենք
խաղաղութեան պրօպագանդիստներ են եւ ուզում են խա-
ղաղութիւն առանց կցումի, եւ խաղաղութեան պաշտ-
պաններ են՝ Սօցիալ Հայրենասէրների հետ: Սա դէմ է
ամէն տեսակի բաժանման եւ երկպառակութեան ու կողմ-
նակից է միութեան: Սա, Կեդրոնը՝ երկինքն է փոքր
Բուրժուազիայի չրթունքի միջազգայնութեան, երկինքն
է վատարանց պատեհապաշտութեան, երկինքը՝ Սօցիալ-
Հայրենասէրների հետ միարանութեան: Իրողութիւնն այն
է, որ Կեդրոնը համոզուած չէ թէ՛ անհրաժեշտ է յեղա-
դափոխութեան դիմել՝ իր սեպհական երկրի կառավա-
րութեան դէմ. նա այդ տեսակ յեղափոխութիւն չի քա-
րողում. նա անողոք կռիւ չի մղում յեղափոխութեան հա-
մար, ուստի դիմում է շատ ստորին, դեր-Մարքսիստա-
կան խուսափանքների՝ դժուարութիւններէն մի կերպ
զուրս դալու համար:

«Սօցիալ Հայրենասէրները մեր դասակարգի թշնա-
մինն են. նրանք բուրժուաներ են բանւորական շարժ-
ման մէջ: Նրանք ներկայացնում են գործաւոր դասա-
կարգի այն խաւերը կամ խումբերը, որոնք գործնակա-
նի մէջ արդէն կաշառուել են Բուրժուազիայից՝ իրենց
առատազեղ աշխատավարձերով, պատուոյ դրութեամբ,
եւ այլն, ու դրա համար էլ օգնում, սատարում են իրենց
բուրժուազիային շահադործելու եւ ճնշելու փոքր ու
թոյլ ազգերը ու այդ կերպով էլ մասնակցում կապիտա-
լիստական աւարի բաժանումին:

«Կեդրոնի խումբի անդամները հնամուտ թեան երկրորդականներ են, օրինականութեան փտախտից կերուածներ, ապականուածներ պարլամենտական կատակերգութիւնից, բիւրօկրատներ՝ որոնք սովոր են պաշտօնակերական ռոճիկների եւ պատրաստի թեթեւ, բայց արգիւնարեր գործերի: Պատմականապէս եւ անտեսապէս սրանք չեն ներկայացնում ընկերութեան որ եւ է մասնաւոր մի խաւը...»:

«Կեդրոնի գլխաւոր պարագլուխը եւ ներկայացուցիչն է Կարլ Կաուցկի, որ Երկրորդ Միջազգայինի (1889-1914) մէջ իշխող դէմք հանդիսացաւ: Մարքսիզմի անկման գըլխաւոր պատասխանատուն նա՛ է. նա անդրդուելի չեղաւ սկզբունքային տեսակէտից, ողորմելի կերպով տատանողական եղաւ եւ Սօցիալիստական Գործը դաւաճանեց 1914-ի Օգոստոսից սկսած:

«Կեդրոնի մէջն են Կաուցկի, Հաագէ, Լեդերուր եւ, այսպէս կոչուած Ռայխստագի Բանուորական խումբը: Ֆրանսիայում՝ Լօնդէ, Պրեսման եւ, այսպէս կոչուած, փոքրամասնութիւնը: Անգղիայում՝ Ֆիլիպ Մնօրդեն, Ռամզէյ ՄըկԻօնալդ եւ Անկախ Աշխատաւորական Կուսակցութեան ուրիշ անդամներ, ինչպէս եւ Բրիտանական Սօցիալիստ Կուսակցութեան մի մասը: Միացեալ Նահանգներում՝ Մօրիս Հիլքուիտը եւ ուրիշներ: Իտալիայում՝ Տիւրատի, Տրէվս, Մօզիլիլանի եւ ուրիշներ: Չուիցերիայում՝ Ռօքերտ Գրիմ եւ ուրիշներ: Աւստրիայում՝ Վիկտօր Ադլեր եւ ընկերութիւն: Ռուսաստանում՝ Մենշևիկները, Աքսելրօզ, Մարտով, Չիսիճէ, Յերեթելի, եւ ուրիշներ»:

«Երկրորդ խմբի, կամ «Կեդրոնի» եւ Սօցիալ Դէմօկրատ Հնչակեանի միջեւ ի՞նչ մի յարանմանութիւն կարելի է գտնել, որ նրան արուած ստորոգելիները մեզ վրայ էլ անցնեն, — եւ ո՛չ մի. կատարելապէս ո՛չ մի: Դիմադրծերը այնքա՛ն խորթ են, որ հարազատ ո՛չինչ կարելի է գտնել նրա եւ մեր միջեւ:

Եւ այդ ի՞նչ ասել է, — այն՝ որ բոլորովին տարբեր է եղել մեր միջազգայրը, մեր իրականութիւնը, որի մէջ գործել, շարժուել ենք մենք երկար տարիների ընթացքում:

Ընդհանուրի մէջ՝ մենք ունեցել ենք մեր մասնայատուկ պայմանները: Եւ այդ պայմանները աչքի առաջ պէտք է ունենալ, երբ ուզուած է խօսուիլ Սօցիալ Դէմօկրատ Հնչակեան Կուսակցութեան դադափարաբանութեան եւ գործունէութեան մասին, որպէս Մարքսիստական տեսութիւններով ռաջնորդուող Միջազգային Սօցիալիստ մի Կուսակցութեան:

2.

ՎԵՐՋԻՆ ԽՕՍՔ, ՎԵՐՋՆԱԿԱՆ ԴԻՐՔ

Կոմմունիստական Միջազգայինի մեր վերջին խօսքն է, որ մեր մասին իր տուած առաջին որոշումը չեմք կարող ընդունել. նա կը մնայ անգործադրելի: Բանագնացութիւնները թող շարունակուին՝ խնդիրները է՛լ աւելի լաւ պարզաբանուելու համար. աճապարելու ո՛չ մի պէտք ու կարիք կայ:

Մենք հարցի վրայ նայում ենք ընդհանուր պրօլետարական, Սօցիալիզմի, Յեղափոխական Մարքսիզմի շահի տեսակէտից:

Ու տեսնում ենք, որ տրուած որոշումը չի համապատասխանում Հայ իրականութեան, ուրեմն եւ ամէն բանից առաջ, ամենէն աւելի տուժողը կը լինի պրօլետարական շահը, Յեղափոխական Մարքսիզմը, եթէ Երկրպտոսից, Միւրիայից, Բալքանեան երկրներից, ինչպէս եւ Ամերիկայից, եւայլն, վերցուի, ասպարէզից հեռանայ Սօցիալ Դէմօկրատ Հնչակեան Կուսակցութիւնը, քանի որ Հայ գործաւորը, պրօլետարը վարող ուրիշ մի ա՛յլ ոյժ նրա տեղը չի կարող բռնել:

Քանի որ քաղաքական-տնտեսական պայմանները, կապիտալիստական երկրներում բոլորովին բացառիկ դեբուսթեան մէջ են դրել աստանդական կեանքի յանձնուող Հայ արտադրողին՝ պրօլետարիատին, աշխատաւորին:

Քանի որ նրան ո՛չ թէ վանում, հալածում են բոլոր երկրների կապիտալիստական քաղաքական-տնտեսական օրգաններն ու հաստատութիւնները, այլ եւ նաեւ նոյն ինքն իր դասակարգակից անդիտակից ընկերները:

Քանի որ Հայ պրօլետարիատը տասնեակ հարիւր հազարներով ոչ միայն զրկուել է իր տարիներէ արիւն քըրտինքի արտադրոյթից, իր հալալ վաստակ տուն ու տեղից, այլեւ արդիւման տակ է առնուել՝ իր ծննդավայրը վերադառնալու:

Եւ այդ հարիւր հազարներին ինչո՞ւ թողնել առանց զեկամարութեան, առանց դաստիարակութեան՝ երբ նըրանց ո՛չ մի կերպ բաւականութիւն կարող են տալ այն երկրների Կոմմունիստ Կուսակցութիւնները, որոնք արգեամբ չը կան, եղածներն էլ մի բան չեն:

Եւ յետոյ՝ իրերի բնական ընթացքը չը պիտի՞ բերեն Կոմմունիստ Միջազգայինին հասցնելու այն եզրակացութեան, որ 17-րդ յօդուածը մեղմանայ: Առաջ որոշուեցաւ, որ բոլոր երկրների մէջ միայն մէկ հատ Կոմմունիստ Կուսակցութիւն լինէր. — յետոյ՝ կեանքը ցոյց տըւեց թէ կապիտալիզմը զեւ ի՛նչ սուր ճիրաններ ու ատամներ ունէր, ուստի Միջազգայինը ստիպուեցաւ համակերպիլ, թոյլ տալ, որ ուրիշ մի հոմանիշ անուն գործածուի, օրինակ Գործաւորական, Բանուորական Կուսակցութիւններ: Ամերիկայի եւ Բուլղարիայի անցքերը շատ աչքեր բացեցին:

Մենք այս մասին հրապարակով երկար չենք ուզում խօսել:

Եզրակացում ենք ասելով միայն այն, որ Սօցիալ Դէմօկրատ Հնչակեան Կուսակցութիւնը անպայմանօրէն պիտի պահի իր Կուսակցական անհատական գոյութիւնը,

նա իր կեանքը պիտի շարունակի, հաւատարիմ մնալով իր յեղափոխական Մարքսիստական ուղղութեանը՝ Հայ իրականութեան մէջ: Եթէ երրորդ Միջազգայինին չենք կարող ուղղակի անդամակցիլ կազմակերպչական տեսակէտով. կարող ենք մնալ համակիր, ինչպիսի դրութիւն որ ընդունուած է Միջազգայինի կողմից՝ մի քանի ա՛յլ երկրների Կուսակցութիւնների համար՝ իր կանոնադրային հասկացողութիւնների մէջ:

Մեր դիրքը է՛լ աւելի լաւ ճշտուած լինելու համար՝ ասենք երրորդ Միջազգայինի Նախագահութեան մեր այս վերջին խօսքն էլ թէ՛ մեզ համար դեռ Արեւելեան Խնդիրը վերջացած, փակուած չէ. նա բաց է. եւ Հայ վտարանդի, բնաւեր պրօլետարիատը, զիւղացին, աշխատաւորը այդ «Խնդրի» վնասելու ազդակ-պահանջատէրերից մէկն է մնում:

Սա շատ պարզ ու սրու է. ականջ ունեցողը՝ թող լսի, աչք ունեցողն էլ՝ տեսնի, իմանայ:

Ո՛չ պատմութեան տեղատուութիւնը մեզ կարող է շփոթեցնել, ոչ էլ կապիտալիստ պետութիւնների դիրքը:

Արդէն Սօցիալ Դէմօկրատ Հնչակեան Կուսակցութիւնը միակ կուսակցութիւնն է եղած, որ սկիզբից ի վեր ո՛չ միայն որ եւ է յոյս չի դրել Եւրոպական այս ու այն կապիտալիստ պետութեան եւ կամ նրա դիւանագիտութեան վրայ, — ընդհակառակը՝ նա չէնց առաջին օրից մերկացրել է այդ դիւանագիտութեան ոգին եւ նրանից զուշացրել:

Վայր ընկած Արդարութիւնը կը բարձրանայ:

Եւ այն՝ ինչ որ բռնապետական, կապիտալիստական «արդարութիւն-անարդարութիւնը» վայր ձգեց, կոխիլըտեց, — աւելի քան վստահ ենք, որ Պրօլետարական Արդարութիւնը կը դայ եւ կը բարձրացնի:

Ու մենք կը շարունակենք մեր կեանքը, ոգի ի բոլին կ'աշխատենք, որպէս զի ընդհանուր Պրօլետարական այդ

յաղթանակը օր առաջ դայ եւ իր Արդարութիւնը բաժին
հանի այն Հայ պրօլետարիատին, որ այսօր անձնատուր
է եղել բախտի ալիքներին, առանց իր պայքարը թողնե-
լու:

ՎԵՐՋ Ա. ՄԱՍԻ



Բ. ՄԱՍ

ԴԻՏՈՂՈՒԹԻՒՆՆԵՐ
ՍՕՑԻԱԼ ԴԷՄՕԿՐԱՏ ՆՆՁԱԿԵԱՆ
ԿՈՒՍԱԿՑՈՒԹԵԱՆ ՆԱՍՑԷԻՆ

1.

Ուշացած մի պատասխան է, որ տալիս ենք Հայաստանի կոմմունիստական կուսակցութեան կենտրոնական կոմիտէի քարտուղարին՝ մեր կուսակցութեան հասցէք ուղղած իր մի քանի դիտողութիւնների առթիւ:

Որովհետեւ եղածը լոկ դիտողութիւն է եւ ո՛չ թէ քննադատութիւն. ուստի մեր պատասխանն էլ կը լինի թրուցիկ:

Հայաստանի կոմմունիստ կուսակցութեան ոյժն ու ծաւալը հասկանալու համար՝ բանանք կոմմունիստ Միջազգայինի Չորրորդ Համագումարի արձանագրութեան 292-րդ էջը: Գրուած է.— «Հայաստանի կոմմունիստ կուսակցութիւն: Մի պատուիրակ էր հրաւիրուած. երկուսն էին եկել: Մէկը ընդունուեցաւ քուէարկելու իրաւունքով. իսկ միւսին տրուեցաւ խորհրդակցական ձայն»:

Նոյն դրքի 291-րդ էջի մէջ ասուած է.— «Ազերբեյջանի կոմմունիստ կուսակցութիւն: Երկու պատուիրակներ էին հրաւիրուած. երեքն էին եկել: Երկուսը ընդունուեցան քուէարկելու իրաւունքով. մէկն էլ՝ խորհրդակցական ձայնով»:

Մէջբերուած պաշտօնական արձանագրութիւնից պարզ երեւում է որ Հայաստանի կոմմունիստ կուսակցութիւնը ամենից թոյլն է: Վրաստանի եւ Ազերբեյջանի կոմմունիստ կուսակցութիւնները շատ աւելի ուժեղ եւ տարածուն են, քան Հայաստանինը:

Կոմմունիստ Միջազգայինի Չորրորդ Համագումարի արձանագրութեան ընթերցումից երեւում է որ, միջին չափով, 500-ից մինչեւ 1000 անգամ ունեցող կուսակցութիւնները տուել են մէկ անգամ՝ քուէարկելու իրաւունքով:

Հայաստանի կոմմունիստ կուսակցութիւնը տուել է քուէարկող մէկ ձայն. ուրեմն՝ այդ ժամանակ (1922-ին) իր անդամների թիւը 1000-ից աւելի եղած չը պիտի լինի:

Ասել է թէ, աւելաչափը առնելով, Հայաստանի կոմմունիստ կուսակցութեան անդամների թիւը, այսօր, 1927-ից անց է:

Ձենք ծանրանում անցեալի մասին: Միայն ասենք այն, որ անցեալի մէջ՝ Ռուսաստանի Սոցիալ Դէմօկրատ կուսակցական կուսակցութեան Մեծամասնական թեւին կողմանող Հայերի թիւը միշտ մատի վրայ համրուած է եղել, էն էլ գլխաւորապէս, Բագուի մէջ. Թիֆլիզում եւ Երասխանում շա՛տ, շա՛տ քիչ են եղել: Իսկ այսօրուայ Հայաստանի շրջաններում՝ Գարալագեազ, Չանգեղուր, Երասխան, Լենինական (Աղէքսանդրապօլ), Գիլիջան, եւ այլն, եւ այլն, նրանք, եթէ չասենք բնաւ գոյութիւն չունեն, ապա աւելի քան հազուադիւր, ցանցաւ էին:

Այսօրուայ Հայաստանի կոմմունիստ կուսակցութեան քործիչ անդամները չեն կարող ժխտել, որ իրենց թերթերին ու գործիչներին՝ մենք շատ անգամ օրհասական նշանաժամից ենք հանել, նիւթական օգնութիւն տալով:

Մասնանիչները այս էլ.— Սոցիալ Դէմօկրատ Հնչակեան կուսակցութիւնը, 1907-ին, Լենինականի (Աղէքսանդրապօլի) եւ շրջականների մէջ ունէր, արձանագրուած 14,000 անգամ: Թողենք Ղարսը եւ Երեւանը իրենց շրջաններով, ուր հազարաւորների են հասել մեր ընկերներէ թիւը:

Նախիջևեանի (Հին) շրջանում, ուրիշ գիւղեր մի կողմ ձգելով, մօտաւորապէս 1000 անից բաղկացած զուա Հայ Գոյնութ աւանը ամբողջապէս Սոցիալ Դէմօկրատ Հնչակեան էր: Եւ այդ Հայ աւանն էր, որ 1905-ի կռիւներին յաղթեց նոյն շրջանի մէջ գտնուող Թաթար Նէհրամ գիւղին, — այսօրուայ այն գիւղին, որ Անկախ Նախիջևեանի գաւառի ոյժի կորիզն է կազմում:

Չանգեղուրի՝ Բոնակոթը, Խնձորեսկը, Գորիսը, եւ այլն, եւ այլն, մեր կուսակցութեանն էին: Այդ տեղերում պատմական նշանակալից գործեր են կատարուել:

Ասել է, այսօրուայ Հայաստանի կոմմունիստ կու-

սակցութիւնը մեր մի շրջանի ոյժին հասնելուց դեռ չա՛տ հեռու է...: Չենք խօսում միւս վայրերում ունեցած մեր ոյժերի մասին:

Այս թուուցիկ տեղեկութիւնները պէտք էին՝ յետազայ խօսելիքները լաւ հասկանալու համար:

Հայաստանի Կոմժունիստ Կուսակցութիւնը մեզ համար մի հեղինակութիւն չէ, բնա՛ւ երբէք, որ իր գրած ասածները մի առանձին արժէք ունենային մեր մասին եւ մասնաւոր ազդեցութիւն գործէին մեր ընկերների վրայ: Պատմութիւնը, կեանքը, կատարուած գործերը նրան չեն տուել այդպիսի մի հեղինակութեան նեցուկ:

Ուստի խօսինք եւ պարզաբանուինք:

Հայաստանի Կոմժունիստական Կուսակցութեան քարտուղարը ամբիոնական մի առանձին չէլսող ասում է որ՝ «Սօցիալ Դէմօկրատ Հնչակեան Կուսակցութեան անունը լիկվիդացիայի է ենթակայ» — Ինչո՞ւ. փա՞ստ, պատճառաբանութի՞ւն — քննախօսութիւն չը կայ, այլ միայն դիտողութիւն:

Մեր պատասխանն է, — Սօցիալ Դէմօկրատ Հնչակեան Կուսակցութեան անունը լիկվիդացիայի ենթակայ չէ՛, չի կարող լինել, նա կը մնայ, քանի որ այդ մասին գիտական հիմունքները չեն պակասում: Մենք ո՛չ արտագրողներ ենք եղած գաղափարական հողի վրայ, ո՛չ էլ պարզ հետեւողներ՝ գործնական գետնի վրայ: Մենք ունեցել ենք, ունինք, կը պահենք մեր ինքնուրոյնութիւնը, քանի որ նա այսօր էլ, ինչպէս եւ երէկ, լիակատարապէս համապատասխանում է Հայ իրականութեան եւ Գիտական Սօցիալիզմի տեսութեան:

Երբորդ Միջազգայինն, իր տուած որոշումներով, մեզ հետ համաձայնեց որ, Սօցիալ Դէմօկրատ Հնչակեան Կուսակցութիւնը, որպէս ամբողջութիւն, իր կազմակերպութիւններով ու օրգաններով, տասնեակ տարիների կեանք մաշելով Հայ միջավայրում, հետեւողական բանաւորական, միջազգային՝ Կոմժունիստական (Մարքսիս-

տական) վարքադիժ է ունեցել՝ տուեալ պայմանների համաձայն:

Հայաստանի Կոմժունիստ Կուսակցութեան Կենտրոնական Կոմիտէի քարտուղարը այդ չի ընդունում, նա ասում է, որ Սօցիալ Դէմօկրատ Հնչակեան Կուսակցութիւնը մանր-բուրժուազական է, նա է՛ «հարազատ ծնունդ մանր բուրժուազիայի»:

Գլխիվայր սիւալ:

Պատասխանը:

Ի՞նչ ասել է Մանր-Բուրժուազական Կուսակցութիւն. որո՞նք են նրա ստորոգելիները, յատկանշիչերը: — Ուրիշ ազդիւրների չը գիմենք: Վեր առնենք Բուխարինի «Կում-վունիզմի Այբբեմարանը»: Այդ գրքոյկի 63-րդ էջի մէջ տպուած է. «Մանրբուրժուազական Սօցիալիզմը կախումն չունի պրօլետարիատից. այլ անհետացող արհեստաւորից, քաղաքների մանր-բուրժուազիայից, եւ մասամբ, մտաւորականներից: Փոքր կապիտալիզմի եւ «ազատութեան» անունով՝ նա բողոքում է խոշոր կապիտալիզմի դէմ: Գլխաւորապէս նա պաշտպանում է Բուրժուազական դէմօկրատիան՝ Սօցիալիստական Յեղափոխութեան դէմ. նա աշխատում է իր իտէալին հասնիլ «խաղաղ միջոցներով», — այսինքն՝ գործակցութեան (գործակցական ընկերութիւնների) եւ տնագործաւորների ընկերակցութիւնների տարածումով, եւայլն: Կապիտալիզմի ներքոյ՝ այդ ընկերութիւնները յաճախ վերածում դառնում են սովորական կապիտալիստ կազմակերպութիւններ եւ այդպիսի ընկերութիւններով շահագրգռողները հազիւ տարբերում են Բուրժուազիայի անդամներից»:

Բուխարինի գրածները, ասած-խօսածները հեղինակութիւններ են Հայաստանի Կոմժունիստ Կուսակցութեան անդամների համար: Ուստի յենուենք հէ՛նց այդ ազդիւրի ասածների վրայ:

Հարցնում ենք. համապատասխանո՞ւմ է դա Սօցիալ

Դէմօկրատ Հնչակեան Կուսակցութեան դադափարաբանութեանը, նրա գործունէութեան ու բազկացութեանը, կազմակերպութեանը.— բնաւ երբէք: Համեմատութեան, զուգակշռի հետք անգամ չը կայ:

Սօցիալ Դէմօկրատ Հնչակեան Կուսակցութեան ծրուուիքը ամենախոշոր երեւոյթներէից մէկն է մեր պատմութեան մէջ: Այդ ծրուուիքը հարկ է որ բացատրուի Մարքսիստականօրէն:

Որո՞նք էին այն ազգակները, որոնք ծնունդ եւ հող տուեցին այդ Կուսակցութեան.— դրանք հարցեր են, որ շատ պիտի զբաղեցնեն խղճամիտ պատմաբանին, եթէ նա ուզում է խօսել փաստերի, եղելութիւնների, թանձրացեալ տուիքների վրայ յենուած: Երբ այդպէս չի լինում, յառաջ են գլորւում շատ սովորական մաշուած բառեր, որոնց տակ թաղնուած են կուսակցական նեղմտութիւններ, հակամարտ զղացումներ, — դրանք, այլևս, մեծ արժէք չեն ներկայացնում:

Առնենք կեանքը:

Մե՞նք «կախուած չեմք եղել պրօլետարիատից» — մե՞նք չենք ունեցել պրօլետարական զանգուածներ մեր շարքերի մէջ: Այդպէ՞ս:

Ամբողջ Փոքր Հայքի՝ Ամասիայի, Թուրքիի, Սերաստիայի, Կեսարիայի, Արարկիի, Ատարազարի, Պարտիզակի, Ղուբթիլի, Գրնճըլարի, Գէյլէի, Պուրսայի, Գոնիայի, Մանիսայի, Իզմիրի, Եւայլն, Եւայլն, մեծ ու փոքր արհեստանոցների, գործատեղիների, գործարանների մէջ աշխատող գործաւորներն ու գործաւորուհիները եղել են, բացառապէս, մեր Կուսակցութեան անդամները: Դրանց թիւը շատ շատ է եղել. տասնեակ գործաղուշներ ենք վարել՝ ո՛չ միայն 1909-ից յետոյ, այլ նրանից շատ առաջ: Ո՞ր Կուսակցութեան անդամներն են եղած Կիլիկիայի ընդարձակ դաշտերի մէջ աշխատողները, — եթէ ոչ մեր: Զե՞նք ունեցել որոշեալ ազդեցութիւն Թիւրքիայի հանքերի մէջ աշխատող՝ հանքագործների վրայ: — Եւ

արանք բոլորը եղել են պրօլետարներ՝ այս բառի գիտական առումով:

Թողնենք Թիւրքիան. անցնինք նախկին Ռուսաստան.— հերքել կարելի՞ է. իրողութիւն չէ՞, որ Սօցիալ Դէմօկրատ Հնչակեանների թիւը քառասպատիկն է եղել, Բագուի մէջ, Հայ Մեծամասնականներից: Հայ Մեծամասնականները, այսօրուայ Հայ Կոմմունիստները, Թիֆլիզի մէջ յարդի բոցի նման փայլող եւ անմիջապէս մարողներ են եղել. նոյնը եւ Բաթումի մէջ, Սոխումի շրջանում, եւ Եւայլն, Եւայլն:

Հողաղուրկների, հողային աշխատաւորների ո՛չ միայն հայ տարրեր ենք ունեցել, բաւականին մեծ թուով, այլև Թաթար (Չանգեզուր, Օրդուբաթ) զիւղացիներից բազմաթիւ ստորազրութիւններով փաստաթղթեր ունինք, սպացուցանող թէ ի՛նչպէս նրանց պաշտպանել ենք: — Ո՛չ. իրողութիւնն է, անթխտելի իրողութիւնը, որ Սօցիալ Դէմօկրատ Հնչակեան Կուսակցութիւնը, իր բոլոր շրջաններում, ունեցել է ահագին թուով պրօլետարներ իր շարքերի մէջ, եւ մենք նրանցից «կախումն» ենք ունեցել: «Կախումն» դադափարական, «կախումն» մարտական-տակտիկական, «կախումն» կազմակերպչական:

Ուրեմն Բուխարինի այն սահմանաւորումը թէ՛ Մանրա-Բուրժուազական Սօցիալիզմը կախումն չունի պրօլետարիատից, — մեր հասցէին բնաւ չի պատշաճում: Քանի որ մենք երէկ, եւ այսօր, մեր շարքերի մէջ ունեցել ենք ահագին թուով զուտ պրօլետարներ, որոնց թիւը միշտ էլ քառասպատիկ աւելի մեծ է եղել այսօրուայ Հայաստանի Կոմմունիստ Կուսակցութեան անդամների թիւից:

Եթէ իրական Սօցիալիստ (Մարքսիստ) Կուսակցութեան կազմակերպչական առաջին յատկանիւնն է մեծ թրւով պրօլետարական տարրեր ունենալ իր մէջ.— այդ մենք ունեցել ենք. այդ յատկանիւնը մեր Կուսակցութեան վրայ եղել է, եւ կայ:

Բուխարինի տուած սահմանաւորումից երեւեց, որ Մանրա-Բուրժուազական Սօցիալիստ Կուսակցութիւններէի գլխաւոր յատկանիշներէից մէկն էլ այն է որ նրանք իրենց մէջ չեն բովանդակում պրօլետարական տարրեր:

Տեսանք, որ այդ յատկանիշը մեզ չէր կարելի վերադրել՝ այն պարզ պատճառով, որ մենք միշտ էլ, մեր բոլոր շրջաններում, ունեցել ենք ահագին թուով զուտ պրօլետարական տարրեր, որոնք մեր Կուսակցութեան մէջ դերակշիռ տեղ են բռնել:

Ուրիշ ի՞նչ ստորոգելիներ է տալիս Բուխարինը Մանրա-Բուրժուազական Սօցիալիստ Կուսակցութիւններին:

Նրանք յենում են գլխաւորապէս, փաստում է մեր հեղինակը, «ամենտամալու» դատապարտուած «աբիստաւարների, քաղաքների Մանրա-Բուրժուազիութեան եւ, մասամբ, Մտաւորականների վրայ»:

Առաջին իսկ հայեացքից շատ յստակ կերպով երեւում է, որ այդ յատկանիշներն էլ բնաւ տեղ չունին մեր հասցէին մէջ:

Մենք Կուսակցութիւն չենք հիմնել, չենք պահել — զարգացրել, մեծագործ յեղաշրջումներ, անցքեր յառաջ քաշել՝ յենուելով այն կօշկակարներէի, գլխարկազործներէի, կաշեգործներէի, կտաւազործներէի, ատաղձազործներէի, դարբիններէի, երկաթագործներէի, դերձակներէի, եւսայլն, եւայլն, վրայ, որոնք իրերի բնական բերումով անհետանալու, չքանալու շաղի մէջ էին մտել չէնց այն օրից, երբ իրենց գործած-ապրած վայրերում կառուցուեցան հսկայ գործարաններ, որոնց արտադրութեան մըրցմանը չը դիմանալով՝ վարձու բանուորներ դառնալու վիճակին էին հասել, ու մենք էլ յառաջ նետուեցանք՝ նրանց մեր Կուսակցութեան մէջ առանք, որպէս զի իրենց արհեստների վերաբերեալ գործարանատէրերի դէմ՝ ի-

րենց շահերը պաշտպանենք: Ընդհակառակը՝ չքանալու, անհետանալու դատապարտուած փոքր արհեստաւորներին մենք միշտ էլ ստել, խօսել ենք, անվարան կերպով, որ իրենք վայր պիտի երթան, ընկնին, որպէս արդիւնք եւ հետեւանք ճարտարագործութեանց զարգացման բնական պրօցեսին: Մենք չենք աշխատել նրանց կանգնեցնել, արդելք լինել, թուժք հանդիսանալ իրենց բնական մահուանը: — Այժմ հարց. մեր ո՞ր շրջանի մէջ այդ տարրերի փաստարան-գորավիպն ենք եղել, կ՞այ այդ մասին՝ մեր մամուլի մէջ՝ մի տող անգամ. — ապա ինչո՞ւ, դիտմամբ, մեզ հագցնել այնպիսի զղեստներ, որ մերը չեն:

«Քաղաքների Մանրա-Բուրժուազիութեան վրայ» ենք յենուել: — Այսինքն, ընտրովի ամէն տեսակի խանութպաններ՝ նպարավաճառներ, հացագործներ, բանջարավաճառներ, փոքր ծառայողներ ու պաշտօնակալներ... ենք լցրել մեր Կուսակցութեան մէջ: Մեր Կուսակցական գործերը միայն այդ ընտրեալներով ենք առաջ տարել, կուլ ենք գնացել սրանց շահերով: — Ձրի եւ անտեղի վերագրում չէ՞ մեզ՝ այս կէտն էլ:

Մի տող, մի բառ անգամ չի կարելի ցոյց տալ մեր դրականութեան մէջ, որով զայ հաստատուի այն իրողութիւնը, որ մենք առանձին, անկախ մտաւորական (ինտելիգենցիա) դասի կամ դասակարգի գոյութիւն ենք ընդունել: Այո՛, Մանրա-Բուրժուա Սօցիալիստները ընդունում են որ մտաւորականների (ինտելիգենտների) անկախ, զատ մի դասակարգ կայ, բայց դա մեզ համար, մեր Կուսակցութեան համար չէ:

Կայ Բուրժուա մտաւորական, կայ պրօլետարական մտաւորական, երկուսն էլ դասակարգային դժերի վրայ կեցած: Մէկը չի կարող միաժամանակ թէ Բուրժուազիայի մտաւորականը լինել եւ թէ Պրօլետարիայի: Երկուսից մէկը պիտի լինի, — կամ սրա, կամ նրա: Երբեմն, թուրք դատարանների մէջ՝ կուռուղ երկու կողմերը միեւնոյն փաստարանը կ'ունենային. նոյն անձը երկու հա-

կառավարի կողմերի շահերը կը պաշտպանէր՝ երբեմն արա թէզը զարգացնելով, երբեմն նրա: Այդպիսի մի դերք մտաւորականների համար՝ ընդունում են Սօցիալիստ Յեղափոխականները, Սօցիալիստ Ժողովրդականները, Սօցիալիստ Մանրա-Բուրժուազականները, — բայց ո՛չ թէ Մարքսիստները: Այդ ուղղութեամբ՝ մենք որեւէ շեղում կատարած չունինք եւ առաջ ենք քաշում, որպէս ապացոյց, մեր հարուստ եւ երկարամեայ դրականութիւնը:

Այդ նկատմամբ մատնանիչել ենք, որ դասակարգից դասակարգ գնացող մտաւորականներ կը լինին, կը պատահին, այս ու այն շարժառիթից մղուած: Օրինակ՝ ազնուական ծնունդ ունեցող Միրաբոն անցաւ, բռնեց Ֆրանսիական Բուրժուազիայի կողմը: Երբեմն Միլլըրանը, Վիլիամին, Բրիանը... թունդ գործաւորականներ, պրօլետարականներ էին՝ հակառակ իրենց բուրժուազածին հանդամանքին... Հայերիս մէջ քիչ չի եղել դասակարգից դասակարգ գնացող մտաւորականների թիւը: Եղած են. պատմութիւնը այդպիսի իրողութիւններ ունի արձանագրած:

Պատմութիւնը ասել է, նաեւ, որ այդպիսիները շատ էլ վստահելի չեն... նրանք փոփոխամիտներ են, յարատեւ կամքից զուրկ, եղէգի նման տատանուողներ, դասալքութեան հակամէտներ... Եւ Միրաբոն ունեցաւ իր առաւելակամ զգացումների ժայթքումները, — կաշառուեց, նորից անցաւ ազնուականների, արքայականների կողմը: Միլլըրանը, Բրիանը, Վիլիամին... պակասը լրացրին, էլ կառկած չը թողեցին այն հաստատագրին թէ՛ դասակարգից դասակարգ գնացողները ո՛րքան տարակուսելի տիպեր են:

Նոր չեն մեր այս ասածները. դրանք շատ անգամ կրկնուել են:

Շարունակենք մեր խօսքը:

Բուխարինը հաւաստիացնում է, որ Մանրա-Բուրժուազական Սօցիալիզմը «բողոքում է՝ «ազատութեան»

եւ փոքր կապիտալիզմի անունով՝ խոշոր կապիտալիզմ»:

Հայաստանի Կոմժունիստ Կուսակցութեան Քարաուզարը, ասում են, պատմաբան է: Արդ, կարո՞ղ է՝ մեր 38 տարուան կեանքից՝ մի զիծ, մի բառ, մի եղելութիւն մատնանիչել՝ ապացուցանելու համար, որ մենք, երբ եւ իցէ, «ազատութեան եւ փոքր կապիտալիզմի անունով բողոքած լինէինք խոշոր կապիտալիզմ»: Որ եւ է մի շըրջանում՝ այդպիսի դերքի մէջ դանուած ենք եղել. — Բնաւ երբէք: Ո՛չ գործնական կեանքը, ո՛չ մեր պայքարի շրջանները այդպիսի մի զիծ ունին, ոչ էլ մեր դրականութեան էջերը: Պարզ է, Մանրա-Բուրժուազական Սօցիալիզմի այդ յատկանիչն էլ մեզ հետ որ եւ է վերաբերութիւն չի կարող ունենալ: Այդ կողմից էլ բաց ճակատ ենք:

Մանրա-Բուրժուազական Սօցիալիզմի մի ուրիշ բընոյթագիծը. — «Նա, գլխաւորապէս, պաշտպանում է Բուրժուա-Դէմօկրատիան՝ Սօցիալիստ Յեղափոխութեան դէմ»: Ծիշտ հակադիրն ենք եղել: Մենք ենք Բուրժուազական Դէմօկրատիան պաշտպանել Սօցիալիստական Յեղափոխութեան դէմ, — Ե՞րբ, ո՞ւր, ո՞ր իրողութեամբ: Ընդհակառակը՝ ո՞վ, ո՞ր Կուսակցութիւնն է, որ մեզանից աւելի՝ գործքով եւ խօսքով, գրչով եւ բերանով, պայքարել է Բուրժուազական Դէմօկրատիայի դէմ: Ո՞վ ո՞ր կուսակցութիւնն է, մեղանից աւելի փայլուն կերպով պաշտպանել, զօրավիզն է հանդիսացել Սօցիալիստական Յեղափոխութեան անխուսափելիութեանը: Հայկական հատուկօտոր Բուրժուաները, իրենց տեսարանները ուրիշ ո՞ր մի Կուսակցութեան դէմ այնքան ուժեղ կերպով պայքարած են, որքան Սօցիալ Դէմօկրատ Հնչակեան Կուսակցութեան: Հայկական Բուրժուազական Դէմօկրատիայի դաւաճանութիւնները, մատնութիւնները այնտեղ են հաստատելու համար թէ՛ Սօցիալ Դէմօկրատ Հնչակեանները իրենց պաշտպանել թէ՞ հարուածել են այս երկար տարիների ընթացքում: Այն ժամանակ՝ երբ Հայ Դէ-

մօհրատական Բուրժուազիան կարուկ կերպով բռնում էր Սուլթանիզմի, Իստիհատական Դէմօկրատիզմի, Յարական Ֆէօդալիզմի եւ Ռուսաստանի նորածաղ Բուրժուազիայի կողմը, ու կատաղի կուլ էր մղում Սօցիալ Դէմօհրատ Հնչակեան Կուսակցութեան դէմ, ու մենք մէն մեմակ պայքարը տանում էինք, — այդ ժամանակ Հայ Կոմմունիստ Կուսակցութեան հին եւ նոր սերունդը ղեռ ոչ ծնուել էր, ոչ էլ ասպարէզ իջել։ — սխալ է այս հաստատումը, պատմութեան տուիքները այդպէս չէ՞ն ասում:

Ասել է թէ այդ շապիկն էլ մեզ հաղցնել չի կարելի, նոյն իսկ բռնի:

Կոմմունիստ տեսարան Բուխարինը աւելացնում է եւ այն, որ Մանրա-Բուրժուա Սօցիալիզմը «աշխատում է իր իդէալին հասնիլ խաղաղ միջոցներով» —

Մենք մեր Սօցիալիստական իդէալին հասնելու համար «խաղաղ միջոցներով» էր, որ Սոյիթի, Տաւրոսի բարձունքների վրայ ծածանեցրինք ԿԱՐՄԻՐ ԴՐՕՇԸ այն ժամանակ, երբ Մանրա-Բուրժուազական Սօցիալիստ պիտակով մեզ որակողները ղեռ աղօտ գաղափար անգամ չունէին Մարքսիզմի մասին: Ո՞ր Կուսակցութիւնն է, որ առաջին անգամ Մայիս 1-ը տօնեց թիֆլիզի մէջ հրապարակապէս. ո՞ր Կուսակցութեան անգամն էր, որ այդ սոթիւ, «փոխարքայի պալատին» առաջ՝ Կարմիր Դրօշը ձեռքին՝ կօզակների գնդակներից վայր գլորուեց, իր ընկերները ուսերի վրայ նստած տեղից:

«Սաղափ միջոցներ» — Լօնտօնի «Թայմզ»ը, «Դէյլի Նիւզ»ը, եւ այլն, մի քանի անգամ խմբադրականներ գրեցին, մատնանիչեցին, որ Սօցիալ Դէմօհրատ Հնչակեան Կուսակցութիւնը ուղում է ուղղութիւն տալ Եւրոպական դիւանագիտութեան՝ իր ամեհի շարժումներով: «Չկայ, չի կարող լինիլ անդորրութիւն: Այդ անդորրութիւնը կարող է գալ միայն եւ միայն Սօցիալ Դէմօհրատ Հնչակեաններից»: Մեր մղած հերոսական կռիւներն էին, որ այդ

եզրակացութեանն էին յանդեցրած զանազան «պետական անձնաւորութեանց» եւ որոնց կարծիքները տեղ դասն պաշտօնական գրութեանց մէջ:

Յեղափոխական Մարքսիզմի բանը եւ գործը մենք ենք մտցրել, առաջին անգամ, Հայ իրականութեան մէջ, եւ այդ ուղղութեամբ էլ շարունակ գնացել...

Մեր կեանքից մեր պատմութիւնից տեղեկութիւն ունեցողի համար պայծառ չէ՞ որ «խաղաղ միջոցների» տակտիկան մեզ չի կարելի վերադրել: Դրանից էլ, ուրեմն, գերծ ենք:

Մանրա-Բուրժուազական Սօցիալիզմի յատկանիշներն են, նաեւ, որ նա «խաղաղ միջոցներով» իր իտէալին հասնելու նպատակով՝ կազմում է «Գործակցական ընկերութիւններ... որ կապիտալիզմի ներքոյ գարգաւալով՝ դառնում են սովորական կապիտալիստ կազմակերպութիւններ... այդպիսի ընկերութիւններով շահագրգռուողները հազիւ տարբերում են Բուրժուազիայի անդամներից»:

Թէ՛ Մարքսիստական տեսակէտից՝ Գործակցական Ընկերութիւններին ինչ տեղ, դիրք եւ ուղղութիւն պիտի տալ, — այդ մասին չէ խօսքը, այս բոպէիս. այլ այն՝ որ մեր Կուսակցութիւնը ո՛չ մի չըջանի մէջ մասնաւոր ջանք է թափել Գործակցական Ընկերութիւններ կազմելու, որպէս զի այդպիսի «խաղաղ միջոցներով» Սօցիալիզմի իրականացմանը հասնենք: Մենք չենք ունեցել, եւ ո՛չ մի տեղ, այդպիսի ընկերակցութիւններ, որ բարդաւածին, զարգանան եւ մեզ էլ, մի գեղեցիկ օր, Բուրժուաներ գարձեն... .

Այդպիսի գործունէութիւն տեսնելը մեր Կուսակցութեան մէջ՝ անհեթեթութեան գլուխ գործոց պիտի լինէր՝ իրողութիւնները ազաւաղելու տեսակէտից:

Այսպէս, Հայաստանի Կոմմունիստ Կուսակցութեան Քարտուղարը գիտողութիւն էր արել, որ Սօցիալ Դէմօհ-

րատ Հնչակեան Կուսակցութեան Սօցիալիզմը եղել է «Մանրա-Բուրժուազական Սօցիալիզմ»:

Բուխարինի «Այրբենարանից» մէջ բերուած սահմանաւորումից տեսանք, որ «Մանրա-Բուրժուազական Սօցիալիզմի» յատկանիշները կատարելապէս եւ ամբողջապէս բացակայում են Սօցիալ Դէմօկրատ Հնչակեան Կուսակցութեան հասկացած Սօցիալիզմից:

Իր գիտողութիւնները գրի առնելիս եւ հասարակութեան ներկայացնելիս, երեւում է, որ Հայաստանի Կոմմունիստ Կուսակցութեան Քարտուղարը բազմադարձ մէկը լինելով՝ ժամանակ չի ունեցել կարդալու Մարքսիզմի Եւ, Օ, Ֆէ-ն. բայց ի՞նչքան լաւ եղած պիտի լինէր, որ նախապէս, գէթ, կարդացած լինէր իր հեղինակաւոր ընկերոջ գրած՝ Մարքսիզմի Այր, Բէն, Գիմը... Եթէ այդ արած լինէր, մեր ժամանակն էլ խնայած կը լինէր, իրենն էլ:

3.

Հայաստանի Կոմմունիստ Կուսակցութեան քարտուղարը՝ իր հովուական (pastoral) նամակի մէջ՝ մեր Կուսակցութեան մասին իր գիտողութիւնները առաջ տանելով՝ ասում է, որ «Նա կիրառել է ազգայնական պրօպագանդա»:

Երկու եզրեր իրարու հետ չը պիտի շփոթել. — «ազգային» (national) եւ «ազգայնական» (nationaliste):

«Ազգային» եզրի մէջ ամփոփուած են այն բոլոր ըստորոգելիները, որոնք բնորոշող, յատկանշող մասերը, գծերն են կազմում այն պատմա-անհատական հուարականութեան, որ կոչուում է ազգ (nation):

«Ազգայնական» (nationaliste) եզրով արտայայտուած է տուեալ Ազգի մէջ գոյութիւն ունեցող ա՛յն հասանքը, ա՛յն ձգտումը, որ մի Կուսակցութիւն, մի Դասակարգ (բուրժուազական, միապետական) իւրացնելով՝ իրեն նը-

պատակն է անում այդ Ազգի ընդհանրական յատկանիշները, բնորոշիչ գծերը տարածելու, նոյն իսկ բունի, միւս բոլոր Ազգերի վրայ:

«Ազգայնական»ը ուրիշ ազգեր կուփող, հարստահարող, նուաճող, սարկացնող, ի հարկին՝ բնաջնջող մարդ գազանն է: «Ազգայնական»ի համար՝ «իւր Ազգը» Ազգն է գերազանցօրէն. նա ընտրեալն է բոլոր Ազգերի միջից, նա ապրելու արժանի ամբողջ մարդկութիւնն է. մարդկային ամենաբարձր ստորօգելիներով միայն նա է օժտուած, անով՝ բացառապէս՝ պիտի իրագործուի մարդկային ամէն գործ. — ամէն ինչ նրանով եւ նրա համար: Նա առանցքը, կեդրոնն է բոլոր Ազգերի: Եւ որովհետեւ ինքը ընտրեալն է, ամէնից վերինը, ուստի նրան ենթարկուելը, նոյն իսկ ոյժով, քարիք է թէ՛ ենթարկուողների եւ թէ՛ մարդկային յառաջգիմութեան համար... Տարբարուծում, ջնջում ստորին բոլոր Ազգերի, բոլոր ցեղերի համար, որպէս զի գերազանցօրէն Ազգը բաց դաշտ, լայն ասպարէզ ունենայ՝ առանց խոչընդոտի յառաջ երթալու եւ մասից վերածուելու ամբողջականութեան՝ ծովի աւազի պէս բազմանալով»:

Արծիւր՝ իր մագիլների մէջ առած՝ ճշացող ազանուն բզիկ-բզիկ է անում. — բնազդ է, իր տեսակը պիտի մնայ. ուրիշը պիտի ուտուի, որպէս զի ինքը ապրի:

Առիւծը յօշոտում է այժեամին. — կեանքը կուի է, եւ զօրաւորն է միայն, որ պիտի վերապրի, — թոյլը կեր պիտի դառնայ:

Գայլաձուկը կլանում է կարմրախայտին, — մէկի մահը պայման է միւսի կեանքին...:

Կենդանա-գազանային այդ բնազդը, Հերբերտ Սպենսերեան բանաձևով կոկելով՝ «Ազգայնականը» փոխադրում է մարդկային ընկերութեան մէջ, նոյն խասութեամբ, նոյն անողորմութեամբ, նոյն «իրաւունքով»: «Ազգայնական»ի համար անառարկելի է. Յեղը՝ Յեղին, Ազգը՝ Ազգին պիտի ուտի, — դա «բնական օրէնք է»:

Հետեւապէս՝ «ընական օրէնքի արդիւնքով» է որ «Իր Ազգը» պիտի ենթարկի, նուաճի, սարկացնի, բնաջնջի, բոլոր միւսներին, չէ՞ որ նա ընտրեալը, վսեմագոյնը, բարձրագոյնն է եւ միակը արժանի սպրեւու, յաւիտենականանալու:

Ժիւլ Ֆերրիի սահմանաւորումով՝ իր Ազգի զրօշը ծածանեցնել ամէն կէտի վրայ, ուր որ կարող է, ուր որ իր ոյժը կը պատի՞ — դա է «Իրաւունքը եւ միանգամայն պարտականութիւնը ամէն ճշմարիտ ազգայնականի»:

Ռուս «ազգայնականը» — Կատկով, Մենշիկով, եւ այլն, — աշխատել են ուտել ոչ-առւս ազգերին:

Ֆրանսիացի «ազգայնականը» — Դերուլէզ, եւ այլն — նպատակ էր դարձրել «Գերման Ազգը» փճացնել:

Տրէյզիէն փաստել է, որ միայն «Գերման Ազգը» ապրելու իրաւունք ունի:

«Թուրք Հանրապետութիւնը» կազմուած է՝ «Թուրք-Թուրքերից», «Հայ-Թուրքերից», «Յոյն-Թուրքերից»... Սուլթան Համիդը, Իտտիհատը, Միլլին «Ազգայնական» այդ հասկացողութիւնը ունին. — միա՞յն Թուրք:

«Ազգայնականութիւնը» (nationalisme) Բուրժուազականութեան միջազգային յատկանիշներէ մէկն է:

Մենք «Ազգայնական պրօպագանդա» ենք վարել!... Սօցիալ Դէմօկրատ Հնչակեան Կուսակցութիւնը ձգտել է ստորագասել, նուաճել, ուտել Տաճկին, Պարսկին, Քիւրդին, Լազին, Չերքէզին, Աւշարին, Ռուսին!:

Իրա՞ւ այդպիսի ձգտում ենք ցոյց տուել, — ե՞րբ, ո՞ւր: Ի՞նչպէս է որ մենք տեղեկութիւն չունինք: Այդ մասին ամենափոքր հետք, նշանացոյց կարելի՞ է գտնել մեր օրգանների եւ հրատարակութիւնների մէջ:

«Ազգայնական» ասելով մէկին՝ ազգայնական չի լինիլ. հարկաւոր է մատնանիշել փաստը, նրա սիրած գաղափարը, արտադրած գործը՝ «ազգայնական» ոգով եւ ուղղութեամբ:

Մեր Կուսակցութիւնը ո՛չ միայն «ազգայնական» չէ եղած, այլ «ազգայնականութեան» դէմ երկարաշունչ կը ուիւնէր է մղած թէ՛ Ռուսաստանում եւ թէ՛ Տաճկաստանում:

«Ազգայնական պրօպագանդա» ե՞նք վարել. — Հայաստանի Կոմժունիստ Կուսակցութեան քարտուղարին յանձնարարում ենք անպղտոր աչքերով կարդալ մեր Կուսակցութեան Ծրագրի (Տաճկաստանի) երրորդ մասը:

Էջ 4-րդ, գրուած է. — «Ազգային խնդիրների նկատմամբ՝ պաշտպանել բազկացուցիչ ազգութիւնների քաղաքական լիակատար իրաւունքները: Ժխտել մէկ Ազգի ըստօրադասումը միւսին: Ազգութիւնները, ոչպէս պատմական-անհատականութիւններ ազատօրէն զարգանալու, յառաջդիմելու ամէն պայմաններ պիտի ունենան, առանց սեւէ սեղմումի մէկի կամ միւսի կողմից:

«Սօցիալական, տնտեսական, քաղաքական ո՛չ մի խոչընդոտ պիտի լինի մի ազգութեան անկաշկանդ յառաջդիմութեան եւ բարգաւաճման առաջ. — այնպէս որ՝ «ազգութիւնների բացարձակ հաւասարութիւնը եւ ինքնորոշման սկզբունքը անձեռնմխելի եւ անժխտելի իրաւունք է հանդիսանում»:

«Հնչակ»ի, «Յերիտասարդ Հայաստան»ի ու մեր այլ հրատարակութիւնների մէջ՝ այդ թէ՛ղերն են զարգացուել: Մեր Վեցերորդ Ընդհանուր Պատգամաւորական Ժողովը (1909) բիւրեղացրեց վերեւ յիշուածները՝ Ծրագրային առանձին մասով:

Ուրիշ երկիրներ եւ այդ երկրների մէջ գործող Սօցիալիստ Կուսակցութիւնների մասին թողնում ենք:

Անցնում ենք Ռուսաստան:

Ռուսաստանի Սօցիալ Դէմօկրատ Բանուորական Կուսակցութիւնից՝ Պլեխանովը, այդ հարցի մասին, առաջները խառնաշփոթ տեսութիւններ է ունեցել, աւելի պաշտպան է եղել ազգա-ձուլման գաղափարին: Թէեւ վերջը —

1915-ին — բոլորովին հակադիր թէզերի վրայ կանգնեց^(*) :

Ստեփան Շահումեանի «Սօցիալ Դէմօկրատիա եւ Ազգային խնդիր» գրքովին էլ շատ որոշ գծերով չի արտացոլացնում խնդրի բոլոր կողմերը: Բազուի մէջ գործող Հայ Մեծամասնականների հրապարակախօսները բացորոշ կերպով խուսափել են այդ հարցին մօտենալուց. իրենց լղարիկ գրականութիւնը այդ մասին շատ ազքատ է եղել:

Այդ հարցով լուրջ եւ բազմակողմանի կերպով ըզբաղուողը եղել է Լենինը, մասնաւորապէս 1913-ից սկըսած, անստորագիր յօդուածներով:

Նորերս հրատարակուած «ՀԱՏԸՆՏԻՐ ՅՕԴՈՒԱԾՆԵՐ՝ ԱԶԳԱՅԻՆ ԽՆԴԻՐԻ ՄԱՍԻՆ» գիրքը կը մնայ դասական մի գրուածք՝ Մարքսիստական տեսակէտից:

Գրքի բովանդակութիւնը եւ յօդուածների շարայարութիւնը հետեւեալն է.

- 1.- «Գործաւոր դասակարգ եւ Ազգային խնդիր»:
- 2.- «Ազգային կուրտուերական» ինքնավարութեան մասին»:
- 3.- «Պետական պարտադիր լեզու պէ՞տք է»:
- 4.- «Կեդրոնական Կոմիտէի 1913-ի Խորհրդաժողովին ընդունուած՝ Ազգային խնդրի արուած վճռորոշումները»:
- 5.- «Քննադատական գիտողութիւններ ազգային խնդրի մասին»:
- 6.- «Ազգի ինքնորոշման իրաւունքի մասին»:
- 7.- «Մեծ ուսնների ազգային պարտութեան մասին»:
- 8.- «Վիճարանութիւնների ամփոփումը՝ ինքնորոշման մասին»:
- 9.- «Ռուսաստանի Կոմմունիստ Կուսակցութեան Ութերորդ Համագումարի մէջ արտասանած ճառը»:

(*) Տես Սօցիալիզմ եւ Հայրենիք պրակ Բ.—

10.- «Թէզդիսների սկզբնական ուրուաղիծ՝ ազգային ու դադութային հարցերի մասին»:

11.- «Կոմմունիստ Միջազգայինի Երկրորդ Համագումարի մէջ արտասանած ճառը»:

Եթէ Հայաստանի Կոմմունիստ Կուսակցութեան քարտուզարը նկղութիւն քաշի, ուչի ուչով կարդայ Լենինի այդ գրածները եւ ապա բարեխղճօրէն համեմատութեան, զուգակշռի մէջ դնի մեր Ծրագրի մէջ արտայայտուած գաղափարների եւ թէզերի հետ, — կը տեսնի որ գրանք նոյնութիւններ են: Լենինը տարբեր բան չէ ասել՝ Սօցիալ Դէմօկրատ Հնչակեան Կուսակցութեան ծրագրի՝ այդ մասին՝ ասուածից:

Եւ գրանք եղել են իրարուց բոլորովին անկախ, առանց մէկի գրութիւնից միւսը տեղեկութիւն ունենալու: Մարքսիստը Մարքսիստ է, ուր էլ, ինչ միջավայրի մէջ էլ, որ նա գործելու, արտայայտուելու լինի:

Հարցնում ենք.— Լենինը «ազգայնական պրօպագանդա» է վարել. «ազգայնակա՞ն» է եղել նա.— ո՛չ եւ ո՛չ:

Արդ, երբ մենք էլ արտայայտել, ունեցել ենք նո՛յն այն գաղափարները, ազգային խնդիրների առթիւ, ինչ որ Լենինը, եւ նա ազգայնական չէ.— ապա մեր վարած կուսակցական քաղաքականութիւնը ինչո՞ւ համարուի «ազգայնական» ու մենք էլ լինինք «ազգայնականներ».— Ինչո՞ւ երկու շափ եւ երկու կշիռ: Գիտութիւնը երկու երես չունի:

Ո՛չ:

Իրողութիւնն է, որ Սօցիալ Դէմօկրատ Հնչակեան Կուսակցութիւնը երբէք չէ վարած «ազգայնական պրօպագանդա», նրա անդամները ո՛չ մի ժամանակ եղել են «Ազգայնականներ», այլ համոզուած եւ անվերածելի Մարքսիստներ՝ Հայ իրականութեան եւ միջավայրի մէջ:

Հայաստանի Կոմմունիստ Կուսակցութեան քարտուզարի՝ մեզ ընծայած «Ազգայնականութեան» գիտողու-

թիւնն էլ աւելորդ, անտեղի դուրս եկաւ, մի բանի չը ծառայեց:

Արդեօք ի՞նչ մի մասնաւոր հեռանկարով առաջնորդուած լինելուն համար է, որ Հայաստանի Կոմմունիստ Կուսակցութեան քարտուղարը մեզ դնում է «Ազգայնական պրօպագանդա» վարողի դերի մէջ, երբ Գ. Միջազգայինի ներկայացուցչական Մարմինը ո՛չ միայն այդպիսի որակում չի տալիս մեզ, այլ ճիշտ դրա հակառակն է հաստատում՝ իր տուած նախադրեալներով:

Այս օրերիս՝ ո՛չ թէ կուսակցական նեղմտութիւնը պիտի խօսի, այլ լայնախոռոչութիւնը, աւելի սերտ կերպով իրերահասակացողութեան գալու համար:

Եւ այդ է պահանջում Հայաստանի եւ Պրօլետարիատի շահը՝ պատմական այս օրերիս մէջ:

Ուրեմն, պարզաբանուելու, թիւրիմացութիւնները բառնալու մտքով՝ շարունակենք մեր խօսակցութեան թէլը:

Սօցիալ Դէմօկրատ Հնչակեան Կուսակցութիւնը ունեցել է՝ «Խմբապետական գործելակերպի մեքսոսներ», ասում է Հայաստանի Կոմմունիստ Կուսակցութեան քարտուղարը:

Այդ դիտողութիւնն էլ բացարձակապէս անճահ է եւ սխալ:

Մեթոտ կոչուում է այն ճանապարհը, միջոցը, որով մէկը հասնում է մի որոշեալ նպատակի:

Մեր մտքովն անդամ չի անցել «Խմբապետական գործելակերպի մեքսոսով» հասնիլ մեր Կուսակցական նպատակներին:

«Խմբապետական գործելակերպի մեքսոսով» տակտիկական մաս՝ մենք երբէք չենք ունեցել:

Կազմակերպչական տեսակէտով՝ մենք ունեցել ենք, ի պահանջել հարկին եւ Կանոնադրային որոշ արամադրութեանց համաձայն, խմբապետական ժողովներ միայն, ուրիշ ոչինչ:

«Խմբապետական գործելակերպի մեքսոսներ» ասելով՝ Հայ Մեծամասնականները հասկացել, հասկանում են տակտիկական գործունէութեան այն եղանակը, որով մի խմբապետ կամ մի քանի խմբապետներ, ուղած եւ ցանկացած ժամանակին, առաջնորդուելով իրենց անձնական տեսութիւնից, իրենց գլխին են հաւաքում զինուորներ, մարտիկներ եւ նրանց առաջնորդում դէպի կռիւ, դէպի ազատամբութիւն, դէպի յեղափոխական գործունէութիւն: — Մտածժունքը, խորհելակերպի հիմունքը անարխիստական է, մեթոտը՝ Բլանքիստական: Այդպիսի «Խմբապետական գործելակերպի մեքսոսներին», որ բրդխում է կազմակերպչական Ապակեդրոնացման դրութիւնից, մենք միշտ հակառակել ենք եւ հարուածել, որպէս գործունէութեան վնասակար եղանակ:

Կազմակերպչական տեսակէտից՝ մենք ունեցել ենք խիստ կեղբոնացեալ դրութիւն: Համակուսակցական բրնոյթ ունեցող, պատասխանատու, լուրջ հետեւանք յառաջացնող ո՛չ մի շարժում, ո՛չ մի գործ կարող էր կատարուիլ՝ առանց Կանոնադրային նախատեսուած բարձրագոյն մարմինների կանխահաճ հաւանութեանը եւ հրահանգին: Բացառութիւն կարող էին կազմել միայն գուտ տեղական բնոյթ եւ տարողութիւն ունեցող մանր խրնդիրները:

25-30 տարի իլլէգալ գործունէութեամբ յեղափոխական գործ վարել Տաճկաստանի, Ռուսաստանի մէջ, — դա դիւրին գործ չէ:

Երբորդ Միջազգայինը, երբ ընդունեց, որ Ամերիկայի նախկին Կոմմունիստ Կուսակցութիւններից վրայ կանգնի՝ գործի, իր պատճառաբանութիւններից մէկն էլ այն եղաւ, որ Ամերիկեան պրօլետարական շարժման գլուխ անցնողները շատ վարժ, ընդունակ չէին իլլէգալ հողի վրայ կանգնելով՝ իրական պրօլետարական մարտական գործ յառաջացնելու՝ կապիտալիզմը տապալելու աստիճան:

Հաւարոյթները ազատութիւն չկար. ունէինք Մասնաճիւղեր, — Կ. Պոլիս, Սամսոն, Մարզուան, Ամասիա, Թոզաս, Սերաստիա, Կեսարիա, Վան, Բագու, Բաթում, Թիֆլիզ, եւայլն, եւայլն — 100ից մինչեւ 1000ի հասնող ինչպէս կարելի էր բոլոր անդամներին միատեղ բերել եւ Կուսակցական գործ կատարել: Իւրաքանչիւր տասնեակ ունէր իր խմբապետը եւ խմբապետները միասին դալով՝ Վարչութեան հետ ժողովի էին նստում եւ իրենց դործերը վարում: Տուեալ խումբի մէջ գանուողը՝ բացի իր խմբի անդամներից եւ խմբապետից՝ ուրիշ եւ ո՛չ մէկ ուրիշին ճանաչելու իրաւունք ունէր: — Եւ սա, սովորական մթաթով հասկացուած, «խմբապետական գործելակերպի մեքսոս» չէ: Մեր «խմբապետական ժողովը» կազմակերպչականի հետ է գործ ունեցել, կազմակերպչական մասին է վերաբերել:

Իսկ Սօցիալ Դէմօկրատ Հնչակեան Կուսակցութեան կատարած մանր կոխները եւ ցոյցերը (Կ. Պոլիս, Փոքր Հայք, Մասուն, Վան, Կիլիկիա, Արարկիր, Սերաստիա, Կեսարիա, եւայլն, եւայլն) — դրանք սկզբնական անհրաժեշտ տարրեր էին զանգուածային ընդհանուր շարժումների հասնելու համար: Եւ ո՞ր երկրի մէջ կատարուած յեղափոխական շարժումը այդ սկզբնական փուլերից չի անցել՝ որոշեալ կերակացութեան, յառաջադրուած նպատակին հասնելուց յտուջ:

Մանր կոխների եւ ցոյցերի շրջանը այլեւս անցած լինելով, 1896-ից մենք ընդգրկեցինք Ընդհանուր Ազդատութեան գաղափարը:

Մեր Կուսակցութեան պատմականը չը պիտի անենք. բայց արդարադատ լինելու համար՝ Հայաստանի Կոմժունիստ Կուսակցութեան քարտուղարը շատ մեծ գոնաբութիւն չը պիտի քաշէր, եթէ Երեւանի գրադարանը երթար եւ այնտեղից ձեռք բերէր մեր Ներքին Կանոնադիրը, տեսնելու համար թէ իր հասկացած «խմբապետական գործելակերպի մեքսոսի» մասին, այնտեղ որ եւ է տրա-

մադրութիւն կա՞յ, եւ ի՞նչ է եղել մեր «խմբապետական ժողովների» բնոյթն ու նպատակը:

«խմբապետական գործելակերպի մեքսոս» ի դիտողութիւնն էլ զլրտովին սխալ է՝ մեր Կուսակցութեան հասցէին:

4.

Հայաստանի Կոմժունիստ Կուսակցութեան քարտուղարը՝ սիրտը լցուած մարդու պէս՝ փոռն է, որ թափում է մեր Կուսակցութեան հասցէին: Իր հոգեկան տաղնապը շատ ցայտուն է:

Ծարունակենք, եւ է՛լ աւելի լաւ կը տեսնուի այդ:

Դիտողութիւն եղած է իր կողմից, նաեւ, թէ՛ «Հընչակեան «Սօցիալիզմը» ըլէալ յեղափոխական գործօն չի եղել»:—

Վերլուծենք այդ դիտողութիւնը:

Նախ՝ մեր Սօցիալիզմը որակած է չակերտաւոր Սօցիալիզմ — որոշ է թէ՛ դա ի՞նչ հոգւոյ արտայայտութիւն է: Քարտուղարը, այստեղ, Կոմիտեքնի Գործադիրի նախագահութիւնից աւելի բարձր դիրքի վրայ է դնում իրեն եւ հէնց դրա համար էլ իր որակիչը դառնում է աւելի քան կատկածելի:

Եւ յետոյ՝ մտնալով իր սասածը, որ մեր Սօցիալիզմը չակերտաւոր է, ուզում է որ չակերտաւոր այդ սօցիալիզմն էլ «ըլէալ յեղափոխական գործօն» եղած լինէր. թէ՛ եւ չակերտաւոր սօցիալիզմը երբէք չի կարող լինիլ «ըլէալ յեղափոխական գործօն»: Մտքի ապակեգրոնացում, կիրք կայ. ուստի իրարու հակասող երկու մտքեր քով քովի դրուելով՝ ձեւակերպուել է անիմաստ նախադասութիւնը:

Եթէ մեր չակերտաւոր սօցիալիզմը «ըլէալ յեղափոխական գործօն» չի եղել. — ասել է թէ՛, դիտող Քարտուղարը լուրեւայն ընդունում, գէթ, որ նա եղել է տեսական «յեղափոխական գործօն»:

Պատասխան:

Մեր Սօցիալիզմը չակերտաւոր չի եղել. նա եղել է Գիտական Սօցիալիզմ. — եւ այդ ընդունել են շատ հեղինակաւոր հաստատութիւններ եւ Քարտուղարի ուսուցիչներն իսկ: Հետեւաբար իր խօսքը զտանում է աւելի քան չակերտաւոր:

Մեր սօցիալիզմը եղած է իրականացուցիչ յեղափոխական գործօն: — Սօցիալ Դէմօկրատ Հնչակեան Կուսակցութիւնը ոչ միայն յարել է, այլեւ գործօն դեր կատարել Ռուսաստանի սօցիալիստական յեղափոխական շարժումներին մէջ՝ սկզբից մինչեւ վերջ: Դրա շատ աղօտ արտացոլացումը կայ նոյն իսկ «Նորք»ի մէջ, թիւ 2:

Եթէ մեր սօցիալիզմը «ըէալ յեղափոխական գործօն» եղած չը լինէր, նա չէր յարել Պրօլետարական Յեղափոխութեանը: Եթէ յարած է — եւ դա անտարակուսելի ու անաւարկելի է, ընդունուած մի ճշմարտութիւն — ազատ աշխատեւ է, որ Հայաստանի Կոմմունիստ Կուսակցութեան քարտուղարը մի քիչ շատ եւ աւելորդ եռանդ է ցոյց տալիս:

Ուրիշ փաստ:

Կարգանք Սօցիալ Դէմօկրատ Հնչակեան Կուսակցութեան Կեդրոնական Վարչութեան նամակը — 7 Նոյեմբեր 1922, թիւ 569-ը — ուղղուած Ամերիկայի Շրջանի մեր Վարիչ Մարմինն:

Գրուած է. — «Հնչակեան Կուսակցութիւնը Հայաստանում եւ Վրաստանում պաշտօնապէս կառավարութիւնների կողմից ֆանաչուած է, լեգալիզացիայի եւ քարկուած եւ ազատ գործելու համար հարկ եղած գրաւոր արտօնաքննութիւն տրուած»:

Երբ Հայաստանի եւ Վրաստանի կառավարութիւնները «պաշտօնապէս» ճանաչել եւ լեգալիզացիայի էին ենթարկել մեր Կուսակցութիւնը, — ասել է թէ նրա սօցիալիզմը չէր կարող լինել չակերտաւոր եւ ո՛չ էլ ոչ-«ըէալ

յեղափոխական գործօն»: — Մասնաւոր ուշադրութիւն նամակի քուականին:

Կեդրոնական Վարչութեան նոյն այդ նամակը շարունակում է. — «Կեդրոնական Վարչութիւնս՝ կովկասեան ընկերների համաձայնութեամբ՝ յատուկ մի ընդարձակ եւ հիմնաւորուած դեկլարացիայով դիմել է Երրորդ Կոմմունիստական Ինտերնացիօնալի 4-րդ Կօնգրէսին եւ իւր կողմից երկու ընկերների պատուիրակներ է նշանակել դեկլարացիան ներկայացնելու եւ գեկուցումներ տալու համար: Մեր ցանկութիւնն է պաշտօնապէս ընդունուիլ Երրորդ Ինտերնացիօնալի մէջ, պահպանելով մեր Կուսակցութեան ինքնուրոյնութիւնը մի շարք պատճառներով, որոնց հետ համաձայն են նաեւ Կոմմունիստ ընկերները»:

Նամակը գրուած է Թիֆլիսից, 7 Նոյեմբեր 1922, ունի 569 թուահամարը. ստորագրուած է Կեդրոնի առեւտրայեան եւ առեւտրային կողմից՝ վաւերացուած՝ կնիքով:

Կոմմունիստ Միջազգայինի Գործադիրի Նախագահութեան պատասխանը գիտենք ի՞նչ է եղած. — մեր Կուսակցութեան ազգամիջեան կազմակերպչական սխտեմը արդեւ է եղել մեր ընդունուելուն եւ բանազնացութիւնները շարունակում են:

Բայց առանձին ուշադրութեան արժանի կէտն այն է, նամակի այդ մասի մէջ, որ Հայաստանի եւ Վրաստանի Կոմմունիստ Կուսակցութիւնների մէջ կան Կոմմունիստ ընկերներ, որոնք, նոյնպէս, ցանկանում են, որ Սօցիալ Դէմօկրատ Հնչակեան Կուսակցութիւնը պահի իր «ինքնուրոյնութիւնը մի շարք պատճառներով»:

Այդ իրողութիւնը շատ վաղուց մեզ յայտնի էր: Գիտէինք եւ այն՝ որ Հայաստանի Կոմմունիստ Կուսակցութեան մէջ, մասնաւորապէս, կային Կոմմունիստ ընկերներ էլ, որոնք ո՛չ միայն չէին ցանկանում, որ Սօցիալ Դէմօկրատ Հնչակեան Կուսակցութիւնը պահէր իր «ինքնուրոյնութիւնը մի շարք պատճառներով», այլ նրանք աշ-

խառում էին ամէն կերպ մեր ընկերներին հայածել, Կուսակցութիւնը անանբողջակացնել, տարրալուծել: Եւ այս վերջին շարքի Կոմմունիստների մէջն է գտնուում Հայաստանի Կոմմունիստ Կուսակցութեան քարտուղարը... հիմա այլեւս իր հոգու խաղաղքից մեզ ո՛չինչ անծանօթ չի մնում. իր դիտողութիւնների արժէքը հիմայ է՛լ աւելի պարզուում է:

Վրաստանի Սօցիալիստ Խորհրդային կառավարութիւնը ո՛չ միայն մեզ գործելու ամէն ազատութիւն էր տուած, այլ եւ յատուկ շէնք-կեղերոնալայր:

Ռուսաստանի Սովիետական կառավարութիւնը եւ ո՛չ մի ժամանակ, եւ ո՛չ մի պարագայի տակ՝ ամենաթեթեւատիճանով անգամ՝ խէթ աչքով նայեցաւ մեր Մասնաճիւղերին եւ ընկերներին — նոյնը՝ մասնաւորապէս Ուկրայնիայի մէջ — այլ նրանք երթեւեկութեան լիակատար ազատ իրաւունք ունէին՝ բաւական է որ ներկայացնէին մեր Կուսակցութեան պաշտօնական վկայականը:

Դառնանք, նորից, մեր կէտին:

Մեր Կուսակցութեան Սօցիալիզմը «բէալ յեղափոխական գործօն չի՞ եղել — կ'ուզէինք որ մեր հակառակախօս «Կոմմունիստները» յառաջ քաշէին, մասնանիչէին մի դէպք, մի իրողութիւն, որ մինչեւ 1914-ի Օգոստոս 4-ը, մինչեւ համաշխարհային վերջին պատերազմի յայտարարութիւնը, նախկին Սօցիալ Դէմօկրատ Բանուորականները (Բոլշեւիկները) եւ այժմեան Կոմմունիստները որ եւ է սօցիալիստական գործ կատարած լինէին Բազուի, Բաթումի, Թիֆլիզի մէջ՝ առանց մեր Կուսակցութեան մասնակցութեանը: — Չկայ Սօցիալիստական այդպիսի եւ ո՛չ մի դէպք, եւ ո՛չ մի իրողութիւն: — Իսկ մենք՝ մէն միմակ՝ սօցիալիստական այդպիսի գործեր կատարել եմք՝ հէնց այդ քաղաքների, մասնաւորապէս Բազուի, եւ Բաթումի մէջ:

Բազուի մէջ, 1918-ին, տեղի ունեցած Սօցիալիստական շարժումները եւ գործերը առանց մեր ընկերների եւ

մասնաճիւղերի աջակցութեանն են եղել. — ո՛չ: Մենք էլ բերել ենք մեր բաժինը:

Ուրիշը:

1906-1907-ի, Սոխումի շրջանում ապրում էին մօտ 15,000 Հայ գաղթականներ. սրանք ունէին իրենց ծխախոտի տնտեսութիւնները: Փոխարքայի տեղակալ Մալամայի յատուկ աջակցութեամբ եւ հրամանով՝ այդ 15,000 գաղթականները նորից Տաճկաստան պիտի քշուէին, Սուլթան Համիտի Եաթաղանի տակ ապրել-կոտորուելու համար: Այդ աշխատող ձեռքերի առաջ կանգնած էին միջազգային գիւղական տղրուկները: Ո՞ր Կուսակցութիւնն էր որ Մալամայի հրամանագիրը պատառեց եւ թոյլ չը տուեց, որ այդ 15,000 Հայ գաղթականները իրենց տնտեսութիւնները լքեն եւ սահմանից անցնելով՝ մահուան ընդառաջեն: Եւ այդ շրջանի աշխատաւորներն են, որ այսօր արդասարեւրում են Հայաստանի ծխախոտի մշակութիւնը: Մեր այսօրուայ «Կոմմունիստ» հակառակախօսները ո՞ւր էին այդ ժամանակ, իրենց Պրօլետարական, Միջազգային «բէալ յեղափոխական» սօցիալիզմը ինչո՞ւ յառաջ չեկաւ, չը գործեց: Է՞ր դա սօցիալիստական, թէ՞ ո՛չ:

Ցարիզմը՝ Թաթար բէգերը ձեռք առնելով՝ հորդաներ էր մղում Հայ աշխատաւորութեան դէմ՝ կոտորելու, անճիտելու նպատակով. այսօրուայ մեր «Կոմմունիստներին» «բէալ յեղափոխական» սօցիալիզմը ինչո՞ւ չէրեցաւ այդ օրերին, չէ՞ որ կոտորում էր Հայ Պրօլետարատը, Հայ գիւղացին, նոյնպէս եւ Թաթար պրօլետարատը, Թաթար գիւղացին: Մեր «բէալ յեղափոխական» սօցիալիզմը երեւեց, իր դերը կատարեց, փրկեց ամբողջ աշխատաւորութիւնը՝ առանց ցեղի եւ ազգի խտրութեան. — հարևարտը շնորհակալական համախօսականներ ունինք Թաթար գիւղացիներից եւ աշխատաւորներից: Մեր հակառակորդները, այդ ժամանակները (1904-1906) չը

կայի՞ն, թէ՞ իրենց «բէլալ յեղափոխական» սօցիալիզմը շուրջ գործել...

Ակամայ խոստովանութիւն: Հայաստանի Կոմունիստ Կուսակցութեան քարտուղարը մի ակամայ խոստովանութիւն է անում:

«Մայիսեան Ապստամբութիւնը» իր յօդուածի մէջ («Նորք» թիւ 2) գրում է. — «Տարօրինակ է ինքնին, որ յետամնաց Հայաստանում Կոմունիստ պրօպագանդան ու գործը ընդամենը մի կամ երկու տարուայ կազմակերպչական աշխատանքի եւ յեղափոխական պայքարի հետեւանքով կարող էր պետական նոր մեքենայի զեկավար դարձնել Հայաստանի բանուոր դասակարգը, տալ նրա ձեռքը երկրի շահագործող աշխատատեղերի սօցիալ ֆալսիֆական ֆակտագրի տնօրինութիւնը»:

Անշուշտ «տարօրինակ» է:

Բայց այդպիսի դէպքերում «Տարօրինակ» ոչինչ կայ, եւ շատ դիւրին էլ բացատրելի, — եթէ պատմագիրը ընդունի, որ պատեր, պարիսպներ են լինում, Երբեքովինի նման, որոնք իրենց՝ յանկարծուստ փլչում են...

«Տարօրինակ» ոչինչ կայ, երբ պատմարանը գրում, անցնում, հաղորդում է թէ ինչպէս Բուզդայի ընչացքից արծակուող կայծերը համասփիւռ կայծակների ու փայլահերթի են վերածուում, ու մի ակնթարթում ամբողջ աշխարհը՝ Արեւելքից Արեւմուտք, Հիւսիսից Հարաւ՝ լուսաւորում:

Ծովը ճեղքում է, ջրէ պարիսպներ են գոյանում եւ ընտրեալ ժողովուրդը անցնում է, որպէս ցամաքի վերայ... Ասում է «Պատմուածքը»: Զուրը զինիի է փոխում. մէկ նկանակը հաղարաւորներ է կերակրում... հաստիարանում է «Պատմագիրը»:

Եթէ այդպիսի «Պատմարանները» մեթոտով վերլուծենք իրողութիւնները՝ այդտեղ «Տարօրինակ» ոչինչ չի լինիլ:

Իսկ եթէ պատմութեան գիտական մեթոտը ձեռք աննրի՝ այդ «Տարօրինակը» շատ շուտով օրինական, բնականոն, նօրմալ կերպով դուրս կը գայ:

Անշուշտ մէկ տարուան ընթացքում այդպիսի տարօրինակութիւններ չէին կարող կատարուել «մեշչանական», «յետամնաց» Հայաստանում: Բայց ինչքան բնական եղած պիտի լինէր, եթէ առնուէր իրերի յաջորդական դարգացման փուլերը, ասուէր որ այդ «յետամնաց», «մեշչանական» Հայաստանում շատ վաղուց, Հայ Կոմունիստների երեւուող շատ առաջ, քարոզուել, տարածուել են Գիտական Սօցիալիզմի սկզբունքները եւ այդ ուղղութեամբ էլ զանգուածային շարժումներ տեղի ունեցել:

Եթէ անաշտ պատմագիրը այդ ասէր, եւ աւելցնէր, որ շատ երկար տարիներ շարունակ, այդ վայրերում սօցիալիստական «բէլալ յեղափոխական գործօն» է եղել Սօցիալ Դէմօկրատ Հնչակեան Կուսակցութիւնը, — ապա ասուած կը լինէր ճշմարտութիւնը եւ «Տարօրինակ» Երեւոյթի կերպարանքը ինքնին կը չքանար:

Եւ պատմութիւնը այդ կ'արձանագրի, կը վաւերացնի: Բաւական է:

Անցնենք սահմանից միւս կողմը, Տաճկաստան:

Մանիսա, կտաւ գործող գործաւորները գործադուլներ էին անում, — հաւաքում էին իրենց կիցները՝ տանում, դնում գործատիրոջ դռան առաջ — դա էր գործադուլի ձեւը, Սուլթան Համիտի ժամանակ: 15-16 ժամ աշխատող եւ չնչին աշխատավարձ ստացող այդ գործաւորները (Արարկեր, Մանիսա, Էւայլն) ժամերի կրճատում եւ աշխատավարձի յաւելումներ էին ստանում՝ չընորհիւ Սօցիալ Դէմօկրատ Հնչակեան Կուսակցութեան «բէլալ յեղափոխական գործօն» լինելու սօցիալիզմին. — Յեղափոխական Մարքսիզմը տուժե՞լ, թէ՞ վաստակել է այդտեղ:

Ատարազարի, Պարսիզակի, Էւայլն, Էւայլն, մետաքսի գործարանների մէջ աշխատողները առողջապահական

դժոխային պայմանների մէջ էին գտնուում, նրանք գործում էին 15-16 ժամ, մի քանի զուրուշ ստանալով. շահագործումը հասած էր իր զազաթնակէտին. — գործաւորները շատ ու քիչ տանելի պայմաններ ունեցան՝ շնորհիւ մեր Կուսակցութեան միջամտութեան, որի պատճառով մի քանի անգամ ընդհարուժ ունեցանք Իտտիհատական կառավարութեան հետ. — «բէալ յեղափոխական» սօցիալիստական «գործօն» եղե՞լ է մեր Կուսակցութիւնը, թէ՞ ո՛չ:

Իսկ թէ սօցիալիստական ի՛նչ գործեր ենք կատարել Մարգուանի, Սամսոնի, Սերաստիայի, Կեսարիայի... մէջ, այդ մասին բաւականին յիշատակութիւններ կան «ՓՈՒՔԻ ՀԱՅՔԻ ՅԻՇԱՏԱԿՆԵՐ»-ի մէջ:

Սալօնիկի մէջ՝ Իտտիհատի «անտեսագիտութեան» տեսարան Ջալիլի բէյի խօսած հակասօցիալիստական ճառի ազդեցութիւնը ջնջող, գլխիվայր բեյոզը եղաւ Սօցիալ Դէմօկրատ Հնչակեան Կուսակցութեան Տաճկաստանի օրգան «Նոր Աշխարհը»:

Այդ մասին շա՛տ ստելիքներ կան. բայց թողնում, անցնում ենք:

Ո՛չ: Իրողութիւնները գալիս, անտարակուսելի կերպով վկայում, հաստատում են, որ Սօցիալ Դէմօկրատ Հնչակեան Կուսակցութեան Սօցիալիզմը հայ իրականութեան, իր գործունէութեան ասպարէզ եղող բոլոր շրջաններում, եղել է «բէալ յեղափոխական գործօն». համոզուելու համար՝ հարկաւոր է անկողմնակալ ուլի, անպղտոր միտք, ինչոր, դժբախտարար, կատարելապէս բացակայում է Հայաստանի Կոմմունիստ Կուսակցութեան քարտուղարի մէջ:

5.

Գրաւոր թէ բերանացի վիճարանութեան, հակաուկախօսութեան ժամանակ՝ ոչ-յանձնարարելի, խօսքից ուղղակի խուսափելու, դիմացինին դէժ ժամանակաւորապէս հարուածելու մի ձեւ, մեթոս կայ. — տալ իր հակաուկախօսին յատկութիւններ որ նա իրօք չունի, վերադրել նրան արարքներ, որոնց մէջ նա չի գտնուել, եւ ապա պահանջել որ նա ինքնարդարացում կատարի:

Այդ արուեստի մէջ մասնագէտներ են Դաշնակցական գործիչները եւ հակաուկախօսները: Նրանք՝ իրենց հակաճառողներին եւ հակաուկախօսներին նկատմամբ՝ «ղօկումէնտներին» մասնաւոր արցակներ ունին, որ իրենք են թըլիսել, դաշրնել. եւ ահա՛, տեղ եկած ժամանակին, անմիջապէս առաջ են բերում այդ «ղօկումէնտները» եւ պահանջ դնում, որ իրենց հնարածներին դէմ հակառակ կողմը խօսի, ինքնապաշտպանութիւն ու արդարացում կատարի:

Հայաստանի Կոմմունիստ Կուսակցութեան քարտուղարը, եթէ Դաշնակցութենէ կոչեցեալ չէ ի Կոմմունիստութիւն, — ապա նրանց շրջանում շատ է աղբել, ուստի եւ ազդուել է. այդ երեւում է բանակուելու իր ձեւից:

Հետեւեալը հաստատում է մեր դիտողութիւնը իր մասին:

«Յարելով Սօցիալ Դէմօկրատիային՝ Հնչակեան մարմինները ենթարկուել են շարունակ Մենշեիկեան դիրեկտիւներին», գրում է.

Տեսնենք թէ իր այդ դիտողութիւնը ո՛րքան համապատասխան է իրականութեան. լուսարանուկներ:

Նախ՝ Սօցիալ Դէմօկրատ Հնչակեան Կուսակցութիւնը «յարել է» ա՛յն Սօցիալ Դէմօկրատական հասկացողութեան, որ հոմանիչ է եղել Մարքսիզմին, Գիտական Սօցիալիզմին. եւ նա ա՛յդ արել է շատ առաջ, քան Սօցիալ Դէմօկրատ Մենշեիկներին եւ Սօցիալ Դէմօկրատ Բուլշեւիկներին ծնուելը:

Մենք ո՛չ միայն մեր անցեալը չենք ուրանում, չենք ժխտում, անուանափոխութեան ենթարկում, այլ պինդ կառչում ենք նրանից եւ մեր կեանքը շարունակում:

Պարզ է, ո՛չ 1914-ի Օգոստոսի 4-ից յետոյ եկող Եւրոպական Սօցիալ Դէմօկրատիային էինք մենք յարել, ո՛չ էլ այդ թուականից յետոյ եկող Մենչեւիկ կամ Բոլշեւիկ Սօցիալ Դէմօկրատիաներին:

Նետուած քարը իր նպատակին չի հասնում... որովհետեւ պատմական, ժամանակագրական ճշմարտութիւն չը կայ մեզ վերագրուածին մէջ:

Նախադասութեան հիւսուածքը գրգռիչ է. բայց ազդեցութիւնը անմիջապէս չէզոքանում է, երբ իրականութիւնը առաջ քաշուի:

Հայաստանի Կոմմունիստ Կուսակցութեան քարտուզարը ուզում է Մենչեւիկների անցեալ եւ ներկայ խօսքի ու գործքի, արարքների ամբողջ բեռը մեր ուսերի վրայ դնի... եւ հէնց այդտեղ է, որ իրականութեան դէմ մեղանջողը ինքն է, եւ ո՛չ թէ մենք:

«Հնչակեան մարմինները եմքարկուել են շարունակ Մենչեւիկեան դիրեկտիւներին»: Սա հակառակախօսի վերագրումն է. — Փա՞ստ, տուիքնե՞ք, — չը կան: Կեանքը հիմունքներ, եղելութիւններ չի տուել՝ մեզ այդպիսի վերագրումներ անելու համար:

Մեր իրականութիւնը իրենցինի չափ սահմանափակ չի եղել: Իրենցը եղել է՝ «Երթամ Սամսոն, դամ Տրապիզոն»: Բագու-Թիֆլիզ... Հայ իրականութիւնը, որի մէջ գործել ենք, եղել է շա՛տ աւելի ընդարձակ:

Սօցիալ Դէմօկրատ Հնչակեան Կուսակցութեան պաշտօնական մարմինները դանուել են Բուլլարիա, Ռուսա-նիա, Ամերիկա, Տաճկաստան, Եգիպտոս, Պարսկաստան, Լեւոյն, ուր կամ բնաւ կամ հազիւ լսուած է եղել Մենչեւիկների անունը, մանաւանդ համաշխարհային պատերազմից առաջ, հետեւապէս մենք մեր այդ շրջանների Մասնաճիւղերի Վարչութիւնները, Գործադիր Յանձնախումբ-

բերը, Շրջանային Պատգամաւորական Ժողովները ի՞նչպէս կարող էին «ենթարկուել շարունակ՝ Մենչեւիկեան դիրեկտիւներին», երբ այդ վայրերում Մենչեւիկների հետք անգամ չի եղել:

Եթէ հարցը ձեռք է առնում համակուսակցական աստիճանացոյցով, ապա ցոյց պիտի տար մի հատ արձանագրութիւն՝ մեր որ եւ է Ընդհանուր Պատգամաւորական Ժողովի, ապացուցանելու համար, որ այնտեղ որոշումներ են անցուել՝ Մենչեւիկների «դիրեկտիւներով շարունակ» առաջնորդուելու: Մեր եւ ո՛չ մի համակուսակցական՝ Ընդհանուր Պատգամաւորական Ժողովի մէջ այդպիսի «դիրեկտիւների» մասին ակնարկ անգամ կայ. — բնաւ երբէք:

Կա՞յ մի փաստաթուղթ որ մեր ուր եւ է շրջանի Կերտնական Վարչութիւնը համաձայնագիր կնքած լինէր Մենչեւիկների հետ, — եւ ո՛չ մի, ո՛չ մի ժամանակ:

Ուրեմն՝ համակուսակցական աստիճանացոյցով ո՛չ մի եղելութիւն կայ, որ մեր Դիտողին իրաւունք տար այդպիսի եզրակացութեան յանդելու:

Իսկ եթէ հարցը վերցւում է Կովկասեան աստիճանացոյցով. — այդտեղ մի փոքր կանգ պիտի առնել՝ վերջին խօսքը ասելու համար:

Իրողութիւնն է:

Սօցիալ Դէմօկրատ Հնչակեան Կուսակցութիւնը եղել է անկախ, ինքնուրոյն մի Կուսակցութիւն. նա կեանքի յառաջադրած, ներկայացրած խնդիրների վրայ նայել է իր սեպհական աչքերով, իր սեպհական ուղեղով: Նա եւ ո՛չ մէկին է ենթարկուել, ո՛չ մէկի յետեւից զնացել, — ո՛չ Մենչեւիկի, ո՛չ Բոլշեւիկի: Նա զնացել է իր սեպհական ճանապարհը. եւ եթէ այդ ճանապարհի մէջ պատահել են ուրիշ ճամբորդներ էլ, նա համերաշխել, համաձայնել է միատեղ քայլելու՝ երբ իր Կուսակցական սկզբունքները այդ թոյլ են տուել:

Կեանքը բնագանցական շրջանակ չէ, որ մենք բոլորովին կրկրանայինք՝ յամենայն դէպս եւ ամէն բանի մէջ:

Եթէ բուպէն պահանջել է ժամանակաւոր համազոր-
ճակցութիւն, — մենք գործօն աղղակներէց մէկն ենք հան-
դիսացել. ուրիշ Կուսակցութիւններէ հետ դալով՝ միջ-
կուսակցական գործ ենք կատարել թէ՛ Կովկասի եւ թէ՛
Տաճկաստանի մէջ:

Թիֆլիզի, Բաթումի, Վրաստանի ա՛յլ շրջանների մէջ՝
գերակշիւ գիրք են ունեցել Մենչեւիկները: Եթէ համա-
պրօլետարական շահը պահանջել է ժամանակաւորապէս
միատեղ քայլել, — քայլել ենք, համազորճակցել ենք նը-
րանց հետ: Այս պարագային՝ մէկի կամ միւսի «դիրեկ-
տիւններին» ենթարկուելու խօսք չի կարող լինիլ. քանի որ
կողմերը միասին գալուց առաջ՝ համազօր իրաւունքով
ներկայացած գործը քննում եւ ապա որոշում միատեղ
քայլել՝ մէկ ոյժ ձեւացնելով:

Նոյնը պատահել է եւ Բագուի քաղաքի ու իր շրջա-
կանների մէջ: Այստեղ, Մենչեւիկների վրայ՝ թուական
բազմութիւն են ունեցել Բոլշեւիկները: Գործաւորական
իրաւունքների պաշտպանութեան գործը մեզ համազոր-
ճակցել է տուել Բոլշեւիկների հետ: Շատ գործարան-
ների եւ գործադուլների մէջ՝ Սօցիալ Դէմօկրատ Բոլշե-
ւիկների հետ միատեղ, միակամ ենք գործել: Այս մա-
սին առարկութիւն չի կարող լինիլ. քանի որ իրականու-
թիւն կայ. եւ Սօցիալ Դէմօկրատ Բոլշեւիկները ո՛չինչ,
գրական եւ ո՛չ մի գործ կարող էին կատարել — եւ չեն
էլ կատարած — առանց Սօցիալ Դէմօկրատ Հնչակեաննե-
րի աջակցութեան ու համազորճակցութեանը: Համազոր-
ճակցութեան այսպիսի պարագաներին՝ մէկի կամ միւսի
«դիրեկտիւններին» ենթարկուելու մասին խօսք կարո՞ղ է
լինել. — եթէ, նոյն խոյ, կազմուած արձանագրութիւնից
երեւայ, որ առաջարկը բերողը եղած է այս ինչ կողմը:
Երկու կողմերինն էլ գործաւոր ընկերակիցներ են. տես-
նում են զրկանքը, անարդարութիւնը, խօսք անում երկու

կողմերի պատասխանատու վարչութիւններին յայտնել,
կուսի պատրաստուել, կազմակերպուել... ու գործը
սկսում է:

Եթէ իրականութեան նայենք, մենք աւելի Բոլշեւիկ-
ների հետ ենք համազորճակցել, քան Մենչեւիկների:
Բագուի, Թիֆլիզի, Եւայն, մէջ պատահած անցքերը մեզ
այդ հաւաստիացումն են տուել:

Թիֆլիզի քաղաքային Գումաների ընտրութեան մէջ
մենք մասնակցել ենք անկախ կերպով, մեր Կուսակցական
սեպհական թեկնածուները ներկայացնելով:

Նոյն դիրքն ունեցանք եւ Պետական Գումաների նը-
կատմամբ. — պարտուեցանք. բայց մեր առանձին Կու-
սակցական ընտրատոմսակր ունեցանք:

Պետական Գումաները յուսախարութիւն բերին, — են-
թարկուեցան Բօյքօտի եւ ուժեղ թափով պաշտպանուե-
ցաւ Հիմնադիր Ժողովի զաղափարը. — Սօցիալ Դէմօկ-
րատ Բոլշեւիկները եւ Սօցիալ Դէմօկրատ Հնչակեանները
այդ միեւնոյն թէկզերը ունեցան. հակառակ ուրիշ Կուսակ-
ցութիւնների:

Բայց հարցը դրանով չի փակում. լուսարանուելու
համար ուրիշ յենակէտեր էլ կան:

Եւ այստեղ «Ենտալմաց», «մեշչական», Հայաստանի
Կոմժունիստ Կուսակցութեան քարտուղարին հրապարակա-
պէս ասպարէզ է կարդացում՝ ճշտելու, աղացուցանելու
հետեւեալները, քանի որ ասում է թէ՛ մենք «ենթարկուել
ենք շարունակ Մենչեւիկեան դիրեկտիւններին»:

— Մենչեւիկները նոյեմբեր 7-ը պատմական «ոճիր»
են համարել եւ համարում են մինչեւ ցարդ:

Մենք կ'ուզէինք որ ցոյց արուէր մի տող մեր գրա-
կանութիւնից, որով ապացուցուէր թէ մենք էլ այդ մի
եւ նոյն թէկզն ենք պաշտպանել երբ եւ իցէ՛ երէկ կամ
այսօր: Ո՛չ միայն մեր հրապարակախօսները նոյեմբեր
7-ը պաշտպանել են, այլ մեր բանաստեղծներն էլ լի զպաց-
մունքով երգել:

— Մենչեւիկները չեն ընդունում պրօլետարական դիկտատուրութիւն ընդհանրապէս. նրանք չեն էլ ուզում լսել պրօլետարական դիկտատուրայի մասին՝ «չխտամբնաց» եւ «երկրագործական» Ռուսաստանում :

Մեր 38-ամեայ գրականութիւնից մի կէտ կարելի՞ է մատնանիչել, որ մենք դէմ ենք եղել Պրօլետարական Դիկտատուրային՝ որ եւ է ձեւի տակ, երէկ կամ այսօր :

Մենք՝ սկզբունքային տեսակէտից՝ միշտ էլ պաշտպանն ենք հանդիսացել Պրօլետարական Դիկտատուրութեանը. դրա ամենակարճ ասպացոյցը այն կարող է լինել, որ Պրօլետարական Դիկտատուրայի գաղափարը որոշ կերպով արտացոլացուած է մեր Ծրագրի մէջ, ուր փոխանակ Պրօլետարական Դիկտատուրայի դրուել է Պրօլետարական Գերիշխանութիւն եզրը :

Ժխտե՞լ, կոռւե՞լ ենք Պրօլետարական Դիկտատուրայի դէմ՝ այս 5-6 տարիների ընթացքում. չե՞նք պաշտպանել մեր բոլոր շրջաններում, մեր համակուսակցական բընոյթ կրող ամբողջական գրականութեան մէջ :

Սրանք ասպացոյցներ են, որ մենք չենք «ենթարկուել Մենչեւիկների գիրեկտիւններին» :

Ուրիշ. մի քիչ յետ երթանք, Մարքսիզմի հասկացութեան փիլիսոփայական մասը վեր առնենք :

— Մենչեւիկզմը քարոզել, պաշտպանել, հիմայ էլ քարոզում, պաշտպանում է այն թէզոր թէ՛ պիտի օգնել, որ Ռուսաստանի մէջ կապիտալիզմը դարգանայ իր լրումին հասնի եւ դառնայ Ամերիկայի Միացեալ Նահանգների նման կապիտալիստական մի երկիր, որպէս զի, սպա, իսկական Սօցիալիստական դործ սկսուի : Իսկ մինչ այդ՝ միայն Բարենորոգչական դեր ունենալ :

Կա՞յ մեր գրականութեան մէջ համաձայն մի թէզ. — ո՛չ մի ժամանակ : Մենչեւիկները այդ գաղափարը հակա-Մարքսիստական է իր ամբողջութեամբը, եւ մենք չէ թէ չենք բաժանել, այլ նրա դէմ կոռուել :

— Հողային լիակատար կեդրոնացում պիտի յառաջանայ՝ ճարտարագործական կեդրոնացման պէս. հողային ծաւալուն պրօլետարիզացիա պիտի ստեղծուի, հողագործիկները էլ պահեստի բանակներ պիտի մէջտեղ դան, — որպէս զի գիւղական-երկրագործական խնդիրներով հնարաւոր լինի գրադուիլ. իսկ մինչ այդ՝ բացասականութիւն, ձեռնպահութիւն : Մենչեւիկները չը մտան, մտնել չուզեցին գիւղերի, երկրագործական աշխատանք ունեցողների մէջ : Եւ դա էլ ցոյց է տալիս թէ ինչո՞ւ համար գիւղերի եւ երկրագործական արտագրողների հետ գործ ունեցողները՝ քաղաքների մէջ՝ նախընտրում էին յարիլ Մենչեւիկներին աւելի, քան Բոլշեւիկներին :

Ա. Երգնկեանը այդ ուղղութեամբ Կովկասի զանազան շրջանների մեր կազմակերպութիւնների դէմ շատ կրակ է բաց թողել, բայց այդ կրակն էլ շուտով մարել, անհետք է մնացել :

Եզրակացութիւն :

Ճշմարտութիւն չէ. իրականութեան տուեքների համապատասխան չէ, ուրեմն, երբ ասում է թէ՛ Սօցիալ Դէմօկրատ «Հնչակեան Մարմինները ենթարկուել են շարունակ Մենչեւիկեան դիրեկտիւններին» :—

Չենք երկարացնում, անցնենք ուրիշ կէտերի :

6.

«Հնչակեանները գործօն մասնակցութիւն են ունեցել իմպերիալիստական պատերազմին եւ կիլիկիայի վերջին աւանտիւրային» :

— Հայաստանի Կոմմունիստ Կուսակցութեան քարտուղարը իր այս հաստատումով (assertion) ուզում է վերջին՝ ջախջախիչ մի հարուած տալ Սօցիալ Դէմօկրատ Հնչակեան Կուսակցութեան. նախապէս հաւատարմով որ, այլեւս, անվերականգնելի կերպով տապալուած ենք.

Որովհետեւ երբ մի Սօցիալիստ կամ մի Սօցիալ Դէմօկրատ անուն կրող Կուսակցութիւն հաստատուի, որ

«Գործօն մասնակցութիւն է ունեցել վերջին իմպերիալիստական պատերազմին», այլեւս՝ գաղափարական եւ գործնական տեսակէտից՝ նրա բանը վերջացաւ:— Սա է արապետոյ, ընդհանուր, ընթացիկ, կարծիքը:

Մասնաւորապէս Սօցիալիստ Սորհրդային Հանրապետութիւնների Միութեան սահմանների մէջ, «Վերջին իմպերիալիստական պատերազմին գործօն մասնակցութիւն» ունեցող Կուսակցութիւնները նկատուած են՝ «Դաւաճաններ», «Պատեհապաշտներ», «Սօցիալիստ Հայրենասէրներ», «Մարքսիզմը ուրացողներ», «Բուրժուանների գործիքներ», «Շահախնդիրներ», «Պրօլետարիատը ծախողներ», «Պրօլետարիատի գաղանի թշնամիներ», եւ այլն, եւ այլն...

Ուրեմն, այդ բոլոր որակակազմները Հայաստանի Կոմմունիստ Կուսակցութեան քարտուղարը, լռելիայն, թափուած է մեր գլխին՝ իր վերեւ տրուած հաստատումովը:

Երրորդ (Կոմմունիստ) Միջազգայինի կողմից խօսողները մի այդպիսի դիտողութիւն չարեցին մեր բանագնաց ընկերներին եւ իրենց տուած նկատումների մէջ էլ ոչինչ չը մտցրին՝ այդ մասին, թէ եւ՝ աւելի քան վըստահ ենք, որ նրանք էլ գիտէին մեր Կուսակցութեան «գործօն մասնակցութիւնը վերջին իմպերիալիստական պատերազմին»:

Երկու թուուցիկ դիտողութիւն մեր կողմից եւ կանցնենք.

Հայաստանի Կոմմունիստ Կուսակցութեան քարտուղարը կարող է ժխտել այն իրողութիւնը, որ իր ընկերներից էլ շատ շատերը պատերազմական ճակատներին վըրայ են գտնուել. ոմանք մինչեւ Վան հասել, դանազան մարտական պաշտօններով: Եթէ բարի լինինք, կուսակցական հանդամանք չընդունինք իրենց վըրայ, — անուրանալին է, որ նրանք «իմպերիալիստական պատերազմին» մասնակցեցան, որպէս Յարի հպատակներ: Սա մի կողմ, եւ վերաբերում է իրենց այն դիրքին, որ տարածուած է 1914-ից մինչեւ 1917-ը:

Սարգսրապատը, Ղազարբլիսան... Կատալիստան գաշան էր: Հին Ատտիլային փոխանորդել էր նոր Իստիհաստը: «Տաճկա-հայաստանի» Հայութիւնը տասանորդելուց յետոյ՝ նա մտաւ՝ «Ռուսա-հայաստան» լինելու վեհագոյն, վճռական բողոքն էր: Արդեօք իրենք այդ կոտին չը մասնակցեցան՝ «իմպերիալիստական պատերազմին» մասնակցելու փաստի մէջ չը բռնուելու՞ համար...:

Մենք այդ պատերազմին էլ մասնակցել ենք, եւ պէտք է որ մասնակցէինք:

Այս կէտը փակենք:

Մենք իսկական «Դաւաճաններ», «Մարքսիզմը ուրացողներ», «Բուրժուանների գործիքներ», «Շահախնդիրներ», «Պրօլետարիատի թշնամիներ» եղած կը լինէինք, եթէ չը մասնակցէինք «իմպերիալիստական պատերազմին»:

Մենք՝ մեր անցեալը, մեր գաղափարաբանութիւնը, մեր սկզբունքները, մեր ազատագրական գործը լքած, ուրացած, սարուկներ, ռայեաներ եղած կը լինէինք, եթէ մեր Կուսակցական «գործօն մասնակցութիւնը» տուած չը լինէինք:

Եւ հպարտ ենք, ճակատարաց՝ մարդկութեան, պատմութեան, Պրօլետարական գաղափարաբանութեան առաջ, որ յետ չենք ընկրկել եւ մարտական դիրք ենք ունեցել:

Մենք ահաբեկուողներից չենք, ո՛չ էլ մեր պատասխանատուութիւնից յետ կեցողներ. ինչոր արել ենք՝ — արել ենք, եւ լա՛ւ ենք արել:

Հիմայ քա՛ղցր-քա՛ղցր խօսենք Հայաստանի Կոմմունիստ Կուսակցութեան քարտուղարի հետ:

Լենինը գրել է. — «Մենք Մարքսիստներս միշտ նըպաստել, աջակցել ենք այն պատերազմին, որ մզուել է հակայեղափոխական մի ազգի դէմ»: (էջ 102, «Պրօլետարական Յեղափոխութիւնը Ռուսաստանում»):

Երբ անկողմնակալ մի պատմաբան նկարագրի Արեւելեան խնդրի վերջին փուլերը, պատկերացնի Հայ իրականութիւնը, Հայ ժողովրդի դրութիւնը, նրա քաղաքական՝ տնտեսական, ընկերային կեանքի պայմանները, գրնի ա՛յդ կեանքի համադրութիւնը, գտնի գործօն ազդակները, ճշտի պատասխանատուութիւնները ու ապա խօսի փաստերի վրայ կանգնած՝ նա անհերքելի կերպով կ'եզրակացնի որ դեռ 1860-ից, յառաջադէմ, կուլտուրական, յեղափոխական մի ժողովուրդ կուում էր՝ գերազանցօրէն «հակա-յեղափոխական» մի ա՛յլ ազգի դէմ :

Իսկ վերջին «իմպերիալիստական պատերազմի» ժամանակ, մեր առջը կանգնել էր ո՛չ միայն «հակա-յեղափոխականը», այլև թուրք ազգայնականութիւնը մարմնացնող՝ հրէշածին Իտտիհատը, որի շարունակական նըշանաբանն է եղել Հայերի ամբողջական բնաջնջումը՝ մասնաւորապէս Հայաստանից, առանց դասակարգի, եւ հասակի եւ սեռի խտրութեան :

Իտտիհատի դէմ պէ՞տք էր կռուել, թէ՞ ոտքերը-ձեռքերը ծալած անձնատուր լինել... Ու մենք կռուեցանք, եւ պէտք է որ կռուէինք, որովհետեւ «Մարքսիստներ» էինք :

Ուրեմն, եթէ Հայաստանի Կոմմունիստ Կուսակցութեան քարտուղարը ընդունի իր Ուսուցչի՝ Լենինի հաստատումը, այն ժամանակ հարցը շուտով կը փակուի եւ մենք կ'արդարանանք «վերջին իմպերիալիստական պատերազմի գործօն մասնակցութիւն» տալերնուս համար, եւ պէտք է որ ընդունի, չէ՞ որ ասուած թէ՛ «Ո՛չ է առաւել աշակերտ, քան զվարդապետ իւր» :

Չգու՞մ ենք, յարգելի Քարտուղարը հեզնական ժպիտ պիտի արձակի, ասի թէ՛ դա «Հին գլխի» ասած է եւ անմիջապէս ապացոյց բերի թէ՛ շատ յաճախ «Աշակերտը առաւել է քան իր վարդապետը».— օրինակնե՞ր են պահասում. փիլիսոփայութեան, մարդկային մտածմունքի զարգացման պատմութեան մէջ՝ հարիւրաւոր այդպիսի

օրինակներ կան : Եւ վերջապէս իրաւունք ունի աւելցնելու. միթէ՞ Լենինը ինքը առաւել չեղաւ քան իր նախկին վարդապետ՝ Պլեխանովը :

Այդ առարկութեան դէմ՝ շնորհալից կերպով գլխարկ ենք հանում յարգելի Քարտուղարի առաջ եւ նահանջում :

Կարլ Մարքսը, 1848-ի Եւրոպական շարժումների ասթիւ իր գրած «Հակա-Յեղափոխութիւն» գրքի մէջ՝ ո՛չ միայն դատն խօսքեր ունի այդ ժամանակուայ հակա-յեղափոխական ազգերի եւ ժողովուրդների դէմ, այլ աւելի յառաջադէմ, կուլտուրական, յեղափոխական ազգերին իրաւունք է տալիս այդպիսիների վրայ ճնշում գործ դնել, նրանց իրենց ենթարկելու աստիճան. օրինակ Ռուսներին եւ Սլաւ ուրիշ ցեղերին :— Լենինը ինքը Մարքսի այդ տեսութեան ու գիրքին հաւանութիւն ունի տուած :

Էնգէլսը, 1859-ին, Գերման ազգային տեւութիւնն է բորբոքում, բոցավառում ընդդէմ Նապօլէօն Գ.-ի եւ Ռուսաստանի Յարի : Եւ Լենինը այդ գիրքը գտնում է շա՛տ իրաւացի եւ համապատասխան՝ Պրօլետարական ընդհանուր շահի տեսակէտից :

Եթէ կշիռքի մի թաթի մէջ դրուի Հայ ժողովուրդը, իսկ միւսին Իտտիհատը, կը տեսնուի որ այս վերջինը եթէ ո՛չ մէկ թիղ աւելի, գէթ հաւասար է եղել Նապօլէօն Գ.-ին, Ռուսական Յարերին եւ 1848-ի «հակայեղափոխականներին» :

Պատերազմի ենք դուրս եկել : Ահա թէ պատմական ինչ հոսանքի առաջ ենք դուրս եկել :

Որպէս աշակերտներ՝ մենք հետեւել ենք Մարքսի եւ Էնգէլսի ցոյց տուած ճանապարհներին :

Ու նորից առաջ ենք դալիս, ասում Հայաստանի Կոմմունիստ Կուսակցութեան քարտուղարին, որ.— «Ո՛չ է առաւել աշակերտ, քան զվարդապետ իւր» :

Մեզ Դիտողութիւն անող Քարտուղարը այս տեղ էլ, գուցէ, ժպիտի սլաքներ արձակի՝ եւ մեզ շուարումի մատնի, որովհետեւ Հեգէլի աշակերտ Կարլ Մարքսը ինքը իր

ուսուցչի դէմ դարձրեց մտածմունքի գիտելիտիկական եղանակը եւ ո՛չ միայն իր վարդապետի «գլխի վրայ կեցած» գաղափարների աշխարհը վայր դրոյրեց եւ ուզիլ «տաքի վրայ դրեց», այլեւ ջրեց նրա «Միաւունքի» հասկացողութիւնը, որ մինչեւ այդ ժամանակ «գիտական եւ անառարկելի» էր նկատուում:

Այստեղ էլ նահանջում ենք եւ, նորից, գլխարկի յարգանք մատուցանում՝ յարգելի Քարտուղարին:

Շարունակենք:

Առաջին հարցն է. ի՞նչ է իմպերիալիզմ. ո՞րտեղից է նա գալիս, ի՞նչ ազդակների հետեւանք է նա, ի՞նչ են նրա միտումները:

«— Իմպերիալիզմը կոչուում է աշխարհակայական այն քաղաքականութիւնը, որ Ֆրնանսական կապիտալը հետապնդում է նոր շուկաներ, հում նիւթեր եւ նոր տարածութիւններ ձեռք բերելու: —

«Ինչպէս որ վագրը չի կարող բուսական կերակրով ապրիլ. նոյնպէս էլ Ֆրնանսական կապիտալը ուրիշ ոչինչ չի կարող անել, եթէ ո՛չ հետապնդել նուաճողականութեան, յափշտակութեան, բռնադրաման եւ պատերազմի քաղաքականութեան»:

Գաղափարները պատկանում են Լենինին. բայց վերեւ տրուած ձեւով խտացնողը Բուխարինն է:

Ընդունելով Բուխարինի խտացումը որպէս աստիճանացոյց, կրիտերիում. հարցնում ենք՝

Քանի՞ միլիարդների էր հասել Սօցիալ Դէմօկրատ Հնչակեան Կուսակցութեան «Ֆրնանսական կապիտալը», որ նա դուրս գար՝ փնտռէր նոր շուկաներ, ձեռք բերէր հում նիւթեր, աշխարհակալութիւններ անէր, որպէս զի իր «վագրը» միտով կերակրուէր, փոխանակ «բուսական կերակրի»:

Եւ ո՞ր դրամատներն մէջն էին դիզուած եղել մեր «Ֆրնանսական կապիտալները», որպէս զի աշխարհակալութիւնների յետեւից լինէինք, «տնտեսական շահեր»

պաշտպանէինք, ուրիշ «ազդերի պրօլետարները» մեր «բուրժուազիային» ենթարկէինք:

Բրիտանական իմպերիալիզմը ուզում էր էլ աւելի «Մեծն Բրիտանիա» ունենալ. — այսինքն ամբողջ աշխարհը: Ֆրանսիականը ցանկանում էր էլ աւելի ընդարձակ «Մեծն Ֆրանսիա» ունենալ, նոյնը եւ Ռուսականը, Գերմանականը. — Սօցիալ Դէմօկրատ Հնչակեան Կուսակցութիւնն էլ այդ տեսակի իմպերիալիզմի էր ձգտել. մեր «կապիտալիստական իմպերիալիզմն» էլ այդպիսի ձգտումներ էր ցոյց տուել. — Ո՞ւր, ե՞րբ, իր ո՞ր գործըով, ո՞ր խօսքով:

Եւ մեր այդ «իմպերիալիզմով» ո՞ր ազգի պրօլետարական շահերին էինք սպասնում:

Փոսած, զառամած ո՞ր բուրժուազիային ուզում էինք պաշտպանել. ո՞ր «փոքր ազգերին» ցանկանում էինք մեր լծի տակը առնել:

Ո՞ր երկրի արտադրող, աշխատուոր դասակարգին թշուառութեան մէջ լողացրինք:

Եթէ Հայաստանի Կոմունիստ Կուսակցութեան քարտուղարը բուսականաչափ տուեալներ արդէն հաւաքել, դասաւորել է եւ դրական, ջախջախիչ պատասխան տար մեր դրած հարցերին՝ ամէն ինչ տեղն ու տեղը մատնանիչելով, — այն ժամանակ, արդարեւ, հաստատուած կը լինէր, որ մենք «իմպերիալիստներ» ենք եղել եւ որպէս «իմպերիալիստներ» էլ մասնակցել ենք «վերջին իմպերիալիստական պատերազմին»:

«Գործօն մասնակցութիւն ենք ունեցել իմպերիալիստական պատերազմին». — եթէ անաչառ դրիչը խօսէր, եւ ո՛չ թէ կուսակցական հակամարտութիւնը, — սպա այդ հատատումին պիտի ընկերանար «իմչո՞ւ»ները, «ի՞նչ պէս»ները եւ մեր հետապնդած նպատակները:

Սօսողը կուսակցական կիրքը, նեղմտութիւնը, անհամբերողութիւնն է, որ պատմական եղելութիւնները ազաւազուած ձեւով է ներկայացուում:

Մի կէտ էլ, եւ մեր պատասխանը կը տանք:

Հեղէլեան թէօրիաների ներշնչման տակ՝ պատերազմների պատմութեան մասին հեղինակութիւն ճանչցող՝ Կարլ Ֆօն Կլոփիցը գրում է, — «Ամէն ոք գիտէ, որ ազգերի եւ կառավարութիւնների միջեւ եղած քաղաքական յարաբերութիւնների հետեւանքն է պատերազմը... Մենք կրկնում ենք, որ պատերազմը ո՛չ այլ ինչ է, եթէ ո՛չ քաղաքական միեւնոյն յարաբերութիւնների շարունակութիւնը՝ միայն ուրիշ միջոցների ներմուծումով»:

Լենինը այդ կարծիքը հիմնապէս բաժանելով, ասում է որ այդ միեւնոյն կարծիքն են ունեցել և՛ Մարքսը, և՛ Էնգէլսը, որոնք, նոյնպէս, «Պատերազմը համարել են զանազան շահագրգիռ պետութիւնների եւ զանազան ազգերի տարբեր դասակարգերի քաղաքականութեան շարունակութիւնը, տուեալ մի ժամանակամիջոցում»:

Այս՝, մենք վերջին պատերազմին մասնակցեցանք, որովհետեւ այդ «նոր միջոցով» ստիպուած էինք շարունակել այն «քաղաքականութիւնը», որ ունէինք:

Հայաստանի Կոմմունիստ Կուսակցութեան քարտուղարը մետաֆիզիքական միջոցառումի մէջ էր ապրում, թէ՞ իրականութեան: Արդեօք Տաճկաստանի մէջ դանուղ Հայ ժողովրդի վիճակը ա՞յլքան անձանօթ է եղել:

Պատերազմին մասնակցեցանք:

Հիմայ Քարտուղարը թող համբերութիւն ունենայ, ուշի ուշով կարդայ՝ այս վերջին պատերազմի նախօրեակին բաց թողած՝ Սօցիալ Դէմօկրատ Հնչակեան Կուսակցութեան Մանիֆեստը. թող կարդայ, եւ ո՛ր կէտի հետ որ համաձայն չէ, ձայն բարձրացնի, ապացուցանելու համար թէ՛ ի՞նքն է եղած Մարքսիստը, պրօլետարականը, թէ՞՞ մենք.

Սօցիալ Դէմօկրատ Հնչակեան Կուսակցութեան արձակած Մանիֆեստի գլխաւոր մասերը՝ 1914, Օգոստոս 4-ի պատերազմի նախօրեակում:

«... Մենք սարսափելի ենք դտնում ամէն պատերազմ, որ նկատում ենք իրրեւ ոճրագործութիւն եւ քաղաքակիրթ մարդկութեան համար ամօթալի: Մենք կրում ենք մեր սրտում անհաշտ եւ անսահման ատելութիւն դէպի այն պատերազմները, որոնց նպատակն է յափշտակութիւն, նուաճումն եւ մի ժողովրդի տիրապետութիւնը միւսի վրայ: Մենք բուռն սաստկութեամբ դատապարտում ենք ամէն միտք՝ ազգերի միջեւ ընդհարման: Եւ հէնց այդ պատճառով՝ մեզ հարկադրուած ենք տեսնում հարցնել թէ՛ թիւրքիայի ներքին վիճակը իրապէս խաղաղութեան վիճակ է արդեօք: Կարո՞ղ ենք արդեօք ասել, որ ամբողջ դարերի, եւ մանաւանդ վերջի դարու ընթացքում, թիւրքիայի՝ այսպէս կոչուած՝ ներքին խաղաղութիւնն արդարեւ խաղաղութիւն է մասնաւորապէս Հայ ժողովրդի վերաբերութեամբ: Չէ՞ կրում արդեօք նա, այդ ժողովուրդը, միշտ եւ անդադար, սարսափելի հայաձանքներ, որպիսին կարելի է գործադրել միայն զէնքի ոյժով նուաճուած մի ժողովրդի վրայ»:

«Ինչո՞վ է նրա ներկայ, եւ ամէն ժամանակեայ, վիճակը տարբերում այն վիճակից, որ ստեղծում է պատերազմից յետոյ: Յարտեւ պատերազմ չէ՞ արդեօք, իր աւերներով ու կոտորածներով, որ հրահանգել ու կատարել են, դարերի ընթացքում, թիւրք կառավարութիւններն ընդգէմ անպաշտպան Հայ ժողովրդի: Եւ, հետեւաբար, բնական չէ՞ արդեօք, որ, յանուն մարդկութեան եւ յանուն ժողովրդների ազատագրութեան, նոյն իսկ նրբանք, որոնք առաւելապէս ատելութիւն ունեն դէպի պատերազմները եւ ցանկանում են խաղաղութիւն, կոչուած լինեն բարձրացնելու իրենց ձայնը՝ իրերի այդօրինակ դրութեան դէմ: Աղաքացի չէ՞ արդեօք, որ նրանք բողոքեն ընդդէմ այդ յարատեւ պատերազմի Հայաստանում, պատերազմ, որի նպատակն էր բնաջինջ անել մէկ աշխատակէր, կուլտուրական ու կորովի ազգ...»

«Մեր սկզբունքով՝ մենք զաւանդ ենք ժողովրդների

եղբայրութեան, նրանց ազատ զարգացման խաղաղութեան մէջ, որ անհրաժեշտ պայմանն է նրանց առաջխաղացութեան զէպի մարդկութեան ամբողջական ազատագրութիւն, զէպի իրագործումն արգարութեան ու հաւատարմութեան իդէալի, զէպի որը ձգտում են աշխատանքի ու մտքի բոլոր կենդանի ոյժերը քաղաքակիրթ աշխարհում: Եւ հէնց այդ սկզբունքների արամարանութեամբ է, որ Հայ ժողովրդի ազատագրութիւնը ներկայանում է հիմնական անհրաժեշտութիւն, — ազատագրութիւն... մի կործանուող թիրաքիայի բռնապետական ու տմարդի լրծից... Մենք ո՛չ մի թշնամութիւն չունինք թիրաք ժողովրդի զէմ, որ ինքն իսկ Օսմանեան կառավարութիւնների մի դոհն է: Բայց անգիտակ իր վիճակի՝ թուրք ժողովուրդը հնազանդութեամբ ենթարկուած է իր տխուր բախտին եւ նոյն իսկ դառնում է կառավարիչների ձեռքին Փանատիկոսութեան մի զէնք՝ ուղղուած գեալուրյնների զէմ... Եւ Հայ ժողովուրդը, իրբեւ ճնշուած ժողովուրդ, կարողացաւ հասկանալ իր սուրբ իրաւունքը, իրաւունք յեղափոխութեան՝ իր սեպհական ազատագրութեան նպատակով...»

Մանիֆէստը պաշտպանում է՝
ԻՆՔՆԱՎԱՐ ՀԱՅԱՍՏԱՆ:

Համարեա՛յ թէ բոլոր երկրների գլխաւոր սօցիալիստական եւ զէմօկրատական թեղթերը ճանաչեցին Մանիֆէստի մէջ դրուած գաղափարների արգարացիութիւնը, եւ արձագանգ տուեցին:

Ի՛նչ ունի սրան ասելիք՝ Հայաստանի Կոմժունիստ Կուսակցութեան քարտուղարը:

Պատերազմի նախօրեակին, օրական ամենաքիչը, միջին հաշուով, 10-20 Հայ էջ սպաննուած Հայաստանում: Կ. Պոլսում՝ Ազգային ժողովի մէջ, ամենապահպանողական երեսփոխաններն անգամ «քնաջնջման ձգտումով» որակեցին իրերի այդ դրութիւնը:

Ու դալիս են հարցերը.

Հայաստանի Կոմժունիստ Կուսակցութեան քարտուղարը ճանաչո՞ւմ, ընդունո՞ւմ է ժողովրդների Յեղափոխական, Ազատամարական Իրաւունքը:

Ճանաչո՞ւմ, ընդունո՞ւմ է Ինքնապաշտպանութեան Իրաւունքը:

Եթէ այո՛, — այլեւս ասելիք չունինք, ինքը կը մտնի մեր դիրքի, մեր բանակի մէջ. իսկ եթէ ո՛չ՝ ապա ինքը ամէն բան կարող է լինել, բացի Մարքսիստից եւ Կոմժունիստից:

Այո՛, մենք մտանք պատերազմի մէջ, եւ պէտք է որ մտնէինք:

Ռուսական Յեղափոխութեան՝ «Բոլշեիկովը նուաճում է» (էջ 286) գլխակարգութեան մէջ — թուում է որ գրելը լենինն է — պատմում է թէ ինչպէս Համա-Ռուսական Սովիետների Գործադիր Կոմիտէն խաղաղութեան իր պայմաններից երկրորդը արել էր՝ «ԻՆՔՆԱՎԱՐՈՒԹԻՒՆ ԹՐԲԱՑ ՀԱՅԱՍՏԱՆԻ»:

Սաղաղութեան այդ երկրորդ պայմանը՝ Պարիզում կայանալիք Դաշնակիցների Սորհրդաժողովի մէջ՝ պիտի պաշտպանէր Աշխատանքի Նախարար Սկորելեւը, Համա-Ռուսական Սովիետների լիազօր պատուիրակը: Ու պատմում է թէ ինչպէս Կերենսկու «Ժամանակաւոր Կառավարութիւնը» գաղտնի դրդած, հասկացրած է եղել Ֆրանսիական արտաքին գործոց նախարար Ժիւլ Կամբանին, որ նրան ջընդունեն: Եւ այդպէս էլ եղաւ:

ԻՆՔՆԱՎԱՐ ՀԱՅԱՍՏԱՆ. — պաշտպանում էր Սօցիալ Դէմօկրատ Հնչակեան Կուսակցութիւնը:

ՏԱՃԿԱ-ՀԱՅԱՍՏԱՆԻ ՀԱՄԱՐ ԻՆՔՆԱՎԱՐՈՒԹԻՒՆ պիղում էր Սօցիալ Դէմօկրատ Բոլշեիկ Կուսակցութիւնը:

Իսկ Ժամանակաւոր Կառավարութիւնը՝ հարկադրուած լինելով երեսանց ընդունելու Ինքնավար Հայաստանի գաղափարը, տակից խարդաւանանքներ է յորինում...

Մեր «իմպերիալիզմը այդտեղ էր հասնում. դրամատաների մէջ դիզուած միլիարդները!! Հասնող մեր «Ֆի-

նանսական կապիտալը» գէպի այդ շուկան, այդ հում նիւթը... այդ կողմն էր գնում՝ նուաճումներ անելու...

Ի՞նչը մեզ ստիպեց «վերջին պատերազմին գործօն» գեր ստանձնել:

Բայց այդ կէտը սերտ կապակցութիւն ունի՝ Հայաստանի Կոմժունիստ Կուսակցութեան քարտուղարի մեր գէժ արձակած մի ա՛յլ, է՛լ աւելի ահաւոր մեղադրանքի գէժ թէ՛ մենք Միացեալ Անկախ Հայաստանի զաղափար ենք պաշտպանել:

Այդ մասին էլ կը բացատրուենք:

Իսկ ինչ որ վերաբերում է Կիլիկիայի մեր «աւանտիւրային», առ այժմս միայն այսքանը ասենք, որ երբ ամէն ինչ յաջողութիւնից յաջողութիւն էր գնում. երբ Քէմալականներին դուրս քշած՝ Անկախ Կիլիկիա էինք յայտարարած ու ձայնը մինչեւ Թիֆլիզ հասած, — այդ ժամանակ Կասեանի խմբագրութեամբ՝ Սօցիալ Դէմօկրատ Բոլշեւիկների թերթի մէջ հրաշունչ մի յօդուած երեւցաւ՝ ներբողելով «Հինաւուրց Մեծ Կուսակցութեան» Կարմիր Դրօշի ծածանումը Տաւրոսի վրայ...:

Երբուանի՞ց սկսեց այդ «աւանտիւրան».— այդ մասին էլ զեռ առիթ կ'ունենանք անդրադառնալու:

7.

Սօցիալ Դէմօկրատ Հնչակեանների եւ ներկայ Հայ Կոմժունիստների միջեւ անանցանելի մի «մեծ վիճ» կայ: Այդ «մեծ վիճ»-ը բացող, ներկայացնող ազդակներից մէկն էլ այն է, որ մենք պաշտպանել ենք «ՄԻԱՅՅԱԼ ԵՒ ԱՆԿԱԼ ՀԱՅԱՍՏԱՆ»: Հայաստանի Կոմժունիստ Կուսակցութեան քարտուղարը այդ կէտն էլ է ներմուծել իր մեղադրական ցանկի մէջ՝ իր արձակած հովուական (pastoral) Կոչ-Նամակով:

Այստեղ, մի փոքր շեղում:

1908-ի աշնանը, մի օր, Ընկեր Մուրատի հետ անցնում էինք Կ. Պօլսոյ «Իւֆսէֆ Գալստըրք» փողոցով. դը-

նում էինք վարից վեր: Փողոցի ծայրին նշմարուեց բարձրահասակ, թիկնեղ, մօրուքաւոր մի Թուրք՝ խօջայի փաթթոցով, որ վերելից վար էր գալիս:

Ընկեր Մուրատը ասաց.— «Վար իջնող խօջան Աֆրիկեան Տրիպօլիս աքսորուած «Երիտասարդ Թուրքերիցն» է, որ մեզանից մի քանի օր յետոյ փախաւ. «զտաբիւն միւսլիման» է. տեսնենք ինձ պիտի ճանաչի՞»:

Պօջան մօտեցաւ մեզ. Ընկեր Մուրատը ճանապարհը կտրեց, ասաց.— «Սարահչար խայր օլսըն, խօջա...» (բարի լոյս, խօջայ)...

Պօջան, առանց բարեւը ասնելու, շիպ-շիտակ կանդնեց, մէջքը ուղղեց, մօրուքը շփեց, աչքերը չօնց, շանթալից շեշտով ասաց.— «Ա՛ դեափուր, ա՛ մամլաքեաթ խայինի, նէ՛ իւչիւն Փիրար էտտըն» (Ա՛յ դեափուր, ա՛յ հայրենիքի դաւաճան, ինչո՞ւ փախար):

Բարկութեանս առաջին թափը գսպել չը կարողանալով՝ ասացի.— «Սանդա Փիրար էդմիչսըն, խօջա. դէմաք սէ՞նտա դեափուր, սէ՞նդա մամլաքեաթ խայրնիսըն» («զու էլ փախել ես, խօջա. ուրեմն դո՞ւ էլ դեափուր ես, դո՞ւ էլ հայրենիքի դաւաճան ես»):

Պօջան ձայն չը հանեց. քիթ ու պոուզը ծոնց, թրթուեց, Փընչաց, մոլտալով հեռացաւ...

Ընկեր Մուրատը կուշա-կուշտ ծիծաղեց, բան չասաց:

Վրայ հասաւ Թոզաացի Ընկեր Յակոբ Իսկէնտէրեանը, որ նոյնպէս աքսորուել էր Տրիպօլիս... «էս մեր խօջան է» ասաց եւ յետեւից պոռաց.— «Պօջա՛յ, խօջա՛յ Փիրար էդմա, սէօղիմ վար», («խօջա՛յ, խօջա՛յ, մի՛ փախիր, խօսք ունիմ»):

Ու Ընկեր Յակոբը իր բանտային կեանքից վերջիչումներ անելով՝ պատմեց.— «Տարօրինակ էր բանտային այն ընկերութիւնը, այն միջնորդարը, որի մէջ մենք ապրում էինք Տրիպօլիսում: Բանտի կեանքը ամէն տեսակ սրտնեղութիւն է բերում բանտարկեալի վրայ. մի առիթ ես փնտռում, որ լեցուած սիրտը բանաս եւ մէկի վրայ

թափես, թէկուզ գիտնալով՝ որ դրա հետեւանքը ո՛չինչ չի բերիլ... Բանտի կեանքի մէջ՝ մեր բախտակից Թուրքերը (խլամները) — լինի քաղաքական թէ քրէական — յարատեւ սովորութիւն ունէին՝ իրենց ցեղակից-կրօնակից բանասարկեալներին պատահելիս կամ սենեակէ սենեակ խօսելիս՝ ամէն տեսակ լուսանքների, հայհոյանքների տեղատարափ թափել Սուլթան Համիդի հասցէին... թրքական հայհոյիչ լեզուի շատ հարուստ բառամթերքը բացուած էր... Ասիական յիշացների բոլոր ձեւերն ու եզանակները գլորուած էին — «Շուն, կաւատ, դաւաճան, անամօթ, հայրենազանաւ, ամարդի, գազան...» Սրանք մեղմերն էին: Մթնոլորտը տոգորուած էր հայհոյանքով, ամէն օր, ամէն ժամ: Մեղաւորն էլ էր հայհոյում, արգարն էլ...:

«Մենք էլ վարակուեցանք. մենք էլ սկսեցինք բանալ մեր արաւոնջների, բողոքների տալբակի բերանը. մենք էլ կամաց-կամաց սկսեցինք հայհոյանքներ թափել այն «կարմիր գազան»ի գլխին, որ մեզ ա՛յնքան անարգար տեղը խաչում, աչրում, մրկում էր Տրիպօլսի դժոխային բանտի պատերի մէջ... Մի օր, Թուրք (խլամ) բանտարկեալների մի խումբ — նրա մէջն էր եւ այս խօջան — մեր վրայ յարձակեցան, պոռալով՝ — «Գեւա՛վուրնեք, ի՞նչպէս էք համարձակում ձեր պիղծ բերանը բանալ եւ մեր Սուլթանին, մեր Սալիֆային հայհոյել», ու սկսեցին զարկել: Պատասխանեցինք — «Հապա դո՞ւք ինչու էք հայհոյում»: — Ասացին. — «Մենք իսլամ ենք. մենք իրաւունք ունինք ասելու՝ ինչոր ուղենք...»

Ու այսպէս, երբ հայհոյողը «խլամ» էր, — իրաւունք ունէր. երբ Հայ էր, — իրաւունք չունէր, որովհետեւ «գեւալուր» էր:

Ճիշտ այդ հոգեբանութիւնը ունին մեզ հանդէպ՝ Հայ «Կոմմունիստներին» ոմանք — ո՛չ բոլորը — երբ ինզիրը գալիս է Մարքսիզմին: Երբ Կարլ Մարքսի, Լենինի խօսքերը մենք ենք մէջբերում. մեր թէզերը նրանց զրած-

ասածների վրայ դնում, — մեզ ասում են՝ չէ՛, չեղա՛ւ. այդպէս չէ. սխալ է. իսկ երբ նոյն այդ խօսքերն իրենք նիւթ դարձնում, նրանց վրայ են յենում իրենց ասածները ասում են թէ՛ եղաւ. սխալ չը կայ:

Եւ այդ ինչո՞ւ. — որովհետեւ իրենք «խլամ» են, իսկ մենք՝ գեւալուր»:

Սնդիրները է՛լ աւելի լաւ պիտի լուսարանուին, երբ մեր հակառակախօս «Կոմմունիստներին» այդ տխուր եւ ալլանդակ հոգեբանութիւնը աչքի առաջ ունենանք:

Օրինակ:

Իրենց ընկերներից Կոմոն, Թիֆլիզի մէջ, պետական փոստան զարկեց, բռնազրաւեց: Նա նկատեց հերոս. — ձիշտ է ասում ենք, Կոմոյի արածը հերոսութիւն էր եւ արդարութեան պահանջն էր, որ նրա յիշատակը վառ պահուէր: Ու լաւ են արել, որ Թիֆլիզի փողոցներից մէկի անունը դրել են Կոմոն: Կոմոն Հայ էր:

Իսկ Կոմոյից շատ երկար տարիներ առաջ՝ մեր ընկեր Փէ՛ւրիվանը Թողաթի փոստան զարկեց, — նրա արարքը համարում են ո՛չ-սօցիալիստական, ո՛չ-հերոսական, այլ «ազգայնական»...:

Երկուսն էլ կոռւել են բռնապետութեան գէժ. երկուսն էլ մի եւնոյն նպատակով գործ են կատարել, մէկը գառնում է հերոս. իսկ միւսը՝ ոչինչ:

Եւ այդ հոգեբանութիւնը հետեւանք է շար նախանձի, ատելութեան, չուզողացութեան, — որ ո՛չ մի արգաթացում կարող է ունենալ:

Մինչդեռ եթէ մի փոքր լայնախոհութիւն տեղի ունենար, Մարքսիստական արդարութեան չափովը խօսուէր, — ապա չէին ծագիլ այն «մեղադրանքները» որոնք մեր գլխին են թափուել, առանց որեւէ լուրջ հիմունքների:

Շարունակենք պարզաբանուիլ եւ պէտք է որ լուսարանուինք. աւելի լաւ է սրտաբաց խօսել, քան՝ հայկական բարի սովորութեամբ՝ «փորի մէջը ձգել, պահել»:

Բաժանելիք ոչ ինչ ունինք. ընդհակառակը՝ իրարու մօտենալու, ընդհանուր հասկացողութեան գալու պէտքը ունինք, մի շարք շատ կարեւոր խնդիրներ ժամանակն ունենանք, մի շարք շատ կարեւոր խնդիրներ ժամանակն ունենանք, մի շարք շատ կարեւոր խնդիրներ ժամանակն ունենանք: Եւրոպայի Կուսակցութիւն իր սեպհական միջոցներով:

Եւրոպայի վերջացաւ:

Անցնինք օրակարգին:

«Անկախ Հայաստան», «Քաղաքական Ինքնավար Հայաստան», «Միացեալ եւ Անկախ Հայաստան», «Միացեալ Ազատ եւ Անկախ Հայաստան», — այս եզրերն են, որ տեղ են գտել — զանազան ժամանակամիջոցներում — մեր Ծրագրի եւ զբաղանքների մէջ:

8.

Անհրաժեշտ սկզբնական բացատրութիւններ:

Ներկայ քաղաքագիտական բառամթերքի մէջ, ինչպէս եւ Մարքսիստական Սօցիալիստական, «Անկախ» եւ «Քաղաքական Ինքնավար» եզրերը համարել են: Միեւնոյն է՝ մի կրկրի համար ստել «Անկախութիւն» կամ «Քաղաքական Ինքնավարութիւն»: Հետեւաբար մենք իմաստի չեզոք կատարած չենք, երբ ստել ենք «Անկախ Հայաստան» կամ «Քաղաքական Ինքնավար Հայաստան»: «Միացեալ Անկախ Հայաստան» եզրը գործ ենք անել 1916-ից յետոյ. դարձեալ առանց ընկրկելու մեր պաշտպանած պատմական թէզի. մենք Հայաստան ստելով չենք հասկացել, առաջին իր ծագման օրից, միայն «Տաճկա-հայաստան» այլ ամբողջական-պատմական Հայաստան, — այսինքն՝ «Տաճկա-հայաստան», «Ռուսա-հայաստան» եւ «Պարսկա-հայք»:

Մնդիքը տակաւի կախի եւ ո՛ր մասից սկսելու մասին չէ. մի կտորը առաջ, միւսը՝ յետոյ. մենք երեք կտորի միութեան ենք ձգտել:

«Ռուսա-հայաստանի» առանձին պետական գոյացութիւն (entite') դառնալուց յետոյ է, որ մէջտեղ եկաւ «Միացեալ» եզրը, — ձգտումն էր, որ «Տաճկա-հայաստան» էլ միանար առաջինին: «Ազատ» եզրը դրում էր անջատողականութեան մտքով թիւրքիսից:

«Ազատ» եզրը դրում էր անջատողականութեան մտքով թիւրքիսից:

Երբ մեր հակառակաբան «Կոմմունիստները» մեզ մեղադրում են «Միացեալ Անկախ Հայաստան» եզրի համար. — դրանով ուզում են հասկացնել. որ ներկայումս Սօցիալիստ Սորհրդային Հայաստանը չենք ճանաչում անկախ եւ ազատ:

Մինչդեռ դա անելի քան սխալ է:

Մեր մամուլը, մասնաւորապէս «Երիտասարդ Հայաստան»-ը առաջինն է եղել, որ առանձին յօդուածաշարքերով եւ խմբագրականներով փաստել, ապացուցել է, որ ո՛չ միայն ներկայ՝ Սօցիալիստ Սորհրդային Հայաստանը ազատ է եւ անկախ, այլ սօցիալիստական տեսակէտով նա կարող էր լինել այն, ինչ որ է այսօր: Մենք երկարօրէն բացատրել ենք թէ՛ ազատ եւ անկախ պետութիւն եզրը ա՛յլ է բուրժուական քաղաքագիտական հասկացողութեամբ, այլ՝ Սօցիալիստական-Մարքսիստական:

Եւ հետաքրքիրն էլ չէնց այն է, երբ Սօցիալիստ Սորհրդային Հայաստանի հակառակորդները ուժգին կերպով այն թէզն էին պաշտպանում, որ ներկայ Հայաստանը ո՛չ ազատ է, ո՛չ էլ անկախ. — մեր մամուլն էր միայն, որ երկարօրէն վերլուծելով իրերի դրութիւնը եւ Սօցիալիստական գաղափարաբանութիւնը՝ դրեց հակա-թէզը թէ՛ իրօք ազատ եւ անկախ Հայաստան ունինք: Դրանից ուղիղ մէկ տարի յետոյ էր, որ Հայաստանի Կոմմունիստ Կուսակցութեան անդամներից ոմանք ձայն բարձրացրին եւ պաշտպանեցին ա՛յն՝ ինչ որ մենք ստել, պնդել էինք մի տարի առաջ:

Անկախ է ներկայ Հայաստանը, — այո՛: Ազատ է նա, — այո՛: Այդ մասին որ եւ է առարկութիւն չենք ունեցել, չունինք էլ: Ուստի, այդ կողմից, առանձին ջանք թող չը թափուի «մեծ վիճակ» բանալ, տարօրինակ թիւրքիսիստները ստեղծել:

Այս՝ «Անկախ» եւ «Ազատ» եզրի նկատմամբ .

Գանք «Միացեալ»-ին :

Հայաստանի Կոմմունիստ Կուսակցութեան բարեմիտներէից նրանք, որոնք անդադար չեղչեղում են այդ բառը, նրա պատմական ծագման եւ այն ժամանակուայ պայմաններէ մասին չեն խօսում, այլ տալիս են այն միտքն ու ներշնչումը, մասնաւորապէս իրենց մասսաներին, թէ մենք հիմա ձգտում ենք «Տաճկա-Հայաստանը» միացնելու «Ռուսա-Հայաստան»ի (Սօցիալիստ Խորհրդային Հայաստանի) հետ եւրոպական Կապիտալիստ պետութիւնների միջոցով եւ հայրուկային ազատամբական տակտիկայով:— Ինչոր մեր մտքովն անգամ չի անցել, չի էլ անցնում :

Մեր հակառակախօսները չը պիտի մոռանան մի իրողութիւն, այն՝ որ գոյութիւն ունեցող քաղաքական հոսանքներից եւ կուսակցութիւններից մէն միւնակ Սօցիալ Դէմօկրատ Հնչակեան Կուսակցութիւնը եղաւ, որ «ազգային» ամէն տեսակ հաստատութիւններին եւ «պատուիրակութիւններին» հակառակելով՝ սկզբից մինչեւ վերջ՝ պարսակց, չրնդունեց «Մանդատ»-ի գաղափարը: Նա էր, որ առաջին անգամ, դեռ հազիւ Սովիետական Ռուսաստան մէջտեղ եկած, փաստեց՝ երկարաչունջ խմբադրականներով եւ յօդուածներով՝ Ռուսական օրիենտացիան եւ նրա վայրէջքի պատմական եւ գաղափարական օգտակարութիւնը ցոյց տուեց՝ Հայաստանի եւ Հայ ժողովրդի ամբողջականութեան, մօտաւոր եւ հեռաւոր շահի տեսակէտից :

Մեր մտքովն անգամ չի անցել, չի էլ անցնում, որ տեղական խլրտումներ, ապստամբական ձեռնարկներ անենք՝ Քէմալիստանի «Տաճկա-Հայաստան» մասը կցեմք ներկայ Հայաստանի հետ: Մենք այդպիսի տակտիկական գործունէութիւն չենք ունեցել, չունինք էլ:— Թող թոյլ տրուի, առանց տկարութեան նշանի տեղ ընդունելու, որ մեր ներկայ՝ այդ մասին՝ տակտիկայի մասին չը խօսուի. այս քանը միայն ասենք:

Պրօլետարական յեղափոխութիւն կ'այ. պիտի դա՞յ: Արեւելքն էլ պիտի սովիետականանա՞յ:

Մենք ձգտում չունինք ամբողջ Արեւելքի մէջ պրօլետարական դիկտատուրա յառաջ բերել՝ մէն մեկնակ մեր ոյժերով, ինչպէս որ դիտողութիւն էր եղած «Խորհրդային Հայաստան»ի մէջ: Այդ մասին հոսանքներ, ազդակներ շատ կան. եւ մենք նրանց հետ համընթաց ենք՝ մի կարգ տէրբիտորիալ խնդիրների եւ տակտիկական որոշ տարրերի նկատմամբ:

Հետեւապէս, դարձեալ յանձնարարելի մեթոտ չէ, որ մեր Կուսակցութեան դէմ զդացմունքներ են գրդուում, նախապաշարումներ յառաջանում՝ գոյութիւն չունեցող շարժառիթներ պատրուակելով:

Ձեռք առնենք բուն հարցը:

Անկախ Հայաստան:

Ընդունելով Հայաստանը որպէս ամբողջականութիւն:

Հարց՝ տուեալ մի երկրի համար անկախութեան թէ՛զ պաշտպանելը հակա-սօցիալիստաիա՞ն, հակա-մարքսիստաիա՞ն, հակա-կոմմունիստաիա՞ն է:

Հարցը զնում ենք որպէս գաղափար-հիմունք:

«Կոմմունիստական Մանիֆեստ»ի չորրորդ գլխի վերտառութիւնն է.— «Կամմունիստների դիրքը գոյութիւն ունեցող գաւազան ընդդիմադիր Կուսակցութիւնների վերաբերմամբ»:

«Երկրորդ հատուածը յստակ կերպով պարզարոնում է թէ՛ Կոմմունիստները ի՛նչ յարաբերութիւն պիտի ունենան՝ գոյութիւն ունեցող գործաւորական կուսակցութիւնների նկատմամբ, ինչպիսին են Չարտիստները Անգլիայում եւ Հողագործական բարենորոգչականները Ամերիկայում»:

Դրանից յետոյ՝ երրորդ հատուածը ընթերցում է՝

«Լեհաստանի մէջ նրանք (Կոմմունիստները) աջակցում են այն կուսակցութեան, որ հետապնդում է հողագործական յեղափոխութիւն, որպէս առաջին պայման

ազգային ազատագրութեան, — այն Կուսակցութեան, որ խմորեց 1846-ի Կրակովի ապստամբութիւնը»:

Այստեղ, ո՛չ միայն Կարլ Մարքսը, Էնգէլսը, եւ այդ ժամանակուայ (1847) բոլոր Կոմմունիստները, այլեւ, նրանից յետոյ, Առաջին Միջազգայինի բոլոր գործօն զեկավարները, ուժեղ կերպով պաշտպանել են Անկախ Լեհաստան. որովհետեւ երեք կտորների բաժնուած Լեհաստանի միացումովն էր, որ այդ երկրի «ազատագրութիւնը», անկախութիւնը պիտի դար:

Իրա դիմացը դնում ենք, պատմականօրէն, Անկախ Հայաստան, Միացեալ Անկախ Հայաստան:

Շատ սիրելի պիտի լինէր մեզ լսել՝ Մարքսից եւ Էնգէլսից աւելի բարձր «Մարքսիստների եւ Կոմմունիստների» այդ մասին տուած առարկութիւնները: Խնդիրը գաղափարական է:

Ուրեմն գաղափարական տեսակէտից մենք չենք մեզանչել Գիտական Սօցիալիզմի ծնողների առաջ:

Այն ժամանակ, երբ Մարքսը ծայրայեղ թշուառութեան մէջ էր եւ «Նիւ Եօրք Տրիբուն»ի մէջ յօդուածներ գրելով էր, մի կերպ, ապրում, այդ ժամանակուայ ա՛յն յօդուածները, որոնք առնչութիւն ունէին 50-56 թուականների պատեղազմների հետ, դրանք բոլորը հաւաքուած, կազմում են մի ստուար գիրք «Արեւելեան խնդիրը» անունով: Այդ յօդուածներից մէկի մէջ Մարքսը ասում, փաստում է, որ՝ «Թիւրքերը իրենց ճամբու պայուսակները պիտի կապեն եւ դուրս դան Եւրոպայից»:

Անել է թէ՛ այդ նախադասութեամբ՝ Մարքսը ընդունում էր ազգերի (Ռուսների, Բուլղարիա, եւ այլն) անկախութիւնն ու ազատագրութիւնը, որոնք դանուում էին թրքական կայսրութեան այդ մասի մէջ:

Այնտեղ գրական զիրքը նշանակութիւն չունի: Հայաստանը Ասիայի մէջն է: Մարքսը խտրական ոգիով չէր առաջնորդուիլ, որ Եւրոպայի մէջ դանուող մի ազգի հա-

մար եղած գաղափարը Ասիականի մէջ եղածին յարմար չը տեսնէր, կամ նրան հակառակէր:

Միացեալ Անկախ Հայաստան: — Արդեօք բացուած «մեծ վիհ» Հայաստանի Կոմմունիստ Կուսակցութեան քարաուղարը չի՞ ուզում դոցուած, լցուած, հարթուած տեսնել: Եթէ ուզի՝ ինչո՞ւ չէ: Ենթադրում ենք, որ ինքը այս բոլորից տեղեկութիւն ունէր: Բայց եւ ինչո՞ւ «մեծ վիհ» է տեսնում, հէնց այդ կէտի նկատմամբ:

Շարունակենք առաջ երթալ:

Սօցիալիզմ-Կոմմունիզմի պատմութեան մէջ կը մնայ եզակի այն պատմական, իրական մեծ ժեստը, որ արաւ Ռուսաստանի Սօցիալ Դէմօկրատ Բանուորական Կուսակցութեան Բոլշեւիկեան թելը, հէնց առաջին օրից:

Առաջին անգամն էր, որ պատմութեան մէջ, կարուկ, յստակ, որոշ կերպով ձեւակերպուեց, կիրառութեան մէջ դրուեց Սօցիալիզմ-Կոմմունիզմի, Սօցիալիզմ-Մարքսիզմի ճշմարիտ հասկացողութիւնը Ազգային խնդիրների նըկատմամբ:

Լենինի այդ մեծութիւնը կը մնայ անզուգական, մարդկային ազգի պատմութեան մէջ:

Այդ մեծ Կուսակցութիւնը, հէնց սկզբնական օրից, հակառակ դիզուած ահագին դժուարութիւններին եւ հակահոսանքներին՝ ընդունեց Ռուսաստանը բաղկացնող ազգութիւնների կատարեալ անկախութիւնը՝ «ինքնորոշման» սկզբունքը պաշտպանելով՝ դործքով, եւ ո՛չ թէ խօսքով:

Ի թիւս այլոց, նա պաշտպանեց Հայաստանի անկախութիւնը (Ռուսա-Հայաստանի) եւ իր՝ Կոմմունիստական ներկայ Սահմանադրութեան մէջ որոշ կերպով անցրեց Հայաստանի անկախութիւնը, որպէս անհատ պետութիւն-գոյացութիւն:

Ռուսաստանի Սօցիալ Դէմօկրատ Կուսակցութեան Բոլշեւիկեան թելը, դեռ առաջին օրից պաշտպանեց, դրեց Տահկա-Հայաստանի «ինքնորոշման» իրաւունքը, որպէս

անհրաժեշտ մի իրաւունք. սակ է թէ՛ Տաճկա-հայաստանի էլ կատարեալ ազատագրութիւնը, անկախութիւնը ընդունեց :

Ազգերի ինքնորոշման իրաւունքի մասին Լենինի խօսած ճառերը, նրա պաշտպանած թէզերը, պատճառարանութիւնները, այսօր, մի կողմ ենք թողնում, այն հասկացողութեամբ, որ դա շատ շատերին արդէն ծանօթ է : Յաւալին է միայն, որ մինչև ցարդ զրանք չեն թարգմանուել, չեն ցրուուել մասնաւորապէս Հայ ժողովրդի մէջ : Դա բոլորիս պարտականութիւնն էր, եւ զրա մէջ թերացել ենք :

Այդ կողմից Տրոյկու «ինֆորմացիան իրաւունք» ճառը նոյնպէս կայ : Գրել է .

«Սօցիալիզմը, ազգային պետական խմբերի եւ կազմակերպութիւնների դաշտի մէջ՝ մի նոր տեսակի թանձրացեալ լուծում ունի, այն է՝ նա կարող չէ ուրիշ քայլ անել, առանց կանխապէս ընդունելու ազգային ինքնորոշման իրաւունքը. — այն՝ որ ազգային ամէն խմբակցութիւն իրաւունք ունի վճռելու իր սեպհական բախտը. ուրեմն ամէն մի ազգ իրաւունք պիտի ունենայ բաժնուելու, անջատուելու՝ տուեալ մի պետութիւնից (օրինակ՝ Ռուսաստան եւ Աւստրիա) . . . Ազգային ինքնորոշման իրաւունքը չի կարող մասը չը կազմել պրօլետարական խաղաղութեան ծրագրի . . . » :

Եւ պրօլետարական յեղափոխական Ռուսաստանը կատարեց իր խօսքը՝ գործքով :

Նա ընդունեց՝ Արեւելեան բոլոր ճնշուած ազգերի կատարեալ անկախութեան իրաւունքը :

Անկախ Հայաստան, Միացեալ Անկախ Հայաստան, — ինչո՞վ ենք զարուղել մեծ և քիզմնաւոր զաղափարից :

Հայաստանի Կոմմունիստ Կուսակցութեան քարտուղարը այս բոլորը շատ լաւ գիտէր, ենթադրում ենք, էլ ինչո՞ւ է «մեծ վիհ» տեսնում, զաղափարի տեսակէտից, մեր այդ թէզի մէջ :

Անկախ Հայաստան, Միացեալ Անկախ Հայաստան՝ մենք չենք հասկացել բուրժուազական մտքով . այլ պրօլետարական :

Անկախութիւնը նկատել ենք ժամանակաւոր ձեւակերպութիւն, ժամանակաւոր միջոց Սօցիալիզմին-Կոմմունիզմին հասնելու համար, Հայաստան երկրամասի մէջ էլ . ինչոր ուրիշ կերպով ձեւաւորուել է մեր Կուսակցութեան ծրագրի նախարանի եւ նկատումների մէջ :

Բացի զրանից .

Անկախ Հայաստան. — իր անկախութիւնը ունեցող Հայաստանը (ամբողջականը, եթէ կ'ուզէք) չը պիտի կղզիանար, այլ Դաշնակցային կապերով պիտի կապուէր շրջակայ պետութիւնների, նոյն իսկ մնացեալ թիւրքիստին հետ. ճիշտ այնպէս, ինչպէս որ այսօրուայ Սօցիալիստ Հանրապետութիւնների Միութիւնն է : Մեր ծրագրի երկրորդ հրատարակութեան մէջ՝ դա շատ որոշ, ցայտուն կերպով զրուած է . այնպէս որ եւ ո՛չ մի կատկածի տեղ է թողնում :

Ու սրանից յետոյ չի՞ փակում «Միացեալ Անկախ Հայաստանի» պատճառով բացուած «մեծ վիհը» :

Փակում է . — շատ լաւ :

Չի՞ փակում . — այն ժամանակ «խլամի» եւ «զեւալուրի» հոգեբանութիւնը պիտի մատնանշենք, որի մէջ մենք եւ ո՛չ մի մեղադրուելիք կէտ ունինք :

Այդ տեսակէտից էլ մենք եղել ենք այն՝ ինչոր պիտի լինէինք, — այսինքն ճշմարիտ, հետեւողական Մարքսիստ-Կոմմունիստներ :

Եթէ մեր թէզերի իրականացումը՝ կեանքը չը տար, կարելի էր, գուցէ, խմբանքներ կատարել . բայց կեանքը եկել արտայայտել է իր թանձրացեալ օրինակներով, եւ ուրախ ենք որ կեանքի այդ պատկերը զձող ճարտարապետը եղել է Ռուսաստանի Կոմմունիստ Կուսակցութիւնը .

Հետեւարար Հայաստանի Կոմմունիստ Կուսակցութեան քարտուղարն է, որ մեղանչում է իր Կուսակցութեան գաղափարարանութեան եւ դործի դէմ, եւ ո՛չ թէ մենք:

9.

Կարլ Մարքսը՝ երկար տարիների տքնաջան աշխատանքով՝ դասակարգերի, դասակարգային կռուի, յաւելեալ արժէքի, կապիտալիզմի կեդրոնացման, պատմութեան մատերիալիստական (նիւթապաշտական) ընթացքի վրայ խօսելուց յետոյ միայն՝ արձակեց իր անմահ կոչը. — «Պրօլետարներ բոլոր երկրների՝ միացէք»... Կռուեցէ՛ք... Որովհետեւ «Ի՞նչ ունիք կորսնցնելիք, եթէ ոչ՝ ձեր շղթաները»:

Ուրեմն՝ դրո՛հ բուրժուազիայի վրայ. թշնամին նա է:

Հայաստանի Կոմմունիստ Կուսակցութեան քարտուղարը ա՛յդքան դժուարին ճանապարհներից չի ուզում անցնել: Նա գտել է դիւրինը: Կազմել է դաւանաբանական (դօգմատիկական) սճով մեղադրանքների մի ահագին ցանկ մեզ դէմ եւ դրանով էլ ամէն բան պարզուած է համարում:

Այնպէս որ, եթէ այդ դօգմատիկական վճռորոշումները մի մի օղակ դարձնուի, կը դառնայ մի ահագին շղթայ, փաթաթած Հայ աշխատաւորութեան ոտքերին, որից էլ ազատուելու համար՝ ինքը հովուական Կոչ է անում իրեն լսող ու հետեւող Հայ բանուորներին, որ խումբեր կազմեն, դրո՛հ տան Սօցիալ Դէմօկրատ Հնչակեանների վրայ, որպէս զի նրանց հազցրած շղթայից ազատուին:

Կուսակցական հակառակորդներ շա՛տ էինք տեսած, լսած. բայց ա՛յսքան անհամբերողութիւն... իրօք արգահատելի է:

Հայաստանի Կոմմունիստ Կուսակցութեան մեղադրական շղթայի օղակներից մէկն էլ այս է թէ՛ «Փետրը-

ուարեան հակա-յեղափոխութեան օրերին՝ Երեւանի Հրնչակեանները հաւատարիմ հպատակութիւն են յայտնել Ս. վրացեանին»:

«Վի՛հ», շա՛տ մեծ «վի՛հ»:

Հաւատա՞նք:

Պատմադրողը ճշմարտապատում մէ՞կն է:

Խօսենք:

Սկսենք Մայիսեան Շարժումներից. տեսնենք թէ նա ի՛նչ տեղ է բռնում Հայաստանի խորհրդայնացման մէջ, ի՛նչ կերպով է նա գնահատուում. ի՞նչ դեր է կատարել մեր Կուսակցութիւնը:

Նախ խօսքը մեզ գիտողութիւններ անողին պիտի տանք:

«Հայաստանի Յեղափոխութեան Յուլիան ու Հոկտեմբերը», վերտառութեամբ («Նորք», թիւ 2, էջ 96) իր նախաջողուածի մէջ՝ պատմաբան-քարտուղարը գրում է. — «Հոկտեմբերեան յեղափոխութիւնը նոր Հայաստանի կազմակերպման առաջին գործողութիւնը չէր միայն, այլեւ հնի կազմալուծման վերջին արարը: Մայիսեան ապստամբութիւնը բանուոր-դիւզացիական յեղափոխութեան նախընթաց Յուլիան էր»:

Ուրեմն, իր ասելով, Մայիսեան Շարժումները վրճոական նշանակութիւն են ունեցել:

«Մայիսեան ապստամբութիւնը» յօդուածի մէջ (էջ 107) նոյն հեղինակը գրում է. — «Մայիսեան տօնը յեղափոխական ուժերի զօրահանդէս պիտի լինէր»:

Եւ, արդարեւ, եղած է:

Մի քիչ վարը, աւելցնում է. — Մայիսեան ցոյցը Երեւանում շարժում յառաջացրեց անգամ էս-էրական(*) կազմակերպութեան ճահճի մէջ: Մայիս մէկի նիստին Հայաստանի էս-էրական կազմակերպութեան կոմիտէն մեծամասնութեամբ որոշում է հերթական համարել Հա-

(*) էս-էրները՝ Սօցիալիստ յեղափոխականներն են:

յատասնի սովիւնտագացիայի խնդիրը, Կոմմունիստների եւ Դաշնակցութիւնից պաշտօնապէս հեռացողները հետ, ձեռնպահ մնալ Կոմմունիստների զինուած ապստամբութեան դէպքում...»

Մայիսեան Շարժումները, ուրեմն, ազդել են եւ՛ էս-էրները վրայ. նրանք էլ որոշել են պարզ համակրութիւն, որովհետեւ «Կոմմունիստների զինուած ապստամբութեան դէպքում» պիտի մնային «ձեռնպահ»:

Մայիսեան Շարժումների ընդարձակութեան մասին՝ յօդուածագիրը գրում է. — «Բանուորական, զինուորական, զիւղացիական լայն մի շարժում էր Մայիսեան ապստամբութիւնը, որ բռնկեց Հայաստանի տարբեր վայրերում»:

Հետեւաբար շարժումները եղել են զանգուածային:

Ի՞նչ ոյժ ունէր, այդ ժամանակ, Հայ Կոմմունիստ Կուսակցութիւնը:

Պատմիչը հետեւեալ թուանշաններն է տալիս. — «Մօտաւոր հաշուով կազմակերպութեան մէջ մտնում էին Երևանի գաւառում 200 անդամ եւ թեկնածու. Նոր-Բայազիտի գաւառում 60-80. Իջևանի եւ Դիլիջանի շրջաններում 150-200: Աղէքսանդրապոլի գաւառում՝ 200. Ղարսի եւ Սարիղամիշի շրջաններում 100»:

Ասել է թէ իր ոյժի նուազագոյնը եղել է 710 հոգի, իսկ առաւելագոյնը՝ 780:—

Այս ամբողջ ոյժի դէմ դնելու էր Աղէքսանդրապոլի գաւառի Դիւզքէնդ գիւղը, որ ամբողջապէս Սօցիալ Դէմօսկրատ Հնչակեան էր: Այդ մասին ո՛չ մի բառ, ո՛չ մի խօսք: Թողնում ենք մեր Աղէքսանդրապոլի, Երևանի, Ղարսի, եւայլն, եւայլն, ոյժերը: Ինչո՞ւ չէ յիշած, չէ՞ որ «զիւղացիական լայն» այդ «շարժման» մէջ նրանք էլ մտել էին: Անկողմնակա՞լ է պատմիչը. կ՞այ այդ մասին ամենափոքր յիշատակութիւն անգամ:

Ո՞վ կազմակերպեց Մայիսեան Շարժումները: Յօդուածագիրը այդ մասին ասում է. — «Հայաստանի Մա-

յիսեան ապստամբութիւնը կազմակերպւոյժօրէն սաղմնաւորուեց Կոմմունիստական Կուսակցութեան ընդլայտակեայ աշխատանքի ծոցում: Բանուորական շարժումն այդ աշխատանքի մասնաշաղկան անդրանիկ յայտարարն էր»:

Համապատասխան է սա իրականութեան. եղելութիւնները ճշգրտօրէն արտացոլացում՞ ճ են այստեղ:

Սաղմնաւորումի այդ պրօցեսում համահաւասար աշխատանք չե՞ն կատարել եւ՛ Սօցիալ Դէմօսկրատ Հնչակեանները:

Ուրանայր, աչքի տակով զարկել անցնելը նշանակութիւն չունի:

Անկողմնակալութեան բացակայութիւնը ակներեւ է: Դեռ կենդանի մնացած, ողջ-առողջ շա՛տ ընկերներ, անկողմնակալ անձեր կան. որոնք պատմական այդ պրօցեսի զարգացումը լիովին կը բացատրեն եւ մեր Կուսակցութեան բաժինը ի յայտ կը բերեն:

Հետեւեալ կտորը է՛լ աւելի պարզում է հոգեկան պատկերը. — «...Չտեսնուած ծաւալ ընդունեց Կոմմունիստական շքերթը մանաւանդ Հայաստանի մայրաքաղաքում: Անգամ Հնչակեան Կուսակցութեան խմբակը լքեց սեփական դրօշը եւ միացաւ Կոմմունիստներին»:

Երբ Բարտուղարը ասում է «խմբակ, դէ՞թ այդքանը ընդունում է, ապա համարձակօրէն կարելի է եղրակացրնել թէ՛՝ եթէ իրենցինքներից աւելի չի եղել, ապա պահաս էլ չի եղել մերոնց թիւը:

Բայց տեսէ՛ք, «շքերթը» սկսուած է, մեր ընկերները դուրս են գալիս սեպհական դրօշով, եւ «շքերթը» տեսնելուն պէս, անմիջապէս ծալում, մի կողմ են դնում մի քիչ առաջ ծածանող իրենց դրօշը եւ միանում Կոմմունիստներին...»

Սա պատմիչի դի՞րք, պատմիչի գրի՞չ է:

Նշանակալից է, նոյնպէս պատմիչի հետեւեալ կտորը. — «Ապստամբութիւնը ճնշուեց սրի եւ հրի ուժով. մասսաների առաջնորդները բանտեր նետուեցին: Վտան-

գաւորներին չէզոքացրեց դահիճների արդարադատութիւնը: Սոսկալի տանջանքներից յետոյ՝ հրացանազարկ եղան Եկոր Սեւեան, Փանեան, Արտ. Մելքոնեան, Ենովջ Մկրտումեան, Բազիկ Բազիկեան...»:

Այո՛ Դաշնակցութիւնը այդ «անօրէնութիւնը» գործեց:

Բայց այդ բոլոր թուումների մէջ չը կայ մեր առիժսիրտ ընկերներից՝ նոյն իսկ Մշեցի Մարգարի անունը, զեռ միւսները թողնենք. արդեօք նրա գործը պակաս էր եղած անուանուածներից. չէ՞ որ Մարգարն էլ խողխողուել էր. նրա անունը ինչո՞ւ չի յիշուում. մի՞թէ նրա համար, որ նա Սօցիալ Դէմօկրատ Հնչակեան էր:

Անկողմնակա՛լ պատմարան.

Շարունակենք հատուածի ընթերցումը. — «...Աղբուեց համատարած սեպտեմբրի մի շրջան: Ոմբապետական բուռնցքը խորացաւ Հայաստանի յեղափոխական բանուորներին ու զիւղացիներին վրայ: Ծեծն ու աքտորը, թաւանն ու սպանութիւնը կենցաղային երեւոյթներէ շարքն անցան: Հայ քաղքենիութիւնը եւ իր կուսակցութիւնը տօնուած էին յաղթանակի արիւնոտ խրախճանքը: «Դիմադիր» կազմակերպութիւնները, Հայ լիբերալներն ու Մենչեւիկները, Սօցիալիստ-յեղափոխականներն ու «անկուսակցականները» հաւատարմութեան տուրք տալով հայրենիքի «անկասութեան», բոլորեցին զեկաւարդ կուսակցութեան պարզած դրօշակի շուրջը ու հակա-յեղափոխական միասնական Ֆրօնտ յայտարարեցին Հայաստանի աշխատաւորութեան եւ նրա մարտական կազմակերպութեան - Կոմմունիստական Կուսակցութեան դէմ» (էջ 140):

Տեսնուում է. պատմարանը չի ասում թէ Սօցիալ Դէմօկրատ Հնչակեաններն էլ, «Հայ լիբերալների ու Մենչեւիկների», «Սօցիալ-Յեղափոխականների» ու «անկուսակցականների» նման «հաւատարմութեան տուրք տալով... հակա-յեղափոխական միասնական Ֆրօնտի» մէջ մտան: Բայց զժուարանում էլ է ասելու, թէ նրանք այդ

բաղկացութեան մէջ չը մտան եւ մինչեւ վերջ շարունակեցին հաւատարիմ մնալ իրենց դրօշին...

Անկողմնակալ պատմարանը այդ մասին լուեւայն չէր անցնիլ, կը խօսէր:

Մի կէտ էլ.

«Մայիսի 7-ին Դաշնակցականները բանտարկուած են մօտ 20 Կոմմունիստ բանուոր...»

Ո՛չ. դրանք Սօցիալ Դէմօկրատ Հնչակեաններ էին:

Ապատամբութիւնը սանձուեց, հակայեղափոխութիւնը յաղթանակը տարաւ. Կոմմունիստներից ամէն մէկը իր գլխի ճարը տեսաւ:

Հայաստանի Կոմմունիստ Կուսակցութեան քարտուզարը չը գիտէ՞ր, թէ՞ դիտմամբ չի ուզում յիշել. — Այդ օրերի մէջ, երբ յաղթող Դաշնակցականները նուազներով էին տօնում իրենց արիւնոտ յաղթութիւնը, Սօցիալ Դէմօկրատ Հնչակեան Կուսակցութեան Երեւանի Մասնաճիւղը որոշեց կռիւը վերաբանալ, ու ամէն պատրաստութիւն տեսնելով՝ իր անդամներից մի քանիսին, բժշկապետ Բնկեր Բենիամին Աղոյեանին (Ուարբերդցի) առաջնորդութեամբ ուղարկեց վարչապետ Օհանջանեանի մօտ: Բնկեր Աղոյեանը կարդացել էր Մասնաճիւղի պահանջը. — «Ներկա յայտնուողներս յանուն Սօցիալ Դէմօկրատ Հնչակեան Կուսակցութեան Երեւանի Մասնաճիւղի պահանջում ենք անմիջապէս բանտից արձակել մեր 20 ընկերներին, եթէ ո՛չ՝ շատից՝ շատ, քիչից՝ քիչ»:

Երբ ընկերները վեր են կենում, պատրաստուում դուրս գալու, վարչապետ Օհանջանեանը խնդրում է մի-երկու բոպէ նստել. անցնում է անմիջապէս հեռախօսի գլուխը...

Հաղիւ «պալատից» դուրս եկած՝ պատգամաւոր ընկերները ողջագուրուում են բանտից արձակուած իրենց 20 ընկերների հետ:

Վարչապետ Օհանջանեանը գիտէր, որ «շատից՝ շատ, քիչից՝ քիչ» ինչ ասել էր:

Իբր մի պատմագրող, իրերը արձանագրող, դասաւորող մի անձնաւորութիւն, ինչպիսին է Հայաստանի Կոմմունիստ Կուսակցութեան քարտուղարը՝ ա՛յդքան կողմնակալութիւն, աշտուութիւն է անում, երբ ա՛յդքան թերութիւններ է ցոյց տալիս. այլեւ մենք մեզ եւ ո՛չ մի իրաւունք ենք տալիս շիւղի չափ անգամ հաւատ ընծայելու իր այն հաւաստումին թէ՛ «Փետրուարեան հակայնդափոխութեան օրերին՝ Երեւանի Հնչակեանները հաւատարիմ հպատակութիւն են յայտնել Ս. Վրացեանին»:

Ի՞նչ կայ այս բոլորի տակը. ի՞նչ է «հաւատարիմ հըպատակութեան» առասպելը: Այդ՝ վաղուց յայտնի է եւ այդ պանդառը նոր չէ:

Փետրուարեան հակայնդափոխութեան օրերին՝ Ընկեր Լազօն, Քրդերի այդ Լուսաւորիչը, նրանց դպրոցների վարիչը, իր կրթական գործը շարունակեց. չը փախաւ: Այս է, որ քարտուղարը, ուռեցնում, «լուս ուղտ է» դարձնում, մասնաւորը ընդհանրացնում:

Երբ գործօրական չը կայ. մարտական ոյժը դուրս է եկել զծից. տիրել է պարտութիւնը... Տերունի Լազօն ի՞նչ պիտի անէր...

Հիմայ ճակատ ճակատի:

«Փետրուարեան հակայնդափոխութեան օրերին՝ Երեւանի Հնչակեանները հաւատարիմ հպատակութիւն» յայտնեցին...» Իսկ դու ինքդ, դու, Հայաստանի Կոմմունիստ Կուսակցութեան ներկայ քարտուղար, դու ի՞նքդ «այդ օրերին» ի՞նչ արեցիր...

Դու փախա՞ր, փախա՞ր.

Երեւի Քէօռ Օղլու խօսքին հետեւեցար թէ՛ «գաշմաք տա քիր մարդըդ տըր», («փախչի՛ն էլ մի տղամարդութիւն է»):

Բայց դու միայն չը փախար. դու թաղնուեցար, պահուեցար: Աւելի ուղիղ կը լինէր դրարառի «զօղեալ» բառը գործածել:

«Ղօղեալ եղեւ», միայն իր կաշին մտածելով. մոռ-

նալով բանտերի ընկերները, դաշտերը ընկնողները, թափառողները...

Եւ այս մարդն է, որ մեր ընկերների երեսին է չզբտում մի մեղադրանք, որի մէջ է՛ն առաջինը, է՛ն խիստը իրեն է վերադառնում:

Պատմութիւն կայ. Սօցիալ Դէմօկրատ Հնչակեանները մի անգամ բռնած իրենց դիրքից փախչողները չեն: Այդ մասին ասելիքներ կ'ունենանք:

Ուրացէ՛ք, ժխտեցէ՛ք, ինչքան կ'ուզէք. իրողութիւնն է, որ Հայաստանի խորհրդայնացման պատմական գործի մէջ՝ Սօցիալ Դէմօկրատ Հնչակեան Կուսակցութիւնը ունեցել է իր որոշ դերը:

Ձգում ենք. ցաւը, մրմուռը խորունկ է: Պարտուել՝ բայց տղամարդից պարտուել. դա շատ մեծ կսկիծ չի պատճառի:

Մեր Պորենացին սուր ճիչ է արձակում, ուզում է որ Զարմայր Նահապետը սպաննուած լինէր Աբիլէսից, եւ ո՛չ թէ հասարակ, երկրորդական բազուկներից:

«Համիդի գնդապետը ոտքիս առաջը չոքեց, հրճուանքով ասաց՝ «զա՛րկ. մեռնում եմ, բայց մեռնում եմ մի տղամարդից եւ ո՛չ թէ ոչինչ մէկից: Այս ասա՛ իմ ազային», պատմում էր Փոքր Հայքի սարսափը եղող՝ Ընկեր Յովհաննէս Մինասեանը:

Տղամարդութեան առանձին արժէք է տալիս ոյժի երկրպագուն:

Մրմուռ է — պարտուել. — «չախմուր» աչքերով մի ոչինչ Վրացեանից:

Փոխանակ «զօղելու» Հայաստանի Կոմմունիստ Կուսակցութեան քարտուղար, թող չուրջդ առնէիր մի քանի տղամարդիկ, յառաջ խիզախէիր եւ գետին գլորուէիր...

Եթէ այդ արած լինէիր, է՛լ քեզ խօսեցնել կարելի չը պիտի լինէր, յետնորդներին պիտի ստիպէիր քեզ «նոր իմն» նարուզողոնսոր պաշակելու... Տնծայաներով, օրհնեցներով...

Բայց ո՛չինչ. ժամանակը սպեղանին կը բերի. նա անցուկը մոռցուկ կը դարձնի:

Սպին փակուում է. այդ «չախմուրին» Սօֆիայի Սօցիալ Դէմօկրատ Հնչակեանները հարկադրեցին կանանց յետևը պահուրտիլ: Թէև «Սորհրդային Հայաստան»ը այդ եղելութիւնը հրատարակեց, «Մարտակոչ»ի հետ միասին, բայց «Կոմմունիստական» լայնախոհութեամբ ձեզ թոյլ չը տուեցիք ասելու, որ անցքի դործօնները որոնք էին: Լուրը, թղթակցութիւնը, որպէս թէ, Երևան գընացել էր Վիեննայից...

Ո՛չինչ. ինչ էլ որ լինի, սա մի սպեղանի է:

Երբ Ֆրիդբերիկոսը (սպաղայ Ֆրիդբերիկոս Մեծը) իր տոաջին ճակատամարտը սկսաւ, լսեց թնդանօթների որոտալը, տեսաւ ձիաւորների բաղխումը, հասկացաւ որ եղածը գրքերի մէջ կարդացուածի նման բերկրանք չի բերում. կաշիի խնդիր կայ, ուստի ձիու գլուխը յետ դարձրեց, փախա՛ւ, փախա՛ւ. մտաւ մի մարազ. որոճում էր ինքնասպանութիւն գործել. բայց «Կուզէի ապրիլ. ապրիլ՝ որ թշնամուս հոգին էլ թունաւորէի...»: Այս մըտքերի մէջն էր, երբ թիկնապահը մարազը մտաւ, ասաց. «Արքայ, յաղթեցինք»: Ու Ֆրիդբերիկոսը ձին աշտանակեց, ճակատամարտի վայրը սլացաւ. գօրք-գօրական գոչեցին «Կեցցէ՛ մեր արխաիրտ, մեր յաղթական հրամանատար արքան»:

Փախա՛ր, թաղնուեցա՛ր, «ղօղեալ եղեր»․ բայց «բանուոր-գիւղացի» ընկերները յաղթութիւնը տարան, ու թեզ էլ Հայաստանի Կոմմունիստ Կուսակցութեան քարտուղար պատմարանը դարձրին... «Պարտութեան, նըւաստացումի» զգացմունքները իրենց սրութիւնը կը կորսընցնեն:

Ներքին վշտին ամենամեծ սպեղանին բերողը, մոռցընել տուողը ժամանակն է. — ասում է հոգեբանութիւնը: Նա անցուկը մոռցուկ կը դարձնի:

Անցուկը մոռցուկ, Հայաստանի Կոմմունիստ Կուսակցութեան քարտուղար:

Յոյս ունինք որ մեղադրանքի «վիհը» մի փոքր նեղցաւ:

Այս էլ թող երթայ. տեսնենք դալիքը:

Բայց, հէնց հիմայ, դու, դարձեալ, դողի մէջ ես, «նա չեկու» ես բացականչում. ամէն կանխադրուածութեան միջոցներ Ձեկայից ես սպասում: Հետևաբար, որպէս կանխապատրաստութիւն փորձանքի օրերի, քեզ յանձնորարում ենք, որպէս թիկնապահ, Սօցիալ Դէմօկրատ Հնչակեան Լզեցի Ա.իկը. մտիր նրա պաշտպանութեան տակ, էլ փորձանքի օրերին չես փախչելի եւ «խուամ» ու «գեափուր» Կոմմունիստներին էլ հաւասարապէս նկուն չես դարձնիլ քո փախչելովդ եւ նորանոր մեղադրանքների արցակներ հիւսելովդ:

Սօցիալ Դէմօկրատ Հնչակեանները շղթայ չեն բերում, այլ ամբողջական ազատագրութիւն՝ պրօփետար, աշխատաւոր դասակարգի համար՝ Հայ իրականութեան մէջ:

10.

Եթէ չարախնդաց, նեղ հոգին չը խօսի, առողջ աչքերը կամաւորապէս կոյր չը դառնան, — կայ մի իրականութիւն, որ չի կարելի չը զնահատել, հոգեւին չը հըրձուելի, տեսնելով որ կան երիտասարդ՝ աննկուն, անչահախընդիր, գաղափարից տարուած ոյժեր, որոնք երէկուան աւերակների կոյտից կռում, կոփում, կերտում են մի նոր՝ վերածնուող Հայաստան:

Այն աշխատանքը, որ Սօցիալիստ Սորհրդային Հայաստանի կառավարչական ոյժերը թափում են, — դա ո՛չ միայն գովելի, խրախուսիչ է, այլև օրինակ թէ՛ հասարակական բարօրութեան գործին նուիրուող մի երիտասարդութիւն ի՛նչ կարող է անել:

Մեղուաջան աշխատանք կայ. խօսքը չէ, որ հովի ալիքներին է տրուում, այլ գործ՝ շինարար, վերակենդանացնող, սանեղծագործող:

Աշխատանքը, բացառապէս աշխատանքն է, որ հարուստութիւններ (richesses) է ստեղծում, բարեկեցութեան ամէն պարմաններ բերում:

Ներկայ Հայաստանը տալիս է այդ հաստատումը: Նրա յառաջգիծութիւնը ակնարախ է, վաղը՝ զգլխիչ:

Այս երեք տարուայ ընթացքում՝ 30-40 տարուայ գործ ստեղծուեց. — սկսած երկրագործականից, ճարտարագործականից, բնակարանային, առողջապահական հաստատութիւններից՝ մինչև զպրոցականը, բարձրագոյն մշակութականը:

Կապիտալիստ ֆրանսիան իր միլլիարդներով այնքան արագ կազդուրում չի բերում իր քայքայուած վայրերի անտեսութեանը, որքան մեր փոքրիկ Հայաստանը՝ իր ամենանեղ պարմաններով: Այստեղ գործողը գաղափարականը, անշահախնդրական է:

Հայաստանի վարիչները գործքով ցոյց են տալիս թէ՛ մի երկրի Սօցիալիստ-Կոմմունիստ կառավարութիւն ի՞նչ պէս է հասկանում իր պարտականութիւնը եւ նա ինչեք անելու ընդունակ է:

Այդ մասին ամէն առարկութիւն՝ պարզ խճրճանք, կամաւոր կուրուցութիւն, աններելի փոքրոգութիւն պիտի նկատուի:

Այդ ուրախառիթ փաստը արձանագրելով հանդերձ՝ հարց ենք դնում թէ՛ արդեօք Հայաստանի Կոմմունիստ Կուսակցութիւնն էլ, նոյն չափով կատարու՞մ է իր պարտականութիւնը. նա էլ բարձրագոյն կէտի վրա՞ն է գաղափարը՝ Սօցիալիստական-Կոմմունիստական սկզբունքները ծաւալելու, ժողովրդականացնելու բոլոր խաւերին՝ գիւղական թէ՛ պրօլետարական՝ հաւասարապէս մատչելի, մարսելի գարձնելու տեսակէտից:

Մարքսիզմը գիտութիւն է. խաւար սյժերը կարող են

նրա դէմ ժամանակաւոր խոչընդոտներ հանել. — բայց ժամանակաւոր միայն: Երբ մի անգամ գիտութեան լոյսը սփռուի, նրա ճառագայթները ամէն կողմ տարածուեն՝ այլևս պժոտ աչքեր չեն մնալ, խաւարը կը փարատի:

Բայց պայմանով, որ այդ գիտութիւնը տարածուի, մատչելի գարձուի, ներկայացուի այնպէս, ինչպէս է:

Իսկ Մարքսիզմը տարածելը ամէն գլխի, ամէն բնշանի գործ չէ: Դրա համար պէտք է կանխապատրաստութիւն, ձեռնհասութիւն:

Կարլ Մարքսի եւ Բակունինի ընդհարման գլխաւոր կէտերից մէկն էլ հէ՛նց այդ էր՝ Առաջին Միջազգայինի տեսուցութեան ընթացքում:

Որպէս զի իսկական Սօցիալիզմ-Գիտութիւնը տարածուէր, նա շեղումների, վարկպարագի մեկնաբանութիւնների չենթարկուէր, — Մարքսը պահանջում էր կեղբոնացեալ գրութիւն. հարկադրում էր որ բոլոր երկրների գործիչ-պրօպագանդիստները, ինչպէս եւ կազմակերպիչները, ենթարկուէին Կեղբոնական Ընդհանուր Սորհրդին. նրան հաշիւ տային իրենց գործունէութեան մասին եւ իրանից էլ հրահանգներ ստանային անելիք-գործելիքի մասին: Ո՛չինչ չը պիտի թողնուէր պատահականութեան. ո՛չ մի մտքի բացատրութիւն կախումն պիտի ունենար գործիչ-պրօպագանդիստի անձնական տեսութիւնից, նրա նախասիրութիւնից: Գործիչ-պրօպագանդիստները հարագատ թարգմանը պիտի հանդիսանային այն բոլոր վրձնոքոչումներին, այն սկզբունքներին, որոնք նախապէս մշակուել, կանոնադրուել, արձանագրուել էին:

Եւ այնքան ժամանակ, որ այդ մեթոտն էր գործում, ամէն ինչ ընթանում էր յաջող. — Գիտական Սօցիալիզմը, Առաջին Միջազգայինի ընդգրկած սկզբունքները շատ մեծ նուաճումներ էին կատարում ամէն երկրների մէջ:

Պրօպագանդայի տեսակէտով՝ Բակունինը այդ մեթոտով չէր ուզում ընթանալ. նրա թէ՛զն էր՝ ամէն ինչ թողնել տեղական կամ երկրային կազմակերպութիւններին,

նրանց գործիչներին, որոնք միահեծանօրէն կարող էին քարոզել, խօսիլ այն՝ ինչոր «իրենց տեղական պայմանները կը պահանջէին»:

Բայց հարց էր դալիս թէ՛ արդեօք տեղական «ինքնավար» գործիչ-պրօպագանդիստները կարո՞ղ, ձեռնհաս էին ուղիղ, ճշմարիտ կերպով գնահատել «տեղական պայմանները» որպէս զի կիրառութեան գրուէին ընդհանուր սկզբունքները: — Իրականութեան բերած բացասական պատասխանի ժամանակ անգամ Բակունին յամառում է:

Եւ տեսնա՞ք, պատմութիւնը ցոյց տուեց թէ Գիտական Սօցիալիզմը ո՛րքան խոր արմատներ ձգեց այն երկրների մէջ, որոնք ընթացան Մարքսի մեթոտով:

Ընդհակառակը՝ Պիրենեան եւ Ապալինինեան երկրներում, ուր ամէն ինչ գնաց սպակեգրոնացման ուղղութեամբ, — Գիտական Սօցիալիզմը այլանդակուեց, այլասեռուեց, գործաւոր-պրօլետար դասակարգին աւելի վրնաս հասցրեց, այդ օրերում, քան օգուտ:

Յանպարտաստից, նախապէս լաւ չը կազմակերպուած գործադուլների միջոցով «գործաւորական ազատագրութեան» ձգտող Բակունին առաջինը փախաւ, Լիոնի գործադուլաւորներին կրակի ու սրի առաջ թողնելով, երբ բուրժուազական զօրքերը քաղաքին մօտեցան:

Գիտութիւնը զէնք է. բայց այդ զէնքը գործածել պէտք է զիտնալ:

Հարց. այդ նկատմամբ Հայաստանի Կոմմունիստ Կուսակցութեան քարտուղարը կատարո՞ւմ է իր պարտականութիւնը:

— Ո՛չ:

Տեղին վրայ չենք. բայց դա չի խանգարում որ անցած-դարձածից տեղեկութիւն չունենանք, չը խօսենք: Չէ՞ որ կայ լրագրութիւն, չէ՞ որ նա կեանքի երեւոյթները օրը օրին, աւելի կամ պակաս չափով, բայց վերջապէս մի որոշ աստիճանով գծագրում, իր սիւնակների մէջ է պատկերացնում, — այդտեղից էլ, գէթ մասնաւոր, դա-

դափար կարող են կազմել հեռաւորները, ոչ-ականատեսները:

«Սորհրդային Հայաստան»ի թիւերը մեր ձեռքն են: Երկրի դանազան կողմերը — Գարալագեազ, Չանդեզուր, Ղամարու, Նոր Բայազիտ, Ստեփանաւան, Էւալն — զնացող գործիչ-պրօպագանդիստները իրենց տեղեկազրբերին մէջ ասում են որ Գիտական-Սօցիալիզմ-Կոմմունիզմի պրօպագանդան շատ մեծ յաջողութեամբ եւ արագ ծաւալով առաջ չի գնում: Բջիջներ կազմուած՝ քանդում են: Եղածներն էլ շատ քիչ անդամներ ունին: Վերջապէս՝ պրօպագանդայի մասը աւելի քան թոյլ է, կաղում է:

Եւ շատ պարզ է, որ ա՛յդ՝ այդպէս էլ պիտի լինէր: Գործիչները պատրաստուած, ձեռնհաս անձեր են: Ի՞նչ գրքեր են տուել գործիչ-պրօպագանդիստներին. — Բուխարինի «Կոմմունիզմի Այբբենարանը» եւ Կա՛վալենկոյի «Քաղաքական Գրագիտութիւնը»: —

Թարգմանութեան պակասութիւնները թողնելով՝ այդ գրքերով շատ բան չի կարելի սովորացնել. նրանք անգոհացուցիչ են: Այդ գրքերը կարելի էր աչքի առաջ ունենալով՝ փոխադրութիւններ անել միայն: Տքտքալով կարգացող Հայ դիւլացին, գործաւորը նրանցից շատ բան չի հասկանալ, երբ ամէն նախադասութեան մէջ կանգ պիտի առնի չը բացատրուած գիտական եզրերի առաջ:

Ժողովրդին լաւ մշակուած, դիւրահասկանալի ոճով գրուած՝ Մարքսիստական դրականութիւն տալ, — դա է՛ն առաջին մղիչ գաղափարը պիտի լինէր Հայաստանի Կոմմունիստ Կուսակցութեան համար ընդհանրապէս, նրա Քարտուղարին՝ մասնաւորապէս:

Իր անմիջական պարտականութեան մէջ թերացողը՝ մեզ զէմ է որ մեղադրանքների ցանկ է կազմում...

Եւ ի՞նչ ասում այս անգամ.

— «Կան Հնչակեան քերթեր եւ կազմակերպութիւններ, որ ներհակում են Կոմիստերնի արձակած միութեան լոզունգին»:

Թէ մեր Կուսակցութեան եւ Կոմիտեանի միջեւ ծագած խնդիրը ի՛նչ է, ի՛նչ բնաւորութիւն ունի, — այդ մասին խօսել, հարցը պարզել, փակել ենք:

Հայաստանի Կոմիտենիստ Կուսակցութեան քարտուղարը Կոմիտեանի կամ Կոմիտեանի Գործադիր Մարմնի գործադիր պաշտօնեա՞ն է. — Ո՛ր է:

Կայ Սօցիալ Գէմօկրատ Հնչակեան Կուսակցութիւն, կայ Կոմիտեան. իւրաքանչիւրը իր համար խօսելու կարողութիւնը ունի. իր միջնորդութեանը պէտք կա՞յ. — Ո՛ր է:

«Կոմիտեանի արձակած միութեան լօղունդին ներհակել ենք» — «ներհակել» ենք՝ պատճառարանութեամբ, յանուն հայ իրականութեան, յանուն Մարքսիստական-Կոմիտենիստական շահերի:

Բանագնացութիւնները շարունակուե՞մ են, եւ տակաւին պիտի շարունակուին. — այդ առել է թէ մենք հակա-կոմիտենիստականնե՞ր, հակա-մարքսիստականնե՞ր ենք: Մեղադրուե՞մ ենք. յանցանքի մէ՞ջ բռնուե՞մ:

Լաւ: Հայաստանի Կոմիտենիստ Կուսակցութեան քարտուղարը թող այդ կէտի վրայ կանգնի, կանգնի ամուր, եւ լսի:

Երրորդ Միջազգայինի կազմական կանոնագրի համաձայն՝ ամէն երկիր պիտի ունենայ իր մէկ հատ Կոմիտենիստ Կուսակցութիւնը, որ հ ա տ ու ռ ա ծ ը պիտի նկատուի ամբողջականութիւնը ներկայացնող Կոմիտեանի:

Հայաստանի Կոմիտենիստ Կուսակցութեան եւ նրա քարտուղարի գործունէութեան, իրաւասութեան շրջանն է՝ բացառապէս՝ Հայաստանը:

Արդ, ի՛նքը առաջինը չէ՞, որ ոտնակոխուե՞մ է Կոմիտեանի կազմակերպչական կանոնագիրը, Արարատից իր Հովուականը ուղարկելով Ատլանդեան Ովկիանոսի ափերը:

Մենք «ներհակել» ենք այն մարմնի «լօղունդին», որի կազմական կանոնագրի վրայից է քարտուղարը թռչում: Եթէ «յանցանք» կայ. ապա երկու կողմին էլ կայ. իր «յանցանքը» մերինից պակաս չէ: Բայց ինքը է՛լ աւելի «յանցաւոր» է, որովհետեւ վարժապետի դերի մէջ է դրնում իրեն:

Եւ զարմանալի չէ՞, որ քարտուղարը մեզ մեղադրում է «յանցանքի» այնպիսի մի տեսակի մէջ, որի մէջ ինքն էլ է գտնուե՞մ, նոյն իսկ աւելի խտապօյնինը:

Հայաստանի Կոմիտենիստ Կուսակցութեան քարտուղարը ասելիք ունէ՞ր Ամերիկահայ բանուորութեան, — կարող էր դրել Մոսկուա, Գործադիր Մարմնին եւ այդպիսի օրինաւոր միջոցով իր խօսքը մեր ակննջին կը հասցընէր, ինչպէս եւ այն բոլորին, որոնց ցանկանում էր: Ինքը «յանցաւոր» չէ՞, երբ օրինական եւ պատասխանատու Բարձրագոյն Մարմնի զլխի վրայից է անցնում...

Կա՞ր Ամերիկայի մէջ Կոմիտենիստական մի Կուսակցութիւն կամ կազմակերպութիւն, որ ներկայացնէր Երրորդ Միջազգայինը. երկրային (տեւրիտօրիալ) հատուած կա՞ր այս երկրին մէջ, — կարո՞ղ էր նրան գիմել, նրան դրել, առ առաւելն: Իր Հովուական նամակը այդ խողովակով էլ չի եկել:

Երբ օրինական այդ խողովակներով չի հասցրել իր խօսքը, հարկ է տեսել ուղղակի խօսել Ամերիկահայ բանուորութեան հետ, — պարզ է, ինքը, յակամայիցս, չի՞ ընկնում Սօցիալ Գէմօկրատ Հնչակեան Կուսակցութեան հետեւած մեթօտի տակ, նրա հասկացողութեան, գործունէութեան եղանակը չի՞ ընդգրկում, գուցէ անդիտակցարար:

Մեզ համար կայ Հայաստան-իրակաւնութիւն, Ամերիկահայ իրակաւնութիւն, եւ այլն: Այդ իրակաւնութիւնները հայ պրօլետարներ, գործաւորներ, աշխատաւորներ են. նրանք ունին իրարու մօտեցնող, շաղկապող շատ գրեթէ երկու ընդհանուր շահեր, մանաւանդ այս գերազանցօրէն

անցողական շրջանի մէջ. ուզում ենք որ այդ բոլոր հայ իրականութիւնները որքան կարելի է իջարու մերձենան, իրարու համերաշխին, միասեղ՝ ընդհանրական, Սօցիալիստական-կոմմունիստական գործ կատարեն, իրենց գործունէութեան անմիջական զաշտը անեն, գլխաւորապէս, Հայաստան, առանց հակասելու տեղական բնոյթ կրող Սօցիալիստական գործին, բայց չը ցանկանալով որ նրանք ձուլուին եւ իրենց գործունէութեան թատերաբեմը դարձնեն, բացառապէս, այն տեղական միջավայրերը ուր իրենք գտնուում են բախտի բերամբ, ու իրենք քաղաքական ամէն իրաւունքէ զուրկ են, — բանաւոր չի՞ նկատուում, ընդունելով հանդերձ որ այդ մեթոտը բաղխում է Երրորդ Միջազգայինի կանոնադրային հասկացողութեան: Բայց կանոնադրային հասկացողութիւնը վերացական չը պիտի լինի. նա պիտի պատշաճի իրականութեան, եւ երբ մեր իրականութիւնը կանոնադրային այդ հասկացողութեան չի յարմարուում, զառաձուլութիւնը մի յանցանք չէ, երբ ընդհանուր պրօլետարական գործը դրանից չահուում է:

Համոզեցուցի՛չ չէ՞ սա:

Ի՞նչն է ստիպում — եւ մենք ծափահարում, գոփում ենք այդ ջանքը, այդ աշխատութիւնը — որ Հայաստանի կառավարութիւնը իր տերրիտորիայի սահմաններից դուրս գալով՝ մտածում, ձեռնարկներ է անում դուրսերը՝ օտար երկիրներ գտնուող Հայ գաղթականների, հայ որբերի մասին. — Հայ իրականութիւնը, որ ուրիշ վայրերի իրականութիւնից իր մասնալատկութիւնը, իր տարբերութիւնները ունի:

Սօցիալ Դէմօկրատ Հնչակեան Կուսակցութեան կազմակերպչական ձեւը, նրա տակտիկան չի՞ արդարանում այստեղ:

Անցնենք. ցոյց տանք, որ Հայաստանի Կոմմունիստ Կուսակցութեան քարտուղարը ո՛ր աստիճան իրազեկ է հայ իրականութիւնից. ցոյց տանք որ իր աղբիւրները ո՛ր

աստիճանի միակողմանի եւ սակասաւոր են եղել, ընթացել են լոկ անձնական միտումներով:

«Ամերիկայի Ուորկըրս Պարտիի Հայկական Ֆեդերացիա, — Սօցիալ Դէմօկրատ Հնչակեան Կուսակցութիւն» կար:

Մեր դիտողը ի՞նչ է ասել այդ մասին. ահաւասիկ. — «Դաշնակցականները չէին դալ մի կազմակերպութեան մէջ մտնել, որ կրում է Հնչակեան անունը»:

Գիտենք. այդ միտումնաւոր թէզի տակը կար՝ Սօցիալ Դէմօկրատ Հնչակեան Կուսակցութեան անունը վերցրնել... պարա՛պ աշխատանք:

Այս եօթերորդ ամիսն է, որ «Ֆեդերացիա» գոյութիւն չունի. եւ Ուորկըրս Պարտիի Այբ եւ Բէն հատուածները գոյութիւն ունին: Հարց. քանի՞ Դաշնակցականներ զնացին միացան այդ կազմակերպութեանց հետ, ուր չը կային Սօցիալ Դէմօկրատ Հնչակեաններ, — եւ ո՛չ մի. բացարձակապէս՝ եւ ո՛չ մի: Ընդհակառակը «Ֆեդերացիայի» մէջ եկող Դաշնակցականները, «Ֆեդերացիայի» լուծուելուց յետոյ՝ կամ չէզոքացան, կամ նորից իրենց նախկին Կուսակցութեանը դարձան. եւ սա իրականութիւն է:

Ուրիշ Հարց. Ուորկըրս Պարտիի երկու հատուածները Այբր եւ Բենը, «Ֆեդերացիայի» քանդուելուց յետոյ՝ միացա՞ն իրարու հետ, միաձուլութիւն տեղի ունեցա՞ւ. — Ո՛չ: Հրատարակուեց «Բանուոր» եւ «Գործաւոր», իրարու հակամարտ ուղղութեամբ: Եւ Սօցիալ Դէմօկրատ Հնչակեան Կուսակցութիւն չը կար որ իրենց մէջ բաժանուած ձգէր:

Հիմայ էլ՝ «Ուորկըրս Պարտիի Հայկական Հատուածը» հրատարակում է կազ-կազ մի «Պրօլետար», «անարխիական», «սօցիալիստական», «կոմմունիստական» olla podrida — չիլափլաւ ուղղութեամբ, — անկազմ, խառնափնթոր ուղեղների մի դործ, որից դաղափարական ե՛ւ ո՛չ մի անունը կարող է առնել հայ գործաւորը:

Իսկ սրա հետեւանքը այն եղաւ, որ շատ հայ գործաւորներ, «Հայկական» այդ «Հատուած»ի մէջ էլ չը մնացին. նրանք ուղղակի կապուեցան Ուորկըրս Պարտիի Գործադիր Մարմնի հետ: Եւ սրանք հայ գործաւորներ են, որ պարտականութիւն ունին. բայց եւ ո՛չ մի իրաւունք: Նրանք մնում են խաւարի մէջ, որովհետեւ տեղակամ լեզուն չը գիտեն. նրանք իրենց մտաւոր պաշարը ստիպուած են վերանենել՝ դարձեալ՝ նախկին աղբիւրներից:

Մի քիչ էլ առաջ:

Հէնց այն անձինքը եւ խմբակցութիւնը, որին ուղղել էր իր Հովուական Կոչ-Նամակը՝ Հայաստանի Կոմմունիստ Կուսակցութեան քարտուղարը, նրանք միացա՞ն, գնացին-մտա՞ն Ուորկըրս Պարտիի Հայկական Հատուածի մէջ. — Ո՛չ: Եւ չը պիտի երթան էլ:

Ուզում ենք ասել, որ Հայաստանի Կոմմունիստ Կուսակցութեան քարտուղարի մեր դէմ եղած փաստերը շատ փխրուն են. իրականութիւնը իր տեսութիւնից բոլորովին խուսափած է. խօսած է միայն կիրքը, կուսակցական անհամբերութիւնը:

11.

Հայաստանի Կոմմունիստ Կուսակցութեան քարտուղարը ցանկանում է, նոյն իսկ «համագումար» է, որ «Արտասահմանի բանուորութիւնը չի յապաղի իր համերաշխութիւնը յայտնաբերելու Հայաստանի աշխատաւորութեան ու իր ղեկավար կուսակցութեանը»:

«Արտասահմանի հայ բանուորութիւնը» իր «համերաշխութիւնը» բերել, արտայայտել էր Քարտուղարի Հովուականից դեռ շատ ժամանակ առաջ: Իր Կոչը չէր, որ «Հայ բանուորութեան» պարտահանաչութեանը զարկ պիտի տար: Ընդհակառակը իր գրութիւնը եկաւ սկսուած «համերաշխութեան» դորձը ո՛չ միայն դժուարացրե՞նելու, այլ՝ հարուածե՞լու: Թէեւ այդ «համերաշխութիւնը» անսայթաքօրէն պիտի շարունակուի:

Իր, վերեւ դրուած, խօսքը՝ դարձեալ՝ կիրք, անհամբերութիւն է՝ ուղղուած Սօցիալ Դէմօկրատ Հնչակեան Կուսակցութեան դէմ:

Սօսքի ոգին այն է թէ՛ «համերաշխութիւնը» կը լինի այն ժամանակ, երբ մեր Կուսակցութեան անունը կը ջնջուի եւ «Հայ բանուորութիւնը» կը դառնայ «Ամերիկայի Ուորկըրս Պարտիի մէկ հատուածը»:

Թէ՛զի հակասութիւնը, ցանկութեան գունաւորումը հէնց իր մէջն է:

Թողնենք մեր առաջուան դիրքն ու գրութիւնները, մեր մամուլի արժարժած մտքերն ու պաշտպանած թէ՛զերը, — հարց. «Ֆեդերացիան» կազմուելուց յետոյ՝ նրա պաշտօնակամ օրգան «Երիտասարդ Հայաստան»ի մէջ երեւցա՞ւ մի հատ հակա-մարքսիստական, հակա-կոմմունիստական դրութիւն կամ անբարեացակամ վերաբերմունք դէպի «Հայաստանի բանուորութիւնը» եւ նրա «ղեկավար» Կուսակցութիւնը. — ո՛չ: Այդ չէր էլ կարող լինիլ, որովհետեւ թերթը խմբագրողները Հայաստանի Կոմմունիստ Կուսակցութեան «վարիչ» անդամներից է՛լ աւելի եփուն, պատրաստուած, ձեռնհաս Մարքսիստներ էին. նրանք 38-40 տարուայ հրապարակախօսային-գրական կեանք ունէին իրենց յետեւը. նրանք Մարքսիստական Գիտութիւնը տարածելու, կիրառելու համար՝ արիւնների միջից էին անցել:

Քարտուղարի եւ իր մի կարգ «Կոմմունիստ» ընկերների կիրքը, անհամբերութիւնը մասամբ հասկանալի կը լինէր, եթէ նրանք մատնանիչած լինէին մի այսպիսի կէտ:

Այդ թողած՝ Քարտուղարը ընթանում է ասէ-կօսէներով. առանց մեր գրականութիւնից ճշգրիտ տեղեկութիւն ունենալու:

«Համերաշխութիւն», աւելի ուղիղը պիտի լինէր ասել՝ համագործակցութիւն Հայաստանի Կառավարութեան, Հայ Բանուորութեան եւ նրա «ղեկավար Կուսակցութեան» հետ, — դա Սօցիալ Դէմօկրատ Հնչակեան Կուսակ-

ցութեան գիրքն ու թէ՛գն է եղած: Մեր կողմից՝ ո՛չ ըսկըզրունքային համերաշխութիւնն է պահած, ո՛չ էլ գործքի:

Հայաստանի Կոմմունիստ Կուսակցութեան քարտուզարի պաշտպանած գիրքն ու թէ՛զը ո՛չ թէ՛ գալիս է այդ «համերաշխութիւնը, համագործակցութիւնը ընդգծելու, է՛լ աւելի ամրապնդելու, յողաւորելու — ընդհակառակը, հարուածելու, խզում առաջացնելու, խեղանգամելու:

Եթէ Ամերիկահայ բանուորութիւնը ձուլուէր անքովանդակ «Ուորկըրս Պարտիի» մէջ, նրա ամբողջականութեան մի անբաժան մասը դառնար — այդտեղ «համերաշխութիւն», համագործակցութիւն բառերը կը կորցնէին իրենց իսկական միտքը. կը մնար միայն պատրանքը: Այդպիսով Ամերիկահայ բանուորութեան եւ Հայաստանի բանուորութեան միջեւ կը քաշուէր մի տարանջատող պատուար: Հայ բանուորութեան գործունէութեան միակ ասպարէզը պիտի լինէր Ամերիկան: Հայաստանի բանուորութիւնը նրանից գործակցութիւն, աջակցութիւն չը պիտի կարողանար ստանալ: «Համերաշխութիւնը» այդպիսով, կը մնար բառ, միայն բառ:

Իսկ Ամերիկահայ բանուորութեան 100-ից 99 1/2-ի համար հարցն է նախ Հայաստան: Եւ իրաւունք էլ ունի. սա հայ իրականութիւնն է:

Ամերիկահայ բանուորութիւնից կարելի է պահանջել, որ նա մարքսիստական-կոմմունիստական դաստիարակութիւն ձեռք բերի. բայց չի կարելի նրան անդամալուծել, կապել բացառապէս Ամերիկայի հետ: Ամերիկահայ բանուորութիւնը քաղաքացի չէ. նա կարող է, յարմար պարագային, իր աջակցութիւնը տալ տեղական մարքսիստական ոյժերին, գործաւորութեանը. բայց առաջին գծի վերայ չի կարող անցնել, որովհետեւ իրապագութիւն մէկն է, դուրս նետուել կայ եւ իր համար գլուխ դնելու տեղի չգոյութիւնը կայ: Եւ արդէն ի բնէ ըմբոստ ոգի կրող հայ բանուորը ե՞րբ է յետ մնացել, երբ բանուորական գործ է

մէջտեղ եկել ու պաշտպան կանգնելու հարց դրուել: Նա իր բանուորական մարտական պարտականութիւնը կատարել է — սարկներով իր գործից զրկուելու հետեւանքով:

«Պրօլետարներ երկիր (հայրենիք) չունին» — շա՛տ ճիշտ: Չունին, որովհետեւ այդ հայրենիքի տարածութիւնները, նրա ամէն կարգի հարստութիւնները բուրժուաները, կալուածատէրերը, եւ այլն, սեպհականացրել են: Ամերիկացի բանուորը այդ հայրենիքից մասն ու բաժին չունի. նրա «հայրենիքը» իր բազուկները, գործարանի շորս պատերն են: Նոյնն է եւ Ամերիկայի Հայ բանուորութեան համար: Բայց այդ երկու եղբայր բանուորները մէջ՝ գունաւորումի մի տարբերութիւն կայ: Ամերիկացի բանուորը եթէ գործարանից դուրս է նետուում, դէթ երկրի սահմաններից չի արտաքուսում: Բուրժուազգայնական ոգին իր խարութիւնները յառաջ է քաշում, եւ հազիւ մի ապաստան գտնող Հայ բանուորը, իրեն կանգնած է տեսնում մի այլ ահուկի անստուգութեան առաջ, — երթա՛յ, դո՛ւրս գայ — բայց ո՞ւր:

Եւ ահա թէ ինչու Հայ բանուորը նախ ձգտում է Հայաստան ունենալ, Հայաստանը զարգացնել, բարգաւաճեցնել, որ մի օր բնակութեան վայր ունենայ: Ահա թէ նա ինչո՛ւ է աչքերը դարձնում դէպի Հայաստան, իր համագործակցութիւնը, իր համերաշխութիւնը նախ նրան է ուզում բերել:

Անցողակա՛ն վիճակ: Երբորդ Միջազգայինի կանոնադրին բաղիտում, — բայց սա Հայ իրականութիւնն է: Ամէն իրականութիւն միեւնոյն կազապարի մէջ չի մտնում, գժբախտարար:

Այս միեւնոյն հոգեբանութիւնն է տիրում բոլոր դադթավայրերի հայ բանուորների մէջ:

Ի՞նչ շահ կայ նրա այլ թոխէքը խափանել՝ կանոնադրային որոշումներ՝ կան — լա՛ւ. թող մի ժամանակի համար կանոնադրային այդ արամադրութիւնները քնանան:

Հայաստանի Կոմմունիստ Կուսակցութեան առաջին ցանկութիւնը պիտի լինէր «արտասահմանի» Հայ բանուորներին կապել, ամենից առաջ, Հայաստանի հետ, եւ ո՛չ թէ նրան թելադրել՝ ձուլուել տեղի միջավայրի մէջ եւ կորչել Հայաստանի բանուորութեան համար, — երբ փոխադարձաբար իրարու պէտք ունին, կենսական շահեր իրարու հետ կապում են, հակառակ ամէն տեսակի դատող հեռուորութիւններին:

Եւ արդէն իրեքը այդ բնական ընթացքը առել են: Այդ ուղղութեամբ էլ զարգանում են:

Գիտողութեանց ընդհանուր ցանկին մէջ մի կէտ էլ կայ, որ պարտք ենք համարում վեր առնել. — ասուած է՝ Սօցիալ Գէմօկրատ Հնչակեան Կուսակցութիւնը «Պատմականօրէն մահուան է դատապարտուած»:

Յառաջգիմութեան, զարգացման օրէնքները կան. նըրանցից չի կարելի խուսափել. յաւիտենական ո՛չինչ կայ. ամէն հաստատութեան գոյութիւնը յարարեալական է:

Հետեւապէս a priori տեսութեամբ՝ ամէն Կուսակցութիւն «պատմականօրէն մահուան է դատապարտուած»: Եթէ մեր Կուսակցութիւնը այդ օրէնքից դուրս չը պիտի մնայ, ապա նրանից բացառութիւն չի կարող կազմել, եւ Հայ Կոմմունիստ Կուսակցութիւնը, նա էլ, ուրիշներին նըման, «պատմականօրէն մահուան է դատապարտուած»:

Ոնգիքն է ժամանակը, տեսողութիւնը, պայմանները, քանի որ բացարձակութիւն չը կայ եւ չի էլ կարող լինել: Իվօլյուցիայի օրէնքները ո՛չ բնադատութիւններն են ենթարկում, ո՛չ էլ կայուն դրութեան մէջ մնում. նրանք ընթանում են մարդկանց կամքից բոլորովին անկախ:

Կուսակցութիւնները կը մահանան, երբ իրենց գոյութիւնը արդարացնող քաղաքա-անտեսական հող չեն ունենալ. երբ որ եւ է դասակարգի վրայ չեն յենուիլ. երբ իր յենակէտը եզոզ դասակարգը կը համի իր Մրազրի մաքսիմումին, ամբողջականութեանը. երբ նրա պաշտ-

պանած սկզբունքները կեանքի բաժինը կը դառնան, գործադրութեան մէջ կը մտնեն:

Ոնգիքը ներկան է, ԱՅՍ ժամանակաշրջանը:

Ունի՞նք մենք, տակաւին, հող, պայմաններ, յենակէտներ մեր Կուսակցական միասիան շարունակելու. — Այո՛. ունինք:

Սպառա՞ծ է մեր ծրագիրը. իրականացա՞ծ են մեր սկզբունքները, — Ո՛չ:

Այդ այո՞ն եւ ո՛չը մեզ տալիս է հայ իրականութիւնը, որից ծնուել, կազմակերպուել ենք եւ ունինք հարուստ պատմութիւն:

Հայ այդ իրականութիւնը ամբողջական, իր լրումին հասա՞ւ, երէկուան իրականութիւնը մարքսիստական-կոմմունիստական իրականութեան վերածուցեա՞ւ իր ամբողջութեանը մէջ. — Ո՛չ: Քանի որ՝ ո՛չ. քանի որ այդ իրականութիւնը զեռ իր սուր պահանջներով կայ, — մենք կանք եւ պիտի լինինք:

Ներկայ Հայաստանի իրականութիւնից դուրս ուրիշ Հայ իրականութիւններ կան, որոնց մէջ Հայ Կոմմունիստ Կուսակցութիւնը չի ուզում գործ ունենալ. միայն այդ չէ, նա թելադրում է այդ իրականութեանց մէջ ազրոզ Հայ բանուորին, զիւղացուն, ձուլուիլ, չքանալ իր միջավայրի մէջ. — մենք այնտեղ կանք, տալիս ենք նրան Մարքսիստական դաստիարակութիւն, նրա ընդհանուր գործունէութեան առանցքը ուզում ենք դարձնել այսօրուայ եւ վաղուան Հայաստանը: Եւ հէնց այդ նպատակով էլ չենք ուզում որ Հայ իրականութիւնները իրարուց խզուին, տարանջատուին...:

Մարքսիստական սկզբունքը չի տուժում, տուժում է Երրորդ Միջազգայինի դժած կանոնադիրը. — բայց կեանքը աւելի բարձր է քան մի կանոնադիր:

Տարօրինակ չէ՞, որ մի տարի առաջ՝ Հայ Կոմմունիստ Կուսակցութեան զլիաւոր օրգանները մեզ յորդոր էին կարգում, հայ բանուորին, արտասահմանի մէջ, մեր

չարքերի մէջ առնել. իսկ այսօր նրանցից ոմանք ո՛չ մի-
այն ցանկանում են մեր Կուսակցութեան անունը վերցը-
նել, այլեւ Հայ բանուորին էլ ձուլուելու ճանապարհն են
ցոյց տալիս, որից եւ ո՛չ մի անմիջական շահ կայ՝ Մարք-
սիզմի գործնականացման տեսակէտից:

Այո՛. Հայ Կոմմունիստ Կուսակցութեան «գաղտնի
դիւանագիտութիւնը» եղաւ՝ մեր Կուսակցութիւնը լու-
ծել, ցրուել՝ Երրորդ Միջազգայինի նախադասութեան
միջոցով. — բայց դա իր սխից շա՛տ շա՛տ վեր էր. կեան-
քը ցոյց տուեց այդ:

Մենք մեր ուղին կը շարունակենք, կը մնանք Հայ ի-
րականութեան մէջ. նրա արտայայտիչը կը լինինք, կը
գործենք, եւ յոյս ունինք, որ մի գեղեցիկ օր էլ, մեզ ջըն-
ջել ուղող այսօրուայ Հայ «Կոմմունիստներին» Արածա-
նիի եւ Եփրատի ջրերից էլ կը խմցնենք, ինչպէս որ Ա-
րաքսի ջրից խմցրինք, որից, սակայն, շատ առաջները
փախչելով փախչում էին...

Մենք մեր Մարքսիստական-Կոմմունիստական գործը
կը շարունակենք:

Նկատում ենք նաեւ, որ Հայաստանի Կոմմունիստ
Կուսակցութեան «ղեկավար» մի մաս անդամների բռնած
դիրքը, նրանց հոգեբանութիւնը արտասահմանի Հայ բան-
ուորութեան մէջ ո՛չ միայն շփոթութիւն է յառաջացնում,
ա՛յլ զարկ տալիս, օգնում հակա-յեղափոխական, հակա-
մարքսիստական, բուրժուազական տարրերին:

Թէեւ շատ որոշ կերպով ասուած չէ. բայց ցանցնուած
մտքերից այն եզրակացութիւնն է դուրս գալիս, որ Հայ
ժողովրդի գլխով անցած բոլոր աղէտների պատասխա-
նատուն ո՛չ թէ Կարմիր Սուլթանն էր, կամ հրէշածին Իտ-
տիհատը, այլ նա՛եւ մեր Կուսակցութիւնը:

Ի՞նչ ասել այդ մասին. խօսի՞լ — դա մեզ շատ հե-
ռուն կը տանի:

Միայն այս ասենք:

Սասունի 1894-ի կոտորածի վիաներից երկուսը՝ Ե-
սայի եւ Կարապետ վարդապետները, Մշոյ քննիչ՝ յանձ-
նախումբի առաջ վկայեցին թէ՛ իրենք ականատես էին.
տեսան որ թուրք զինուորները շարան-շարան հանդարտ
կեցած էին եւ Սասունցիներն էին, որ նրանց սուխների
վրայ յարձակուեցան ու իրենք իրենց կոտորեցին...

Գործ շա՛տ. ասպարէզ ընդարձա՛կ: Սմէն կուսակ-
ցութեան էլ տեղ կայ. ամէն գործիչի էլ լայն ասպարէզ:

Մենք չենք նախանձում. ընդհակառակը սրտանց ու-
րախանում ենք, երբ Մարքսիստ մի Կուսակցութիւն նը-
ւաճումներ է անում:

Մենք, ուրեմն, մնում ենք մեր Մարքսիստի դիրքի,
սկզբունքների վրայ եւ շարունակում մեր ուրոյն, անկախ
գոյութիւնը:

Քայլելիք ասպարէզ գեռ շատ ունինք:
Ու պիտի քայլենք:

ՎԵՐՋ



ԿԱՐԵՒՈՐ ՎՐԻՊԱԿ

Յառաջարան, Բ. էջ, վերէն վար 12-րդ սոյ—
փոխան՝ «Մենք համակարծիք գտնուեցինք Լենինի
հետ՝» ի

Պէտք է ըլլայ՝ Մենք անհամակարծիք գտնուեցինք
Լենինի հետ՝ եւայլն:



Ա Ձ Դ

Շուտով Պիտի Հրատարակուի

Ս. ՍԱՊԱՀ-ԳԻԻԿԵԱՆԻ

ՓՈՔՐ ՀԱՅՔԻ ՅԻՇԱՏԱԿՆԵՐԸ

(Բ. Հատր)

որ ունի մեծ արժէք եւ նշանակութիւն մեր նորա-
գոյն պատմութեան համար: Մանրամասնութեանց
համար գիմե՛լ՝

ARSEN DEBBAGHIAN

P. O. Box 83, Union City, N. J.

Ս. ՍԱՊԱՀ - ԳԻՒԼԵԱՆԻ
ԵՐԿԱՍԻՐՈՒԹԻՒՆՆԵՐԸ

- 1.- Եւրոպայի ֆաղափական դրութիւնը Բերլինի դաշնադրութիւնից յետոյ :
- 2.- Գործաւոր Գասակարգը :
- 3.- Կապիտալիստ Գասակարգը :
- 4.- Սօցիալիզմ եւ Հայրենիք, պրակ I
- 5.- Երիտասարդ Թիւրքիա :
- 6.- Հարցարան (Հողային) :
- 7.- Հերդեր եւ Իր Քաղափական Հայեացքները :
- 8.- Ինֆնալար Հայաստան :
- 9.- Պատասխանատուները :
- 10.- Սօցիալիզմ եւ Հայրենիք, պրակ II
- 11.- Փոքր-Հայքի Յիշատակներ, Ա. Մառ :
- 12.- Արմենակ եւ Աբրահամ :
- 13.- Բառերի եւ Եզրերի Բացատրութիւններ :
- 14.- Փոքր Հայքի Յիշատակներ,
Բ. Հատոր (անտիպ) :